

প্রকাশক

শ্রীঅমিয়রঞ্জন মুখোপাধ্যায়

ম্যানেজিং ডিরেক্টর

এ, মুখার্জী আন্ড কোং প্রাঃ লিঃ

২, বঙ্কিম চ্যাটার্জী স্ট্রাট, কলিকাতা ১২

প্রথম প্রকাশ, জ্যৈষ্ঠ, ১৩৫৭

মুদ্রাকর

ক্রীতদোশেশচন্দ্র সরথেল

ক্যালকাটা ওরিয়েন্টাল প্রেস প্রাঃ লিঃ

৯, পকানন ঘোষ লেন

কলিকাতা-৯

প্রিয়ভাষী কবি

শ্রীহরপ্রসাদ মিত্র

বঙ্কুবরেণ্য

নিবেদন

খুব কাছের থেকে বাঙালি যখন রবীন্দ্রনাথকে দেখেছে, তখন এই
বহুমুখী দিব্যপ্রতিভার মহিমা যথাযথভাবে হৃদয়ঙ্গম করতে পারে নি।
আজ বিশ বৎসরের ব্যবধানে রবীন্দ্র-প্রতিভার বহুমুখিতার প্রতি
আমাদের মনোযোগ নিবদ্ধ করার প্রয়োজনীয়তা দেখা দিয়েছে।
মধ্যযুগে লিওনার্দো দ্য ভিঞ্চি এবং আধুনিক যুগে গোটে ছাড়া আর
কোনো প্রতিভা রবীন্দ্র-প্রতিভার সঙ্গে তুলনায় দাঁড়াতে পারে না,
এই সত্য হৃদয়ঙ্গম করার দিন আজ এসেছে বলে মনে করি। এই
গ্রন্থ তারই বিনীত প্রয়াস।

আমার দুই অনুজ শ্রীমান অশোককুমার ও শ্রীমান অমিতকুমার
প্রেস-কাপি তৈরী করে দিয়েছেন।

অরুণকুমার মুখোপাধ্যায়

সূচীপত্র

রবীন্দ্রনাথের মানবধর্ম	১
উনিশ শতকের গীতিকবিতা ও রবীন্দ্রনাথ	১২
এবিশ শতকের গীতিকবিতা ও রবীন্দ্রনাথ	৩৪
রবীন্দ্রনাথের প্রেমচিন্তা	৪৮
রবীন্দ্রনাথের রাষ্ট্রচিন্তা	৫৬
রবীন্দ্রনাথের ধর্মচিন্তা	৭৫
রবীন্দ্রনাথের মঞ্চচিন্তা	৯২
রবীন্দ্রনাটকে সমাজচিন্তা	১০৯
রবীন্দ্রনাথের ছবি	১১৯
‘ছিন্নপত্রাবলী’র রবীন্দ্রনাথ	১৩৮

শেষস্পর্শ নিয়ে যাব যবে ধরণীর
নলে যাব, 'তোমার ধুলির
ভিলক পরেছি ভালে ;
দেখেছি নিত্যের জ্যোতি হৃদ্যোগের মায়ার আড়ালে,
সত্যের আনন্দরূপ এ ধুলিতে নিয়েছে মূরতি,
এই জেনে এ ধূলায় রাখি মৃত প্রণতি' ।

—রবীন্দ্রনাথ

রবীন্দ্রনাথের মানবধর্ম

॥ ১ ॥

রবীন্দ্রনাথ জীবনব্যাপী সাহিত্যসাধনায় তথা জীবনসাধনায় মনকে সকল প্রকার বুদ্ধিহীন অন্ধবিশ্বাসের হাত থেকে মুক্তি দিতে চেয়েছিলেন। সমাজের যে-সব ক্ষেত্রে বুদ্ধির উদ্বোধন ও মূঢ়তার পরাভব লক্ষ্য করেছেন, সে-সব উদাহরণ তিনি সোংসাহে আমাদের সামনে তুলে ধরেছেন। উনিশ শতকের বাংলাদেশে সার্বিক নবজাগরণ বা রেনেসাঁসের চরিত্র-বিচার-প্রসঙ্গে তিনি যে-সব কথা বলেছেন, তা থেকে বোঝা যায় রবীন্দ্রনাথ ‘জাগরণ’ বলতে মনে করতেন মানুষের মোহমুক্ত বুদ্ধির জাগরণ, ক্ষুদ্র সংকীর্ণ নিবেদের শাসন থেকে মুক্তি, অনৈক্যবোধ থেকে মুক্তি। ‘কালান্তর’ গ্রন্থের প্রবন্ধগুলিতে এই অভিমতই ব্যক্ত হয়েছে। এই মুক্তিকে স্বীকার করাতেই আমাদের গৌরব, অস্বীকারে মূঢ়তাই প্রকাশ পায়।

‘বাংলা সাহিত্যের ক্রমবিকাশ’ আলোচনা প্রসঙ্গে পাশ্চাত্যের শুভকর প্রভাবের স্বরূপটি রবীন্দ্রনাথ এইভাবে ব্যাখ্যা করেছেন :

ইংরেজের রাজ্যবিস্তার “উপলক্ষে বর্তমান যুগের বেগবান চিন্তের সমস্ত ঘটল বাংলাদেশে। বর্তমান যুগের প্রধান লক্ষণ এই যে, সংকীর্ণ প্রাদেশিকতায় বদ্ধ বা ব্যক্তিগত মূঢ় কল্পনায় জড়িত নয়। কি বিজ্ঞানে কি সাহিত্যে, সমস্ত দেশে সমস্ত কালে তার ভূমিকা। ভৌগোলিক সীমানা অতিক্রম করার সঙ্গে সঙ্গে আধুনিক সভ্যতা সর্বমানবচিন্তার সঙ্গে মানসিক ঘনিষ্ঠ-পাণ্ডনার ব্যবহার প্রদর্শন করে চলেছে।……পাশ্চাত্য সংস্কৃতিকে আমরা ক্রমে ক্রমে স্বতঃই স্বীকার করে নিচ্ছি। এই ইচ্ছাকৃত অস্বীকারের স্বাভাবিক কারণ এই সংস্কৃতির বহনহীনতা, চিন্তালোকে এর সর্বজনগামিতা—নানা ধারায় এর অব্যাহ প্রবাহ। এর মধ্যে নিত্য উত্তমশীল বিকাশধর্ম নিরন্তর উন্মুখ, কোনো দুর্গম্য কঠিন নিষ্ফল সংস্কারের জালে এ পৃথিবীর কোণে কোণে স্ববিরতাবে বদ্ধ নয়, রাষ্ট্রিক ও মানসিক স্বাধীনতার গৌরবকে এ ঘোষণা করেছে—সকল প্রকার বুদ্ধিহীন অন্ধবিশ্বাসের অবমাননা থেকে মানুষের মনকে মুক্ত করার জন্যে এর প্রয়াস।……এই সংস্কৃতির সোনার কাঠি প্রথম যেই

তাকে স্পর্শ করল অমনি বাংলাদেশ সচেতন হয়ে উঠল। এ নিয়ে বাঙালি বর্ষাৰ্ধই গৌরব করতে পারে।... চিন্তাসম্পদকে সংগ্রহ করার অক্ষমতাই বর্ষরতা, সেই অক্ষমতাকেই মানসিক আভিজাত্য বলে যে মাহুশ করনা করে সে কৃপাপাত্র।' ['সাহিত্যের পথে']

ইয়োরোপকে আমাদের জীবনে কী ভাবে গ্রহণ করতে হবে, সে-সম্পর্কে রবীন্দ্রনাথের ধারণায় কোনো অস্পষ্টতা ছিল না, মনে কোনো দ্বিধা ছিল না। 'জ্ঞানদান' সাহিত্য ও জাতীয় আত্মাভিমান—দুই-ই তিনি বর্জন করতে চেয়েছিলেন।

আধুনিক পাশ্চাত্য সভ্যতা ভৌগোলিক সীমানা অতিক্রম করে সর্বমানব-চিন্তার সঙ্গে মানসিক দেনা-পাওনার ব্যবহার প্রশস্ত করে চলেছে। এখানেই তার জীবনসাধনার সার্থকতা বলে রবীন্দ্রনাথ মনে করেছেন। রবীন্দ্রনাথের মানবধর্মের অন্ততম প্রেরণাশূল এই অশ্রুতি। ১৯৩৫ খ্রীষ্টাব্দের ডিসেম্বরে উপরি-দ্রুত প্রবন্ধাংশ রচিত হয়।

তার বত্রিশ বছর আগে ১৯০৬ খ্রীষ্টাব্দে 'ধর্মপ্রচার' প্রবন্ধে ['ধর্ম'] আমাদের দেশের ব্রহ্মসাধনার স্বরূপ ব্যাখ্যাশ্রমকে রবীন্দ্রনাথ লিখেছিলেন, "আমরা জানে শ্রেমে কর্মে অর্থাৎ সম্পূর্ণভাবে কেবল মাহুশকেই পাইতে পারি। এইজন্ত মাহুশের মধ্যেই পূর্ণতরভাবে ব্রহ্মের উপলব্ধি মাহুশের পক্ষে সম্ভবপর। নিখিল মানবাত্মার মধ্যে আমরা সেই পরমাত্মাকে নিকটতম অন্তরতম রূপে জানিয়া তাঁহাকে বারবাব নমস্কার করি। সর্ব-ভুতাস্বরাষ্ট্রা ব্রহ্ম এই মাহুশের কোড়েই আমাদেরিগকে মাতার স্তায় ধারণ করিয়াছেন, এই বিশ্বমানবের স্তম্ভরসপ্রবাহে ব্রহ্ম আমাদেরিগকে চিরকাল-সজিত প্রাণ পুঙ্ক পীতি ও উত্তমে নিরন্তর পরিপূর্ণ করিয়া রাখিতেছেন, এই বিশ্বমানবের কণ্ঠ হইতে ব্রহ্ম আমাদেরিগকে মুখে পরমাস্থ ভাবার সঞ্চার করিয়া দিতেছেন, এই বিশ্বমানবের অন্তঃপুরে আমরা চিরকালরচিত কাব্যকাহিনী শুনিতেছি, এই বিশ্বমানবের রাজভাণ্ডারে আমাদেরিগকে অস্ত্র জ্ঞান ও ধর্ম প্রতীক পুতীভূত হইয়া উদ্ভিত্তেছে। এই মানবাত্মার মধ্যে সেই বিশ্বাত্মাকে প্রত্যক্ষ করিলে আমাদেরিগকে পরিভূতি বিনষ্ট হয়—কারণ মানব-সমাজের উত্তরোত্তর বিকাশমান অপরূপ রহস্যময় ইতিহাসের মধ্যে ব্রহ্মের আবির্ভাবকে কেবল জানামাত্র আমাদেরিগকে যথেষ্ট আনন্দ নহে, মানবের বিচিত্র প্রীতিসম্বন্ধের মধ্যে ব্রহ্মের প্রীতিরস নিশ্চয়ভাবে অনুভব করিতে পারি।

আমাদের অসুস্থতির চরম সার্থকতা এবং জীতিবৃত্তির স্বাভাবিক পরিণাম যে কর্তব্য সেই কর্মধারা মানবের সেবারূপে ঐশ্বরের সেবা করিয়া আমাদের কর্মপরতার পরম লক্ষ্য।” [কান্তন, ১৩১০]

শতাব্দীর সূচনায় রবীন্দ্রনাথ নিখিল মানবাত্মাকে ঐশ্বর্যপলঙ্কির পথে জানে ও ভক্তিতে পেয়েছিলেন, তার বজ্রিশ বছর পরে, পঞ্চমবার ইয়োরোপ ভ্রমণের পরে পুনশ্চ-পত্রপুট-মাহুত্বের ধর্ম-‘Religion of Man’-এর যুগে সর্বজনীন মানবকে লাভ করেছেন মনন ও বুদ্ধির মাধ্যমে।

রবীন্দ্রনাথ তৃতীয়বার ইয়োরোপ-ভ্রমণে যান ১৯১২ খ্রীষ্টাব্দে। ‘পথের সঙ্কর’ সে ভ্রমণের ফল। চতুর্থবার ইয়োরোপ-ভ্রমণের (১৯২৬) ফল ‘পথে ও পথের প্রান্তে’। রবীন্দ্রনাথের মনের ক্ষেত্র ব্যাপ্ত ও প্রসারিত করতে যথেষ্ট সাহায্য করেছে এই দুটি ভ্রমণ। ইয়োরোপ ভ্রমণকে তিনি তীর্থযাত্রা বলে অভিহিত করেছেন। ‘পথের সঙ্করে’ কবি বলেছেন, “বাহিরকেই চরম করিয়া দেখিলে ভিতরকে দেখা হয় না এবং বাহিরকেও সত্যরূপে গ্রহণ করা অসম্ভব হয়। যুরোপেরও একটা ভিতর আছে, তাহারও একটা আত্মা আছে এবং সে আত্মা দুর্বল নহে। যুরোপের সেই আধ্যাত্মিকতাকে যখন দেখিব তখনই এমন একটি পদার্থকে জানিতে পারিব যাহাকে আত্মার মধ্যে গ্রহণ করা যায়, যাহা কেবল বস্তু নহে, যাহা কেবল বিজ্ঞা নহে, যাহা আনন্দ।” (যাত্রার পূর্বপত্র)

পাশ্চাত্য জীবনের আনন্দকে রবীন্দ্রনাথ ‘পথের সঙ্করে’ জন্মশক্তি রূপে প্রত্যক্ষ করেছেন ও মুগ্ধ হয়েছেন। এই জন্মশক্তি ও গতিবাদ পাশ্চাত্যের তীব্র গভীর জীবনপিপাসার পরিচয়স্বরূপ। প্রাচ্যের গতিতত্ত্ব এর বিপরীত। ভারতবর্ষের গতি নির্বাণের পথে, জীবন তার কাছে মারা। আর পাশ্চাত্যের গতি প্রবল প্রাণশক্তি বিকাশের ও সন্তোষের পথে, জীবন তার কাছে সত্য। ‘বলাকা’ কাব্যে এই গতিবাদ বাণীরূপ লাভ করেছে। ইয়োরোপ সম্পর্কে যে-বিরোধিতা রবীন্দ্রনাথের ‘অদেশ’, ‘ধর্ম’ প্রমুখ প্রবন্ধ-পুস্তকে দেখা যায়, তা অপমত হয়ে যাচ্ছে এবং নোতুন জীবনদৃষ্টি প্রতিষ্ঠিত হচ্ছে, ‘বলাকা’ কাব্যে তার প্রমাণ পাই। ইয়োরোপের জন্ম জীবন তথা মাহুত্বকে দেখে রবীন্দ্রনাথ সনাতন আর্থধর্মের বেড়া ভেঙে মানবতাকে গ্রহণ করতে উদ্বৃত্ত হয়েছেন, তার ইশারা এখানে পাই।

এরপর চতুর্থবার ইয়োরোপে ভ্রমণ (১৯২৬)। ‘পথে ও পথের প্রান্তে’ এই ভ্রমণের ও পরবর্তী ভ্রমণের ফসল। পকম ও শেষবার ইয়োরোপ ভ্রমণের (১৯৩০) ফলে আমরা পেরেছি ‘রাশিয়ার চিঠি’, ‘পুনশ্চ’, ‘Religion of Man’, ‘মাতৃমের ধর্ম’। রবীন্দ্রনাথের মানবধর্মতত্ত্বের কর্মবিকাশের ইতিহাস এইসব গ্রন্থে স্পষ্ট হয়ে উঠেছে।

॥ ২ ॥

রবীন্দ্রনাথের মানবধর্ম ও বিশ্বমৈত্রীবোধ পরস্পর-সংযুক্ত। আর এই বিশ্বমৈত্রীবোধের উৎস সন্ধান করলে আমরা বাংলাদেশের রেনেসাঁস বা নব-জাগরণের কেন্দ্রে উপনীত হই।

রবীন্দ্রনাথের মতে ঐক্যের উপলব্ধিই মহুযাত্ম। তাঁরাই মহাপুরুষ ধারা অনৈক্য ও বিচ্ছেদ, সংকীর্ণতা ও জড়তা থেকে আমাদের মুক্তি দেন। বৃহদেব থেকে রামমোহন পন্থ মহামানবের ধারা পথালোচনা করে তিনি এ-সিদ্ধান্তে উপনীত হয়েছিলেন, “বৃহদেব জাতিবর্গ ও শাস্ত্রের সমস্ত ভাগ বিভাগ অতিক্রম করে বিশ্বমৈত্রী প্রচার করেছিলেন। এই বিশ্বমৈত্রী যে মুক্তি বহন করে সে হচ্ছে অনৈক্যবোধ থেকে মুক্তি।” (‘ভারতপথিক রামমোহন’)

এই মৈত্রীসাধনায় যে-সব মহাপুরুষ আত্মনিয়োগ করেছিলেন, রবীন্দ্রনাথ তাঁদের স্মৃতিদাতা মনে করেছিলেন। চৈতন্যদেব, কবীর, দাদু, নানক, তুকারাম, প্রমুখ মধ্যযুগীয় ভারতীয় সন্তদের কথা রবীন্দ্রনাথ বার বার আলোচনা করেছেন এবং ভারতবর্ষেব মনের স্মৃতিদাতা বলে তাঁদের অতিহিত করেছেন।

আধুনিক কালের সূচনায় ঐক্যবোধ তথা বিশ্বমৈত্রীবোধ ধার মধ্যে রবীন্দ্রনাথ প্রথম প্রত্যক্ষ করেছিলেন, তিনি রামমোহন রায়। তাঁকে রবীন্দ্রনাথ ‘ভারত-পথিক’ বলে উল্লেখ করেছেন, সেই সঙ্গে তাঁকে বিশ্বপথিক রূপেও দেখেছেন। আমাদের দেশে আচার, প্রয়তি ও অভ্যাসের বহুবিধ অটলতাফালে আবদ্ধ মন অসাড় হয়ে গিয়েছিল, সন্তেরো-আঠারো শতকে আমাদের ধর্মের নিঃসাড় প্রাণহীন অবস্থা দেখা গিয়েছিল, আমরা—ভারতীয়েরা নিস্তার্থ অর্থাৎ সত্যকে মেনে নিতে বিধা করেছিলাম। এই অবস্থায় রামমোহন রায় এসেছিলেন। তিনি বেদ-উপনিষদের বাংলা অনুবাদ করলেন। ধর্মপ্রবক্তাদের সঙ্গে সংগ্রাম করে হিন্দু, খ্রীষ্টান ও ইসলাম ধর্মের

মধ্যে ঐক্যবাপী উদ্বার করলেন এবং পাশ্চাত্য জগতের দিকে সহযোগিতার উদ্বার নিমন্ত্রণ পঠালেন। এইজন্যই রামমোহন রায় আধুনিক ভারতের মুক্তিদাতা। (ডঃ রবীন্দ্রনাথের ‘ভারত-পথিক রামমোহন’)

ইয়োরোপ থেকে মানবমুক্তিবাপী ও বিশ্বমৈত্রী-মন্ত্রটি উনিশ শতকের নবজাগ্রত শিক্ষিত বাঙালি গ্রহণ করল। রবীন্দ্রনাথের জন্ম এই কালান্তর লগ্নে। রামমোহনের পর মধুসূদন দত্ত ও বঙ্কিমচন্দ্র চট্টোপাধ্যায় এই মুক্তি-সাধনার অবশ্যস্বর্তব্য। নোতুন মূল্যবোধকে সাগ্রহ অভ্যর্থনা ও পুরনো মূল্যবোধের বিসর্জনে তাঁরা এগিয়ে এসেছিলেন। রবীন্দ্রনাথ এই সাধনাকে সংহত রূপদান করেছিলেন। উনিশ শতকের বেশির ভাগ বাঙালি মহাপুরুষ ইয়োরোপের সঙ্গে মৈত্রী স্থাপন করতে চেয়েছিলেন। বিদ্যাসাগর, দেবেন্দ্রনাথ, অক্ষয়কুমার, স্বামী বিবেকানন্দ, কেশবচন্দ্র—পশ্চিম-জগতের সঙ্গে এই প্রান্ত ক্রান্ত প্রাচীন ভারতবর্ষের মিলনসাধনে আগ্রহী হয়েছিলেন। সাহিত্যে, মননে, কর্মে, ধর্মোপলব্ধিতে, সমাজসেবায় হতই বাঙালি সমাজ অগ্রসর হয়েছে, ততই পশ্চিমের সঙ্গে বাঙালির সম্পর্ক ঘনিষ্ঠ হয়েছে এবং বাঙালি মনকে প্রভাবিত করেছে। রবীন্দ্রনাথ এই সংযোগ সম্পর্কে ব্যাবহারিক ক্ষেত্রে না রেখে জীবনের সঙ্গে মিলিয়ে গ্রহণ করলেন এবং বললেন,

“তাই ভেবে দেখলে দেখা যাবে, এই যুগ যুরোপের সঙ্গে আমাদের গভীর সহযোগিতারই যুগ। বস্তুত, যেখানে তার সঙ্গে আমাদের চিন্তের, আমাদের শিক্ষার অসহযোগ, সেইখানেই আমাদের পরাভব। এই সহযোগ সহজ হয়, যদি আমাদের প্রত্যয় আঘাত না লাগে। পূর্বেই বলেছি, যুরোপের চরিত্রের প্রতি আস্থা নিয়েই আমাদের নবযুগের আরম্ভ হয়েছিল; দেখেছিলুম জ্ঞানের ক্ষেত্রে যুরোপ মানুষের মোহমুক্ত বুদ্ধিকে প্রজ্জ্বল করেছে এবং ব্যবহারের ক্ষেত্রে স্বীকার করেছে তার স্তায়-সংগত অধিকারকে।” (কালান্তর)

॥ ৩ ॥

বিংশ শতাব্দীর সূচনায় রবীন্দ্রনাথ সর্বভূতান্তরাত্ম্য ব্রহ্মকে মানুষের মধ্যে উপলব্ধি করতে চেয়েছিলেন [ঐষ্টব্য—প্রবন্ধ-সূচনায় ‘ধর্মগ্রচার’ প্রবন্ধের উল্লেখিত], আদি ব্রাহ্ম-সমাজের সম্পাদকরূপে ঔপনিষদিক ব্রহ্মকে জীবনে পেতে চেয়েছিলেন [ঐষ্টব্য—‘শান্তিনিকেতন’ ভাষণমালা]। তখন তিনি মনে

করেছিলেন, চিরপুরাতন ভারতবর্ষের উপাসনায় আমাদের মুক্তি। ‘বদেশ’ গ্রন্থ-গ্রন্থে (১২০৮) তিনি বলেছিলেন, “অদ্যকার নববর্ষে আমরা ভারতবর্ষের চিরপুরাতন হইতেই আমাদের নবীনতা গ্রহণ করিব” [১২০৯, ‘নববর্ষ’, ‘বদেশ’]। তার পূর্বেই ‘নৈবেদ্য’ কাব্যে (১২০১) বলেছিলেন,

‘দাও আমাদের অভয়-মন্ত্র অশোক-মন্ত্র তব,
দাও আমাদের অমৃত-মন্ত্র দাও সে জীবন নব।
যে জীবন ছিল তব তপোবনে
যে জীবন ছিল তব রাস্তাসনে,
মুক্ত দীপ্ত সে মহাজীবনে চিত্ত ভরিয়া লব,
মৃত্যু তরণ শংকা-হরণ দাও সে জীবন নব।’

শতাব্দীর সূচনার বোলপুর ব্রহ্মচর্যাশ্রম যেদিন স্থাপনা করেন, সেদিন রবীন্দ্রনাথের ধারণা ছিল ছাত্রদের প্রাচীন ভারতের আশ্রমের ধাঁচে জীবন-যাত্রা ও শিক্ষায় শিক্ষিত করে তুলতে হবে। ঐপনিষদিক ও বৈদিক সংস্কৃতির পুনর্মূল্যায়নে ব্রহ্মচর্যাশ্রমের আশ্রমিকেরা নিযুক্ত হবে, এই ছিল রবীন্দ্রনাথের অভিলাষ। পরবর্তী কয়েক বৎসরে রবীন্দ্রনাথের মন কোন্ পথে চালিত হয়েছিল, তা জানা যায় ‘শান্তিনিকেতন’ ভাষণমালা-পাঠে। তপোবনের আদর্শচিত্র রবীন্দ্রনাথ যতটা না ইতিহাসে তদপেক্ষা বেশি রচনা করেছিলেন তাঁর ধ্যানের মধ্যে। কিন্তু ১২০১ থেকে ১২২০ খ্রীষ্টাব্দ : এই বিশ বৎসরে রবীন্দ্রনাথের এইসব ধারণায় গুরুতর পরিবর্তন সাধিত হয়েছিল। বোলপুর ব্রহ্মচর্যাশ্রমের স্থানে ১২২০তে স্থাপিত হ’ল বিশ্বভারতী—তা বাঙালির নয়, হিন্দুর নয়, তপোবনের নয়, তা বিশ্বের—তা আধুনিক কালের। বিশ্ব-ভারতীতে বিশ্ব এসে একত্র নীড় বাঁধলো—রবীন্দ্রনাথের ধর্মমতে গুরুতর পরিবর্তন ঘটল।

রবীন্দ্রনাথ পাঁচ বার ইউরোপ-ভ্রমণে বেরিয়েছিলেন। প্রথম ও দ্বিতীয় ভ্রমণকালে তিনি কৈশোরোত্তীর্ণ যুবক মাত্র, পরিণত জীবনের দায়িত্বজ্ঞান ও চিন্তা-গভীরতা তখনো রবীন্দ্রনাথে বর্তায় নি। ‘ইউরোপ-প্রবাসীর পত্র’ (১৮৮১) ও ‘ইউরোপ-যাত্রীর ডায়ারি’ (প্রথম খণ্ড, ১৮৮১ ও দ্বিতীয় খণ্ড ১৮৯০)—এ দুটি গ্রন্থে প্রথম যৌবনের চাক্ষুশ, উত্তেজনা ও অস্থিরতাই বড় কথা। কোনো গভীর কথা স্থান পায় নি।

তৃতীয়বার ইয়োরোপভ্রমণের ফল ‘পথের সঞ্চয়’ (১৯১২)। ‘ইয়োরোপের অস্তরতর মানবাত্মার একটি সত্য মূর্তি’ এই বাস্তব কবি প্রত্যাক করেছেন। ‘স্বদেশ’ প্রবন্ধ-গ্রন্থে চল্লিশ বৎসর বয়সে, রবীন্দ্রনাথ ইয়োরোপকে অভ্যর্থনা বলেছিলেন, আজ বাহার বৎসর বয়সে ইয়োরোপের আধ্যাত্মিকতা প্রত্যাক করেছেন তার ঘোবনচাকল্যে, আত্মত্যাগেচ্ছায়, প্রাচুর্যে ও বিপদ-বরফে। ইয়োরোপের সমর্থনে রবীন্দ্রনাথ তীব্র কণ্ঠে বিরুদ্ধপক্ষের প্রতি এই প্রস্তাবণে নিক্ষেপ করেছেন, “আত্মত্যাগের সঙ্গে আধ্যাত্মিকতার কি কোন যোগ নাই। এটা কি ধর্মবলেরই একটি লক্ষণ নহে। আধ্যাত্মিকতা কি কেবল জনসম্মুখ বর্জন করিয়া গুচি হইয়া থাকে এবং নাম জপ করে, আধ্যাত্মিক শক্তিই কি মানুষকে বীথ দান করে না।” [বাস্তব পূর্বপত্র, ‘পথের সঞ্চয়’]

ইয়োরোপীয়দের জীবনচাকল্য প্রত্যাক করে রবীন্দ্রনাথ বলেছেন, “ইহাদের প্রাণের শক্তি কেবলমাত্র খেলা করে না। কর্মক্ষেত্রে এই শক্তির নিরলস উদ্যম, ইহার অপ্রতিহত প্রভাব।.....যে-শক্তি কর্মের উদ্যোগে আপনাকে সর্বদা প্রবাহিত করিতেছে সেই শক্তিই খেলার চাকল্যে আপনাকে তরঙ্গিত করিতেছে। শক্তির এই প্রাচুর্যকে বিজয়ের মতো অবজ্ঞা করিতে পারি না। ইহাই মানুষের ঐশ্বর্যকে নব নব সৃষ্টির মধ্যে বিস্তার করিয়া চলিয়াছে। ইহা নিজে দিকে দিকে অনায়াসে অজস্র তাগ করিতেছে, সেইজন্যই নিজে বহুগুণে ফিরিয়া পাইতেছে। ইহাই সাম্রাজ্যে বাণিজ্যে বিজ্ঞানে সাহিত্যে কোথাও কোনো সীমা মানিতেছে না—দুর্লভের রুদ্ধ দ্বারে অহোরাত্র প্রবল বেগে আঘাত করিতেছে। এই-যে উদ্যত শক্তি, বাহার এক দিকে ক্রীড়া ও অস্ত্র দিকে কর্ম, ইহাই যথার্থ স্মরণ।” (খেলা ও কাজ, তদেব)

বিশ্বমানবতাবোধের পথে রবীন্দ্রনাথের প্রথম পদক্ষেপ ঘটেছে এই পর্বেই। স্বল্পোপলব্ধি বা কল্পনাসর্বস্বতার নয়, নিতান্ত বাস্তব ক্ষেত্রে মানুষের সঙ্গে মানুষের সহজ মিলনের আবশ্যিকতা তিনি ঐ সময়েই উপলব্ধি করেছেন। কেম্ব্রিজের কলেজ-ভবনে অধ্যাপক লোয়েস্ ডিকিন্সন ও অধ্যাপক রাসেলের সাহচর্যে তিনি এই উপলব্ধিতে উপনীত হয়েছিলেন। কেম্ব্রিজের সেই প্রাচীন বিশ্ববিদ্যালয়ের উজ্জানে নিশ্চিহ্নে এই দুই অধ্যাপক বন্ধুর সাহচর্যে ও আলাপে মানবতার বিচিত্র ধারাটিকে রবীন্দ্রনাথ প্রত্যাক করে বলেছেন : “মানুষের চিন্তের চকল ধারাটিও তেমনি বিশাল বিশ্বের এক প্রান্ত দিয়া নানা পথে ঝাঁকিয়া-ঝাঁকিয়া নানা শাখা-প্রশাখায় বিভক্ত হইয়া কেবলই বিশ্বকে

প্রকাশ করিতে করিতে চলিয়াছে। যেখানে সেই প্রকাশ পরিপূর্ণ ও প্রসঙ্গ সেইখানেই বিশ্বের চরিতার্থতা আনন্দে ও ঐশ্বর্যের সমরোহে উৎসব-ময় হইয়া উঠিতেছে। নিম্নরূপ রায়ে দুই বন্ধুর মত কঠোর কথাবার্তায় আমি মাহুকের মনের মধ্যে সমস্ত বিশ্বের সেই আনন্দ, সেই ঐশ্বর্য অনুভব করিতেছিলাম। [ইংলণ্ডের ভাবুক সমাজ, তদেব]

এরপর বেশ ক্রি়ে কবি লিখলেন ‘বলাকা’ (১৯১৬)। এই কাব্যে পান্ডাস্য জীবনের জন্ম শক্তিকে বরণ করে নেবার উন্মত্ততার পরিচয় পাই। সত্যের creative পরিবর্তনশীলময় কবি এই প্রথম আস্তা স্থাপন করলেন বুঝলেন—এক সত্যের প্রেরণা নিঃশেষিত হয়ে গেলে অপর নবীন সত্যকে জীবনে বরণ করে নিতে হয়, উপলব্ধি করলেন—‘বকনা বাড়িয়া উঠে ফুরায় সত্যের যত পূঁজ’, সন্ধান করলেন জীবনের তথা মানবতার প্রবাদশ্লোকে। ইয়োরোপের গতিশক্তি ও প্রাণচাকল্যের যে প্রাণশক্তি ‘পথের সঙ্কেত’ বিদ্যুত হয়েছে, তাই কবিকে ‘বলাকা’ কাব্যরচনার প্রেরণা দিয়েছে, এবিষয়ে সন্দেহের অবকাশ নেই।

এই সময়েই সবুজপত্র-পত্রের সূচনা। ‘ঘরে-বাইরে’ (উপজ্ঞাস), ‘জীর পত্র’, ‘গল্পসংকলন’ (গল্প), ‘বলাকা’ (কাব্য), ‘কান্তনী’ (নাটক), ‘কর্তার উচ্চারণ’ (প্রবন্ধ)—সকল ক্ষেত্রেই পরিবর্তন ঘটল এবং তার বাইরের জাগ্রত চরিত্র প্রথম চৌধুরীর অনুরোধ, কিন্তু কবির অন্তরে তার প্রেরণা ছিলই। ইয়োরোপ ভ্রমণের অভিজ্ঞতার এই পরিবর্তনের পটভূমি, চলতি গভীরীতি এর প্রকাশবাহন। রবীন্দ্রনাথ ইয়োরোপ আমেরিকা ভ্রমণ শেষে দেশে ফিরে এলেন ১৯১৬ খ্রীষ্টাব্দের শেষভাগে। বসন্ত: এ তাঁর কেবল ঘরে-ফেরা নয়, মাহুকের দিকে ফেরা। রবীন্দ্রনাথ এখন থেকে অধিকতর বাস্তব-সচেতন, আধুনিক যুগের মাহুকের স্বাভাব্য ও বৈশিষ্ট্যকে সাহিত্যে রূপ দিলেন, জীবনকে আরো গভীরভাবে গ্রহণ করলেন—জীবনের কক্ষ, কঠোর, দৈনন্দিনীভূত ছবির সম্মুখীন হলেন।

॥ ৪ ॥

রবীন্দ্রনাথ চতুর্থবার ইয়োরোপ ভ্রমণে যান ১৯২৬ খ্রীষ্টাব্দে; পঞ্চম বা শেষবার ভ্রমণ ১৯৩০ খ্রীষ্টাব্দে। ‘পথে ও পথের প্রান্তে’ পত্রগুলি (প্রকাশ: ১৯৩৮) এই দুই ভ্রমণের কিছু কিছু পরিচয় রয়েছে। ইয়োরোপকে ভাল

লাগছে, আমেরিকার গিরে মনটা চাপা পড়ে, ইরোরোপে তা মুক্তি পায়—
এই ধরনের মন্তব্য এই পত্রগুলো প্রোদাই পাওয়া যায়। ১৮ই অগস্ট,
১৯৩০ তারিখাঙ্কিত এক পত্রে রবীন্দ্রনাথ বিশ্বমানবসংঘ-প্রসঙ্গে লিখেছেন,
“বিশ্বজাতীয়তার উদ্যম সম্বীভূত হয়ে উঠেছে জেনিভায়। লীগ অব নেশনে
ঠিক হুজ বাজে নি—হয়তো বাজবেও না—কিন্তু আপনা আপনিই ওই শহর
সমস্ত জগতের মহানগরী হয়ে উঠছে। যাদের প্রকৃতি বিশ্বপ্রাণ তারা আপনা
আপনি ঐখানে এসে মিলবে। ঐ ক্ষেত্রে বর্তমান যুগের একটা মহাকল্যাণ-
শক্তির উদ্‌বোধন ঘটছে বলে আমার বিশ্বাস।”

বৃহৎ বিশ্বের সঙ্গে পরিচয়ের ফলে রবীন্দ্রনাথ কী ভাবে বিশ্বমানবতায়
বিশ্বাসী হয়ে উঠেছিলেন তার প্রমাণ উপযুক্ত রচনানিচয়ে পাওয়া যায়।
জাগরণের অর্থ যদি এই হয় যে ক্ষুদ্রের ও সংকীর্ণের বন্ধন থেকে মুক্তি, তাহলে
স্বীকার করতে হয় রবীন্দ্রনাথ চল্লিশ থেকে সত্তর—জীবনের এই তিরিশ
বৎসর কেবলই বেড়া ভেঙেছেন, নিজে থেকে বারবার অতিক্রম করেছেন,
বৃহৎ থেকে বৃহত্তরে যাত্রা করেছেন। প্রথম যৌবনের জাতীয়তাবাদ ও
স্বদেশপ্রেম, তারপর উপনিষদবাদ, তারপর তপোবন ও আনন্দবাদ, ব্রাহ্ম
সমাজ নির্দিষ্ট ব্রহ্মোপাসনা, জীবনে ও কর্মে ব্রহ্মোপলব্ধির সাধনা—সবই
রবীন্দ্রনাথ অতিক্রম করেছেন, শেষ পর্যন্ত মানব-ঐক্যবোধে উপনীত হয়েছেন।
সন্তোর রূপ ও প্রেরণা বারবার পরিবর্তিত হতে হতে শেষ পর্যন্ত বিশ্বমানবতায়
পৌঁচেছে—রবীন্দ্রনাথের এই শেষ ও সর্বোত্তম সন্তোষপলকি। রবীন্দ্রনাথ
শেষদিকে গল্প-কবিতা-উপন্যাস ও চবিত্তে যেরকম দেশকালের গঞ্জীকে
অতিক্রম করে মননপন্থী ও অমূর্তপন্থী হয়ে উঠেছিলেন, সমাজচিন্তা তথা
মানবচিন্তার ক্ষেত্রেও সেরূপ অগ্রসর হয়েছিলেন।

পঞ্চমবার ইরোরোপ ভ্রমণের পর কবি দেশে ফিরলেন ১৯৩১ খ্রীষ্টাব্দে।
‘রাশিয়ার চিঠি’ (ভ্রমণপত্রালি), কালের যাত্রা (নাটিকা), পুনশ্চ (গদ্য-
কাব্য), Religion of Man (অক্সফোর্ড হিবার্ট-বক্তৃতা), মানুষের ধর্ম
(কলিকাতা বিশ্ববিদ্যালয়ের কমলা-বক্তৃতা)।

উনিশ শতকে বাংলা দেশের নবজাগরণের ফলে বাঙালি বিশ্বপথে
আত্মাবিস্কারে বেরিয়েছিল। সে-সম্মান সার্থকতা লাভ করেছে রবীন্দ্রনাথে।
তিনি বাঙালিকে বিশ্বপথিক-ধর্মে তথা মানবধর্মে পূর্ণ দীক্ষা দিয়েছিলেন।

১৯৩০-৩১ খ্রীষ্টাব্দে রচিত উপস্থাপিত রচনার রবীন্দ্রনাথের মানবধর্ম সম্পূর্ণতা লাভ করেছে। যুগের সাধনাকে রবীন্দ্রনাথ সংহতরূপ দান করেছেন।

অক্সফোর্ড হিবার্ট-বক্তৃতার মধ্যযুগের ভারতীয় মত ও বাংলার বাউলদের মানবসাধনা তথা আত্মসাধন-কাহিনী অবলম্বনে রবীন্দ্রনাথ মানবিক ঐক্যাত্মকত্বের তথ্যকে আপন জীবনের প্রেক্ষিতে ছুটিয়ে তুলেছিলেন। Supreme Person বা মহামানবকে তিনি মানবসংসারেই পেতে চেয়েছিলেন। যুক্তি ও বিজ্ঞানসত্তার আলোকে তিনি মানবধর্মের বিস্তৃত রূপটিকে প্রত্যক্ষ করেছিলেন। 'মাহুশের ধর্ম' ও 'পুনশ্চ' কাব্যেও একই বক্তব্যের প্রতিফলন মিলে। রজ্জব, কবীর, দাদু, রামানন্দ, নান্দা, রবিদাস, নানক ও বাংলার বাউলদের জীবনসাধনাকে 'পুনশ্চে' তিনি কাব্যরূপ দিয়েছেন, সেই সঙ্গে অক্সফোর্ডের মধ্যে মানবধর্মকে প্রতিষ্ঠিত করেছেন, দিকার দিয়েছেন ধর্মীয় শ্রেষ্ঠত্বাভিমান ও অঙ্কতাকে, সমালোচনা করেছেন সংকীর্ণতা ও আচার্য্যাত্মকতাকে 'কালের যাত্রা'র অন্তর্গত 'রণের রশি' নাটকীয় শূদ্রদের কবি যে সন্ধান দিয়েছেন, তা থেকে মনে হয় তিনি মানবদেবতাকে শূদ্রের মধ্যেই প্রত্যক্ষ করেছেন। ব্রাহ্মণ, ক্ষত্রিয়, বৈশ্য হার মানার পর শূদ্র হাত লাগাতেই রথ চলতে লাগল। এই সংকেত-কাহিনীতে মানবধর্মের জয় ঘোষণা করা হয়েছে। আর 'মানবপুত্র' ও 'শিশুতীর্থ' কবিতা দুটিতে বৃহৎ মানবমহিমাকে কাব্যরূপ দান করেছেন।

মানবসত্তার সঙ্গে সংসারের সত্তার বিরোধ বাধে, এই বিরোধে মানব-সত্তার পক্ষাবলম্বন যে করে, তারই জীবন সার্থক, এ-কথা 'মাহুশের ধর্মে' কবি ঘোষণা করেছেন। তাঁর কথাতেই বলি,

“রজ্জব বলেছেন—

✓ সব সাঁচ মিটে সো সাঁচ হৈ, না মিটে সো কুঁঠ।

অন রজ্জব সাঁচী কহী ভাবই রিকি ভাবই রুঠ।

সব সত্তার সঙ্গে যা মেলে তাই সত্য, যা মিলল না তা মিথ্যে; রজ্জব বলেছেন, এই কথাই খাটি—এতে তুমি খুশিই হও আর রাগই কর।

ভাষা থেকে বোকা যাচ্ছে, রজ্জব বুঝেছেন, একথার রাগ করবার লোকই সমাজে বিস্তর। তাদের মত ও প্রথার সঙ্গে বিশ্বসত্তার মিল হচ্ছে না, তবু তারা তাকে সত্য নাম দিয়ে অটলতার জড়িয়ে থাকে—মিল নেই বলেই এই নিয়ে তাদের উত্তেজনা উগ্রতা এত বেশি। রাগারাগির দ্বারা

সত্যের প্রতিবাদ, অগ্নিশিখাকে ছুরি দিয়ে বেঁধবার চেষ্টার মতো। সেই ছুরি সত্যকে মারতে পারে না, মারে মানুষকে। তবু সেই বিভীষিকার সামনে দাঁড়িয়েই বলতে হবে—

সব সাঁচ মিটে সো সাঁচ হৈ, না মিটে সো খুঁট।”

সর্বজনীন মানবতাবোধের পরমতীর্থে উপনীত হওয়াই আজকের মানুষের সাধনা; রবীন্দ্রনাথের দীর্ঘজীবনের এ-ই পরম সত্যোপলব্ধি। এই সত্যকে তিনি স্পষ্টভাবে ব্যাখ্যা করে দিয়েছেন ‘মানুষের ধর্ম’ ভাষণমালার ভূমিকায়—

“আমাদের অন্তরে এমন কে আছে যিনি মানব অথচ যিনি ব্যক্তিগত মানবকে অতিক্রম ক’রে ‘সদা জনানাং হৃদয়ে সন্নিবিষ্টঃ’, তিনি সর্বজনীন সর্বকালীন মানব। তাঁরই আকর্ষণে মানুষের চিন্তায় ভাবে কর্মে সর্বজনীনতার আবির্ভাব। মহাত্মারা সহজে তাঁকে অনুভব করেন সকল মানুষের মধ্যে, তাঁর প্রেমে সহজে জীবন উৎসর্গ করেন। সেই মানুষের উপলব্ধিতেই মানুষ আপন জীবনীমা অতিক্রম ক’রে মানব-গৌমায় উত্তীর্ণ হয়। সেই মানুষের উপলব্ধি সর্বত্র সমান নয় ও অনেক স্থলে বিরূত বলেই সব মানুষ আজও মানুষ হয় নি। কিন্তু, তাঁর আকর্ষণ নিয়ত মানুষের অন্তর থেকে কাজ করছে বলেই আত্মপ্রকাশের প্রত্যাশায় ও প্রয়াসে মানুষ কোথাও সীমাকে স্বীকার করছে না। সেই মানুষকেই মানুষ নানা নামে পূজা করেছে, তাঁকেই বলেছে, ‘এষ দেব বিশ্বকর্মা মহাত্মা’।”

এই সর্বকালীন মানবকে রবীন্দ্রনাথ ধর্মগ্রন্থে বা আচারাহুষ্ঠানে প্রত্যক্ষ করেন নি, একে তিনি অস্ত্যজ মানুষের হৃদয়ের অমেয় ঐশ্বর্যের মধ্যে প্রত্যক্ষ করেছেন। মানবমহিমার বন্দনা করেই রবীন্দ্রনাথ ক্লান্ত হন নি, মানবাত্মার সর্বশেষ মন্ত্রটিও উচ্চারণ করেছেন :

আমি ত্রাতা, আমি মন্ত্রহীন

সকল মন্দিরের বাহিরে

আমার পূজা আজ সমাপ্ত হ’ল

দেবলোক থেকে

মানবলোকে

আকাশে জ্যোতির্ময় পুরুষে

আর মনের মানুষে আমার অন্তরতম আনন্দে। (পত্রপুট)

রবীন্দ্রনাথের মানবধর্ম এই পরম সত্যোপলব্ধির দিব্যবিভায় প্রোজ্জ্বল।

উনিশ শতকের গীতিকবিতা ও রবীন্দ্রনাথ

॥ ১ ॥

বাংলা কাব্যের হাজার বছরের ইতিহাস রবীন্দ্রনাথে এসে পূর্ণতা লাভ করেছে, একথা যেমন সত্য, তেমনি সত্য তা রবীন্দ্রনাথেই থেমে যায় নি, তারপরও এগিয়ে চলেছে। তথাপি শতাব্দীর অধীশ্বর রবীন্দ্রনাথ আরো বহু বছর আমাদের জীবন-সাহিত্যে-শিল্পে কেন্দ্রীয় প্রভাবশক্তিরূপে বিরাজ করবেন, একথাও স্বীকাব্য।

এই অমিতশক্তি কবিপ্রতিভার উদ্ভব কেমন করে হ'ল, কোন্ মানস পরিবেশে তা বেড়ে উঠেছিল, তা কি অমূল-তরু না দেশের চিত্তভূমিতে তার উৎপত্তি : এসব কথা জানতে স্বভাবতই রবীন্দ্রানুগামী মাত্রেয়ই কৌতূহল হয়। এই কবিপ্রতিভার গলোত্রী থেকে মোহনা পর্যন্ত পথ-পরিক্রমার শেষে তাঁর কথাতেই বলতে ইচ্ছা করে : 'হায় গগন নহিলে তোমারে ধরিতে কেবা !'

এখানে উনিশ শতকের বাংলা সাহিত্যের সার্বিক নবজাগরণের পটভূমিতে কবি রবীন্দ্রনাথের আবির্ভাবের কাব্যগত মূল্য নিরূপণের পূর্বে তাঁর দুটি উক্তি শ্রবণ করা যাক। দুটি উক্তিই উনিশ শতকের বাংলা দেশের রেনেসাঁস সম্পর্কে। একেত্রে স্মৃতিবা কবির জন্ম হয়েছিলো ১৮৬১ খ্রীষ্টাব্দে।

কবি বলেছেন : "দীরা আমাকে জানবার কিছুমাত্র চেষ্টা করেছেন এতদিনে অন্তত তাঁরা একথা ভেদেছেন যে, আমি জীর্ণ জগতে জন্মগ্রহণ করি নি। আমি চোখ মেলে যা দেখলুম চোখ আমার কখনো তাতে ক্লান্ত হলো না, বিশ্বের অন্ত পাই নি সৌরমণ্ডলীর প্রান্তে এই আমাদের ছোটো ক্রামল পৃথিবীকে ক্ষতুর আকাশদূতগুলি বিচিত্র রসের বর্ণসজ্জায় সাজিয়ে দিয়ে যায়, এই আদরের অহুষ্ঠানে আমার হৃদয়ের অভিসেকবারি নিয়ে যোগ দিতে কোনদিন আলস্ত করি নি।"

কবি নবীন জগতের মাহুষ ; প্রাণশক্তির উপাসক। তাই তাঁর পক্ষে সহজেই চিরাগত সংস্কারের লুপ্ত ছিন্ন করে বেরিয়ে আসা সম্ভবপর হয়েছিল। রবীন্দ্রনাথ বাংলা সাহিত্যের নবজাগরণকে এই সংস্কারমুক্ত নবীন দৃষ্টিতেই

দেখেছিলেন, বলেছিলেন, “যারা বাংলা কাব্যসাহিত্যের ইতিহাস অঙ্গসংগ করেছেন, তারা নিঃসন্দেহে একটি কথা লক্ষ্য করে থাকবেন যে, এই সাহিত্য ছই ভাগে সম্পূর্ণ বিচ্ছিন্ন। এর দুই ধারা দুই উৎস থেকে নিঃসৃত। আধুনিক বাংলা কবিতার উৎপত্তি যুরোপীয় সাহিত্যের অঙ্গপ্রেরণায় তাতে সন্দেহ নেই। এই নিয়ে অগণ্য দেওয়া হয় যে, এসব জিনিস স্ত্যাস্ত্যাল নয়। তার মানে যদি এই হয় যে, এ সব কাব্য স্বভাবতই বাঙালি জাতির কচিবিরুদ্ধ, তাহলে তো এ ক্ষমিতে স্বতই উঠত না, এর অঙ্গুর উঠলেও শিকড়হীন দুদিনে যেত শুকিয়ে, বলা বাহুল্য তার কোন লক্ষণ দেখা যাচ্ছে না।.....আধুনিক কাব্য আপন বেগেই দেশের চিত্রে আপনার পথ গভীর ও প্রশস্ত করে দিয়েছে।..... বাংলা সাহিত্যে পশ্চাত্য সাহিত্যের প্রবর্তনা যে এত দ্রুতগতিতে নানাপ্রকারে নানা রূপ নিয়ে এগিয়ে চলেছে তার কারণ সেই সাহিত্যের আদর্শ হঠাৎ বাঙালির মনকে বাঁধা গতি থেকে মুক্তি দিয়েছে। তার মধ্যে একটা কৌতূহলী প্রাণশক্তি আছে যা নব নব পরীক্ষার পথে আপনাকে নতুন করে আবিষ্কার করতে উদ্ভূত। সে চিরাগত প্রথার বাধার উপর দিয়ে বারে বারে উদ্বেল হয়ে চলেছে। এই প্রাণশক্তির জ্বলনকাঠি একদিন সমুদ্র পার হয়ে বাংলা ভাষাকে স্পর্শ করল। বস্মিনী যেমন দ্রুত সাড়া দিয়ে ক্ষেপে উঠল, তারতবধের অন্ত কোন প্রদেশে এমন ঘটে নি। তারপর থেকে বাঙালির ভাবপ্রবণ মনের পরিপ্রেক্ষিকা সাহিত্যক্ষেত্রে বিস্তীর্ণ হয়ে গেল।”

[‘বাংলা কাব্য পরিচয়’, ভূমিকা]

এই ভাগরণের সার্থক পরিচয়হীন উনিশ শতকের বাংলা গীতিকাব্য। রবীন্দ্র-প্রতিভার আবির্ভাব ঘটলো এই পটভূমিতে।

রবীন্দ্রনাথের প্রথম রচনার ত্রীলব্ধীকান্ত দাস-কৃত তালিকা এখানে উদ্ধার করছি (দ্রঃ ‘রবীন্দ্রনাথ : জীবন ও সাহিত্য’, পৃঃ ১০৪) —

- ১। ‘অভিলাষ’—‘তত্ত্ববোধিনী পত্রিকা’র ১৮৭৪ নভেম্বর-ডিসেম্বর।
- ২। ‘হিন্দুমেলায় উপহার’—‘অনুভবজ্ঞান পত্রিকা’র স্বনামে ১৮৭৫, ২৫শে ফেব্রুয়ারী।
- ৩। ‘প্রকৃতির খেদ’—‘তত্ত্ববোধিনী পত্রিকা’র ১৮৭৫ জুন।
- ৪। ‘অল অল চিতা’—জ্যোতির্বিজ্ঞানার্থে ‘সরোজিনী’ নাটকে ১৮৭৫, ৩০শে নভেম্বর।

৫। 'প্রলাপ' (১, ২, ৩)—'জানাকুর ও প্রতিবিম্ব'এ ১৮৭৬, ২৫শে ফেব্রুয়ারী হইতে।

৬। 'দেখিছ না অগ্নি ভারতলাগর'—১৮৭৭ সনে হিন্দুমেলার পঠিত, জ্যোতিরিন্দ্রনাথের 'অগ্নিময়ী' নাটকে ১৮৮২।

৭। 'অগ্নি বিবাদিনী বীণা'—'জাতীয় সঙ্গীত' প্রথম ভাগ, ২য় সংস্করণে ১৮৭৮, ৩০শে অগস্ট।

৮। 'ভারত বে তোয় কলঙ্কিত'—ঐ ঐ ঐ ১৮৭৮, ৩০শে অগস্ট।

৯। 'এক স্ত্রে বোধিষাছি সহস্রটি মন'—জ্যোতিরিন্দ্রনাথের 'পুঙ্খবিক্রম' নাটকের দ্বিতীয় সংস্করণ।

এ ছাড়া 'মাকবেথ' ও 'কুমারসম্ভব' কাব্যানুবাদ এবং 'শৈশব সংগীত' ও 'ভানুসিংহ ঠাকুরের পদাবলী'র অন্তর্ভুক্ত (১৮৭৭ খ্রী: জুলাই, ১২৮৪ খ্রাবণ থেকে 'ভারতী' মাসিক পত্রিকায় প্রথম মুদ্রিত) কবিতা ও গান কিশোর কবির প্রথম সাহিত্যসম্ভার বলে গণ্য হতে পারে।

উপস্থিত নয়টি কবিতাই কিশোর রবীন্দ্রনাথের তেরো থেকে সতেরো বৎসর বয়সের রচনা। প্রতিভার ফুলিক এগুলির মধ্যে দেখা যায় না, একথা স্বীকার করতেই হয়। মধুসূদন-বিহারীলাল-হেমচন্দ্র-বিক্রমজনাথ ঠাকুর-অক্ষয় চৌধুরীর নিচক অনুকরণ ও কালিদাস-শেক্সপীয়ারের বিখ্যাত অনুবাদরূপেই এগুলিকে গণ্য করতে হয়। দ্বিতীয় কাব্যপ্রেরণার প্রথম ফুলিকটি লক্ষ্য করা গেল 'অবসাদ' কবিতায় ('বালক' পত্রিকায় প্রকাশিত রচনা আ: ১৮৭৪ খ্রী:)। কবিতার শেষে লেখা আছে 'বালক' রচিত, আর সূচীপত্রে লেখা আছে—রচনাকার "রবীন্দ্রনাথ ঠাকুর (বাল্যকালের লেখা)।" এটি আবিষ্কারের গৌরব দাবি করতে পারেন শ্রীমজনীকান্ত দাস (জ: "রবীন্দ্রনাথ: জীবন ও সাহিত্য", পৃ: ১০৭)।

প্রতিভার প্রথম ফুলিক এই 'অবসাদ' কবিতায় আছে। অশেষ মূল্যবান দুর্বল কবিতাটি এখানে সম্পূর্ণ উদ্ধার করছি—সম্ভ্যাসংগীত-মানসী-চিত্রায় কবিকে এখানে রসিক পাঠক আবিষ্কার করে বিম্বিত আনন্দে উৎফুল্ল হয়ে ওঠেন, সমস্ত মনে বলে ওঠে—পেয়েছি, গন্ধোম্বীকে পেয়েছি, উদার প্রথম আলোর চরণধনি শুনেতে পেয়েছি।

প্রাকসম্ভ্যাসংগীত-পর্বের এই কবিতাটি নিঃসঙ্গ মহিমায় বিরাটমান। সম্পূর্ণ কবিতাটি এই :

দয়াময়ি, বাণি, বীণাপাণি,
 আগাও—আগাও, দেবি, উঠাও আমারে হীন হীন
 ঢাল' এ হৃদয়মাকে জলন্ত অনলময় বল !
 দিনে দিনে অবসাদে হইতেছি অবশ মলিন ;
 নিভীব এ হৃদয়ের পাড়াবার নাই যেন বল !
 নিদ্রাঘ-তপন-শুষ্ক স্থিরমাণ লতার মতন
 ক্রমে অবসন্ন হয়ে পড়িতেছি ভূমিতে লুটায়,
 চারিদিকে চেয়ে দেখি শ্রান্ত আঁখি করি উন্মীলন—
 বন্ধুহীন—প্রাণহীন—জনহীন—মরু মরু মরু—
 আঁধার—আঁধার সব—নাই জল নাই তৃণ তরু,—
 নিজীব হৃদয় মোর ভূমিতলে পড়িছে লুটায় ;
 এস দেবি, এস, মোরে
 রাখ এ মূর্ছাব ঘোরে ;
 বলহীন হৃদয়েরে দাও দেবি, দাও গো উঠায়ে !
 দাও দেবি সে ক্ষমতা, ও গো দেবি, শিখাও সে মায়ী—
 যাহাতে জলন্ত দগ্ধ নিরানন্দ মরুমাকে থাকি
 হৃদয় উপরে পড়ে স্বরগের নন্দনের ছায়া,—
 শুনি হৃদয়ের স্বর থাকিলেও বিজনে একাকী !
 দাও দেবি সে ক্ষমতা, যাহা এই নীরব আশানে,
 হৃদয়-প্রমোদ-বনে বাজে সদা আনন্দের গীত !
 মুমূর্ষু মনের ভার—
 পারি না বহিতে আর—
 হইতেছি অবসন্ন—বলহীন চেতনারহিত—
 অজ্ঞাত পৃথিবীতলে—অকর্মণ্য—অনাথ—অজ্ঞান—
 উঠাও উঠাও মোরে—করহ নূতন প্রাণ দান !
 পৃথিবীর কর্মক্ষেত্রে যুঝিব—যুঝিব দিবারাতে—
 কালের প্রস্তর-পটে লিখিব অক্ষয় নিজ নাম ।
 অবশ নিজায় করিব না এ শরীর পাত,
 বাহ্য অগ্নেছি যবে করিব কর্ণের অমুঠান !
 দুর্গম উন্নতি পথে পৃথি তরে গতিব সোপান,

তাই বলি বেবি—

সংসারের ভ্রমোন্মত্ত, অবসন্ন, দুর্বল পথিকে

কর গো জীবন দান তোমার ও অমৃত নিবেকে।

বীণাপাণির শরণার্থীর কণ্ঠস্থের ‘এবার কিরাও মোরে’ (চিহ্না) কবিতার প্রতিধ্বনি তনতে পাই। ‘ভাষা ও ছন্দ’ কবিতায় যে দ্বিবা প্রেরণা ও অণার বেধনার কথা বলা হয়েছে, এখানে সে প্রেরণা ও বেধনার প্রথম ইশারা পাই। ‘কালের প্রান্তর-পটে লিখিব অক্ষর নিজ নাম’—এই স্পষ্টিত ঘোষণা একমাত্র প্রতিভারই সাক্ষ্য, পরবর্তী ষাট বছরের কাব্যসাধনার এই ঘোষণা সাক্ষ্যমণ্ডিত হয়েছে। জীবনস্থতির দুটি অধ্যায়ে (‘প্রত্যাবর্তন’ ও ‘সাহিত্যের সংগী’) মহাবির সঙ্গে হিমালয়-ভ্রমণান্তে প্রত্যাবৃত্ত বারো বছরের বালকের মনোভাব রবীন্দ্রনাথ নিপুণভাবে বিশ্লেষণ করেছেন। বিদ্যালয়ের শিকার প্রবল বিরাগ ও কবিতার মুক্তি অন্বেষণ তখন বালকের জীবনে প্রবল হয়ে উঠেছিল। দুটি উক্তি ‘অবসাদ’ প্রসংগে অরণ্যযোগ্য। ‘প্রত্যাবর্তন’ অধ্যায়ে কবি বলছেন: “আমি বেশ বৃদ্ধিভাষ্য, ভ্রমণমাজের বাজারে আমার দর কমিয়া ঘাইতেছে কিন্তু তবু যে বিদ্যালয় চারিদিকের জীবন ও সৌন্দর্যের সংগে বিচ্ছিন্ন জেলখানা ও হাসপাতাল জাতীয় একটা নির্মম বিভীষিকা, তাহার নিত্য-আবর্তিত ঘানির সংগে কোনমতেই আপনাকে জুড়িতে পারিলাম না।” তাই বারবারই বেঙ্গল একাডেমী ও সেন্ট জেভিয়ার্স স্কুল থেকে নানাছলে পলায়ন।

আর ‘সাহিত্যের সংগী’ অধ্যায়ে এই সময়ের (১৮৭৩-এর মাঝামাঝি) বর্ণনা: “হিমালয় হইতে ফিরিয়া আসার পর স্বাধীনতার মাত্রা কেবলই বাড়িয়া চলিল। চাকরদের শাসন গেল, ইকুলের বন্ধন নানা চেষ্টায় ছেদন করিলাম, বাড়িতেও শিককদিগকে আমল দিলাম না।...বাড়ির লোকেরা আমার হাল চাড়িয়া দিলেন। কোনদিন আমার কিছু হইবে এমন আশা, না আমার না আর কাহারও মনে রহিল। কাজেই কোনকিছুর ভরসা না রাখিয়া আপন মনে কেবল কবিতার খাতা ভরাইতে লাগিলাম।...উহার মধ্যে আমার যেটুকু সে কেবল একটা অনাক্তি, ভিতরকার একটা দুঃস্থ আবেশ। যখন শক্তির পরিণতি হয় নাই অথচ বেগ জ্বলিয়াছে তখন সে একটা ভারি অন্ধ আন্দোলনের অবস্থা।”

এই বিকার ও অবসাদ, লাহনা ও নৈরাশ, অশান্তি ও আবেশের মধ্যে
প্রতিভার ব্যাকুল প্রার্থনা :

দয়াময়ি বাণি, বীণাপাণি,
জাগাও জাগাও দেবি, উঠাও আমারে দীন হীন ।...
অজ্ঞাত পৃথিবী তলে—অকর্মণ্য—অনাথ—অজান—
উঠাও উঠাও মোরে—করহ নূতন প্রাণ দান !
পৃথিবীর কর্মক্ষেত্রে হুবিব—হুবিব দিবারাত—
কালের প্রস্তর-পটে লিখিব অক্ষয় নিজ নাম ।

কাব্যসরস্বতী তাঁর ভক্তের প্রার্থনা পূরণ করেছিলেন—হুবিবুল রবীন্দ্রসাহিত্য
তার প্রমাণ ।

॥ ২ ॥

উনিশ শতকের গীতিকবিতার পটভূমিতে রবীন্দ্রনাথের কাব্যসাধনাকে
স্থাপিত করলে দেখা যাবে যে রবীন্দ্র-প্রতিভা অমূলতরু নয়, তা আপনাতে
আপনি বিকশিত হয় নি, সমকালীন কাব্যভূমি থেকেই জীবনরস আহরণ
করেছিল ।

গত শতকের দ্বিতীয়ার্ধে দুজন শক্তিশালী যুগপ্রবর্তক কাব্যের ছুটি
বিশিষ্ট রীতিতে দু'পথে অগ্রসর হয়েছিলেন । একদিকে মধুসূদন দত্ত, তাঁর
বাহন ক্লাসিক মহাকাব্য, আরেকদিকে বিহারীলাল চক্রবর্তী, তাঁর বাহন
রোমান্টিক গীতিকাব্য । বাংলা কাব্য সেদিন এই দুই পথের মোড়ে ধমকে
দাঁড়িয়েছিল—কোন পথে সে যাবে ? এই প্রশ্নের সার্থক উত্তর পাই
রবীন্দ্র-কাব্যে ।

সেদিন এই প্রশ্নের উত্তর দান সহজসাধ্য ছিল না । কেননা পথ নানা
জটিল জালে আকীর্ণ ছিল । বিস্তৃত ক্লাসিক পর্ব বাংলা কাব্যোত্তিহাসে কখনই
দেখা যায় নি । ইংরেজি কাব্যের পথ্যাসুরণে বাংলা কাব্যে একটানা ক্লাসিক
পর্বের অন্তে রোমান্টিক পর্ব আসে নি । এই যুগে মহাকাব্য, কাহিনীকাব্য
এবং রোমান্টিক গীতিকাব্য একই সময়ে লিখিত হয়েছিল । কেবল তাই
নয়, বিনি মহাকাব্য বা মহাকাব্যোচিত দীর্ঘ কাহিনীকাব্য লিখেছেন,
তিনিও রোমান্টিক কবিকল্পনাকে একেবারে উপেক্ষা করেন নি, বরং গীতি-
প্রবণতা তাঁর কাব্যে প্রভাব বিস্তার করেছে । এ যুগের কবিরা সজ্ঞানে

সচেতনভাবে ক্লাসিক কাব্যের মধ্যে গীতিকবিতার বহিন হাওয়া আয়তন করে এনেছিলেন। মধুসূদন হেমচন্দ্র নবীনচন্দ্র একাধারে ক্লাসিক ও রোমান্টিক কবি। সুতরাং বাংলা কাব্যের কোন নির্দিষ্ট বিস্তৃত ক্লাসিক পর্ব ছিল না।

এই জটিল আবর্তের মধ্যে কিশোর রবীন্দ্রনাথও পড়েছিলেন। তখনকার প্রতিষ্ঠিত অগ্রজ কবিদের প্রভাব তাঁর উপরও পড়েছিল। 'বনফুল' (রচনা : ১৮৭৬, প্রকাশ : ১৮৮০) থেকে 'প্রভাতসংগীত' (১৮৮০)—এই আট বছর কিশোর কবি পথসন্ধান করেছেন। এই সময়ে (১৮৭৬-৮৩) রচিত রবীন্দ্র-রচনার তালিকা :

১৮৭৮	কবিকাহিনী	(কাহিনীকাব্য)
১৮৮০	বনফুল	(ঐ)
১৮৮১	ভগ্নসদয়	(ঐ)
	বাস্তবিক-প্রতিভা	(গীতিনাট্য)
	কুজচণ্ড	(নাটক)
	যুরোপ-প্রবাসীর পত্র	(ভ্রমণ)
১৮৮২	সঙ্কাসংগীত	(গীতিকাব্য)
	কালযুগল	(গীতিনাট্য)
১৮৮৩	বৌঠাকুরাণীর হাট	(উপন্যাস)
১৮৮৩	বিবিধ প্রসঙ্গ	(প্রবন্ধ)
	প্রভাতসংগীত	(গীতিকাব্য)

এই তালিকা থেকে প্রমাণিত হয় যে গোড়া থেকে রবীন্দ্রনাথ তিনটি বাহন নিয়ে পরীক্ষা করছিলেন : কাহিনী-কাব্য, নাটক, ও গীতিকবিতা। বনফুল ও কবিকাহিনীর পরে কাহিনীকাব্য রচনা ছেড়ে দেন, বাকি রইল নাটক ও গীতিকবিতা। বাস্তবিক-প্রতিভাকে বাধ দিলে যেথা যায়, কুজচণ্ড নামক ট্রাজেডি দিয়ে তিনি নাট্যরচনা শুরু করেন ; প্রচলিত ট্রাজেডি রচনা থেকে শুরু করে নানাবিধ রীতির পরীক্ষার মধ্য দিয়ে পরিণত বয়সে তিনি স্বকীয় নাট্যরীতিতে উপনীত হন।

গীতিকবিতাই রবীন্দ্র-প্রতিভার বাহন, একথা অনস্বীকার্য। কাহিনী-কাব্য ও ট্রাজেডি রবীন্দ্র-প্রতিভার অগ্রফুল নয়, একথাও অস্বীকার করা যায় না। তবে তিনি কেন ঐ দুই জাতীয় রচনা দিয়েই সাহিত্য-জীবন শুরু করেছিলেন ?

এই প্রথের উত্তরে সহকালের সাহিত্য-পরিবেশটি স্মর্তব্য। ঐ সময়ে কাব্যভগ্নে রাজত্ব করছিলেন মাইকেল, হেমচন্দ্র, নবীনচন্দ্র, বিহারীলাল। “মাইকেল-হেমচন্দ্রের ঘটনা-প্রধান বহিমুখী মহাকাব্য; বিহারীলালের ঘটনাবিরল গীতিপ্রধান অন্তর্মুখী দীর্ঘকাব্য; এ দুইয়ের আকর্ষণ রবীন্দ্রনাথকে প্রথমে কাহিনীকাব্যের পথে পরিচালিত করিয়াছিল। অবশ্য মাইকেল-হেমচন্দ্র অপেক্ষা বিহারীলালের কাব্যের প্রভাবেই তাঁহার কাহিনীকাব্য অনেক বেশী।” (শ্রীপ্রমথনাথ বিন্দী—‘রবীন্দ্রকাব্যনির্ব্বার’)। বনফুল ও কবিকাহিনী—রবীন্দ্রনাথের এই দুই কাহিনীকাব্য তাই সেদিনের প্রচলিত সাহিত্যপ্রধার অন্তর্গত মাত্র।

এরপর ভগ্নহৃদয়। “নাটক ও গীতিকবিতার সীমান্ত প্রদেশের রচনা ভগ্নহৃদয়; তাহার খানিকটা নাটকীয়, খানিকটা কাব্যীয়: বহির্লক্ষণ নাটকের, অন্তর্লক্ষণ কাব্যের; বেশ বোকা যায়, দুই শ্রেণীর রচনাই কবির মনকে টানিতেছে; আবার কবিকাহিনী-বনফুল-রচয়িতার কলমও একেবারে বিরতি লাভ করে নাই, সেও মাঝে মাঝে দেখা দিয়া গিয়াছে। কাহিনীকাব্য, নাটক ও গীতিকাব্যের মিশ্র প্রভাবে ভগ্নহৃদয়ের সৃষ্টি। ইহা রবীন্দ্রকাব্যে ভেদাধার মেটে; এখানে আসিয়া কবিকে স্থির করিতে হইয়াছে কোন পথ তিনি অবলম্বন করিবেন। এইজন্যই এই কাব্যের মূল্য এত অধিক।” (তদেব)

বনফুল ও কবিকাহিনীতে “গল্পের ক্ষীণ সূত্রে লিরিকের মালা গাঁথা হইয়াছে, গল্প গৌণ হইয়া পড়িয়া লিরিক মুখ্য হইয়া উঠিয়াছে। পরবর্তী কালে এই লিরিক প্রেরণাই গল্পের কাঠামো-মুক্ত হইয়া রবীন্দ্রনাথের গীতিকবিতার রূপ ধারণ করিয়াছে।” (তদেব)। বনফুল, কবিকাহিনী, ও ভগ্নহৃদয়—এই তিন কাহিনীকাব্য কবির প্রচলিত প্রণাম্যবর্তন ও আপন স্বভাবের অল্পকূল পথাবিহার-প্রয়াসের প্রামাণ্য দলিল।

এখন কাহিনীকাব্য বিদায় গ্রহণ করেছে, কিন্তু নাটক গীতিকবিতার সহজ ক্ষুধিতে বাধা দিচ্ছে। কবির লিরিক ও নাটকের প্রকাশ-তালিকা এখানে দিলাম:

লঙ্ঘ্যাসঙ্গীত	১৮৮২	প্রকৃতির প্রতিশোধ	১৮৮৪
প্রভাতসঙ্গীত	১৮৮৩	নলিনী	১৮৮৪
শৈশবসঙ্গীত	১৮৮৪	কড়ি ও কোমল	১৮৮৬
ছবি ও গান	১৮৮৪	রাজা ও রাণী	১৮৮২

বিসর্জন

১৮৯০

মানসী

১৮৯০

এই তালিকা দেখলে বোকা যায় যে রবীন্দ্রনাথের নাটক ও গীতিকবিতা সমান্তরাল ভাবে চলেছে, কিন্তু গীতিকবিতা অপেক্ষা নাটকের পরিণতি ও পূর্ণতা আগেই ঘটেছে। রাজা ও রাণী ও বিসর্জন—এই দুই ট্রাজেডি রবীন্দ্রনাথের ট্রাজেডি-রচনার পরীক্ষাতীর্ণ ফল; নিবৃত্ত পরিপূর্ণ ফল। এর পর রবীন্দ্রনাথের মনোযোগ অতদিকে খাণ্ডিত হয়েছে, ট্রাজেডি রচনার আর আগ্রহ লক্ষ্য করা যায় না; পরবর্তী কালে রচিত ট্রাজেডিতে অল্প গুণ প্রাধান্য লাভ করেছে।

কবি তখন ট্রাজেডি ছেড়ে গীতিকবিতার দিকে ফুঁকলেন। কিন্তু এই ক্ষেত্রে তিনি অত শীঘ্র ও অত সহজে পরিণতিতে উপনীত হন নি।

ভগ্নহৃদয়ের ত্রিধা-বিভক্ত পথের মোড়ে রবীন্দ্রনাথ থমকে দাঁড়িয়ে ছিলেন—এবার কোন্ পথে? এর পরই পাই শৈশবসংগীত (রচনা ১৮৭৭-৮০; প্রকাশ ১৮৮৪)। গীতিকবিতার বিলম্বিত পরিণতির কারণ শৈশবসংগীতে পাওয়া যায়।

“শৈশবসংগীতে অধিকাংশ কবিতার বিষয়বস্তু কি? ‘ফুলবালা’, ‘দিক্‌বালা’, ‘অপ্সরা প্রেম’, ‘কামিনী ফুল’, ‘গোলাপবালা’, ‘ফুলের ধ্যান’, ‘প্রভাতী’ ইত্যাদি। এসব বিষয় কবিরা তখনই গ্রহণ করিয়া থাকেন যখন জীবনের সঙ্গে তাঁহাদের পূর্ণ পরিচয় ঘটে নাই।……এই জীবন-পরিচয়ের ঐকান্তিক অভাব শৈশবসংগীতে।……এই সময়ের নাটক যে অনেক বেশি পরিণত তাহার কারণ জীবন-পরিচয়ের অল্প কবিকে নিজের অভিজ্ঞতার ভগ্নভেদ হাতড়াইয়া বেড়াইতে হয় নাই। নাটকের গল্পাংশেই তিনি তাহা হাতের কাছে পাউষাছেন।……শৈশবসংগীতের প্রধান গুণ জীবনপরিচয় নহে, কবিতার গীতিসম্পদ।” (তদেব)

অথের বিষয় এই যে, গীতিকাবিতার পরীক্ষা তাঁকে দীর্ঘকাল করতে হয় নি। শৈশবসংগীত রচনার পরেই সঙ্ক্যাসংগীতের অধিকাংশ কবিতা রচিত। সঙ্ক্যাসংগীত রচনার পর কবির আর সন্দেহ ছিল না যে, গীতিকবিতাই তাঁর যোগ্য ও সত্য বাহন। সেকারণেই সঙ্ক্যাসংগীতের মূল্য এত বেশি। এর পর প্রভাতসংগীত। কবিতা ময়ূর করার দিন শেষ হল, কিশোর কবিবিশ্বপ্রাঙ্গী এইবার পরিণত কবি হলেন, নির্ঝরের অশ্রুভঙ্গ হল। ‘নির্ঝরের অশ্রুভঙ্গ’

কবিতায় রবীন্দ্রকাব্যের তিনটি মূল ভিত্তি প্রকাশ লাভ করেছে—(ক) আত্ম-সচেতনতা: ‘আগিয়া উঠেছে প্রাণ’; (খ) সেই আগ্রত প্রাণের সংশ্লেষ পারিপার্শ্বিকের দ্বন্দ্ব: ‘ওরে চারিদিকে ঘোর, একি কারাগার ঘোর’; এই বহু কারার বিরুদ্ধে সংগ্রাম ও প্রাণপ্রতিষ্ঠার সংকল্প: ‘আমি ডাঙিৰ পাৰাণ-কারা’; (গ) এই প্রতিষ্ঠার অর্থ জীবনে সৌন্দর্যের পরিপূর্ণ বিকাশ: ‘কেশ এলাইয়া, ফুল কুড়াইয়া রামধনু আঁকা পাখা উড়াইয়া, রবির কিরণে হাসি চড়াইয়া’ জীবনকে বিকশিত করাট এর উদ্দেশ্য। মানসী কাব্যে রবীন্দ্র-প্রতিভা আপন শক্তিতে ও প্রত্যয়ে প্রতিষ্ঠিত হলো, একটা স্পষ্ট আধ্যাত্মিক ব্যাকুলতা ও সাধনার পরিচয় কবি দিলেন। প্রাক-সম্বাস্যসংগীত পূর্বে হেমচন্দ্র-বিহারীলালের প্রভাব কিছু কিছু ছিল, মানসীতে এসে রবীন্দ্রনাথ সকল বহিঃপ্রভাব কাটিয়ে উঠলেন, আপন চিত্তদীপ জালিয়ে তারই আলোকে নোতুন পথে যাত্রা করলেন।

॥ ৩ ॥

কিশোর রবীন্দ্রনাথের কবিতায় হেমচন্দ্র ও বিহারীলালের প্রভাবই বেশি। মধুসূদন ও নবীনচন্দ্রের প্রভাব বিশেষ লক্ষ্য করা যায় না। মধুসূদন ও রবীন্দ্রনাথের কবিপ্রকৃতি ও কবিধর্ম এমনই বিপরীত যে কিশোর রবীন্দ্রনাথ ভুলেও মাইকেলের দিকে আকৃষ্ট হন নি। মাত্র একটি ক্ষেত্রে—‘বনফুল’ কাহিনীকাব্যের তৃতীয় সর্গে কমলা-নীরজার কথোপকথন মেঘনাদবধ কাব্যের চতুর্থ সর্গের সীতা-সরমা সংবাদের অনুরূপ। এ ছাড়া আর কোন প্রভাব নেই। আর মাইকেলী অমিত্রাক্ষরে ও রাবীন্দ্রিক অমিত্রাক্ষরে প্রভেদটাই বড়, মিল গৌণ। রবীন্দ্রকাব্যের প্রথম পর্বে নবীনচন্দ্রের প্রভাব নেই। কারণ নবীনচন্দ্রের বহুখ্যাত রচনার সময় রবীন্দ্রনাথের শৈশব রচনার পরে। হেমচন্দ্রের প্রভাব শৈশবসংগীতেই শেষ। সম্বাস্যসংগীতে কবি এইসব বহিঃ-প্রভাব কাটিয়ে উঠেছেন ও নিজস্ব পথ আবিষ্কার করেছেন।

হেমচন্দ্রের প্রভাব বালক রবীন্দ্রনাথের রচনার লক্ষ্য করা যায়। বালক রবীন্দ্রনাথের ‘অভিলাষ’ ও ‘হিন্দু মেলায় উপহার’ কবিতা দুইটিতে হেমচন্দ্রের প্রভাব লক্ষণীয়। প্রথমটি নীতিমূলক, দ্বিতীয়টি দেশপ্ৰীতিমূলক কবিতা। হেমচন্দ্রীয় রূপকচিত্রণ ও নীতি-আরোপ-প্রবণতা এখানে লক্ষ্য করা যায়। হেমচন্দ্রের ‘ভারত-বিলাস’, ‘কালচক্র’, ‘ভারতসংগীত’ (কবিতাবলী), ‘কি

‘কবে কাঁদিয়া’ (চিন্তাবিকাশ), ‘যমুনাধন’ (বিবিধ কবিতা) প্রকৃতি কবিতার
ভাব ও ভাষার সঙ্গে এই দুটি কবিতার সাদৃশ্য আছে ।

শৈশবসংগীতের কবিতার হেমচন্দ্রের প্রভাব আরো স্পষ্ট । যেমন,
রবীন্দ্রনাথের পূর্ণিমানিশি বর্ণনা :

আজি পূর্ণিমা নিশি

তারকা কাননে বসি

অলস নদনে শশী—

মুহু হাসি হাসিছে ।

পাগল পরাগে গুর

লেগেছে ভাবের ঘোর

দামিনীর পানে চেয়ে

কি যেন সে ভাবিছে । [শৈশব সংগীত]

তুলনীয় হেমচন্দ্রের অনুরূপ বর্ণনা :

আহা কি স্নান নিশি, চন্দ্রমা উদয়

কৌমুদীরানিতে যেন ধৌত ধরাতল

সমীরণ মুহু মুহু ফুলমধু বয়

কল কল করে ধীরে তরঙ্গিণী জল [‘যমুনাতটে’ কবিতাবলী]

প্রকৃতিবর্ণনায় হেমচন্দ্রের স্বকীয় দৃষ্টিভঙ্গী ছিল—মানবের চিন্তার সঙ্গে
প্রকৃতির সম্পর্ক কবি আবিষ্কার করেছিলেন । প্রাক-বিহারীলাল-পর্বে এই
প্রকৃতিবোধ প্রাণসাহ । প্রকৃতির স্পর্শের মধ্যে হেমচন্দ্র ব্যথিত মনের সান্ত্বনা
অন্বেষণ করেছেন :

কে আছে এ ভূমণ্ডলে যখন পরাগ

জীবনপিঙ্করে কাঁদে যমের তাড়নে

যখন পাগল মন তাজে এ শ্মশান

ধায় শূন্যে দিবানিশি প্রাণ অবেষণে,

তখন বিজন বন শান্ত বিভাবরী,

শান্ত নিশানাথ-জ্যোতি বিমল আকাশে,

প্রশস্ত নদীর তট পর্বত উপরি

কার না তাপিত প্রাণ জুড়ায় বাতাসে ।

[‘যমুনাতটে’, কবিতাবলী, ১৮৭০]

কিশোর রবীন্দ্রনাথ অল্পকাল কাব্য-ভাবনা প্রকাশ করেছিলেন :

কে আছে এমন যার এ হেন নিশীথে,
পুরানো স্বপ্নের স্মৃতি উঠেনি উথলি।
কে আছে এমন যার জীবনের পথে
এমন একটি স্বপ্ন যার নি হারায়ে,
যে হারা স্বপ্নের তরে দিবানিশি তার
দুঃখের একমিক শূণ্য হয়ে আছে।
এমন নীরব রাত্রে সে কি গো কখনো
ফেলে নাই মর্মভেদী একটি নিশ্বাস ?

['কবিকাহিনী' (১৮৭৮) তৃতীয় সর্গ]

প্রকৃতিবর্ণনায় কিশোর কবি আর এক জনের সাহায্য গ্রহণ করেছিলেন।
কবির অগ্রজ দ্বিজেন্দ্রনাথ ঠাকুর। 'জীবনস্মৃতি'তে রবীন্দ্রনাথ দ্বিজেন্দ্রনাথের
'স্বপ্নপ্রয়াণ' কাব্যের উচ্ছৃঙ্খলিত বর্ণনা করেছেন।

দ্বিজেন্দ্রনাথ রূপক কাব্যটিতে যে স্বপ্নলোক নির্মাণ করেছিলেন, তার
সৌন্দর্যে অল্পকাল কবি মুগ্ধ হয়েছিলেন। স্বপ্নপ্রয়াণের বর্ণনা রবীন্দ্রনাথকে
প্রভাবিত করেছিল। তার পরিচয় পাই পাতাল বর্ণনায়—

গভীর পাতাল ! যথা কালরাত্রি করাল বদনা
বিস্তারে একাধিপত্য। স্বপ্নে অযুত ফণিফণা
দিবানিশি কাটি রোষে ; ঘোর নীল বিবর্ণ অনল
শিখাসংঘ আলোড়িয়া দাপাদাপি করে দেশময় ।

[স্বপ্নপ্রয়াণ (১৮৭৫), পঞ্চম সর্গ]

এর সঙ্গে তুলনীয় রবীন্দ্রনাথের আশান বর্ণনা—

গভীর আশার রাতি আশান ভীষণ।
ভয় যেন পাতিয়াছে আপনার আশার আসন।
সরসর মরমরে স্থখীরে তটিনী বহে যায়।
প্রাণ আকুলিয়া বহে ধুমময় আশানের বায়।

[বনফুল (১৮৮০), প্রথম সর্গ]

বর্ণনাতত্ত্ব ও দীর্ঘ ত্রিপদী ছন্দে অল্পস্মৃতি এখানে অতি স্পষ্ট।

এহ বাহু, কেননা এইসব প্রভাব অল্পকাল যাত্র স্থায়ী হয়েছিলো।
রবীন্দ্রনাথের নিজ স্বীকৃতি ও রচনার সাক্ষ্য অল্পস্মৃতিতে একথা বলা যায় বিহারী-

লালের প্রভাব অপেক্ষাকৃত বেশি, কিন্তু তাও বেশিদিনের অস্ত নয়; সন্ধ্যাসংগীতে এসে এই প্রভাবও অপসৃত হয়েছে।

যে সময়ে মাইকেলের প্রভাবে বাংলাকাব্য প্রধানত বহিমুখী ছিল, তখন বিহারীলালের কাব্যে অন্তর্মুখিতা প্রাধান্য লাভ করেছে। এই অন্তর্মুখিতার ইশারা রবীন্দ্রনাথকে পথের সন্ধান দিয়েছিল, এর বেশি আর কিছু নয়। “আধুনিক বঙ্গসাহিত্যে কবির নিজের কথা” প্রথম বিহারীলালই শোনালেন, একথা রবীন্দ্রনাথ স্বীকার করেছেন (দ্রঃ ‘আধুনিক সাহিত্য’)। বঙ্গহৃদয়ী ও সারদামঙ্গল কাব্যের নিকট কাব্যক্ষেত্র রবীন্দ্রনাথ বারবার স্বীকার করেছেন। কিন্তু, না, তা ঋণ নয়, গ্রহণ, আত্মস্বীকরণ, সম্পূর্ণ নিজের করেই তা তিনি গ্রহণ করেছেন।

বিহারীলালের প্রভাব রয়েছে বনফুল, কবিকাহিনী ও শৈশবসংগীত কাব্যে। তারপরই সন্ধ্যাসংগীতে সেই প্রভাব থেকে মুক্ত। মনে হয় এইজন্যই রবীন্দ্রনাথ প্রাক-সন্ধ্যাসংগীত পর্বের সমুদায় রচনাকে (অচলিত সংগ্রহ, ছ বঙ) স্বীকার করতে চান নি।

বিহারীলাল যে হেমচন্দ্রের মতো ক্রিয়াপদিক মিল ব্যবহার করেন নি—
একজ্ঞ রবীন্দ্রনাথ রুতজ্ঞতা স্বীকার করেছেন।

বঙ্গহৃদয়ী কাব্যের—

একদিন দেব তরুণ তপন

হেরিলেন হরনদীর জলে

অপরূপ এক কুমারী রতন

খেলা করে নীল নলিনীদলে।

এর মিষ্ট লালিত্য ও প্রতিমাধূর্য রবীন্দ্রনাথকে মুগ্ধ করেছিল, শৈশবসংগীতে এরই অনুলিপি—

তরল জলদে বিমল চাঁদিমা

স্বপ্নার বরণা দিতেছে ঢালি

যল্লর ঢলিয়া কুসুমের কোলে

নীরবে লইছে স্রতি ঢালি।

কিন্তু প্রসঙ্গে কবি বলেছেন, “একথা এই ছন্দটাই আমি বেশি করিয়া
...এইটাই আমার অভ্যাস হইয়া গিয়াছিল। সন্ধ্যাসংগীতে
নহে, কিন্তু স্বভাবতই এই বন্দন ছেদন করিয়াছিলাম।”

[জীবনস্বতি, 'সন্ধ্যাসংগীত']। কেবল ছন্দের ক্ষেত্রে নয়, ভাবের ক্ষেত্রেই রবীন্দ্রনাথ সন্ধ্যাসংগীতে মূক্তি অর্জন করেছিলেন প্রতিভার অসাধারণ আত্ম-বিধানের জোরে।

বিহারীলালের 'শরৎকাল' ও 'সারদামঙ্গল' কাব্যের প্রভাব রবীন্দ্রনাথের 'বনফুল', 'শৈশবসংগীত', 'বাস্তবিকপ্রতিভা' কাব্যে লক্ষণীয়। বিহারীলালের তিনটি সম্ভাবনা রবীন্দ্রনাথে অধিকতর সার্থকতায় মণ্ডিত হয়েছিলো। প্রথমত, প্রকৃতির সঙ্গে অন্তরঙ্গ সম্পর্ক স্থাপনে ও তার মধ্যে একটি রোমান্টিক বিবাদের স্রব আবিষ্কারে বিহারীলালের ইঙ্গিত সাহায্য করেছিল। দ্বিতীয়ত, প্রেমের লৌকিক ও আধারগত সত্তার উপরে যে একটি সাবভৌম অধ্যাত্মসত্তা আছে, তার অতীতি বিহারীলালের কাব্যে (প্রেমপ্রবাহিণী, সারদামঙ্গল) প্রথম লক্ষ্য করা যায়, রবীন্দ্রনাথের কাব্যে (সোনার তরী) সে কাব্যভাবনা পরিপুষ্ট লাভ করেছে। তৃতীয়ত, রোমান্টিক কাব্যভাবনা থেকে মিস্টিক কাব্য-ভাবনায় উত্তরণ ঘটেছে, বিহারীলালের সংগীতশতক (১৮৬২) থেকে সাধের আলন (১৮৮৮) কাব্যধারা তার পরিচয়স্থল : রবীন্দ্রনাথের ক্ষেত্রেও তা ঘটেছে, কড়ি ও কোমল (১৮৮৬) থেকে চিত্রা (১৮৯৬) কাব্যধারা তার প্রমাণ। চিত্রা কাব্যে এসে রবীন্দ্রনাথের মিস্টিক কাব্যভাবনা পূর্ণতা পেয়েছে, এখানে রবীন্দ্রনাথ বিহারীলালকে ছাড়িয়ে গিয়েছেন।

এই তিনটি ক্ষেত্রে বিহারীলালের দান ও রবীন্দ্রনাথের স্বীকরণ ও স্বজন-কমতার বিস্তারিত বিবরণ বর্তমান লেখকের "উনবিংশ শতাব্দীর বাংলা গীতিকাব্য" গ্রন্থের শেষ অধ্যায়ে করা হয়েছে।

II 8 II

উনিশ শতকের শেষ পালে সমসাময়িক কবিদের কাব্যসাধনার সঙ্গে রবীন্দ্রনাথের কাব্যসাধনার একটি ঘনিষ্ঠ সাদৃশ্য লক্ষ্য করা যায়। রবীন্দ্র-
প্রতিভা-বিচারে এই দিকটি নিয়ে বিশেষ আলোচনা হয় নি। এই আলোচনার
একথাই প্রমাণিত হবে বলে আমার ধারণা যে রবীন্দ্রপ্রতিভা অমূল-তরু-
নয়, তা সমকালের কাব্যপরিবেশ থেকে আলো বাতাস গ্রহণ করেছে,
সহস্রাব্দী কবিদের কাব্যভাবনায় অংশ নিয়েছে। প্রেম, প্রকৃতি ও বিবাহ :
কাব্যের তিনটি মূল ক্ষেত্রে রবীন্দ্রনাথ যে আন্তরিক বেদনাকে বাণীরূপ দান
করেছিলেন, তা সমকালীন কবিদের দ্বারা সমর্থিত ও পরিপুষ্ট হয়েছিল।

প্রথমেই ইন্দ্রিয়প্রিত প্রেমকবিতার আলোচনা করা যাক। যৌবনের ও প্রেমের অঙ্গগান রচনার সেদিন রবীন্দ্রনাথের সঙ্গীত অত্যন্ত ছিল না।

রবীন্দ্রনাথের ইন্দ্রিয়প্রিত প্রেমের কাব্য ‘কড়ি ও কোমল’ (১৮৮৬)। সমকালের যে-সব কবি ইন্দ্রিয়প্রিত প্রেম-কবিতা রচনার খ্যাতিলাভ করেছিলেন, তাঁরা হলেন—বলদেব পালিত (‘কাব্যমালা’ : ১৮৭০), বলেন্দ্রনাথ ঠাকুর (‘প্রাণী’ : ১৮৯৭), মুল্লী কায়কোবাদ (‘অঞ্জমালা’), হরিশ্চন্দ্র নিয়োগী (‘বিনোদমালা’ : ১৮৭৮, ‘মালতীমালা’, ১৮৯২), গোবিন্দচন্দ্র দাস (‘প্রেম ও ফুল’ : ১৮৮৮, ‘কুসুম’ : ১৮৯২, ‘কস্তুরী’ : ১৮৯৫, ‘চন্দন’ : ১৮৯৬), দেবেন্দ্রনাথ সেন (‘অশোকগুচ্ছ’ : ১৯০০)।

কড়ি ও কোমলের রচয়িতা স্থূল মানবতার কবি। এ কাব্যের প্রেম পাখিব প্রেম। ইন্দ্রিয়প্রিত প্রেমের অঙ্গগানে এ কাব্য মুখরিত। এখানে কবির মনে হয়, “আমার যৌবনস্থপে যেন চেয়ে আছে বিথের আকাশ। ফুলগুলি গায়ে এসে পড়ে রূপসীর পরশের মতো।” প্রকৃতির নিবিড় সাহচর্যের মধ্যে থেকে রবীন্দ্রনাথ কী ভাবে নারীর প্রেমসাহচর্য বিষয়ে সচেতন হয়ে উঠেছিলেন, তার আলোচনা আছে এই কাব্যে। এখানে স্বর্তব্য, শুধু কামনাগছী, বাছ মিলনে পরিসমাপ্ত প্রেম কোনদিনই রবীন্দ্রনাথের কল্পনাকে উদ্দীপ্ত করে নি, ইন্দ্রিয়লালসা কখনও প্রেমের স্বর্গীয় হৃদয়কে খণ্ডিত করে নি।

বলদেব পালিতের ‘কাব্যমালা’র ভোগের উল্লাস, যৌবনের চাকলা, আর ‘কড়ি ও কোমল’-এ ভোগের শুদ্ধ আকাঙ্ক্ষা, যৌবনের স্বপ্ন। দেহ-কাষনার সংকীর্ণ সীমাকে লঙ্ঘন করে গেছে ‘কড়ি ও কোমল’ের সনেট-নিচয়, বলদেব তা পারেন নি। একই বিষয়ে রচিত কবিতার উদ্ধৃতিতে একথা স্পষ্ট হবে।

স্তনের বর্ণনার বলদেব বলেছেন :

পল্লবস্বরূপ ধনি এ করপলবে
রাখিব ঘটের মুখে কাম মহোৎসবে।
সিন্দূরের বিনিময়ে নথকড়-ছটা
অপূর্ব শোভিবে, যেন প্রবালের ঘটা।

একই প্রসঙ্গে রবীন্দ্রনাথের বক্তব্য :

প্রেমের সংসীত যেন বিকশিতা রয়,
উঠিছে গড়িছে ধীরে হৃদয়ের তালে।

হেরো গো কমলাসন জননী লক্ষীর

হেরো নারী-রূপের পবিত্র মন্দির ।

নারীপ্রেমের পবিত্রতাকে রবীন্দ্রনাথ কোন ক্রমেই স্মরণ হতে দেন নি, শতযুগলের প্রতি কামজ আকর্ষণ নয়, রোমান্টিক আকর্ষণ এখানে প্রবল ।

আরও একটি উদাহরণ গ্রহণ করা যাক । হরিনন্দ্র নিয়োগীর ‘বিদায়’, মুল্লী কায়কোবাদের ‘প্রণয়ের প্রথম চূষন’ ও ‘বিদায়ের শেষ চূষন’ ও দেবেন্দ্রনাথ সেনের ‘দাও দাও একটি চূষন’—চূষন-বিষয়ক এই কবিতা-চতুষ্টয়ের সঙ্গে ‘কড়ি ও কোমল’ের ‘চূষন’ সনেটের তুলনা করা যায় । রবীন্দ্রনাথের সনেট এই কবিতা চতুষ্টয়ের পূর্বেই ১৮৮৬ খ্রীষ্টাব্দে রচিত হয়েছিল । রবীন্দ্রনাথের শ্রেষ্ঠত্ব ভাবের সমুদ্রভিতে, রোমান্টিক কল্পনার সমারোহে, শালীন চিত্রণে । পরপর চারজন কবির চূষন বর্ণনার কয়েকটি চরণ উদ্ধার করছি, এতেই বক্তব্য প্রতিষ্ঠিত হবে ।

[এবিষয়ে বিস্তৃত আলোচনার জন্য বর্তমান লেখকের ‘উনিবিংশ শতাব্দীর বাংলা সীতিকাব্য’ গ্রন্থের তৃতীয় ও নবম অধ্যায় দ্রষ্টব্য]

মুল্লী কায়কোবাদের ব্যাকুল জিজ্ঞাসা :

মনে কি পড়ে গো সেই প্রথম চূষন ?

যবে তুমি মুক্ত কেশে

ফুলরাগী বেশে এসে,

করেছিলে মোরে প্রিয়া স্নেহ আলিঙ্গন ।

মনে কি পড়ে গো সেই প্রথম চূষন ?

—‘প্রণয়ের প্রথম চূষন’

হরিনন্দ্র নিয়োগীর প্রীতি-প্রণয় চিত্তের আবেদন :

আর নয়, বিদায় লো ! যাই এইবার,

স্বরক্ত অধরোপরি

বিদায় চূষন করি,

চাপিয়া উরসে বর স্রীষদের ভার,

হালিয়া বিদায় দাও, প্রেরণী আমার । —‘বিদায়’

দেবেন্দ্রনাথের দুর্বীর কামনা :

দাও, দাও, একটি চূষন

মিলনের উপকূলে সাগর সন্মিলে
 হৃদয় বানের মুখে বিব ভালাইয়া মুখে
 ঘেহের রহস্তে বাধা অকৃত জীবন,
 দাও, দাও, একটি চুম্বন।

—‘দাও দাও একটি চুম্বন’

আর রবীন্দ্রনাথের রোমান্টিক তীর্থভ্রমণের হৃৎ ও আবেগ :

অধরের কানে যেন অধরের ভাবা
 দৌহার হৃদয় যেন দৌছে পান করে।
 গৃহ ছেড়ে নিরুদ্দেশ ছুটি ভালবাসা
 তীর্থযাত্রা করি যাচ্ছে অধর সন্মিলে।...
 দুটি অধরের এট মধুর মিলন
 দুইটি হাসির রাঙা বাসর-শয়ন।

প্রেমের স্বর্গীয় স্বপ্নমা এখানে হীন্দ্রললসা ও ছবার কামনার দ্বারা বণ্ডিত হয় নি। রবীন্দ্রনাথের স্বাভাব্য ও প্রেষ্ঠত্ব এখানে স্বতঃই প্রমাণিত।

আদর্শায়িত প্রেমকবিতার ক্ষেত্রেও রবীন্দ্রনাথের সহযাত্রীর অভাব ছিল না। মানসী (১৮২০), সোনার তরী (১৮২৪), ও চিত্রা (১৮২৬) কাব্যের আদর্শায়িত প্রেমের সহগামী কাব্যসাধনা হল স্বধীন্দ্রনাথ ঠাকুরের ‘দোলা’ (১৮২৬), বলেন্দ্রনাথ ঠাকুরের ‘প্রাবলী’ (১৮২৭), সরোজকুমারী দেবীর ‘হাসি ও অশ্রু’ (১৮২৫), প্রিয়দর্শনা দেবীর ‘রেণু’ (১৯০০) ও প্রমথনাথ রায়চৌধুরীর ‘পদ্মা’ (১৮২৮) ও ‘স্মৃতিকা’।

বাস্তবজগতে প্রেমের বৃথা সন্ধান, প্রেমের ব্যাখ্যাভীত রহস্ত, সংসার জীবনে অধীরতা ও সংশয়ের তীব্রতা, প্রেমাস্পদের সঙ্গে আত্মিক মিলনের অস্ত বৃথা ক্রন্দন ‘মানসী’ কাব্যে রয়েছে। প্রেমাকর্ষণ মূলতঃ অতিবাস্তবের আকর্ষণ, প্রেমের রহস্ত হৃৎকর্ষ ও প্রেমিক হৃদয় অন্তহীন রহস্তের নিলয়, তার পরিচয় ‘সোনার তরী’তে আছে। বলেন্দ্রনাথ প্রমুখ কবিদের রচনায় প্রেমের অতিবাস্তব আকর্ষণ ও রহস্তময় রূপ, দুইটি প্রকাশিত হয়েছে রবীন্দ্রনাথের অঙ্গুলরণে।

রবীন্দ্রনাথ বর্ষা ও বিরহ ভাবটিকে কাব্যরূপ দিয়েছেন ‘সোনার তরী’তে এইভাবে—

আজি বর্ষা গাঢ়তম

নিবিড় কুন্তলসম

মেঘ নামিয়াছে মম

ছুইটি ভীরে । —‘হৃদয় যমুনা’

বলেজ্ঞনাথের কাব্যে এরই প্রতিধ্বনি :

মেঘ নামিয়াছে আজি ধরণীর গায়,

তুমি এস নেমে এস হৃদয়গুহার

অন্তরের মাঝে, অগ্নি অন্তরবাসিনি । —‘অন্তরবাসিনি’

প্রিয়দর্শনা দেবীর কাব্যে একই ভাবনার প্রতিচ্ছবি :

মেঘ নামিয়াছে আজ ঘেরি চারিপাশ

নবস্নিগ্ধ অন্ধকার, সজল বাতাস

ধরণীর আর্দ্রবক্ষে নিবিড় পরশে

রোমাঞ্চ জাগায়ে তুলি উদাস হরষে

ছোট্টে গর্ভভরে, ...রুদ্ধ ঘরে একা বসি

অশ্রু আঁখি, প্রাণে জাগে তব মুখশশী ।

তবু একবার এস নয়ন সঙ্কুণ্ণে

বাহুবন্ধে তত্থখানি গাঁথি লহ বুকে । —‘বিরহ’

বর্ষার প্রকৃতিতে বিরহীচিত্তের আপন বেদনাবিবশ হৃদয়ের সমর্থন পায়, বাংলা কাব্যে এই তত্ত্বটির প্রবর্তক রবীন্দ্রনাথ ।

বাস্তব জগতে প্রেমের বৃথা সন্ধান ও তার ক্ষত নিষ্ফল সূচনা বিহারী-লালের ‘প্রেমপ্রবাহিণী’ কাব্যে, তার পূর্ণতা রবীন্দ্রনাথের ‘মানসী’ কাব্যে ও তারই বিবস্ত্র অতুস্মৃতি স্বধীন্দ্রনাথ ঠাকুরের ‘দোলা’ কাব্যে । এই কাব্যে ‘নিখিল প্রয়াস’, ‘পরিতাপ’, ‘হৃদয়যমুনা’, প্রমুখ কবিতার নামপরিচয়ে মানসী-সোনার তরীর আভুগত্যা প্রতিষ্ঠিত । ‘সোনার তরী’ কাব্যে প্রেমের হৃজ্জের রহস্য ও মৃত্যুর সংগে প্রেমের একাত্মতা সাধিত হয়েছে । এক্ষেত্রে স্বধীন্দ্রনাথের (হৃদয়যমুনা : দোলা) সঙ্গে রবীন্দ্রনাথের কাব্যভাবনা ও চিত্রকল্পের আশ্চর্য সাদৃশ্য লক্ষ্য করা যায় (‘সোনার তরী,’ ‘ঝুলন’ ও ‘হৃদয়যমুনা’) ।

স্বধীন্দ্রনাথের ও সরোজকুমারী দেবীর প্রেম সাধনায় যে নিবেদন ও আত্ম-সমর্পণের স্বর আছে, তা রবীন্দ্রনাথের কাব্যেও বর্তমান ।

জীবনসাধনা ও কাব্যসাধনার কল জীবনাধিষ্ঠাত্রী দেবীর চরণে সর্বদেয় অশ্রু কাহিনী রবীন্দ্রনাথের 'চিত্রা' কাব্যে বর্ণিত হয়েছে। প্রেমের আদর্শায়িত রূপচিহ্ন, তার অতিবাস্তব পরিণতি প্রেমিকাকে জীবনাধিষ্ঠাত্রী দেবীরূপে বরণ, প্রেমের রহস্যময়তা এবং কাব্যসাধনা ও জীবনসাধনার ভেদ-লুপ্তি সোনার তরী—চিত্রা কাব্যকে মহত্তর পর্দারে উন্নীত করেছে।

রবীন্দ্রনাথের জীবনদেবতা বন্দনা :

দেবী, অনেক ভক্ত এসেছে তোমার চরণতলে

অনেক অর্ঘ্য আনি ;

আমি অভাগ্য এনেছি বহিরা নয়নতলে

বার্ধ সাধনখানি ।...

তুমি যদি, দেবী, পলকে কেবল

কর কটাক স্নেহস্বকোমল,—

একটি বিন্দু ফেল আঁখিজল করুণা মানি

সব হতে তবে সার্থক হবে বার্ধ সাধনখানি । ('সাধনা'—চিত্রা)

স্বধীন্দ্রনাথের বিচিত্ররূপিনী বন্দনা :

কে তুমি রয়েছ মোর অন্তরের মাঝে

বিচিত্ররূপিনী! কত দিন কত সাজে

দেখেছি তোমার :.....পরাণ বৃদ্ধু

নিশিদিন প্রাণপণে কেমনে না জানি

তোমা হতে প্রাণরস লইতেছে টানি ।

চিরন্তনজিত এই জীবনসাগরে

এতদূর আনিয়াছ তুমি হাত ধরে :

যাহা ঘটিরাছে মন হতে দূর করে

এবে তোমা কাছে বাচি—জান ত হৃদয়

অন্তরের মাঝে মোর দিবস শরীরী

কি আশা আগিয়া আছে, তাহে পূর্ণ করি

জীবনের সুখাপ্যত্রখানি হাও তরি,

তার পর রথচক্রতলে বাধি মোরে

যেথা খুঁসি নিয়ে বেয়ো জয় জয় ধরে ।

('অদৃষ্টদেবী'—মোনা)

আর সরোজকুমারী দেবীর ব্যাকুল প্রার্থনা :

জেনেছি বুকেছি দেবী বিফল সাধনা ।
 শিখিনি করিতে পূজা ও ছুটি চরণ
 আজন্মের ঘোর তৃষা অতৃপ্ত বাসনা,
 মিটিবে না কত মোর থাকিতে জীবন ।.....
 তবু দেবী আশাহীন নবীন আশায়
 গেঁথেছি যতনে এই ঝরাফুলগুলি,
 পরাইতে যাই আর সাহস ফুরায় ;
 পরিবে না গলে তুমি লবে না কি তুমি ?
 না হয় রাখিয়া দাও চরণের ছায়,
 মুহূর্ত বিফল আশা যদি মেটে হায় ।

['সাধনা'—হাসি ও অশ্রু]

রবীন্দ্রনাথের জীবনদেবতা-তব ও অভিযান্ত্রিক প্রেম-সাধনা এই দুজন কবির কাব্যে সমর্থিত হয়েছে, এতে রবীন্দ্রপ্রতিভার জয় সূচিত হয়েছে ।

কেবল ইন্দ্রিয়প্রিত ও আদর্শায়িত প্রেমের ক্ষেত্রেই নয়, রোমান্টিক বিবাদের ক্ষেত্রেও রবীন্দ্রনাথ একক ছিলেন না । রোমান্টিক বিবাদ বাংলা শ্রুতিকাব্যে প্রথম দেখা দিল বিহারীলালের কাব্যে । বিহারীলালের প্রকৃতিপ্রেম, নির্বিশেষ অতীন্দ্রিয় সৌন্দর্য-সন্ধান, অগ্নান প্রসন্নতা এবং ধ্যানমগ্নতা রবীন্দ্রমানসের স্বার্থ অতৃপ্ত হয়েছিল । তবে বিহারীলালের প্রভাব কণ্ঠস্থায়ী হয়েছিল । কাব্যজীবনের প্রথম পর্বে কবি হৃদয়-অরণ্যে পথসন্ধান করে ফিরছিলেন । সন্ধ্যাসংগীতে কবিকে হৃদয়-অরণ্য থেকে মুক্তির পথ দেখাল, স্বার্থ মুক্তি ঘটল প্রভাতসংগীতে । 'নির্ঝরের স্বপ্নভঙ্গ' কবিতায় রবীন্দ্রনাথ যে মুক্তিতে করলেন, তা এই বিবাদ থেকে মুক্তি ; এ কবিতায় প্রসন্ন আনন্দসংগীতে হৃদয় প্রভাতের সঙ্গে কবির সাক্ষাৎ পরিচয় স্থাপিত হল ।

এই মুক্তি কবির নিজের মধ্য থেকেই ঘটেছে, বাহিরের কোন শক্তি কবির উপর প্রভাব বিস্তার করতে পারে নি । আর সমকালীন কবিতা রোমান্টিক বিবাদের অপেক্ষা শোক ও আত্মবিলাপের হাহাকারেই নিজেদের নিঃশেষিত করে দিয়েছিলেন । তাই রোমান্টিক বিবাদের কবিতায় রবীন্দ্রনাথ আপন স্বাতন্ত্র্যে প্রতিষ্ঠিত । এ বিষয়ে বিস্তারিত আলোচনার জন্য বর্তমান লেখকের 'উনিশ শতাব্দীর বাংলা শ্রুতিকাব্য' গ্রন্থের সপ্তম অধ্যায় দ্রষ্টব্য ।

এবার শেষ প্রশ্ন : সমকালের পটভূমিতে রবীন্দ্রনাথের প্রকৃতি-কবিতার
বিচার। বিহারীলালের 'প্রণয় করেছি আমি প্রকৃতি-রমণী সনে' (সংস্কৃত-
শতক : ১৮৬২) ও

তথাময় প্রণয় তোয়ার
জুড়াবার স্থান হে আমার :
তব স্নিগ্ধ কলেবরে,
আলিঙ্গন দিলে পরে
উলে যায় হৃদয়ের ভার।

[বঙ্গদ্রশ্য : ১৮৭০]

এবং হেমচন্দ্রের—হারের প্রকৃতি সনে মানবের মন

ধাধা আছে কি বন্ধনে বৃষিতে না পারি।

['যমুনাতটে', কবিতাবলী : ১৮৭০]

প্রকৃতি-কবিতার উপযুক্ত পটভূমি রচনা করেছিল। রবীন্দ্রনাথ যখন কাব্য-
ক্ষেত্রে এলেন তখনও তিনি হৃদয়-অরণ্য হতে নিষ্কাশ হন নি। এই সময়
হেমচন্দ্র-নবীনচন্দ্র প্রকৃতিতে নীতি ও গুরুচিন্তা আরোপ করতেন। তখনকার
দিনে প্রকৃতি-কবিতা রচনার এই ছিল প্রচলিত রীতি। রবীন্দ্রনাথ এই
কৃত্রিমতা ও সজ্জার বিরুদ্ধে বিদ্রোহ ঘোষণা করলেন। দ্বিজেন্দ্রনাথ বা
দ্বিজেন্দ্রলাল যা করতে পারেন নি, রবীন্দ্রনাথ তা করলেন। কবিতাকে
জীবন ও প্রকৃতির কাছে নিয়ে এলেন।

'নির্বাসের স্বপ্ন' কবিতাটি তাই একাধিক কারণে মূল্যবান। বিবাহ
থেকে, কৃত্রিমতা থেকে, নীতি বা তথ্যারোপ প্রবণতা থেকে প্রকৃতি-কবিতাকে
রবীন্দ্রনাথ মুক্ত করলেন। হৃদয়ের অন্তর্হন থেকে উৎসারিত আনন্দধারার
স্রোত হতে কবি প্রকৃতিকে দেখলেন, সমগ্র প্রকৃতি সেই বৃহৎ আনন্দের অঙ্গীকৃত
হয়ে গেল। প্রকৃতিতে চিন্তারোপ না করে কবি তাকে জীবনের সঙ্গে গেঁথে
নিলেন; প্রকৃতি-কবিতার নতুন ধারা প্রবর্তিত হল। সরোজকুমারী দেবী
('মধ্যাহ্ন'), বিনয়কুমারী ধর ('রাত্রির প্রতি রজনীগন্ধা'), স্বর্ণকুমারী দেবী
('শারদকোৎসব'), দেবেন্দ্রনাথ সেন ও অক্ষয়কুমার বড়ালের কবিতায় এই
নবদৃষ্টিভঙ্গীর অঙ্গসরগে অচলিতশীল নিসর্গের সাক্ষ্য পাওয়া গেল। বর্তমান
লেখকের "উনবিংশ শতাব্দীর বাংলা শ্রুতিকাব্য" গ্রন্থের বই অধ্যায়ে এ
বিষয়ে বিস্তৃত আলোচনা করা হয়েছে।

‘লির্করের বগ্নডক’ (প্রভাতসঙ্গীত), ‘অহল্যার প্রতি’ ও বর্ষা-বিষয়ক-কবিতা (মানসী) এবং ‘বহুছরা’ ও ‘সমুদ্রের প্রতি’ (সোনার তরী)—এই ক’টি উজ্জল আন্তরিক গভীর কবিতায় বাংলা প্রকৃতি-বিষয়ক কবিতা এক মহত্তর পর্যায়ে উন্নীত হল। জীবনানন্দ দাশ প্রমুখ আধুনিক কবিদের হাতে প্রকৃতি-কবিতার রূপান্তর ঘটার আগে পর্যন্ত রবীন্দ্র-নির্ধারিত পথেই প্রকৃতি-কবিতার যাত্রাপথ স্থিতিস্থিত হয়ে গেল। ‘অহল্যার প্রতি’ কবিতায় কবি মাতৃরূপা প্রকৃতিকে দেখেছেন, আর মানসীর বর্ষা-কবিতাগুলিতে সর্বজনগদগত বিরহবেদনা ও রোমাণ্টিক বেদনাকে প্রকাশ করেছেন। বহিঃ-প্রকৃতির বর্ণনায় ও তার সংগে মানবজন্মের ঘনিষ্ঠ অন্তরঙ্গ সম্পর্কস্থাপনে রবীন্দ্রনাথ বোধ করি ওয়ার্ডসওয়ার্থ ছাড়া আর সকল কবি অপেক্ষা শ্রেষ্ঠ। ‘অহল্যার প্রতি’ কবিতায় প্রকৃতির প্রতি যে সুগভীর মাতৃস্বীতি প্রকাশ পেয়েছে, ‘বহুছরা’ কবিতায় তার রসসমৃদ্ধ পরিণতি।

উনিশ শতকের শেষপাদে রবীন্দ্রনাথের আবির্ভাব ও এই শতকের সমাপ্তির পূর্বেই তাঁর নিঃসংশয় প্রতিষ্ঠা ঘটেছে। প্রকৃতি-বর্ণনায়, ইন্দ্রিয়প্রস্রুত আদর্শায়িত ও মিস্টিক প্রেমের উপস্থাপনায় এবং রোমাণ্টিক বিষাদের অন্তঃকণ পরিচয় দান্বে সমসাময়িক কবিদের সঙ্গে রবীন্দ্রনাথের সাদৃশ্য ও স্বাতন্ত্র্য একত্ব লক্ষ্য করা গেল। রূপতান্ত্রিকতা ও ভাবতন্ময়তা, তৃপ্তি ও অতৃপ্তি, যৌবনের হর্ষ ও বেদনা, বাস্তবের কঠিন পেষণ থেকে মুক্তিসাধনা, আদর্শ ও সৌন্দর্যের সন্ধান : এই পর্বে রবীন্দ্রনাথকে ক্ষতবিক্ষত করেছে। এই ক্ষেত্রে সহযাত্রীর অভাব ছিল না, তাও লক্ষ্য করেছি।

তবে রবীন্দ্রনাথের বৈশিষ্ট্য কোথায়? রবীন্দ্রকাব্যে সকল ধারার সমন্বয় সাধিত হয়েছিল ও এই সময় থেকেই বাংলা কাব্যে এক উন্নততর কবিকর্মেয় উদ্ভব হয়েছিল। উনিশ শতকের বাংলা গীতিকাব্যসংসারে রবীন্দ্রনাথ একক নন, কিন্তু তিনি শ্রেষ্ঠ। শতাব্দীর সাধনার ফল রবীন্দ্রনাথেই প্রকাশিত হয়েছিল।

বিশ শতকের গীতিকবিতা ও রবীন্দ্রনাথ

॥ ১ ॥

প্রতিভার পরিচয় কেবল অপূর্ববস্তুনির্মাণকর্ম প্রজায় নয়, অল্পসহস্রবিধ রূপকর্মে ও ভাবের বহুচাৰিত্রায়। তাই রবি-প্রতিভার পরিচয় কেবল দু-একটি ক্ষেত্রে নয়, নানা ক্ষেত্রে তার স্বচ্ছন্দ বিচরণ। বিশেষ করে বাংলা কবিতার ক্ষেত্রে তা সংকীর্ণপরিধিতে সীমাবদ্ধ। ভাবলে আশ্চর্য লাগে, অর্ধ-শতাব্দীকাল (১৮২০-১৯৪০) রবিপ্রতিভা কাব্যক্ষেত্রে নিত্য নব নব সৃষ্টি করেছে। এই কালসীমার মধ্যে কবি রবীন্দ্রনাথ তিনটি গোষ্ঠীর কবিদের প্রভাবিত করেছেন। উনিশ শতকের শেষ দশক ও বিশ শতকের প্রথম দশকে দেবেন্দ্রনাথ সেন, অক্ষয়কুমার বড়াল, সুধীন্দ্রনাথ ঠাকুর, বলেন্দ্রনাথ ঠাকুর, প্রমথনাথ রায়চৌধুরী, সরোজকুমারী দেবী, গিরিন্দ্রমোহিনী দাসী, কামিনী রায়, মানকুমারী বসু, গোবিন্দচন্দ্র দাস, যিতেন্দ্রলাল রায়, বিজয়চন্দ্র মজুমদার রবীন্দ্র-প্রতিভার 'দ্রাবিড়' হয়েছেন। শেষোক্ত তিন জন রবীন্দ্র-পথ থেকে সরে গিয়ে স্বতন্ত্র কাব্যধারা গড়ে তুলতে চেষ্টাছিলেন, এবং পরাজিত হয়েছিলেন। এরপর বিশ শতকের প্রথমার্ধে যে কবিরা এসেছেন, তাঁরা বিরোধিতার প্রদাহ না করে, রবীন্দ্রনাথের কাছে বিনিঃশেষ আত্মসমর্পণ করেছেন। সত্যেন্দ্রনাথ দত্ত, কুমুদরঞ্জন মল্লিক, কল্পানিধান বন্দ্যোপাধ্যায়, যতীন্দ্রনাথ সেনগুপ্ত, মোহিতলাল মজুমদার, কাজি নজরুল ইসলাম প্রমুখ রবীন্দ্রাহুসারী কবিরা রবীন্দ্রছায়াতলে কাব্যজীবনের বাত্মা-সূচনা ও সমাপ্তি ঘটিয়েছেন। শেষোক্ত তিনজনের কবিতার পরবর্তী কাব্যধারার ইজিত পাওয়া গেল। এর পরেরকার কবিগোষ্ঠী এসেছেন 'তিরিশের দশকে'। প্রেমেন্দ্র মিত্র, বুদ্ধদেব বসু, অচিন্ত্যকুমার সেনগুপ্ত, অজিত দত্ত, সমর সেন, বিষ্ণু দে, জীবনানন্দ দাশ, সুধীন্দ্রনাথ দত্ত আধুনিক কাব্য আন্দোলনের পুরোধারূপে এসেছেন। অজ্ঞাবধি এদেরই প্রভাব সর্বাপেক্ষা বেশি।

রবীন্দ্রনাথের সর্বাতিশায়ী প্রভাব উপরোক্ত তিন গোষ্ঠীর কবিরা অতিক্রম করতে পারেন নি। কি রবীন্দ্রাহুসারী কবিগোষ্ঠী, কি আধুনিক কবিগোষ্ঠী, কি দেবেন্দ্রনাথ-অক্ষয়কুমার-বলেন্দ্রনাথের গোষ্ঠী—সবলেই রবীন্দ্র-প্রতিভাকে স্বীকার করতে বাধ্য হয়েছেন। এখানে দুটি প্রাঙ্গণিক স্বীকৃতি ভুলে যিচ্ছি।

রবীন্দ্রনাথসারী কবিসমাজের অন্ততম কবি শ্রীমদনীকান্ত দাস বলেছেন, "সত্য কথা বলিতে গেলে রবীন্দ্র-পরবর্তী বাঙালী কবিদের প্রায় সবলেই আয়রা যেন মূল গারেন রবীন্দ্রনাথের দোহার্ণিক করিয়াই সার্থক হইয়াছি; ছুই চারিজন একটু দূরে সরিয়া বেহুয়া গাছিমার চেটা করিয়াছি বটে, কিন্তু শেষাশেষি ওই রবীন্দ্র-রূপ-সাগরেই ডুব দিতে হইয়াছে, আন্-ঘাটে তরী বাধা আর হয় নাই।" ('আত্মস্মৃতি', তৃতীয় ভাগ)। আর আধুনিক কবিসমাজের অন্ততম প্রধান শ্রীমদীন্দ্রনাথ দত্ত বলেছেন, "রবীন্দ্রনাথের চেয়ে সক্রিয় তথা সর্বভোমুখ সাহিত্যিক বাংলাদেশে ইতিপূর্বে জ্ঞান নি এবং পরবর্তীরা আত্মপ্রাণের যতই প্রাণের হোক না কেন, অল্পকৃতির রাজ্যে স্তম্ভ তারা এমন কোনও পথের সন্ধান পায় নি যাতে রবীন্দ্রনাথের পদচিহ্ন নেই। বস্তুত তাঁর দিগ্বিজয়ের পরে বাংলা সাহিত্যের যে-অবস্থান্তর ঘটেছে, তা এই : তাঁর অসীম সাম্রাজ্যের অনেক জমি জোতদারদের দখলে এসেছে ; এবং তাদের মধ্যে যারা পরিপ্রমী, তারা নিজের নিজের এলাকায় শস্তের পরিমাণ বাড়িয়েছে মাত্র ; কসলের জাত বদলাতে পারে নি।" ('কুলায় ও কালপুরুষ')।

ছজন সম্পূর্ণ ভিন্ন, স্বতন্ত্র কাব্যধর্মে বিশ্বাসী কবির কাছে রবীন্দ্রনাথ সম্পর্কে একই প্রচেষ্টা উক্তি রবি-প্রতিভার স্বীকৃতির পরিচয়স্বল। রবীন্দ্রযুগের কবিতার আলোচনার তাই এ-সত্য বিন্দুত হলে চলে না যে, রবীন্দ্রনাথ বাংলা কাব্যে অপরিহার্য সত্য। রবীন্দ্রনাথসারী কবিরা কীভাবে অন্ধ রবীন্দ্রনাথসারিতার বৃত্তপথে ঘুরে ঘুরে ব্যর্থতাকে বরণ করে নিলেন এবং রবীন্দ্র-প্রভাব-অতিক্রমেচ্ছ কবিরা কীভাবে রবীন্দ্র-কক্ষপথ থেকে সরে গিয়ে সার্থকতা লাভ করলেন, তার, অবশেষেই বর্তমান আলোচনার সার্থকতা নিহিত। পরীক্ষা, ঐতিহ্য-আলুগতা, মুক্ত আত্মরতি, ভক্তিপ্রবণতা, ভাববিলাস, ছন্দচাতুর্য ও মজল বাক্যপর্বততা, নগর জীবনের প্রতি বিরোধ ও রূঢ় বাস্তবের অস্বীকৃতি রবীন্দ্রনাথসারী কবিদের কাব্যসাধনায় লক্ষ্য করা যায়। বিপরীত দিকে আধুনিক কবিতায় লক্ষ্য করি, তা একান্তভাবেই নগরভিত্তিক ও সমাজ-সচেতন। আমাদের কালের মধ্য দিয়ে দুটি কথির নদী প্রবাহিত হয়েছে ; তা জগৎ ও জীবন সম্পর্কে আমাদের পূর্বতন আশা-তরসাকে নিমূল করেছে ; কলে এসেছে ভিত্তিকতা, নিরাশা, হতাশা ও বেদনা ; এসেছে রোমাঞ্চিক স্বপ্নাকেশের দ্রুত সমাপ্তি ও প্রথম বাস্তবের স্থানলোকান্তানিত

নোতুন জগৎ। সংস্কারশক্তি ও কেন্দ্রাশ্রয়, বিশ্ববীক্ষা ও বৈবেচিকতা, নাগরিকতা ও ত্রিধকদৃষ্টিসম্বিত জীবনবোধ, অকণ্ট সত্যনিষ্ঠা ও রক্ত বাস্তবাহু-ভূতির রূপায়ণে আগ্রহ আধুনিক কবিতায় বড়ো হয়ে উঠেছে। আর এই-সব লক্ষণের মধ্য দিয়েই ব্রহ্মে পারি, অল্প রবীন্দ্রাহুসারিতার দিন শেষ হয়েছে, বাংলা কাব্যে পালাবদল হয়েছে।

॥ ২ ॥

এই পালাবদল সম্পর্কে রবীন্দ্রনাথ সচেতন ছিলেন, একথা অবশ্যস্বীকার্য। ‘পরিশেষ’ (১৯০২), ‘পুনশ্চ’ (১৯০৪) ও ‘সাহিত্যের পথে’ (১৯০৬) তার পরিচয়স্থল। প্রথম বিশ্বসমরের পর ঠেরোরোপে যে সামগ্রিক কালান্তর সৃষ্টিত হল এবং যা পরে সমগ্র পৃথিবীকে গ্রাস করে নিল, বাংলা সাহিত্যে সে বিষয়ে রবীন্দ্রনাথই সর্বপ্রথম সচেতন হলেন। প্রথম বিশ্বসমরের ফলে মানুষের এতাবৎকালের মানবিক মূল্যবোধসমূহের প্রতি আস্থা বিনষ্ট হল, সামাজিক সংগঠিত ও পারিবারিক সংহতি বিচলিত ও বিপর্যস্ত হল, ঐতিহ্য থেকে মানুষ বিচ্যুত হল। এরই ফলে এলিঅটের ‘পোড়ো জমি’ (Waste Land) দেখা দিল এবং ক্ষত মানবজীবনে সমাজ-মানসে তার অধিকার বিস্তার করল। রোমান্টিক স্বপ্নাবেশের ক্ষত সমাপ্তি ঘটল, ঐতিহ্যব্রষ্ট বিধাসমিক্ত বাস্তবাহুভূতির জয় ঘোষিত হল। সময়ান্তিক হতাশা, বেদনা, সংশয়, সর্বগ্রাসী নিরাশা কবিতায় ছায়া ফেলল। এলিঅট-অডেন-ম্পেণ্ডারের কবিতা তাই পাঠককে সুখী করল না, সংশয়পীড়িত করল।

বোধ করি প্রথম সমরোত্তর বিধ সেদিন কবিতার মৃত্যুদিনের অপেক্ষায় প্রহর গুনছিল। আশ্চর্য এই যে, রবীন্দ্রাহুসারী কবিসমাজের কবিতায় তার বিক্ষুব্ধ আভাস পাই না। কুম্ভধরজন, করুণানিধান, কালিদাস, বতীন্দ্র-মোহনের কবিতার পরীক্ষিত, ঐতিহ্যাহুহুতি, সরল প্রকৃতিদৃষ্টি ও রোমান্টিক জীবনধ্যানই প্রথম ও শেষ কথা হয়ে রইল। তাঁদের কাব্যজীবনের অধিদেবতা রবীন্দ্রনাথও যে পরিবর্তিত হজেন, তিনি যে সোনার তরী-চিহ্ন-কল্পনার রোমান্টিক স্বপ্নলোক থেকে অনেক দূরে চলে গেছেন, তিনি যে খেয়া-গীতাঙ্গলি-গীতিমালা-গীতালির অধ্যাত্মলোক থেকে ভ্রষ্ট হয়ে বলাকার-নিষ্ঠুর বৃত্তার গর্জন শুনে অস্ত্র কোনোখানে দাবার ভক্ত ব্যাকুল হয়েছেন, সে-

কথা রবীন্দ্র-ভক্তরা একেবারেই চিন্তা করেন নি। রবীন্দ্রনাথ সেনগুপ্ত, মোহিতলাল মজুমদার ও কাজি নজরুল ইসলাম সেদিন এই সমাজে ও মনের ভগ্নভে কালান্তরের প্রভাব অস্পষ্টরূপে অনুভব করেছিলেন, কবিতার বিশ্বাসরিক্ত সংশয়পীড়িত আনন্দভ্রষ্ট অমুহূতিসমূহকে কাব্যরূপদানের প্রয়াস করেছিলেন।

রবীন্দ্রনাথ বিশ্বব্যাপী ভাড়া-গড়া ওলোট-পালটের কথাটা প্রকাশ করেছিলেন যে-ভাবে, তা প্রমাণ করে রবীন্দ্রনাথ যুগ-সচেতন কবি, রোমাণ্টিক স্বপ্নবিলাসী নন। কিন্তু এই সর্বধ্বংসী সর্বগ্রাসী কালান্তর রবীন্দ্র-কাব্যমানসের অমুহূত নয়, প্রতিমুহূত, সেকথাও অবশ্যস্বীকার্য। রবীন্দ্রনাথ সমাজে সাহিত্যে চিন্তালোকে নৈরাশ্র্য ও বিশ্বাসহীনতা সম্পর্কে মন্তব্য করেছিলেন এই বলে,—

“গত যুরোপীয় যুদ্ধে মানুষের অভিজ্ঞতা এত কর্কশ, এত নিষ্ঠুর হয়েছিলো, তার বহুযুগ প্রচলিত আদব ও আশ্রয় সাংখ্যাতিক সংকটের মধ্যে এমন অকস্মাৎ চারখান হয়ে গেলো, দীর্ঘকাল যে সমাজ স্থিতিতে একান্ত বিশ্বাস করে সে নিশ্চিন্ত ছিল তা এক মুহূর্তে দীর্ণ বিদীর্ণ হয়ে গেলো, মানুষ যে সকল শোভন রীতি, কল্যাণরীতিকে আশ্রয় করেছিল তার বিশ্বস্ত রূপ দেখে এতকাল বা ক্রিছুকে সে ভদ্র বলে জানত তাকে দুর্বল বলে আশ্রয়প্রতারণাব কৃত্রিম উপায়ে অবজ্ঞা করতেই যেন সে একটা উগ্র আনন্দ বোধ করতে লাগল।”

কিন্তু, না, কবিতার মৃত্যুদিন স্মরণীয় হল না, বরং কবিতা পান্চাত্ত্যে নব প্রেরণায় উজ্জীবিত হল। রেনেসাঁসের ফলস্বরূপ যে রোমাণ্টিক সৌন্দর্যধ্যান ও ব্যক্তিস্বাতন্ত্র্যবাদ গত শতকের সাহিত্যে মৌল প্রেরণা ছিল, তা প্রথম বিশ্বসমরের আঘাতে প্রেরণা নিঃশেষিত হবার উপক্রম হল। কবিতার পথ ক্ষত পরিবর্তিত হল। সমাজচেতনা ও ব্যক্তিচেতনা, দুই-ই প্রবল হয়ে উঠল এবং এ’দুয়ের দ্বন্দ্ব শিল্পমানস বিধাগ্রস্ত হল। প্রকৃতিপ্রেমের স্থানে এল নাগরিক জীবন-অনুপ্রাণিত, স্বকুমার কলান্তরভূতির স্থানে এল ভটিল মনস্তত্ত্ব, নিশ্চিন্ত সৌন্দর্যধ্যানের স্থানে এল উপকৃত চিন্তাধারা, ভাবাবেগের স্থানে এল মননশীলতা, বহির্বিষ ও বাস্তব বড় হয়ে উঠল, ঐতিহাসিকতা পরিাক্রান্ত হল, গূঢ় অস্তিত্ব-জিজ্ঞাসা ও অন্তর্মুখিতা বড় হয়ে উঠল।

এর ফলে আধুনিক কবিতার দিগন্ত প্রসারিত হল। বর্তমান শতকের প্রথম পাঁচ পান্চাত্ত্য কাব্যভগ্নে নানা বিরোধী আন্দোলন—বিরোধী ও

পরম্পর-বিরোধী কাব্যান্বেষণ কবিতাকে বৃদ্ধার অভিলাষ থেকে রক্ষা করে নোড়ুন ব্যাঙ্গাধের প্রেরণা সকারিত করে দিল। ভিত্তিরীর মূলের নীতিবোধ সম্পূর্ণরূপে পরাজিত হয়েছে, শাস্তি ও সৌন্দর্যের স্বাধিকারবলী মূল্যহীন হয়েছে, প্রকৃতিপ্রেম ও ঐতিহ্যভ্রমরোগ প্রহার আসন থেকে বিচ্যুত হয়েছে। অ-কাব্য-চিন্তা কাব্যালোকে প্রবেশাধিকার লাভ করেছে ও গৃহীত হয়েছে। রাজনীতি, সমাজতত্ত্ব, নৃত্য, অর্থনীতি, মনস্তত্ত্ব কবিতার দেখা দিল। তত্ত্ববিদ্যালিঙ্গম, দাদাটঙ্কম, ফিউচারিজম, ইম্প্রেশনিজম, সিম্বলিজম, এক্সিসটেন্শিয়ালিজম প্রভৃতি নানা মতবাদের ভীড়ে আধুনিক কবিতা পথ হারিয়েছে ও পথ সন্ধান করেছে।

প্রথম সমরোত্তর পান্চাত্য কবিতা সম্পর্কে রবীন্দ্রনাথ কত সচেতন ছিলেন, তার প্রমাণ তার 'আধুনিক কাব্য' প্রবন্ধটি (১৯০২ 'সাহিত্যের পথে' গ্রন্থভুক্ত) এবং 'সাহিত্যের স্বরূপ' প্রবন্ধ সংকলনের আলোচনাকাল। এই সব ক'টি প্রবন্ধের রচনাকাল ১৯০২ থেকে ১৯০১ খ্রিঃ। এই সময়েই বাংলা কাব্যে পালাবদল হয়েছে। 'পুনশ্চ' কাব্যের রচনাকাল ১৯২০ থেকে ১৯০২, প্রকাশকাল ১৯০২ খ্রিষ্টাব্দ। এটি বৎসরগুলি বিশেষ শুষ্কত্বপূর্ণ, কেননা ১৯২০ থেকে ১৯০০ খ্রিষ্টাব্দের মধ্যে আধুনিক কাব্যধারার সূচনা ও প্রচার লক্ষ্য করা গেছে। ১৯২০-এ 'কল্লোল' পত্রিকা প্রকাশিত হয়, ১৯০০-এ 'পরিচয়' ত্রৈমাসিক প্রকাশিত হয়। ১৯২৭ থেকে ১৯৫০-এর মধ্যেই আধুনিক বাংলা কাব্যান্বেষণের নেতৃস্থানীয় কবিদের (প্রমোদ্র মিত্র, বুদ্ধদেব বসু, অচিন্ত্য-কুমার সেনগুপ্ত, অজিত দত্ত, সমর সেন, বিষ্ণু দে, জীবনানন্দ দাশ, রবীন্দ্রনাথ দত্ত) প্রথম কাব্যগ্রন্থ প্রকাশিত হয়েছে। তাই 'তিরিশের' ও 'চল্লিশের' দশকে বাংলা কাব্যের কোনো পরিবর্তনই রবীন্দ্রনাথের দৃষ্টি এড়িয়ে যেতে পারে নি।

আর এই সময় রবীন্দ্রনাথসারী কবিসমাজ কী করেছেন, তার সম্ভাব্য পরিচয় গ্রহণ করা যাক। কল্পানিধান বন্দ্যোপাধ্যায়ের 'শতনরী' (১৯০০), বতীন্দ্রমোহন বাগচীর 'নীহারিকা' (১৯২৭) ও 'মহাতারতী' (১৯০৬), কুমুদরঞ্জন মল্লিকের 'অজয়' (১৯২৭) ও 'তৃণী' (১৯২৮), বতীন্দ্রনাথ সেনগুপ্তের 'মকলিখা' (১৯২৭) ও 'মকমারা' (১৯০০), মোহিতলাল মজুমদারের 'বিশ্বরতী' (১৯২৬), কলিধাস রায়ের 'আহরণী' (১৯০২), পরমলকুমার ঘোষের 'নারী-মঙ্গল' (১৯২৬), সাবিত্রীপ্রসন্ন চট্টোপাধ্যায়ের 'আহিতাতি' (১৯০২) ও 'মনো-

সুসূর' (১৯০০), নজরুল ইসলামের 'কণিষনঙ্গা' (১৯২৭), 'সিন্ধুহিম্মাল' (১৯২৭), 'জিহ্বী' (১৯২৮), 'চক্রবাক' (১৯২৯), 'সন্ধ্যা' (১৯২৯), সজনীকান্ত দাসের 'পথ চলতে থাকে জল' (১৯২৯), 'বঙ্গবন্ধু' (১৯৩১), 'মনোদর্পণ' (১৯৩১), 'অনুষ্ঠ' (১৯৩১) প্রভৃতি কাব্য এবং শৌরীন্দ্রনাথ ভট্টাচার্য, নরেন্দ্র দেব, পার্শ্বী-মোহন সেনগুপ্ত, নবকৃষ্ণ ভট্টাচার্য, বসন্তকুমার চট্টোপাধ্যায়, রাধারানী দেবী প্রমুখের কবিতা এই পালা-বদলের কালে প্রকাশিত হয়েছে। কিন্তু যে সচেতনতা এক্ষেত্রে প্রত্যাশিত ছিল, তা এঁদের কাছে পাওয়া যায় নি। কাব্যে আধুনিকতার সমজ্ঞা, যজ্ঞ-বদলের কথা এঁদের ভাবায় নি। সাহিত্যে আধুনিকতা-প্রসঙ্গে রবীন্দ্রনাথ ১৯০১-এ লিখলেন, 'প্রত্যেক দেশের সাহিত্য মুখ্যতাবে আপন পাঠকদের জন্য, কিন্তু তার মধ্যে সেই স্বাভাবিক দাবি যা আমরা প্রত্যাশা করি যাতে সে দূর-নিকটের সকল অতিথিকেই আসন ভোগাতে পারে।' রবীন্দ্রনাথের এই প্রত্যাশা রবীন্দ্রানুসারী কবিসমাজ পূরণ করতে পারেন নি, একথা অস্বীকার করা যায় না।

অবশ্য খানিকটা পূরণ করেছেন মোহিতলাল, যতীন্দ্রনাথ ও নজরুল। বাকিটা পূরণ করলেন নেতৃস্থানীয় আধুনিক কবিরা। রবীন্দ্রানুসারীদের অন্ত একটা দিক প্রকাশিত হল প্রথমদিক বিদ্যুৎ, নিশিকান্ত, কানাই লামজ প্রমুখের কবিতায়।

॥ ৩ ॥

প্রথম বিশ্বযুদ্ধের পরবর্তীকালে ইংরেজি কাব্যের সঙ্গে আমাদের সম্পর্ক বদলিত হয়। ফরাসি ও জার্মান কাব্যের সঙ্গে বদলিততা চল্লিশের দশকে লক্ষ্য করা গেছে। রবীন্দ্রনাথ এই পর্বের ইংরেজি কাব্য সম্পর্কে সচেতন ও উৎসাহী ছিলেন তার প্রমাণ 'আধুনিক কাব্য' প্রবন্ধে (১৯০২) রয়েছে। কিন্তু ঐ-সম্পর্কে তাঁর খানিকটা বিধাও আছে। ১৯০৪-এ তিনি 'সাহিত্যে আধুনিকতা' প্রবন্ধে বিধা ও সংশয়ের স্বরে বলেন—“ইংরেজের প্রাক্তন সাহিত্যকে তো! আনন্দের সঙ্গে মেনে নিয়েছি, তার থেকে কেবল যে রণ পেয়েছি তা নয়, জীবনের ব্যাভাষে আলো পেয়েছি। তার প্রভাব আজও তো মন থেকে দূর হয় নি। আজ বারকক যুরোপের দুর্গমতা অগ্রহণ করছি আধুনিক ইংরেজি সাহিত্যে। তার কঠোরতা, আমার কাছে অগ্রহণ্য বলে ঠেকে, বিজ্ঞপনরায়ণ বিবাসহীনতার কঠিন অস্তিত্বে তার উৎপত্তি, তার মধ্যে

এমন উদ্ভূত কথা যাচ্ছে না, ঘরের বাইরে বার অরূপ আত্মান।... আমাদের দেশের তরুণদের মধ্যে কাউকে কাউকে দেখেছি তারা আধুনিক ইংরেজি কাব্য কেবল যে বোঝেন তা নয় সম্ভোগও করেন। তাঁরা আমার চেয়ে আধুনিক কালের অধিকতর নিকটবর্তী বলেই যুরোপের আধুনিক সাহিত্য হরতো তাঁদের কাছে দূরবর্তী নয়। সেইজন্য তাঁদের সাক্ষ্যকে আমি মূল্যবান বলেই গ্রহণ করি। কেবল একটা সংশয় মনে থেকে যায় না। নূতন যখন পূর্ববর্তী পুরাতনকে উদ্ধৃতভাবে উপেক্ষা ও প্রতিবাদ করে তখন ঐতিহাসিক তরুণের মনে তাকে যে বাহবা দেয় সকল সময়ে তার মধ্যে নিত্য সত্যের প্রামাণিকতা মেলে না। নূতনের বিদ্রোহ অনেক সময়ে একটা স্পর্ধা মাত্র।"

['সাহিত্যের স্বরূপ']

রবীন্দ্রনাথ খোলা মনে পাশ্চাত্য কাব্যে পালা-বদলকে গ্রহণ করতে পারেন নি, এ-সত্যটি এখানে স্পষ্ট হয়ে উঠেছে। তথাপি তিনি সহানুভূতি ও আগ্রহের আধুনিকতাকে বারবার প্রয়াস করেছেন, তার পরিচয় পাই 'আধুনিক কাব্য' গ্রন্থে। এখানে তিনি প্রথম সমরোত্তর ইংরেজি কবিতার আলোচনা করেছেন এবং তিনজন কবির কবিতা মূলে ও অল্পবাদে উদ্ধার করেছেন। ইংরেজি রোমান্টিক ও ভিক্টোরীয় কাব্যের প্রতি রবীন্দ্রনাথের অমুরাগ সত্য, এ-কথা অনস্বীকার্য। সেই অমুরাগ সবেও তিনি সমরোত্তর ইংরেজি কবিতার রস গ্রহণে পরাশ্রয় হন নি। তিনি বলেছেন, "এই আধুনিকতা সময় নিয়ে নয়, মজি নিয়ে।" আধুনিকতার চারিত্র-লক্ষণ তিনি আবিষ্কার করেছেন। নৈব্যক্তিকতা, বৈজ্ঞানিক সত্যনিষ্ঠা ও বাস্তবতা—এই তিনটি চারিত্র-লক্ষণ রবীন্দ্রনাথ লক্ষ্য করেছেন। সমরোত্তর ইংরেজি কবিতাকে তিনি মনে খুলে গ্রহণ করতে পারেন নি, তার কারণস্বরূপ বলেছেন, "সাম্রাজ্যেই বল আর আর্টেই বল নিরাসক্ত মনই হচ্ছে সর্বশ্রেষ্ঠ বাহন; যুরোপ সাম্রাজ্যে সেটা পেয়েছে কিন্তু সাহিত্যে পায় নি।" আরো বলেছেন, "আমাকে যদি ভিজ্ঞানী কর বিত্ত আধুনিকতাটা কী, তা হলে আমি বলব, বিত্তকে ব্যক্তিগত আসক্তভাবে না দেখে বিত্তকে নিবিচার তদন্তভাবে দেখা। এই দেখাটাই উজ্জল, বিত্তময়; এই মোহমুক্ত দেখাতেই খাটি আনন্দ। আধুনিক বিজ্ঞান যে নিরাসক্ত চিত্তে বাস্তবকে বিশ্লেষণ করে, আধুনিক কাব্য সেই নিরাসক্ত চিত্তে বিত্তকে সমগ্র দৃষ্টিতে দেখবে, এইটেই শাস্ত্রভাবে আধুনিক। কিন্তু একে আধুনিক বলা নিতান্ত বাজে কথা। এই-যে নিরাসক্ত সহজ দৃষ্টি

আনন্দ, এ কোনো বিশেষ কালের নয়। বার চোখ এই অনাবৃত ভগ্নতে
সকল করিতে জানে এ তারই।”

[“আধুনিক কাব্য” : ‘সাহিত্যের পথে’]

‘শাশ্বতভাবে আধুনিক’ ও ‘আধুনিক’—এ দুয়ের মধ্যে রবীন্দ্রনাথ পার্থক্য
লক্ষ্য করেছেন এবং ‘আধুনিক’-কে তিনি সমর্থন করেন নি। ‘বিশ্বের প্রতি
উদ্ধত অবিবাস ও কুংসার দৃষ্টি’কে রবীন্দ্রনাথ ‘ব্যক্তিগত চিন্তাবিকার’ ও
‘কালাপাহাড়ি তাল ঠোকা’ বলে ভৎসনা করেছেন। বিশ্বের আত্মতা বা
হুনিষ্ঠিত আত্মতা-ই আধুনিক কবিতার ‘ক্যারেট্টার’ এ’ কথা রবীন্দ্রনাথ
স্বীকার করেছেন এবং এলিঅটের কবিতায় তার সমর্থন পেয়েছেন। রবীন্দ্রনাথ
এই প্রবন্ধে এলিঅট, এড্‌গার পাউণ্ড, এমি লোয়েল ও এডুইন আর্লিংটন
রবিনসনের কবিতা উদ্ধার করে আধুনিকতার পরিচয় দিয়েছেন।

‘সাহিত্যের মাত্রা’ আলোচনা-প্রসঙ্গে রবীন্দ্রনাথ বলেছেন, “সবই তাকে
(সাহিত্যনীতিকে) আপন সত্য রক্ষা কবে চলতে হবে। চরিত্রের প্রাণগত
রূপ সাহিত্যে আমরা দাবী করবই, অর্থনীতি সমাজনীতি রাষ্ট্রনীতি চরিত্রের
অঙ্গুগত হয়ে বিনীতভাবে যদি না আসে তবে তার বুদ্ধিগত মূল্য যতই থাক
তাকে নিম্নিত করে দূর করতে হবে।” [‘সাহিত্যের স্বরূপ’]

এই সত্যকবাণী মনে রেখেই রবীন্দ্র-যুগের কবিতায় আধুনিকতার সন্ধানে
আমরা অগ্রসর হতে পারি। রবীন্দ্রানুসারী কবিসমাজের চিন্তাসম্পদের
অগ্রতুলতা ছিল না এবং রূপকর্মে বেশ কিছুটা দক্ষতা ছিল, সর্বোপরি রবীন্দ্র-
কাব্যাদর্শের আশ্রয় ছিল। কিন্তু তবু তাঁরা আধুনিকতার বাণীবাহক হতে
পারলেন না। অলঙ্কৃত সমিল কবিতা-নির্মাণে ও ছন্দোলালিতে অত্যাসক্তি
এবং মঞ্জুল বাক্য-সর্বস্বতার অতিনিষ্ঠরতা রবীন্দ্রানুসারী কবিসমাজের কবিতায়
দেখা গেল। যুগচেতনা বা সমাজচেতনা তাঁদের কাছে প্রাধান্য লাভ করল না।
উপরি-বৃত্ত কাব্যতালিকায় ষাঁদের উল্লেখ করেছি, ‘তিরিশের’ দশকে তাঁদের
কবিতায় এই ধারণার সমর্থন মেলে। শ্রীবুদ্ধদেব বহু এঁদের ব্যর্থতার নিপুণ
বিশ্লেষণ করেছেন এই কথায়—“রবীন্দ্রনাথের কাব্যাদর্শ অস্বাভাবিক কবিদের
মধ্যে কতকগুলি মুদ্রাদোষের সৃষ্টি করেছিল। পঁচিশ বছর আগেকার
বাঙালি কবির শিথিল ও তরল হওয়াটাকেই পৌরবের মনে করতেন ;
অকারণ বিশেষণের ছড়াছড়ি, প্রকৃতি-বর্ণনার বাড়াবাড়ি, ছন্দ-মিলের
অতিপ্রবৃত্তি চাতুর্ঘ, এ-সব জিনিষেই তখন বাজার-দর ছিলো চড়া।

সর্বোপরি, কবিতা তখন ছিলেন সম্পূর্ণই আত্মকেন্দ্রিক ; অর্থাৎ যে-বিষয় নিয়ে লিখেছেন তার দিকে লক্ষ্য না রেখে নিজের দিকে তাকিয়ে লেখাই তাঁদের অভ্যাস ছিলো। শুভরাত্রী তাঁদের উৎকৃষ্ট রচনাও ভাববিলাসের উজ্জ্বল ছাফিরে বেশিদূর উঠতে পারেনি ; যদি বা কখনও কিছু কণী বক্তব্য থাকতো, অজস্র ব্যঙ্গনাহীন কথার চাপে তা দম আটকে মারা যেতো কতক পংক্তির মতোই।" ('কালের পুতুল')

ককণাশিখান-কুমুদরঞ্জন-কালিদাস-যতীন্দ্রমোহন-নরেন্দ্র দেব কি কবিতায় রবীন্দ্র-কবিতা 'চরিত্রের প্রাণগত রূপ' রক্ষা করতে পেরেছিলেন ? তাঁরা সমাজচেতনার পরিচয় বিশেষ দেন নি, মনোজীবনের ছনিয়াব্যাপী সংকটের ছায়াপাত হয় নি তাঁদের কাব্যে, সনাতন মূল্যবোধের বিনষ্ট-জ্বলিত লংশব-বেদনায় তাঁদের চিত্তপীড়নের কোনো পরিচয়ও পাওয়া যায় নি। তাই শিল্পকর্মে সজ্ঞান নিষ্ঠা এবং আত্মকেন্দ্রিক অতি-ব্যবহৃত কাব্যভাবনার যুগচেতনা তথা প্রাণগত রূপের পরিচয় প্রকাশিত হয় নি, একথা অনস্বীকার্য। লক্ষ বা শব্দসমষ্টির পুনরাবৃত্তি, অকারণ বিশেষণের ছড়াছড়ি, অতিপ্রকট মিলের চাতুর্ঘ্য, অতিকথন, উৎকট প্রসঙ্গ, অতিমিষ্টতা, ধ্বন্যাত্মক শব্দমোহ, টুং-টাং মিষ্টি স্বরের মাদকতা, আরবী-ফারসী শব্দমোহ, অপ্রচলিত আভিধানিক শব্দমোহ, বাচনবর্ণের কসরৎ, তালের ঘোঁক ইত্যাদি নানা 'চিত্র-কাব্য'গুলিও ক্রটি সেদিন লক্ষ্য করা গিয়েছিল।

একটি উদাহরণ নেওয়া যাক। বাংলা কাব্যে যখন পালা-বদল হচ্ছে, তখন ১৯০২ খ্রীষ্টাব্দে রবীন্দ্রনাথের 'পুনশ্চ' কাব্য প্রকাশিত হল। বাস্তব সত্যের দার্শনিক ও আধুনিকতার পুরোধা-কবিরূপে রবীন্দ্রনাথের পরিচয় 'পুনশ্চ' কাব্যে প্রতিষ্ঠিত হয়। গভীরকবিতা যে বহিঃর পরিবর্তন নয়, তা যে অন্তর-পরিবর্তনের সূচক, তার প্রমাণ এখানেই পাওয়া গেল। এই বছরই কালিদাস দায়ের 'আহরণী' কবিতা-সংকলন প্রকাশিত হলো। এই সংকলনে পালা-বদলের আভাসমাত্র নেই। এরই একটি কবিতা চিত্র-কাব্যের উদাহরণরূপে আমরা গ্রহণ করিতে পারি। কবিতাটির নাম 'গদা'। হৃদীর্ঘ গদা-মাহাত্ম্যমূলক স্বগ্রন্থিত তালিকা-রূপে এটি বিচার্য। এর প্রথম স্তবকটিতে 'চিত্র-কাব্য'র লক্ষণগুলি প্রকট হয়েছে :

নমি সনাতনী সারাস্রারা ।

অভীতের সাথে ভবিষ্যতের বোগবন্ধন তোমার দারা ।

ভূমি তরলিত স্বজনকারনা বিধি-ভ্রমার-কুহর হ'তে
কবে বাহিরিলে স্রষ্টার পরমেষ্টি-বিকৃতি ভাসারে ঘোতে ?
কবে কোটি কোটি ত্রুটিত কণ্ঠ গাহিল তোমার আমন্ত্রণী,
নেমে এলে জেগে দুর্বীর বেগে তুলি মেঘে মেঘে কলধনি।
বহি কোটি কোটি মুক্ত জীবের মুক্তিমানের পাবন বারি,
পতিতে স্রিতে পাতক হরিতে নামিলে মহীতে ছ্যালোক ছাড়ি।

স্পষ্টই বোঝা যায় এটি গঙ্গার মাহাত্ম্যখ্যাপনে প্রণীত তালিকা—প্রথম থেকে শেষ স্তবক পর্যন্ত তার অশূন্য বিস্তার। উদ্ভূত স্তবকটির শেষ চরণে বাশরথি রায় ও দেবর গুপ্ত-হুলভ শব্দকৌড়াসক্তি ও মিলের অতিপ্রকট চাতুর্থ লক্ষণীয়। পুনশ্চ, সত্যোজ্ঞনাথ-হুলভ তথ্য সমাহরণ ও পাণ্ডিত্য-প্রদর্শনসমূহাও উপস্থিত। প্রাচীন ঐতিহ্যের অন্ধ অনুসৃতি ও যুগচেতনার সম্পূর্ণ অস্বীকৃতি এই পঞ্চবর্ণনায় প্রকট। আভিধানিক ও ধ্বজাত্মক শব্দমোহ এবং শব্দের পুনরাবৃত্তিও এখানে বর্তমান। বহিমুখী উত্তেজনা এখানে প্রধান, অন্তর্মুখিতার কোনো পরিচয় নেই।

তাই একথা বলা যায় কবিতার মুক্তি এখানে সন্ধান করলে আমরা বার্থ হবো। এই শোচনীয় বার্থতাই আধুনিক কবিতার আগমনকে ত্বরান্বিত করেছে, এই সত্যই বর্তমান এসঙ্গে স্পষ্ট হয়ে ওঠে। বাংলা কবিতাকে অতি-সারল্য ও অতি-সারল্যের চোরাবালি থেকে রক্ষা করলেন পরবর্তী নোতুন কবিরা।

॥ ৪ ॥

আশ্চর্য মনে হয় এ'কথা ভেবে যে, 'পুনশ্চ' কাব্যের মতো উৎকৃষ্ট শিল্পকর্ম এবং ভাবের ক্ষেত্রে অগ্রগামী আধুনিক কাব্য থাকা সত্ত্বেও কুমুদরজন-কল্পানিধান-কালিদাস প্রমুখ কবিরা কিছুমাত্র প্রভাবিত হলেন না কেন ? এঁদেরই তিনজন ধানিকটা প্রভাবিত হয়েছিলেন—মোহিতলাল, যতীন্দ্রনাথ ও নজরুল পূর্বোক্ত কবিদের থেকে ধানিকটা দূরে সরে গিয়েছিলেন। 'কল্মোলে'র কবিরা এই তিনজনের কাছেই আধুনিকতার প্রথম পাঠ গ্রহণ করেছিলেন।

আধুনিক কবিদের হৃদয়ের কাছ থেকে এর স্বীকৃতি শোনা যাক।

অচিন্ত্যকুমার বলেছেন, “মোহিতলালকে আমরা আধুনিকতার পুরোধা মনে করতাম। এক কথায়, তিনিই ছিলেন আধুনিকোত্তম। মনে হয়, যখন-বাঙলার পাঠ আমরা তাঁর কাছ থেকেই নিয়েছিলাম। আধুনিকতা যে অর্থে বলিষ্ঠতা, সত্যভাবিতা বা সংস্কারবাহিতা তা আমরা খুঁজে পেয়েছিলাম তাঁর কবিতায়। তিনি জানতেন না আমরা তাঁর কবিতার কত বড় ভক্ত ছিলাম। তাঁর কত কবিতার লাইন আমাদের মুখস্থ ছিল।……‘পাহু’ বেরিয়েছিল ‘কল্লোল’ের তেরোশ’ বহিষের ভিত্তি সংখ্যায়। সেই কবিতা ‘আধুনিকতা’র দেবীপামান।……অবিস্মরণীয় কবিতা। বাংলা সাহিত্যের অপূর্ব ঐক্য। তারপর তাঁর ‘প্রেতপুরী’ বেরোর অগ্রহায়ণের ‘কল্লোলে’।”

[‘কল্লোলযুগ’ ১ম সং পৃ ১৩৬-৩৭]

আর বুদ্ধদেব বলেছেন, “মোহিতলালের চরিত্রলক্ষণযুক্ত ‘বিস্মরণী’ যখন বেরোলো, ততদিনে, যতদূর মনে পড়ে, যতীন্দ্রনাথের ‘মরীচিকা’, ‘মকশিখা’ দুটোই প্রকাশিত হয়েছে। আমরা ‘কল্লোল’ের অর্বাচীনরা যখন বিস্মিত হয়ে শুনিছি ‘বিস্মরণী’র বড়ো বড়ো ভাল, টেউয়ের মতো গড়িয়ে চলা কল্লোল, সেই সময়েই যতীন্দ্রনাথ আমাদের অভিনিবেশ দাবি করলেন প্রায় উল্টো রকমের স্বর শুনিয়ে—সহজ, টাটকা, আটপৌরে, এবড়ো-খেবড়ো মাঠের উপর দিয়ে চৈত্র মাসের শুকনো হাওয়ায় মধ্যে খুব কবে গরুর গাড়ি চালিয়ে নেবার মতো স্বর।……

যতীন্দ্রনাথের কাছে কী পেয়েছিলাম আমরা? পেয়েছিলাম এই আশাস যে আবেগের রুদ্ধভাগ অগত্যা থেকে সাংসারিক সমতলে নেমে এসেও কবিতা বেঁচে থাকতে পারে। পেয়েছিলাম একটি উদাহরণ যে পরিশীলিত ভাষা ও সুবিশুদ্ধ ছন্দের বাইরে চলে এলেও কবিতার জাত ধার না। ‘মরীচিকা’র তিনি যে তিন মাত্রার ছন্দকে অনেকটা গজের ভক্তিতে বন্ধুরভাবে ব্যবহার করেছিলেন, সে ছন্দরই একটি নিদর্শন, সুপরিমিত প্রকরণ নিয়ে গড়ে উঠলো অচিন্ত্যকুমারের ‘অমাবস্তা’র কবিতাবলী।

আরো কিছু পেয়েছিলাম। প্রথমত, প্রবন্ধমণী যুক্তি তর্কের কঁাকে কঁাকে হঠাৎ এক একটি আলো-জ্বালা, রেশ-তোলা পংক্তি (‘রাঙা সন্ধ্যার বারান্দা ধরে রঙিন বারান্দা’)—বিরল বলেই তাদের চমৎকারিত্ব যেন বেশি, দ্বিতীয়, একটি ভিন্ন দৃষ্টিভঙ্গি। ভিন্ন মানে অবশ্য রবীন্দ্রনাথের জীবনদর্শন থেকে ভিন্ন। যেমন রবীন্দ্রনাথের অবিরল অতীন্দ্রিয়তার পরে মোহিতলালের নিষ্ঠুর

দেহাঙ্গুবোধে আমরা উৎসাহ পেয়েছিলাম, তেমনি, অল্প দিক থেকে বেন একটা নিঃশব্দ-কেলা নিকৃতি ছিল যতীন্দ্রনাথের সরল বৈঠকী হৃৎস্বাবে।”

[‘যতীন্দ্রনাথ সেনগুপ্ত’—‘কবিতা’, আশ্বিন ১৩৬১] ।

এইসব স্বীকৃতি থেকেই আধুনিক কবিতার জগৎয়ে মোহিতলাল-যতীন্দ্রনাথের কিছুটা প্রভাবের পরিচয় পাওয়া যাবে। এই সঙ্গে নজরুলের কথাও স্মর্তব্য। মোহিতলালের দেহাঙ্গুবোধ ও জীবনসম্ভোগবাদ, নজরুলের বাঁধ-ভাঙা তাকণোর দুর্দম আবেগ, যতীন্দ্রনাথের আত্মজ্যোতী হৃৎস্বাবাদ ও রোমান্স-বিরোধিতা বাংলা কাব্যে পালা-বদলের ইঙ্গিত বহন করে আনল।

অচিন্তাকুমারের ‘অমাবস্তা’, প্রেমেন্দ্রের ‘প্রথম’, বুদ্ধদেবের ‘বন্দীর বন্দনা’, ও জীবনানন্দের ‘ঝরা পালক’ কাব্যে সজ্জাক্ত তিন কবির অমুসৃতি লক্ষ্য করা যায়। কিন্তু এই অমুসৃতি ক্ষণকালের। ‘চল্লিশের’ দশকে আধুনিক বাংলা কাব্য নিজ সাধনা ও শক্তিতে পূর্ণ আত্মা রেখেই প্রতিষ্ঠা লাভ করল। অচিন্তাকুমার-প্রেমেন্দ্র-বুদ্ধদেব অনতিকালের মধ্যেই স্বপ্রতিষ্ঠ হলেন।

যে দুজন আধুনিক কবি এই স্বপ্রতিষ্ঠ বিজয়ের মূলে আছেন, তাঁরা হলেন জীবনানন্দ দাশ ও যতীন্দ্রনাথ দত্ত। প্রথম জন ‘কল্লোল’ গোষ্ঠীর, দ্বিতীয় জন ‘পরিচয়’ গোষ্ঠীর কবি।

জীবনানন্দের ‘ঝরা পালক’ কাব্যে মোহিতলাল-নজরুলের প্রভাব খুবই স্পষ্ট। রূপকর্মে ও রোমান্টিক ভাবনায় তিনি সেখানে স্বাতন্ত্র্যহীন তরল রোমান্টিক কবিতা-রচয়িতামাত্র। এই কাব্যের ‘বনের চাতক—মনের চাতক’ কবিতা তার পরিচয়স্থল :

সে কোন্ ছাঁড়ির চূড়ি আকাশ শুঁড়িখানায় বাজে !

চিনিমাখা ছায়ায় ঢাকা চুপীর ঠোঁটের মাঝে

লুকিয়ে আছে সে কোন্ মধু মৌমাছিদের ভিড়ে ।

কিন্তু পরবর্তী ‘ধূসর পাণ্ডুলিপি’ কাব্যে জীবনানন্দ স্বকীয় বৈশিষ্ট্যে প্রকাশিত হলেন। ‘মৃত্যুর আগে’ কবিতায় শুরুতেই যে বর্ণনা ও বক্তব্য, তা এতই স্বতন্ত্র, এতই বিশিষ্ট যে ব্যাখ্যা করে বলে দিতে হয় না। মোহিতলাল-নজরুল বা যতীন্দ্রনাথ—কোনো প্রভাবই এখানে খাটল না। একজন সিন্ধু কবির সাক্ষ্য পাওয়া গেল। ‘মৃত্যুর আগে’ কবিতার নামে ও বর্ণনচক্ৰিতে, শব্দচরনে ও চিত্রকল্পসৃষ্টিতে এতই স্বাতন্ত্র্য যে মনে হয় এক মুহূর্তেই একটি সম্পূর্ণ অচেনা কাব্যলোকে উত্তীর্ণ হলাম :

আমরা হেঁটেছি বারা নির্জন ঘড়ের মাঠে পটম সন্ধ্যায়,
 বেবেছি মাঠের পারে নরম নদীর নারী ছড়াতেছে ফুল
 কৃষাণ ; কবেকার পাড়াগাঁর ঘেরেঘের মতো বেন হার
 তারা সব ; আমরা বেবেছি বারা অন্ধকারে আকস্ম ধুসল
 জোনাকিতে তরে গেছে ; যে-মাঠে ফসল নাই তাহার শিররে
 চুপে দাঁড়ায়েছে চাঁদ—কোনো সাধ নাই তার কদলের তরে ;
 অশ্রু 'করা পালক' কাব্যের চুরেকটি কবিতার ('কবি', 'সৈনিক এক ধরপীর')
 এই পরিবর্তনের আভাস ছিল। 'কবি'র বর্ণনায় জীবনানন্দের প্রকৃতির
 আভাস পাই :

হেমন্তের হিম মাঠে আকাশের আবছায়া ফুঁড়ে
 বকবকটির মত কৃষাণ শাদা ডানা বায় উড়ে ।
 হয়তো শুনেছ তাকে—তার স্বর,—হৃদয় আকাশে
 বরাপাতা-ভরা মরা দাঁড়ায় পাশে
 বেজেছে দুপুর মুখে,—জল-ডাঙ্কীর বুকে পটম-নিশায়
 হলুদ পাতার ভিড়ে শিরশিরে পূবালি হাওয়ায় !

জীবনানন্দের কবিতার যে রোমাটিকতা, তা রবীন্দ্রকাব্যের রোমাটিকতা
 থেকে ভিন্নতর। রবীন্দ্রকাব্যাদর্শ থেকে স্বতন্ত্র কাব্যাদর্শ জীবনানন্দের
 কবিতায় লক্ষ্য করা যায়। জীবনানন্দ যে প্রকৃতি সৃষ্টি করেছেন সেখানে
 চিত্ররূপকল্পনা বা ইঞ্জিয়গ্রাহ্য চিত্রকল্পরচনা মুখ্য সাধনা নয়, ইঞ্জিয়গ্রাহ্য সমস্ত
 সম্ভাব্য সূক্ষ্ম-অসূক্ষ্ম অহুত্ব থেকে উদ্ধৃত চেতনাই বড়ো কথা। এই বিস্তীর্ণ
 অহুত্বপ্রচয়-জাত চেতনা (sensitivity) জীবনানন্দ-কাব্যের মুখ্য
 বিষয় আর কবির অস্তিত্ব ও এই নব চেতনার মধ্যে কোনো ব্যবধান নেই।
 কবিতার রস কল্পনানির্ভর বা বুদ্ধিনির্ভর নয়, তা "এক ধরনের উৎকৃষ্ট চিন্তের
 বিশেষ সব অভিজ্ঞতা ও চেতনার জিনিষ"—কবিতার এই নোতুন ব্যাখ্যা ও
 তার কাব্যরূপ জীবনানন্দ দিয়ে গেলেন। এখানেই তিনি বিশিষ্ট। আধুনিক
 কবিতার মধ্যে সর্বাপেক্ষা শক্তিমান সম্ভাবনাময় প্রভাববিস্তারকারী কবি
 তিনিই। সে-কারণে জীবনানন্দে আধুনিক কবিতার একটি নোতুন অধ্যায়ের
 সূচনা, এ-কথা হয়ত অত্যাশ্চর্য নয়।

আর যে দুই প্রধান আধুনিক কবির নাম স্মরণীয়—তারা হলেন রবীন্দ্রনাথ
 ঠাকুর ও বিষ্ণু দে। 'পরিচয়' গোষ্ঠীর কবিত্বগেই এঁদের আগমন—মননপ্রদান

বুদ্ধিনিষ্ঠ তর্কসংকুল কবিতার প্রবর্তকরূপে এঁরা স্বত্বা। স্বধীন্দ্রনাথের খ্যাতি দার্শনিক কবিরূপে, বিষ্ণু দে-র খ্যাতি বুদ্ধিমান কবিতা-রচয়িতারূপে। যুরোপীয় কাব্যভাবনার সার্বক প্রকাশ বাংলা কবিতার প্রথম এঁদের কাব্যে দেখা গেল।

স্বধীন্দ্রনাথের ‘অর্কেট্রা’ কাব্যে যে দার্শনিক সন্ন্যাসী কবির দেখা মিলল, তিনি বাংলা কাব্যে নানা কারণে স্বরণযোগ্য। স্বধীন্দ্রনাথ বসুধা ক্লাসিকাল কবি। জীবের প্রগল্ভতা, ছন্দের চটক, শব্দের অপচয়ের তিনি বিরোধী, জনকটির প্রসাদলাভে তাঁর একান্ত অনীহা, আভিধানিক ও অর্থ-পরিচিতি তৎসম শব্দের প্রতি কোঁক, বক্তব্যপ্রকাশে সংঘম ও হৃদয়াবেগের কঠিন শাসন স্বধীন্দ্রনাথকে এমন একটি বিশিষ্টতা দিয়েছে, যা সহস্রের ভীড়েও কখনো দৃষ্টি এড়ায় না। বিষ্ণু দে ও কিছু পরে অমির চক্রবর্তী ও সত্যভট্টাচার্য স্বধীন্দ্রনাথের পথেই এগিয়েছেন এবং মননপ্রধান জীবনজিজ্ঞাসানিষ্ঠ কবিতা রচনা করে বাংলা কাব্যকে সমৃদ্ধ করেছেন।

আধুনিক কবিতার নেতৃস্থানীয় কবিরা রবীন্দ্রনাথের দ্বিধা, সংশয় ও সন্দেহের অবসান ঘটাতে পেরেছেন বলেই মনে হয়। ‘সাহিত্যে আধুনিকতা’ প্রবন্ধ (১৯৩৪) [সাহিত্যের স্বরূপ] ও ‘আধুনিক কাব্য’ প্রবন্ধ (১৯৩২) [সাহিত্যের পথে] রবীন্দ্রনাথের সংশয়ের পরিচয়স্থল। এই দুটি প্রবন্ধ থেকে প্রাসঙ্গিক মন্তব্য আগেই উদ্ধার করেছি। ‘আধুনিক বাংলা’ কবিতা যে ‘শাস্ত্রতভাবে আধুনিক’ের বিরোধী নয়, তার প্রমাণ একালের কবিতার পাওয়া যাবে। এখানেই আধুনিক বাংলা কবিতার সার্বকতা। এখানেই পরিশেষ-পুনশ্চ কাব্যের নোতুন কাব্যভাবনা ফলবতী হয়েছে।

রবীন্দ্রনাথের প্রেমচিন্তা

॥ ১ ॥

বসন্তরঞ্জন রায় বিষ্ণুচরণ সম্পাদিত বৈষ্ণব পদাবলী সংকলনের আলোচনা প্রসঙ্গে রবীন্দ্রনাথ লিখেছিলেন :

‘প্রতিভার সৃষ্টির জাতি প্রেমের সৃষ্টিও একটি মাহেশ্বরকণ একটি শুভ মুহূর্তের উপর নির্ভর করে। হয়ত শতক যুগ আমি তোমাকে দেখিয়া আসিতেছি, তবুও তোমাকে ভালবাসিবার কথা আমার মনেও আসে নাই— কিন্তু দৈবাৎ একটি নিমিষ আমিল তখন না জানি কোন্ গ্রহ কোন্ কক্ষে ছিল—তুইজনে চোখাচোখি হইল, ভালবাসিলাম। সেই এক নিমিষ হয়ত পঞ্চাশ তীরের মত অতীত শত যুগের পাড় ভাঙিয়া দিল ও ভবিষ্যৎ শত যুগের পাড় গড়িয়া দিল।’

প্রেমের এই মাহেশ্বরকণের উপলব্ধিতে রবীন্দ্রনাথের প্রেমচিন্তা প্রতিষ্ঠিত। প্রেমের স্বরূপ আলোচনার রবীন্দ্রনাথের এই মন্তব্যের পটভূমিতে কেবল বৈষ্ণব প্রেমবর্ণন নয়, সেই সঙ্গে প্লেটো ও শেলীর প্রেমচিন্তাও বর্তমান। রবীন্দ্রনাথের অচলিত রচনার অকুর্জক দুটি গদ্যপুস্তক ‘বিবিধ প্রসঙ্গ’ (১৮৮০) ও ‘আলোচনা’ (১৮৮৫) এই প্রসঙ্গে অবশ্যম্ভাব্য।

মানবসংসারের মধ্যে প্রবেশের পূর্বে রবীন্দ্রনাথ উক্ত দুটি গ্রন্থে প্রেমতত্ত্ব ও প্রেমের স্বরূপ আলোচনা করেন। ‘কবিকাহিনী’তে (১৮৭৮) রবীন্দ্র-প্রতিভার যাত্রা শুরু হয়। তারপর ‘বনফুল’ (১৮৮০), ‘বাল্মীকি-প্রতিভা’, ‘ভগ্নহৃদয়’ ও ‘রক্তচণ্ড’ (১৮৮১), ‘সম্ভাষ্যসংগীত’ ও ‘কালযুগয়া’ (১৮৮২), ‘প্রভাতসংগীত’ (১৮৮৩)—এই ক’টি কাব্য ও নাট্যগ্রন্থ প্রকাশিত হয়। এরই মধ্যে প্রকাশিত গদ্যরচনা হল—‘ইরোপপ্রবাসীর পত্র’ (১৮৮১), ‘বৌঠানুসারীর হাট’ উপস্তাস (১৮৮৩), ‘বিবিধ প্রসঙ্গ’ (১৮৮৫)। তারপর ‘হবি ও মান’, ‘প্রকৃতির প্রতিশোধ’, ‘নলিনী’, ‘শৈশবসঙ্গীত’ ও ‘ভীষ্মসিংহ ঈশ্বরের পদাবলী’ (১৮৮৪), তারপর ‘রবিচ্ছায়া’ (সংগীত সংগ্রহ) (১৮৮৫) ও ‘কড়ি ও কোমল’ (১৮৮৬)। এরই মাঝে গদ্যরচনা—‘রামবোহন’ ‘স্বপ্ন’ ও ‘আলোচনা’ (১৮৮৫)। ‘কবিকাহিনী’ (১৮৭৮) থেকে ‘কড়ি ও কোমল’

(১৮৮৬)—এই পর্বের মধ্যে গুরুত্বপূর্ণ গদ্যগ্রন্থ ‘বিবিধ প্রসঙ্গ’ (১৮৮৩) ও ‘আলোচনা’ (১৮৮৫) ।

‘কড়ি ও কোমল’ কাব্যের পূর্বেই রবীন্দ্রনাথিতো প্রেমের উৎসর্গ (sublimation)-প্রবণতা লক্ষ্য করা যায় উপযুক্ত গ্রন্থগুলিতে—নাটকে, কাব্যে ও গদ্যালোচনায়। আর ‘বিবিধ প্রসঙ্গ’ প্রেমের যে বিশিষ্ট রূপটি বাইশ বছরের তরুণ রবীন্দ্রনাথ ধ্যান করেছিলেন, পরবর্তী সুদীর্ঘকালের রবীন্দ্রনাথিতো তারই বিস্তার। মূল বক্তব্য এই গ্রন্থেই পাই, বাইশ বছরের তরুণ কবির কণ্ঠে ভোগাসক্তিমুক্ত প্রেমের যে অর্থধ্বনি উচ্চারিত হয়েছিল, পরবর্তী জীবনে তা-ই বিচিত্র রাগিণীতে বেজে উঠেছে।

রবীন্দ্রনাথের জীবনে ১৮৮৩-৮৪ খ্রীস্টাব্দ খুবই গুরুত্বপূর্ণ। ১৮৮৩-র ডিসেম্বরে মুশালিনী দেবীর সঙ্গে কবির বিবাহ হয়। তার আগেই ‘বিবিধ প্রসঙ্গ’ প্রকাশিত হয়। কয়েকমাসের মধ্যে কবিজীবনে প্রেরণাদাত্রী দেবীসনা ঐক্যাকুরাণী কাদম্বিনী দেবীর ‘আত্মগুণ’ (মৃত্যু) হলো (মে, ১৮৮৪)। এ প্রতিক্রিয়ায় বেরুল, ভারতীতে ‘পুষ্পাঙ্কলি’ ও ‘আলোচনা’ (১৮৮৫)। এখন আর একথা বলা যাবেনা ‘জীবন আছিল লঘু প্রথম বয়সে।’ ঐক্যাকুরাণীর মৃত্যুর মধ্য দিয়ে সংসার ও জীবনকে কবি নোতুন দৃষ্টিতে দেখেছেন। এই মৃত্যুতে প্রেমের অবিদ্যমানতার উপলক্ষ ঘটল। জীবন-স্থিতিতে তারই স্বীকৃতি :

‘জগৎকে সম্পূর্ণ করিয়া এবং হৃদয় করিয়া দেখিবার জন্য যে দূরত্বের প্রয়োজন মৃত্যু সেই দূরত্ব ঘুচাইয়া দিয়াছিল। আমি নিলিপু তইয়া পাডাইয়া মরণের বৃত্ত পটভূমিকার উপর সংসারের ছবিটি দেখিলাম এবং জানিলাম ‘তাহা বড়ো মনোহর।’

পরবর্তী রবীন্দ্রনাথিতো মৃত্যুর পটভূমিতে প্রেমের জয় ঘোষিত হয়েছে। ‘কড়ি ও কোমলে’ তারই সূচনা—প্রিয়বিরোগের দুঃসহ শোকের মাঝে জীবনের তথা প্রেমের গভীর উপলক্ষি :

ধ্বনি খুঁজে প্রতিধ্বনি, প্রাণ খুঁজে মরে প্রতি প্রাণ,

জগৎ আপনা দিয়ে খুঁজিছে তাহার প্রতিধান।

স্বামীমে উঠিছে প্রেম শুধিবারে অসীমের ধ্বজ

বন্ধ ঘের তত পার। কিছুতে না হয় অবসান। (‘চিরদিন’)

॥ ২ ॥

‘বিবিধ প্রসঙ্গ’ ভালোবাসার ‘অনধিকার তত্ত্ব’ ও স্বত্বাহীন মোহহীন চিরন্তন ভালোবাসার রূপটি ধরা পড়েছে। ভালোবাসা মূলতঃ গ্রহণ নয়, ত্যাগ; সংগ্রহ নয়, নিজেকে বিতরণ, ভোগাসক্তির বন্ধন নয়, ভোগাসক্তির উদ্ধার। ‘আলোচনা’র কবির বক্তব্য—প্রেমেই মত্তভাবে সার্থকতা—প্রেমের সার্থকতা লোভে নয়, দানে; কুন্তলায় নয়, কুন্ডায়; অধিকারে নয়, অনধিকারে। সুবিপুল রবীন্দ্রসাহিত্যে প্রেমের যে বিচিত্র রূপ আমাদের সামনে প্রকাশিত, তা’তে একথাই নানা ভাবে ব্যক্ত হয়েছে। এছাড়া নোতুন কোনো কথা নেই। তাই বলা যায়, রবীন্দ্রনাথের প্রেমচিন্তার বীজগ্রন্থ ‘বিবিধ প্রসঙ্গ’ ও ‘আলোচনা’।

দ্বন্দ্বী সমালোচক ডঃ হরপ্রসাদ মিত্র এদিকে আমাদের দৃষ্টি আকর্ষণ করে যা বলেছেন, তা পুনঃসংগ্ৰহযোগ্য :

“‘কড়ি ও কোমল’ প্রকাশিত হবার আগেই ‘বিবিধ প্রসঙ্গ’ এবং ‘আলোচনা’র লেখাগুলির মধ্যে রবীন্দ্রনাথ প্রেম ও সৌন্দর্যের অবিচ্ছেদ্য সংযোগের সত্য স্বীকার করেছিলেন এবং প্রেমের সর্বব্যাপকতার প্রেরণায় তাঁর ধর্মবোধের সঙ্গে দেশাত্মবোধ, —দেশাত্মবোধের সঙ্গে বিশ্বাত্মভূতি, —বিশ্বাত্মভূতির সঙ্গে শিল্পচেতনা এবং শিল্পচেতনার সঙ্গে সমাজচেতনা একই পুটপাকে পাক হয়ে পরস্পর সংশ্লিষ্ট, পরস্পর অবিচ্ছেদ্য, অখণ্ড, অবিভাজ্য এক সত্যবোধে পরিণত হয়েছিল। রবীন্দ্রমানসের এই বিশেষ প্রকৃতিটি পর্যালোচকের দৃষ্টি আকর্ষণ করে। অবিমিশ্র ‘প্রেমের কবিতা’ বলতে যা বোঝায়, সে পদার্থ রবীন্দ্রসাহিত্যে বিরল। তাঁর অল্পভূতিতে প্রেম একটি ধাতুসঙ্করের (alloy) মতো। দেশ, সমাজ, বিশ্ব, ঈশ্বর—ইত্যাদি বিষয়ের চিন্তা তাঁর শৃঙ্খরচেতনার চৌহদ্দীর বাইরে অবাস্তববোধে বহিষ্কৃত হয় নি। ‘কড়ি ও কোমল’ের পূর্বেই প্রেমের ধারণার সঙ্গে এই সব ধারণার পরমাণবিক অন্তরঙ্গতার (affinity) ফলে রবীন্দ্রমানসের শৃঙ্খরচেতনা বিশিষ্ট এক বৌগিক প্রত্যয়ে পর্যবসিত হয়েছিল।” [‘সাহিত্যপাঠকের ডায়ারি’]

এখন ‘বিবিধ প্রসঙ্গ’ ও ‘আলোচনা’ গ্রন্থের প্রাসঙ্গিত উদ্ধৃতিগুলি স্মরণ করা যেতে পারে।

(ক) ‘‘ভালবাসা’ অর্থে আত্মসমর্পণ নহে। ভালবাসা অর্থে, নিজের যা যা কিছু ভাল তাহাই সমর্পণ করা, ফলে প্রতিমা প্রতিষ্ঠা করা নহে,

হৃদয়ের বেখানে দেবত্বভূমি, বেখানে মন্দির, সেইখানে প্রতিমা প্রতিষ্ঠা করা।

বাহাকে তুমি ভালবাস, তাহাকে ফুল দাও, কাঁটা দিও না; তোমার হৃদয়-সরোবরের পদ্ম দাও, পঙ্ক দিও না। হাসির হীরা দাও, অশ্রুর মুক্তা দাও, হাসির বিদ্যা দিও না, অশ্রুর বাধল দিও না।

.....প্রেম হৃদয়ের সারভাগ মাত্র। হৃদয়-মখন করিয়া যে অমৃতটুকু উঠে তাহাই। ইহা দেবতাদিগের ভোগ্য। অম্বরে আসিয়া খায়, কিন্তু তাহাকে দেবতার ছন্দবেশে খাটতে হয়।

.....একে ত বাহাকে ভালবাসি তাহাকে ভাল জিনিস দিতে ইচ্ছা কবে, দ্বিতীয়তঃ তাহাকে মন্দ জিনিস দিলে মন্দ জিনিসের দর অত্যন্ত বাড়াইয়া দেওয়া হয়।

.....সত্যকার আদর্শ লোক সংসারে পাওয়া দুঃসাধ্য। ভালবাসার একটি মহান গুণ এই যে, সে প্রত্যেককে নিম্নে একজনের নিকটেও আদর্শ করিয়া তুলে। এইরূপে সংসারে আদর্শতাবের চর্চা হইতে থাকে।... .. ভালবাসা অর্থে ভাল বাসা অর্থাতঃ অস্ত্রকে ভাল বাসনান দেওয়া, অগ্নিকে মনের সর্বাপেক্ষা ভাল জায়গায় স্থাপনা করা।'

[মনের বাগান বাড়ি, বিবিধ প্রসঙ্গ]

(খ) 'প্রকৃত ভালবাসা দাস নহে, সে ভক্ত; সে ভিক্তক নহে, সে ক্রেতা। আদর্শ প্রণয়ী প্রকৃত সৌন্দর্যকে ভালবাসেন, মহত্বকে ভালবাসেন; তাহার হৃদয়ের মধ্যে যে আদর্শভাব জাগিতেছে, তাহারই প্রতিমাকে ভালবাসেন। প্রণয়ের পাত্র যেমনই হউক, অন্ধভাবে তাহার চরণ আশ্রয় করিয়া থাকা তাহার বর্ম নহে। তাহাকে ত ভালবাসা বলে না, তাহাকে কর্তব্যবৃত্তি বলে। কর্তব্যে একবার পা জড়াইলে আর ছাড়িতে চায় না, তা সে বাহারই পা হউক না কেন, দেবতারই হউক আর নরনাথেরই হউক! প্রকৃত ভালবাসা যোগ্যপাত্র দেখিলেই আপনাকে তাহার চরণধূলি করিয়া কেলে। এই নিমিত্ত ধূলিবৃত্তি করাকেই অনেকে ভালবাসা বলিয়া ভুল করেন। তাহার জানেন না যে, দাসের সহিত ভক্তের বাহু আচরণে অনেক সাদৃশ্য আছে বটে, কিন্তু একটি প্রধান প্রভেদ আছে, ভক্তের দাসত্বের স্বাধীনতা আছে, ভক্তের স্বাধীন দাসত্ব। তেমনি প্রকৃত প্রণয় স্বাধীন প্রণয়। সে দাসত্ব করে কেন না দাসত্ববিধেবের বহু সে বুঝিয়াছে। যেখানে

হাস্য করিয়া পৌরষ আছে, সেইখানেই সে হাস, যেখানে হীনতা স্বীকার করাই মৰ্যাদা, সেইখানেই সে হীন। ভালবাসিবার অন্তই ভালবাসা নহে, ভাল ভালবাসিবার অন্তই ভালবাসা। তা যদি না হয়, যদি ভালবাসা চীনের কাছে হীন হইতে শিক্ষা দেয়, যদি অসৌন্দর্যের কাছে কটিকে বদ্ধ করিয়া রাখে, তবে ভালবাসা নিপাত থাক।’ [আদর্শ প্রেম, তদেব]

(গ) ‘অনন্ত জ্ঞানের ক্ষুধা লইয়া যে রহস্য দৃষ্টান্ত করিতে পারিব না তাহাকেই অনবরত আক্রমণ করা, অনন্ত আসন্দের ক্ষুধা লইয়া যে সহচর মিলিবে না তাহাকেই অবিরত অন্বেষণ করা, অনন্ত সৌন্দর্যের ক্ষুধা লইয়া যে সৌন্দর্য ধরিয়া রাখিতে পারিব না তাহাকেই চির উপভোগ করিতে চেষ্টা করা, এক কথায় অনন্ত মন অর্থাৎ সমষ্টিবদ্ধ কতকগুলি অনন্ত ক্ষুধা লইয়া জগতের পশ্চাতে অনন্ত ধাবমান হওয়াই মনুষ্য জীবন।’ [আত্মসংসর্গ, তদেব]

(ঘ) ‘একেবারেই প্রেমের যোগ্য নহে এমন জীব কোথায়! যত বড়ই পাণী অসাধু কুশ্রী সে হটক না কেন, তাহার মা ত তাহাকে ভালবাসে। অতএব দেখিতেছি, তাহাকেও ভালবাসা যায়, তবে আমি ভালবাসিতে না পারি সে আমার অসম্পূর্ণতা।

.....জগতের একটি প্রধান ধর্ম পরার্থপরতা। স্বার্থপরতা জগতের ধর্মবিরুদ্ধ।’ [ধর্ম, আলোচনা]

(ঙ) ‘সৌন্দর্য উল্লেখ করিবার অর্থ আর কিছু নয়—হৃদয়ের অসাড়তা অবচেতনার বিরুদ্ধে সংগ্রাম করা, হৃদয়ের স্বাধীনতাক্রোধ প্রসারিত করিয়া দেওয়া।

অতএব কবিদিগকে আর কিছু করিতে হইবে না, তাহারা কেবল সৌন্দর্য ফুটাইতে থাকুন—জগতের সবত্র যে সৌন্দর্য আছে, তাহা তাহাদের হৃদয়ের আলোকে পরিস্ফুট ও উজ্জ্বল হইয়া আমাদের চোখে পড়িতে থাকুক, তবে আমাদের প্রেম জাগিয়া উঠিবে, প্রেম বিশ্বব্যাপী হইয়া পড়িবে।

.....বসার্থ যে হৃদয় সে প্রেমের আদর্শ। সে প্রেমের প্রভাবেই হৃদয় হইয়াছে; তাহার আন্তর্যমধ্য প্রেমের সূত্রে গাঁথা; তাহার কোনখানে বিরোধ বিচ্ছেদ নাই।’ [সৌন্দর্য ও প্রেম, তদেব]

(চ) ‘প্রকৃত কথা এই যে, প্রেম একটি সাধনা।.....অবেশের শরীর সূর্য, অবেশের হৃদয় বৃহৎ। অবেশের হৃদয়ে স্থান পাইয়াছি। অবেশের প্রত্যেক গাছপালা আশ্রয়ের চোখে ঠেকে না, আমরা একেবারেই তাহার

ভিতরকার ভাব, তাহার হৃদয়পূর্ণ মাধুরী দেখিতে পাই। এই সৌন্দর্য এই স্বাধীনতা সকল দেশের সকল লোকেই সমান উপভোগ করিতে পারেন।'

[ডুব দেওয়া, তদেব]

॥ ৩ ॥

উপর্যুক্ত উদ্ধৃতিগুলি একথাই প্রমাণ করে যে রবীন্দ্রনাথের ধ্যানে ভাল-
বাসার দেবতা অভাবসন্ন্যাসী। আসক্তি থেকে অনাসক্তিতে, ক্ষুদ্র থেকে
কুমার, সংকীর্ণ থেকে বৃহত্তে তার গতি। এই গতি-ই জীবন, গতি-ই প্রেম।
এই গতি সর্বদা উৎসর্গনের (sublimation) পথে। প্রেমে সৌন্দর্য, প্রেমে
ব্যাপি, প্রেমে সামঞ্জস্য। প্রেমের অধিকার মানে বৈষয়িক অধিকার নয়,
হৃদয়ের অধিকার, স্ব-স্বামিস্বের অধিকার নয়, দানের অধিকার। প্রেমের
দেবাবভাষ জগৎ উদ্ভাসিত। প্রেমসাধনার গতি যে উৎসর্গাময়ী, তা যে
আত্মবিসর্জনোন্মুখ, মুক্তিকামী, তা যে কঠিন দুঃখ ও দুঃসহ বিরহব্রত
উদ্ভাপনেই মুক্তি পায়, পরবর্তী রবীন্দ্রসাহিত্যে তা বারবার প্রতিষ্ঠিত হয়েছে।
সম্পূর্ণ প্রেমের দ্বারা লভ্য, জ্ঞান বা শরীরের দ্বারা অংশই লভ্য, তাই প্রেমই
সর্বসাধ্যসার। এই প্রত্যয়ের আলোকে রবীন্দ্রনাথ প্রথম যৌবনে প্রেমের
বন্দনা করেছেন। 'আলোচনা' গ্রন্থের 'সৌন্দর্য ও প্রেম' প্রবন্ধে শ্রীমতী
এলিজাবেথ ব্যারেট ব্রাউনিংএর Inclusions কবিতাটি উদ্ধার করে এই
বক্তব্যকেই প্রতিষ্ঠিত করেছেন। প্রেমের যে মিলন তা আত্মার সঙ্গে আত্মার
মিলন, অংশের সঙ্গে অংশের মিলন নয়, সম্পূর্ণের মিলনোপলব্ধি :

Oh, must thou have my soul, Dear,

Commingled with thy soul,—

Red grows the cheek, and warm the

Hand,.....the part is in the whole !

Nor hands nor cheeks keep separate,

When soul is joined to soul.

রবীন্দ্রনাথের প্রেমচিন্তা এই আত্মার সঙ্গে আত্মার মিলনের মহৎ ধ্যানে
প্রতিষ্ঠিত। 'প্রেম নামক এক অনির্বচনীয় আনন্দময় বেদনাময় ইচ্ছাশক্তি
পঙ্কজ মধ্য হইতে পঙ্কজীবন ভাগ্যত করিয়া তুলিতেছেন' ('পঙ্কজত') ;
'ত্যাগের সহিত প্রেমের একটি নিগূঢ় সত্য আছে, জাগ্রত ছাড়া প্রেম হয়

না, প্রেম না থাকিলে ভাগ করাও যায় না' [প্রেম, 'শান্তিনিবেশন']; 'ভালবাসার মার্জনা এবং দুঃখস্বীকারে যে সুখ, ইচ্ছা পূরণ ও আশ্ব-পরিচুক্তিতে সে সুখ নেই' ('চিঠিপত্র', ১), 'প্রেমের মধ্যে স্বতীশক্তির ক্রিয়া প্রবল। প্রেম সাধারণ মানুষকে অপাধারণ করে, রচনা করে, নিজের ভিতরকার বর্ণের রসে রূপে। তার সঙ্গে যোগ দেয় বাইরের প্রকৃতি থেকে নানা গান, গন্ধ, নানা আভাস। এমনি করে অস্তরে বাহিরের মিলনে চিন্তের নিবৃত্ত লোকে প্রেমের অপরূপ প্রসাধন নিমিত্ত হতে থাকে' ('মহা'র কবিকৃত ভূমিকা), 'প্রকৃতি যখন প্রেমের সারথী নেয় তখন সে প্রবৃত্তির জোড়ালে তাকে বাঁধে। কিছু ধর্ম যখন তার চালক হয় তখন সে প্রেম মুক্ত রূপে প্রকাশ পায়। নিবৃত্তিশাস্ত্র আশ্রয়ভাগরত প্রেমের সেই অচঞ্চল মুক্ত স্বরূপই পরম সুলভ।' (ভারতবর্ষীয় বিবাহ, 'সমাজ')—যদুচ্ছা উক্ত এই মন্তব্যগুলি উপরিদৃষ্ট অভিমতকেই সমর্থন করে।

আবার 'প্রাচীন সাহিত্য' গ্রন্থে (১৯০৭) রবীন্দ্রনাথ কালিদাসের প্রেম-তত্ত্ব ব্যাখ্যা প্রসঙ্গে নিজস্ব বক্তব্যকেই নিপুণভাবে প্রকাশ করেছেন। বাসনার আগ্নেয় আতিশয্যকে রবীন্দ্রনাথ না প্রথম জীবনে, না উত্তর জীবনে—কখনোই সমর্থন করেন নি।

কুমারসম্ভব ও শকুন্তলার আলোচনা প্রসঙ্গে কবি লেখেন :

'দুটিই কাব্যবিষয় নিগূঢ়ভাবে এক। দুই কাব্যেই মনন যে মিলন সংসাধন করিতে চেষ্টা করিয়াছে তাহাতে দৈবশাপ লাগিয়াছে; সে মিলন অসম্পন্ন অসম্পূর্ণ হইয়া আপনার বিচিত্র কাক্ষতচিত্ত পরমহুন্দর বাসরশস্যার মধ্যে দৈবাহত হইয়া মরিয়াছে। তাহার পরে কঠিন দুঃখ ও দুঃসহ বিরহরত দ্বারা যে মিলন সম্পন্ন হইয়াছে তাহার প্রকৃতি অন্তরূপ, তাহা পৌনঃপুন্যের সমস্ত বাস্তবরণ পরিত্যাগ করিয়া বিরলনির্মল বেশে কল্যাণের শুভ দীপ্তিতে কমনীয় হইয়া উঠিয়াছে।' [প্রাচীন সাহিত্য]

পশ্চিম বছর আগে লেখা 'মনের বাগান বাড়ি' রচনার (বিবিধ প্রসঙ্গ) এই বক্তব্যই বাইশ বছরের তরুণ যুবক উচ্চারণ করেছিলেন। আজ পঞ্চাশের উপান্তে উপনীত প্রভাব-অভিজ্ঞতা-খ্যাতিতে প্রতিষ্ঠিত কবি সেই একই কথা বললেন।

নাথীর মধ্যে প্রেমের প্রবর্তনাকে এই দৃষ্টান্তেই দেখে কবি 'সমাজ' (১৯০৮) গ্রন্থে কে-কথা বলেছেন, তা 'প্রাচীন সাহিত্য'র বক্তব্যের পরিপূরক :

‘নারীর দুটি রূপ, একটি মাতৃরূপ, অন্যটি প্রেমসীরূপ। মাতৃরূপে নারীর একটি সাধনা আছেমানব সংসারে তা পাপকে, অভাব অপূর্ণতাকে জয় করে। প্রেমসীরূপে তার সাধনার পুরুষের সর্বপ্রকার উৎকর্ষ চেটাকৈ প্রাপবান করে তোলে।’ [ভারতবর্ষীয় বিবাহ, ‘সমাজ’]

আবার সন্তর-উপান্তে উপনীত কবি প্রেমের কল্যাণীকরণের—আত্মদান রূপের—ত্যাগরূপের বন্দনা করে লিখলেন ‘পশ্চিমযাত্রীর ডায়ারি’তে (১৯২২)—

‘নারীর প্রেম পুরুষকে পূর্ণশক্তিতে জাগ্রত করতে পারে; কিন্তু সে প্রেম যদি ভ্রূপক্ষের না হয়ে কৃষ্ণপক্ষের হয় তবে তার মালিন্যের আর তুলনা নেই। পুরুষের সর্বশ্রেষ্ঠ বিকাশ তপস্তায়; নারীর প্রেমে ত্যাগধর্ম সেবাধর্ম সেই তপস্তারই স্তরে স্তর মেলানো; এই দুয়ের যোগে পরস্পরের দীপ্তি উজ্জল হয়ে ওঠে। নারীর প্রেমে আর এক স্বরও বাজতে পারে, মননধরুর জ্বারের টংকার—সে মুক্তির স্বর, না, বন্ধনের সংগীত। তাতে তপস্তা ভাঙে, শিবের ক্রোধানল উদ্দীপ্ত হয়।’

[পশ্চিমযাত্রীর ডায়ারি, ‘যাত্রী’]

‘বিবিধ প্রসঙ্গ’ (১৮৮৩) থেকে ‘যাত্রী’ (১৯২২)—প্রায় অর্ধ-শতাব্দী সময়সীমার মধ্যে রচিত গল্পবচনায় রবীন্দ্রনাথের প্রেমচিন্তার মূল বক্তব্য একই রচেছে। রবীন্দ্রকাব্য উপভাস নাটকে এই সত্যের ব্যত্যয় হয় নি। ‘মহায়া’র ‘মায়ী’ কবিতাটি এই সত্যেরই সংহত রূপ।

রবীন্দ্রনাথের রাষ্ট্রচিন্তা

॥ ১ ॥

ঊনিশ শতকের শেষ চল্লিশ বছর ও বিংশ শতকের প্রথম চল্লিশ বছর রবীন্দ্রনাথ বেঁচে ছিলেন এবং পরাধীন ভারতবর্ষের সার্বিক নব জাগরণকে প্রত্যক্ষ করেছেন। শুধু তাই নয়, এই নব জাগরণে তাঁরও একটি প্রধান ভূমিকা ছিল। রবীন্দ্রনাথ যখন জন্মগ্রহণ করেছিলেন তখন দেশপ্রেমের কথা এদেশে উচ্চারিত হয় নি। তাঁর বালা ও কৈশোরে হিন্দুমেলা ও কংগ্রেস ও যৌবনে স্বদেশী আন্দোলন ও স্বদেশী মেলায় মধ্য দিয়ে বাংলাদেশে স্বাধীনতার আকাঙ্ক্ষা ও প্রতিজ্ঞা, সাধনা ও কর্মযোগ লক্ষ্য করা গিয়েছিল। এ-সবের মধ্যেই তাঁর নির্মিত ভূমিকা ছিল। তিনি সত্তর-উপাস্তে পৌঁছে ঘোষণা করেছেন, “যাঁরা আমাকে জানবার কিছুমাত্র চেষ্টা করেছেন এতদিনে অন্তত তাঁরা এ-কথা জেনেছেন যে, আমি জীর্ণ জগতে জন্মগ্রহণ করি নি। আমি চোখ মেলে বা দেখলুম চোখ আমার কখনো তাতে ক্লান্ত হইল না, বিশ্বের অন্ধ পাই নি।” [আত্মপরিচয়, ৫]। জীবনকে প্রবলরূপে গ্রহণ করার সন্মত-ঐচ্ছিকতা ও আগ্রহ এই ঘোষণায় স্পষ্ট-উচ্চারিত হয়েছে। জীর্ণ ও পুরাতনের প্রতি রবীন্দ্রনাথের আকর্ষণতা ছিল না, তাঁর আকর্ষণতা নবীন ও তরুণের প্রতি। এ-কথাই একটি চিঠিতে লিখেছিলেন, “তুমি জান আমার স্বভাবটা একেবারেই স্নাতনী নয়—অর্থাৎ খুঁটিগাড়া মত ও পদ্ধতি অভীতকালে আড়টভাবে বন্ধ হয়ে থাকলেই যে প্রেরকে চিরন্তন করতে পারবে, একথা আমি মানি নে।” [কংগ্রেস, কালান্তর]। প্রথম উক্তি ১৯০৮ বঙ্গাব্দের, দ্বিতীয়টি ১৯৪৬ বঙ্গাব্দের—অর্থাৎ জীবনের শেষ দশ বছরের পর্বে রবীন্দ্রনাথ এই উক্তি করেছিলেন। এ থেকে বোঝা যায় প্রবীণ মনীষীর মন কতটা সজাগ ও নবীন ছিল।

‘সাধনা’ পত্রিকার যুগ থেকে ‘সভ্যতার সংকট’ ভাষণ পর্যন্ত অর্ধ-শতাব্দী ব্যাপক ভারতবর্ষের রাষ্ট্র ও সমাজজীবনের নানা বিষয়ে রবীন্দ্রনাথ তাঁর অভিমত নির্ভয়ে প্রচার করেছেন। তাঁর রাষ্ট্রচিন্তা এই পঞ্চাশ বছরের ইংরেজি ও বাংলা রচনায় ছড়িয়ে আছে। এর মধ্যে শ্রেষ্ঠ ইংরেজি

রচনা 'Nationalism' (১৯১৭) ও শ্রেষ্ঠ বাংলা রচনা 'কালান্তর' (১৯০৭)। রবীন্দ্রনাথের রাষ্ট্রিক মতামত এই দুটি গ্রন্থ ও অন্যান্য বাংলা গ্রন্থে ['রাজা-প্রজা' ১৯০৮, 'সমূহ' ১৯০৮, 'অদেশ' ১৯০৮, 'সমাদ' ১৯০৮, 'রাশিয়ার চিঠি' ১৯০১] প্রথিত হয়েছে।

রবীন্দ্রনাথ প্রবলরূপে বেঁচেছিলেন, সে-কারণেই তাঁর রাষ্ট্রচিন্তা অচল অনড় নয়। এবিষয়ে তিনি নিজেরই আমাদের সতর্ক করে দিয়ে বলেছেন, "যে মানুষ স্বাধীনকাল থেকে চিন্তা করতে করতে লিখেছে তার রচনার ধারাকে ঐতিহাসিকভাবে দেখাই সংগত।... রাষ্ট্র-নীতির মতো বিষয়ে কোনো বাঁধা মত একেবারে স্বসম্পূর্ণভাবে কোনো-এক বিশেষ সময়ে আমার মন থেকে উৎপন্ন হয় নি, জীবনের অভিজ্ঞতার সঙ্গে সঙ্গে নানা পরিবর্তনের মধ্যে তারা গড়ে উঠেছে। সেই-সমস্ত পরিবর্তন-পর্যায়ের মধ্যে নিঃসন্দেহ একটা ত্রিকোণ আছে। সেইটিকে উদ্ধার করতে হলে রচনার কোন অংশ মুখ্য কোন অংশ গৌণ, কোনটা তৎসাময়িক, কোনটা বিশেষ সময়ের সীমাকে অতিক্রম করে প্রবর্তমান, সেইটে বিচার করে দেখা চাই। বস্তুত সেটাকে অংশে অংশে বিচার করতে গেলে তাকে পাওয়া যায় না, সমগ্রভাবে অন্বেষণ করে তবে তাকে পাই।" ['রবীন্দ্রনাথের রাষ্ট্রনৈতিক মত', কালান্তর] এই সতর্কবাণী স্মরণে রেখেই রবীন্দ্রনাথের রাষ্ট্রচিন্তার স্বরূপ বিচারে প্রবৃত্ত হওয়া যাক।

রবীন্দ্রনাথের রাষ্ট্রনৈতিক অভিমত-বিচারে অব্যবহা অনেক। পরস্পর-বিরোধী উক্তি সহজেই খুঁজে পাওয়া যায়। ভারতের স্বাধীনতার দাবীর সমর্থন তিনি করেছেন, একথা যেমন সত্য, তেমনি সত্য, তিনি ইংরেজ শাসনকে একান্তভাবে ভারতের পক্ষে কল্যাণকর বলে মনে করেছেন। ইরোরোপের সঙ্গে আমাদের সংযোগ যেমন তাঁর কাছে মঙ্গলকর মনে হয়েছে তেমনি ইরোরোপ আমাদের জীবনে ক্ষতিকর বলে তাঁর মনে হয়েছে। তিনি পশ্চাত্য বিজ্ঞান-দৃষ্টিকে অভ্যর্থনা করেছেন, আবার প্রাচীন ভারতের তপোবনকেন্দ্রিক সভ্যতাকে আদর্শ বলে মনে করেছেন। এইভাবেই তাঁকে সমাজতন্ত্রের-সমর্থক ও বিরোধী, জাতীয়তাবাদী ও জাতীয়তাবিরোধী রূপে দেখানো সম্ভবপর। ডক্টর সর্বপল্লী রাধাকৃষ্ণ এই প্রসঙ্গেই বলেছেন 'It is said that Rabindranath's song has been the inspiration to anarchist activities.....Strange to say, the opposite

view prevails in some quarters in India, where it is urged that Rabindranath has given up his old nationalist attitude. ('The Philosophy of Rabindranath Tagore')। রবীন্দ্রনাথের 'ঘরে-বাইরে' ও 'চার অধ্যায়' উপন্যাসে যথাক্রমে বঙ্গদেশী আন্দোলন ও সম্মান-বাহু আন্দোলনের তীব্র সমালোচনা করা হয়েছে। আবার তাঁর গানের মধ্যে দেশমাতৃকার বন্দনা যা আমরা পেয়েছি, তা আমাদের প্রেরণা দিয়েছে।

'বাংলার মাটি বাংলার জল, বাংলার বায়ু বাংলার ফল,' 'নমো-নমো নম, হৃন্দরী থম জননী জয়চুমি', 'সার্থক জনম আমার জন্মেছি এই দেশে' প্রমুখ গানে বাঙালি দেশকমীমাত্রের প্রেরণা পেয়েছেন, আবার 'জনগণমন-অধিনায়ক' গানকে রাষ্ট্রীয় সংগীতরূপে নির্বাচনের পিছনে এই প্রেরণাই কিরাসীল। তাই রবীন্দ্রনাথের রাষ্ট্রনৈতিক মত-বিচারে আমাদের বিশেষ সন্তক থাকতে হয়।

॥ ২ ॥

রবীন্দ্রনাথের রাষ্ট্রচিন্তামূলক রচনা ধীরভাবে অঙ্গসরণ করলে দেখা যাবে যে, তাঁর কাছে 'স্বরাজ' বিশিষ্ট অর্থে প্রতিভাত হয়েছিল। বিদেশী রাজশক্তির সঙ্গে অসহযোগ করাটাই তাঁর কাছে দেশপ্রেমের চরম প্রকাশ বলে কখনো মনে হয় নি। তাই এ'কথা বলেছেন, "যে দেশে দৈবক্রমে জন্মেছি মাত্র সেই দেশকে সেবার দ্বারা, ত্যাগের দ্বারা, তপস্তা দ্বারা, জানার দ্বারা, বোঝার দ্বারা সম্পূর্ণ আত্মীয় করে তুলি নি; একে অধিকার করতে পারি নি। নিজের বুদ্ধি দিয়ে, প্রাণ দিয়ে, প্রেম দিয়ে যাকে গড়ে তুলি তাকেই আমরা অধিকার করি; তারই 'পরে' অস্ত্রায় আমরা মরে গেলেও সজ্জ করতে পারি নে। কেউ কেউ বলেন, আমাদের দেশ পরাধীন বলেই তাঁর সেবা সম্বন্ধে দেশের লোক উদাসীন। এসব কথা শোনবার যোগ্য নয়। ...আমরা কন্‌গ্রেস করেছি, তাঁর ভাষার হৃদয়বেগ প্রকাশ করেছি; কিন্তু যে-সব অভাবের তাড়নায় আমাদের বেহু যোগে জীর্ণ, উপবাসে জীর্ণ, কর্মে অপটু, আমাদের চিত্ত অকসংসারে ভাষাকাত্ত, আমাদের সমাজ শত খণ্ডে খণ্ডিত, তাকে নিজের বুদ্ধির দ্বারা, বিচার দ্বারা, সংযত চেষ্টা দ্বারা দূর করবার কোনো উদ্‌বোধ করি নি। কেবলই নিজেকে এবং অন্তকে এই বলেই ভোলাই যে, যে দিন স্বরাজ হাভে

আসবে তার পর দিন থেকেই সমস্ত আপনিই ঠিক হয়ে যাবে। এমন করে কর্তব্যকে হৃদয়ে ঠেকিয়ে রাখা, অকর্ষণ্যতার শূন্যগর্ভ কৈফিয়ত রচনা করা, নিরুৎসাহক নিরুৎসাহ দুর্বল চিন্তেরই পক্ষে সম্ভব।” [‘রবীন্দ্রনাথের রাষ্ট্রনৈতিক মত’, কালান্তর]

আমাদের আত্মপ্রত্যারণর চমৎকার বিশ্লেষণ এখানে পাই। স্বাধীনতার চোদ্দ বছর পরে আজ উপবোধ মস্তব্য বর্ণে-বর্ণে মিলে যাচ্ছে। গত শতকের শেষে নরমপন্থীদের (কংগ্রেসের মডারেট দল) তিকাপন্থিত্বের তীব্র সমালোচনা করে বলেছেন, “তখনকার দিনে চোখ বাড়িয়ে ভিক্ষা করা ও গলা মোটা করে গবর্নমেন্টকে জুজুর ভয় দেখানোই আমরা বীরত্ব বলে গর্ব করতাম।” (তদেব)

স্বরাজের স্বরূপ কী—এ প্রশ্নের উত্তরে রবীন্দ্রনাথ নির্ভয়ে বলেছেন, “দেশকে যদি স্বরাজসাধনায় সত্যভাবে দীক্ষিত করতে চাই তা হলে সেই স্বরাজের সমগ্র মূর্তি প্রত্যক্ষগোচর করে তোলবার চেষ্টা করতে হবে। ...স্বরাজকে যদি প্রথমে দীর্ঘকাল কেবল চরকার স্বতো-আকারেই দেখতে থাকি তা হলে আমাদের সেই দশাই হবে। এই রকম অন্ধ সাধনায় মহাত্মাও মতো লোক হয়তো কিছুদিনের মতো আমাদের দেশের একদল লোককে প্রবৃত্ত করতেও পারেন, কারণ তাঁর ব্যক্তিগত মাহাত্ম্যের পুরে তাদের প্রজ্ঞা আছে। এইজন্তে তাঁর আদেশ পালন করাকেই অনেক কললাভ বলে গণ্য করে। আমি মনে করি, এরকম মতি স্বরাজলাভের পক্ষে অল্পকূল নয়। স্বদেশের দায়িত্বকে কেবল স্বতো কাটার নয়, সম্যক ভাবে গ্রহণ করবার সাধনা চোটে চোটে আকারে দেশের নানা জায়গায় প্রতিষ্ঠিত করা আমি অত্যাবশ্যক বলে মনে করি। ...সম্মিলিত আত্মকর্তৃত্বের চর্চা, তাঁর পরিচয়, তাঁর সম্বন্ধে গৌরববোধ জনসাধারণের মধ্যে ব্যাপ্ত হলে তবেই সেই পাকা ভিত্তির উপর স্বরাজ সত্য হয়ে উঠতে পারে।”

[স্বরাজসাধন, কালান্তর]

স্বরাজলাভের পন্থা সম্পর্কে রবীন্দ্রনাথের নিজস্ব অভিমত ‘ময়ে বাইরে’ উপন্যাসে নিখিলেশের উক্তিতে প্রকাশিত হয়েছে :

“আজ সমস্ত দেশের ভৈরবীচক্রে ময়ের পায় নিয়ে আমি যে বলে বাইনি, একে সকলেরই অগ্নির হৃদ্বি। দেশের লোক ভাবে, আমি খেতাব

চাই কিবা পুলিশকে ধর করি। পুলিশ ভাবছে, ভিতরে আমার কুম্ভলব আছে বলেই বাটরে আমি এমন ভালো মানুষ। তবু আমি এই অবস্থান ও অপমানের পথেই চলেছি। কেননা, আমি এই বলি, দেশকে সাধাভাবে সভ্যভাবে দেশ বলেই দেখে, মানুষকে মানুষ বলেই শ্রদ্ধা করে, যারা তার সেবা করতে উৎসাহ পায় না—চীৎকার করে মা বলে', দেবী বলে', মন্ত্র পড়ে' যাদের কেবলই সম্মোহনের দরকার হয়—তাদের সেই ভালোবাসা দেশের প্রতি তেমন নয়, যেমন দেশের প্রতি। সত্যের ও উপরে কোনো একটা মোহকে প্রবল করে রাখবার চেষ্টা, এ আমাদের মজ্জাগত দাসত্বের লক্ষণ। চিন্তকে মুক্ত করে দিলেই আমরা আর বল পাই নে। হয় কোনো কল্পনাকে নয় কোনো মানুষকে, নয় চাটপাড়ার বাবুদাকে আমাদের অসাড় চৈতন্তের পিঠের উপর সওয়ার করে না বসালে সে নড়তে চার না। যতক্ষণ এই-রকম মোহে আমাদের প্রয়োজন আছে, ততক্ষণ বুঝতে হবে স্বাধীনতাকে নিজের দেশকে পাবার শক্তি আমাদের হয় নি।”

বিলাতিভ্রম্য বর্জন ও চরকা প্রচলন, সম্মোহন মন্ত্র ও গুরু আরাধনা স্বরাজ্যভাঙের পথ নয় : নিভীক ভাবে রবীন্দ্রনাথ এই অভিমত প্রচার করেছেন। আসল কথা, নেতিবাচক দৃষ্টিভঙ্গিতে রবীন্দ্রনাথের আপত্তি ছিল। অসহযোগ আন্দোলন মূলতঃ নেতিমূলক আন্দোলন বলে রবীন্দ্রনাথ তা সমর্থন করেন নি। ইংরেজের বিরুদ্ধে দেশব্যাপী বিদ্রোহ জাগিয়ে তোলার তিনি বিরোধী ছিলেন। এ প্রসঙ্গে তিনি যে অভিমত প্রকাশ করেছেন, তা পরবর্তীকালের ভারতবর্ষে নিহুঁল বলে প্রমাণিত হয়েছে :

“কুনিয়াছি এমন কথাও কেহ কেহ বলেন যে, ইংরেজের প্রতি সর্বসাধারণের বিদ্বেষই আমাদের ঐক্যদান করিবে।……একথা যদি সত্যই হয় তবে বিদ্বেষের কারণটি যখন চণিয়া যাইবে, ইংরেজ যখনই এদেশ ত্যাগ করিবে, তখন ক্রিমি ঐক্যমূত্রটি ত এক মুহূর্তে ছিন্ন হইয়া যাইবে। তখন দ্বিতীয় বিদ্বেষের বিষয় আমরা কোথায় খুঁজিয়া পাইব? তখন আর দূরে খুঁজিতে হইবে না, রক্তপিপাসু বিদ্বেষ-বুজির দ্বারা আমরা পরস্পরকে কত-বিকৃত করিতে থাকিব।” [‘ভারতী, ১৯১৫’]

আর স্বরাজ্যভাঙের জন্ত বুক্তির নির্বাসন, দেশের চিন্তাশক্তির সাময়িক অবরোধ, গুরুপদে আত্মসমর্পণ, গুরুবাক্য ওরফে দৈববাণীতে বিশ্বাস স্থাপনের ভীষ্ম নিন্দা রবীন্দ্রনাথ করেছেন ‘সত্যের আহ্বান’ প্রবন্ধে।

॥ ৩ ॥

ভারতের স্বাধীনতার দাবী রবীন্দ্রনাথ প্রবলভাবে সমর্থন করেছেন। বলা চলে, স্বাধীনতাকামী ভারতের আত্মা তাঁর মধ্যে মূর্তি পরিগ্রহ করেছিল। জালিয়ানওয়ালাবাগ হত্যাকাণ্ডের বিরুদ্ধে, হিজলী বন্দীশিবিরে গুলিচালনার প্রতিবাদে, মিস রায়চৌধুরীর খোলা চিঠির জবাবে দৃষ্ট উত্তরে রবীন্দ্রনাথের কণ্ঠ বারবার গর্জন করে উঠেছিল।

স্বাধীনতার আহ্বান যখন রবীন্দ্রকণ্ঠে শুনি, তখন সমস্ত মন জেগে ওঠে। স্পষ্ট ভাষায় তিনি বলেছেন,

“আমাদের সমাজে, আমাদের ব্যক্তিব্যক্তির ধারণায় দুর্বলতা যথেষ্ট আছে, সে কথা ঢাকিতে চাইলেও ঢাকা পড়িবে না। তবু আমরা আত্মকর্তৃত্ব চাই। অন্ধকার ঘরে এক কোণের বাতিটা মিট মিট করিয়া জলিতেছে বলিয়া যে আর এক কোণের বাতি জ্বলাইবার দাবি নাই, এ কাজের কথা নয়। যে দিকের যে সলতে দিয়াই হোক আলো জ্বলাই চাই। ... ভারতের জবাবদায়ী জাগ্রত ভগবান আজ আমাদের আত্মাকে আহ্বান করিতেছেন, যে আত্মা অপরিমেয় যে আত্মা অপরাজিত, অমৃতলোকে, যাহার অনন্ত অধিকার, অগচ যে আত্মা আজ অন্ধ প্রেমা ও প্রভুত্বের অপমানে ধুলায় মুখ লুকাইয়া। আঘাতের পর আঘাত, বেদনার পর বেদনা দিয়া তিনি ডাকিতেছেন, আহ্বানং বিজি, আপনাকে জানো।” [কর্তার ঈচ্ছাকর্ম, কালান্তর]

আত্মকর্তৃত্বের অধিকার আমাদের চাই—এই কথাটাই বার বার রবীন্দ্রনাথ সবল কণ্ঠে ঘোষণা করেছেন। “নিভৃতে সাহিত্যের রসসন্তোগের উপকরণের বেটন হতে” রবীন্দ্রনাথ একদিন ভারতবর্ষের সাধারণ মানুষের জীবনপথে বেরিয়ে এসেছিলেন। ইংরেজ-শাসন তথা শোষণের তীব্র সমালোচনা করে অস্তিম ভাষণে রবীন্দ্রনাথ বলেছিলেন, “সেদিন ভারতবর্ষের জনসাধারণের যে নিদারুণ দারিদ্র্য আমার সম্মুখে উদ্ঘাটিত হল তা হৃদয়বিদারক। অন্ন বস্ত্র পানীয় শিক্ষা আরোগ্য প্রভৃতি মানুষের শরীরমনের পক্ষে বা-কিছু অত্যাবশ্যক তার এমন নিরতিশয় অভাব বোধহয় পৃথিবীর আধুনিক শাসন-চালিত কোনো দেশেই ঘটেনি।” [সভ্যতার সংকট]

কিন্তু ভারতের স্বাধীনতা অত্যাগত, তা রবীন্দ্রনাথ দিব্যদৃষ্টিতে দেখে-ছিলেন, বলেছিলেন, “ভাগ্যচক্রের পরিবর্তনে একদিন না একদিন ইংরেজকে

এই ভারতসাম্রাজ্য ত্যাগ করে যেতে হবে। কিন্তু কোন্ ভারতবর্ষকে সে পিছনে ত্যাগ করে বাবে? কী সম্মীচাড়া দীনতার আবর্জনাকে? একাদিক শতাব্দীর শাসনধারা যখন শুষ্ক হয়ে বাবে, তখন এ কী বিস্তীর্ণ পঞ্চশয্যা ছবিবহু নিষ্ফলতাকে বহন করতে থাকবে? জীবনের প্রথম আরম্ভে সমস্ত মন থেকে বিশ্বাস করেছিলুম যুরোপের অন্তরের সম্পদ সভ্যতার এই দানকে। আর আজ আমার বিদায়ের দিনে সে বিশ্বাস একেবারে দেউলিয়া হয়ে গেল।” [তদেব]

পরাদীনতার বেদনা ও শোষণের নিন্দা এখানে প্রকাশিত হয়েছে। আত্মকর্তৃত্বের চির-সচলতার বেগেই মানুষের মুক্তি, এই বিশ্বাস রবীন্দ্রনাথের প্রব বিশ্বাস।

॥ ৪ ॥

স্বাধীনতার স্বরূপ-বিচারেই রবীন্দ্রনাথ ক্ষান্ত হন নি; ব্যক্তি ও রাষ্ট্রের সম্পর্ক নিয়েও আলোচনা করেছেন। অন্তর্নিরপেক্ষ স্বাধীন জীবনের চরম স্বাভাব্যবাদকে তিনি স্বীকার করেন নি। পিটার ক্রপটকিন Anarchy বা নৈরাজ্যবাদকে রাষ্ট্রসাধনার চরম বলে মনে করেছেন। ব্যক্তিস্বাভ্যন্তর চরমোৎকর্ষ এই মতবাদের অস্থিষ্ট। রবীন্দ্রনাথ এই মত গ্রাহ্য করেন না, তাঁর ধারণা পারস্পরিক সম্পর্কের মধ্য দিয়ে স্বাধীনতার বিকাশ সম্ভবপর। ১৯০০ খ্রীষ্টাব্দের মে মাসে অক্সফোর্ড বিশ্ববিদ্যালয়ে রবীন্দ্রনাথ যে হিবার্ট-বক্তৃতা দেন, তা ‘The Religion of Man’ গ্রন্থে সংকলিত হয়েছে। সেখানে এট প্রসঙ্গে তিনি বললেন,

“It is true that in the human world only a perfect arrangement of inter dependence gives rise to freedom. The most individualistic of human beings who own no responsibility are the savages who fail to attain their fullness of manifestation.... The history of the growth of freedom is the history of perfection of human relationship.”

পারস্পরিক মানবিক সম্পর্কের উন্নতিই ব্যক্তিস্বাধীনতার বিকাশের অঙ্গুল বলেই রবীন্দ্রনাথের ধারণা।

রাষ্ট্র সম্পর্কে রবীন্দ্রনাথের ধারণা আলোচনা করতে গেলে দেখা যায় তিনি রাষ্ট্রবিরোধী। এ বিষয়ে তিনি হেগেলের মতের সম্পূর্ণ বিপরীত অভিমত

পোষণ করেন। হেগেল তাঁর 'The Philosophy of Right' গ্রন্থে বলেছেন, রাষ্ট্রই ব্যক্তির জীবনের চরম বিকাশের একমাত্র উপায় এবং রাষ্ট্রহীন ব্যক্তিজীবন অসম্ভব; আর সমাজ ও রাষ্ট্রের মধ্যে কোনো বিরোধ উপস্থিত হলে রাষ্ট্রকেই মেনে নিতে হবে। রবীন্দ্রনাথের ধারণা ঠিক বিপরীত।

রবীন্দ্রনাথ বলেছেন, "চিরদিন ভারতবর্ষে এবং চীনদেশে সমাজতন্ত্রই প্রবল, রাষ্ট্রতন্ত্র তার নীচে। দেশ স্বার্থভাবে আত্মরক্ষা করে এসেছে সমাজের সম্মিলিত শক্তিতে। সমাজই বিদ্যার ব্যবস্থা করেছে, তবিতকে জল দিচ্ছে, ক্ষুধিতকে অন্ন, পূজার্থীকে মন্দির, অপরাধীকে দণ্ড, শ্রদ্ধেরকে শ্রদ্ধা।……এমনি করে দেশ ছিল দেশের লোকেব; রাজা ছিল তার এক অংশে মাত্র, মাথার উপরে যেমন মুকুট থাকে তেমনি। রাষ্ট্রপ্রধান দেশে রাষ্ট্রতন্ত্রের মধ্যেই বিশেষভাবে বদ্ধ থাকে দেশের মর্মস্থান; সমাজপ্রধান দেশে দেশের প্রাণ সর্বত্র ব্যাপ্ত হয়ে থাকে। রাষ্ট্রপ্রধান দেশের রাষ্ট্রতন্ত্রের পতনে দেশের অধঃপতন, তাতেই সে মারা যায়। গ্রীস রোম এমনি করেই মারা গিয়েছে। কিন্তু চীন ভারত রাষ্ট্রের পরিবর্তনের ভিতর দিয়েই স্বদীর্ঘকাল আত্মরক্ষা করেছে, তার কারণ সর্বব্যাপী সমাজে তার আত্মা প্রসারিত। পাশ্চাত্য বাজার শাসনে এইখানে ভারতবর্ষ আধাত পেয়েছে।"

['রবীন্দ্রনাথের রাষ্ট্রনৈতিক মত', কালাঙ্গর]

II ৫ ।

ইংরেজশাসনে ভারতবর্ষে সমাজকে বাদ দিয়ে রাষ্ট্রকে মুখ্য করা হয়েছে বলেই ভারতের দুর্দশা। এই দুর্দশার নিপুণ বিশ্লেষণ রবীন্দ্রনাথ করেছেন। বস্তুতঃ এই বিশ্লেষণের মধ্য দিয়ে ইংরেজ অধিকৃত ভারতের চেহারাটি আমাদের কাছে স্পষ্ট হয়ে ওঠে।

তাঁর কথাই উদ্ধার করি :

"এই তো গেল আমাদের সব চেয়ে প্রধান সমস্যা। যে বুদ্ধির রাস্তায় কর্মের রাস্তায় মানুষ পরস্পরে মিলে সমৃদ্ধির পথে চলতে পারে সেইখানে খুঁটি গেড়ে থাকার সমস্যা; বাদের মধ্যে সর্বদা আনাগোনার পথ সকল রকমে খোলসা রাখতে হবে তাদের মধ্যে অসংখ্য খুঁটির বেড়া তুলে পরস্পরের ভেতকে বন্ধ করে দ্বারী করে তোলায় সমস্যা; বুদ্ধির যোগে যেখানে সকলের সঙ্গে যুক্ত হতে

হবে, অবুজির অচল বাধার সেখানে সকলের সঙ্গে চিরবিচ্ছিন্ন হবার সম্ভা-
 বাঁটরপিলী ভেদবুজির কাছে ভক্তিতরে বিচার-বিবেককে বলিধান করার
 সম্ভা.....আমাদের আর-একটি প্রধান সম্ভা হিন্দু-মুসলমান সম্ভা।”

[সম্ভা, কালাকর]

আমাদের জাতীয় ৬ বাট্টির জীবনে এর বাট্টির আর কোনো সম্ভা
 নেই। রবীন্দ্রনাথের হৃদয় দৃষ্টির আলোকে এই সম্ভাগুলির চেহারা
 আমাদের কাছে স্পষ্ট হয়ে উঠেছে। আমাদের রাজনৈতিক আন্দোলনে
 হিন্দু-মুসলমানের সম্ভার গোঁজামিল দেবার যে চেষ্টা হয়েছে—অনুযোগ
 আন্দোলন, বিলাফত সন্থন, ও সাম্প্রদায়িক বাট্টোয়ারাব লজ্জাকর হীনতা—
 সে-সবের মধ্যে যে ফাঁক রয়েছে, তা ‘কালাকর’ গ্রন্থে রবীন্দ্রনাথ নিপুণ-
 ভাবে বিশ্লেষণ করেছেন। বলেছেন, “আসল ভুলটা রয়েছে অস্থিতে
 মজ্জাতে, তাকে ভোলবার চেষ্টা করে ভাঙা যাবে না।” (তদেব)। “ভাঙ-
 ভাবের জীর্ণ মসলার দ্বারা তাড়াতাড়ি অল্প কয়েক দিনের মধ্যে খুব
 মজবুত করে পোলিটিকাল সেতু বানাবার চেষ্টা” ব্যর্থ হতে বাধ্য, তা
 রবীন্দ্রনাথ বিশ্লেষণ করে দেখিয়েছেন। ভারতবর্ষের রাষ্ট্রনৈতিক জীবনে
 রবীন্দ্রনাথের এইসব বিশ্লেষণ অশ্রান্ত বলে প্রমাণিত হয়েছে।

পথ কোথায়? এই প্রশ্নের উত্তরে তিনি বলেছেন, “আমাদের লড়াই ক্ষুতের
 সঙ্গে, আমাদের লড়াই অবুজির সঙ্গে, আমাদের লড়াই অবাঞ্ছবের সঙ্গে।”
 (তদেব)। এই ভূত আমাদের জীবনে এনেছে ভেদ ও পরবশতা, এর
 বিরুদ্ধে লড়াইয়ে আমাদের আত্ম হোক শুভবুদ্ধি—যা অটনৈক্যের অশিকার
 নীচতার ও লোভের বিরুদ্ধে।

চিন্তাশক্তির দৈন্ত দেখে রবীন্দ্রনাথ ব্যথিত হয়েছেন। দেশের সমস্ত
 বুদ্ধিশক্তি ও কর্মশক্তিকে সংঘবদ্ধ আকারে দেখে বিভীর্ণ করে দিলেই
 দেশের মুক্তি—তার এই পন্থা তিনি ‘ষড়ঙ্গী সমাজ’ ভাষণে ব্যাখ্যা করেছেন।
 আমাদের রাষ্ট্রজীবনে যখনি দেখে চিন্তার প্রাধান্ত লক্ষ্য করেছেন,
 তখনি তার বিরুদ্ধে সবল কণ্ঠে প্রতিবাদ করেছেন, নির্ভয়ে অগ্রিম সত্য
 উচ্চারণ করেছেন। রাষ্ট্রচিন্তাবিদ রবীন্দ্রনাথের এটাই সবচেয়ে লক্ষণীয়
 বৈশিষ্ট্য। তিনি বলেছেন, “আমি প্রথম থেকেই রাষ্ট্রীয় প্রশ্নে এই কথাই
 বারবার বলেছি, যে কাজ নিজে করতে পারি সেই কাজ সবসময়ই বাকি
 ফেলে, অন্তের উপরে অভিযোগ নিয়েই অহরহ কর্মহীন উত্তেজনার রাজ্য

চক্রে ক্রি়ন কাটানোকে আমি রাষ্ট্রীয় কর্তব্য বলে মনে করি নে।”
[রবীন্দ্রনাথের রাষ্ট্রনৈতিক মত, কালান্তর]

আসল কথা, স্বরাষ্ট্রের প্রধান শর্ত আত্মশক্তির উদ্বোধন। ‘স্বরাজ আগে আসবে, স্বদেশের সাধনা তারপরে, এমন কথাও তেমনিই সত্যাহীন, এবং ভিত্তিহীন এমন স্বরাজ।’ (তদেব)

দেশের চিত্তশক্তির দৈন্তের তীব্র নিন্দা করে নির্ভয়ে রবীন্দ্রনাথ এই ভূৎসন্যবাক্য উচ্চারণ করেছেন :

“আজ আমাদের দেশে চরকালারূপ পতাকা উড়িয়েছি। এ যে সংকীর্ণ জড়শক্তির পতাকা, অপরিণত যন্ত্রশক্তির পতাকা, স্বল্পবল পশাশক্তির পতাকা—এতে চিত্তশক্তিও কোনো আস্থান নেই। সমস্ত জাতিকে মুক্তিও পথে যে আমন্ত্রণ সে তো কোনো বাহ্য প্রক্রিয়ার অন্ধ পুনরাবৃত্তির আবর্তন, হতে পারে না। তার জগ্রে আবৃত্তক পূর্ণ মনুষ্যত্বের উদ্বোধন ; সে কি এই চরকা চালনার ? চিন্তাবিহীন মূঢ় বাহ্য অচর্চানকেই ঐচ্ছিক পারত্রিক সিদ্ধিলাভের উপায় গণ্য করেই কি এত কাল জড়ত্বের বেটনে আমরা মনকে আড়ষ্ট করে রাখি নি ? আমাদের দেশের সব চেয়ে বড়ো দুর্গতির কারণ কি তাই নয় ? আজ কি আকাশে পতাকা উড়িয়ে বলতে হবে, বুজি চাই নে, বিজ্ঞা চাই নে, শ্রীতি চাই নে, পৌরুষ চাই নে, স্বতন্ত্রপ্রকৃতির মুক্তি চাই নে, সকলের চেয়ে বড়ো করে একমাত্র করে চাই, চোখ বুজে, মনকে বুজিয়ে দিয়ে হাত চালানো, বহু সহস্র বৎসর ~~কাল~~ চালানো হয়েছিল তারই অমূল্যবর্জন করে ? স্বরাজ-সাধন-যাত্রায় এই হল রাজপথ ? এমন কথা বলে মানুষকে কি অপমান করা হয় না ?” (তদেব)

এই বিচারের প্রয়োজন আজো ফুরোয় নি।

॥ ৬ ॥

রবীন্দ্রনাথ স্বাধীনতা, গণতন্ত্র ও সমাজতন্ত্রের সমর্থক ছিলেন, কিন্তু আত্মীয়তাবাদের বিরোধী ছিলেন।

স্বাধীনতা ও গণতন্ত্রের সমর্থনে তাঁর বিখ্যাত ‘আফ্রিকা’ কবিতা ও বিখ্যাত ‘রাশিয়ার চিঠি’ ভ্রমণগ্রন্থ প্রথমেই স্বরণে আসে। শেষোক্ত গ্রন্থে তিনি বলেছেন, রাশিয়ার না এলে তাঁর “এরূপের ভীর্ণদর্শন” থাকি

থেকে বেত। ইতালি ভ্রমণকালে (১৯২৬) তিনি প্রকাশ্যে মুসোলিনির ব্যক্তিত্ব ও কর্তব্যবলীর প্রশংসা করেছিলেন। তবে কি ফ্যাসিবাদ ও সাম্যবাদ বা 'সর্বহারার একনায়কত্ব'র সমর্থক? এর স্পষ্ট উত্তর—না। ইতালি ভ্রমণকালে ফাইটকারলাণ্ডের ভিলেলভেতে রোমা রোটার সঙ্গে সাক্ষাৎকারের ফলে রবীন্দ্রনাথ বুঝেছিলেন, ইতালিতে মুসোলিনির দল তাঁকে ঠকিয়েছে, ইতালির আভ্যন্তরীণ অবস্থা তিনি দেখতে পান নি, বুঝতে পারেন নি ফ্যাসিবাদের গোপন রূপকে। তখনই তিনি ইংলণ্ডের 'ম্যানচেস্টার গার্ডিয়ানে' এক পত্রে ইতালি ও মুসোলিনি সম্পর্কে নিজস্ব অভিমত লিখে পাঠালেন। এক ভ্রান্ত ধারণার কবল থেকে রবীন্দ্রনাথ মুক্তি পেলেন। এই পত্রে তিনি সি. এফ. এনড্রুজকে লিখেছেন :

"It is absurd to imagine that I could ever support a movement (meaning Fascism) which ruthlessly suppresses freedom of expression, expresses observances that are against individual conscience, and walks through a blood-stained path of violence." [vide—Visva-Bharati Quarterly, October, 1936]

আর সোবিয়ৎ দেশে 'সর্বহারার একনায়কত্ব' তথা ব্যক্তিস্বাধীনতার বিলুপ্ত? রবীন্দ্রনাথ কি 'রাশিয়ার চিঠি'তে তা সমর্থন করেছেন? তিনি বলেছেন :

"মাত্রের ব্যক্তিগত ও সমষ্টিগত সীমা এরা ঠিক ধরতে পেরেছে তা আমার বোধ হয় না। সে হিসেবে এরা ফ্যাসিষ্টদেরই মতো। এই কারণে সমষ্টির খাতিরে ব্যক্তির প্রতি পীড়নে এরা কোনো বাধাই মানতে চান না। ভুলে যায় ব্যক্তিকে দুর্বল করে সমষ্টিকে সবল করা যায় না, ব্যক্তি যদি শৃঙ্খলিত হয় তবে সমষ্টি স্বাধীন হতে পারে না। এখানে জবরদস্ত লোকের একনায়কত্ব চলছে। এই রকম একের হাতে দেশের চালনা দৈবাৎ কিছুদিনের মত ভাল ফল দিতেও পারে কিন্তু কখনোই চিরদিন পারে না।মনকে এক দিকে স্বাধীন করে অল্প দিকে জুসুযের বশ করা সহজ নয়। ভয়ের প্রভাব কিছুদিন কাজ করবে, কিন্তু সেই স্বীকৃতাকে বিচার দিয়ে শিক্ষিত মন একদিন আপন চিন্তাধাতুদ্বারা অবিকার কেণ্ডরের সঙ্গে দাবী করবেই।" (রাশিয়ার চিঠি)

১৯০১ খ্রীষ্টাব্দের এই উক্তি সম্প্রতিকালে সত্য বলে প্রমাণিত হয়েছে। সেবিষয়ে রাষ্ট্রের নেতৃত্বের রহস্যবল তারই প্রমাণ।

অপর প্রশ্ন : রবীন্দ্রনাথ কি সমাজতত্ত্ববাদের সমর্থক ছিলেন? মতবাদ-পতনভাবে তিনি সমাজবাদী ছিলেন, এ'কথা বলা উচিত হবে না। 'মুক্তধারা', 'রক্তকরবী', 'কালের ঘাতা' নাটক-নাটিকায় রবীন্দ্রনাথ ক্রমশই সমাজ-চেতনার পথে অগ্রসর হচ্ছিলেন, তার প্রমাণ পাওয়া যায়। পুরোহিততত্ত্ব, সামন্ততত্ত্ব, খনতত্ত্ব প্রভৃতি পর্ষদের মধ্য দিয়ে পৃথিবী আজ শৃঙ্গের হাতে এসেছে, তারাই আগামী পৃথিবীর নায়ক—'রথের রশি' নাটিকায় তারই ইঙ্গিত পাই। আর পুনশ্চ-শেষসপ্তক-পত্রপুট-প্রান্তিক-সেঁজুতি-নবজাতক-সানাই কাবাধারায় মানবতার মহিমা রবীন্দ্রনাথ প্রত্যক্ষ করেছেন সাধারণ মানুষের মধ্যে। 'একতান', 'আফ্রিকা', 'মানবপুন্ম', 'শিশুতীর্থ'—রবীন্দ্রনাথের মানবচিন্তার পথে এক একটি অগ্রবর্তী প্রদীপ।

শ্রমজীবী মানুষের শোষণের রূপটি রবীন্দ্রনাথের দরদী লেখনীতে সুন্দর ভাবে ফুটে উঠেছে :

"মানুষের সভ্যতায় একদল অখ্যাত লোক থাকে, তাদেরই সংখ্যা বেশি, তারাই বাহক; তাদের মানুষ হবার সময় নেই; দেশের সম্পদের উজ্জিষ্টে তারা পালিত। সব চেয়ে কম পেয়ে পরে কম শিখে বাকি সকলের পরিচর্যা করে; সকলের চেয়ে বেশি তাদের পরিশ্রম, সকলের চেয়ে বেশি তাদের অসম্মান। কথায় কথায় তারা উপোসে মরে, উপরওয়ালাদের লাখি কাঁটা খেয়ে মরে—জীবনবাত্মার ভক্ত যত কিছু সুযোগ সুবিধা, সব-কিছুর থেকেই তারা বঞ্চিত। তারা সভ্যতার পিলগ্রজ, মাথার প্রদীপ নিয়ে খাড়া পাড়িয়ে থাকে। উপরে সবাই আলো পায়, তাদের গা দিয়ে তেল গড়িয়ে পড়ে।"

('প্রবাসী', ১৯০৭ বঙ্গাব্দ)

সাধারণ অবজ্ঞাত মানুষের প্রতি সৌম্যমীনা দরদ এখানে লক্ষ্য করা যায়। মানবমহিমার সর্বশেষ মন্ত্রটি কবি উচ্চারণ করেছেন :

আমি ব্রাত্য, আমি মন্ত্রদীন
সকল মন্দিরের বাহিরে
আমার পূজা সমাপ্ত হল
দেবলোক থেকে
মানবলোকে

আকাশে জ্যোতির্ময় পুরুষ

আর মনের মাত্রে আমার অক্লান্ত আনন্দে ।

(পদ্যগুট)

মানবকাব্যের ইতিমধ্যে রবীন্দ্র-সংগ্রহে এখানে জয়মালা দিয়েছেন ।

॥ ৭ ॥

রবীন্দ্রনাথের রাষ্ট্রচিন্তার শেষ বিচাৰ বিষয়—“তিনি জাতীয়তাবাদকে কী ভাবে গ্রহণ করেছেন ?

রবীন্দ্র-সাহিত্যে যে মানবতার বন্দনা, রাষ্ট্রচিন্তার হারট অন্বেষণ ।
ক’বকল্পে মানবসংসারের বন্দনা :

আমি পৃথিবীর কবি

যেদা তার যত টেঁচে পদ

আমার শিশির স্নেহে সাদা তার জাণিরে তপন । (ভগ্নমিনে)

রাষ্ট্রনীতির ক্ষেত্রে সংকীর্ণ দেশপ্রেমের উপরে রবীন্দ্রনাথ ঠাঁট দিয়েছেন আন্তর্জাতিকতাবাদকে । তিনি বলেছেন :

“বিশেষ বিশেষ ব্যক্তি একান্তভাবে স্বকীয় স্বার্থসাধনের বে আয়োজনে ব্যাপৃত সেই তার রাষ্ট্রনীতি । তার মিনা দলিল আর অস্ত্রের বোঝা কেবলট ভারী হয়ে উঠেছে । এই বোঝা বাড়বার আয়োজনে পরস্পর পাল্লা দিয়ে চলেছে ; এর আর শেষ নেই, মগতে শাস্তি নেই । যে দিন মাতৃস্ব স্বপ্ত করে বুঝবে যে, সর্বজাতীয় বাস্তবিক সম্বন্ধেই প্রত্যেক জাতির প্রকৃত স্বার্থসাধন সম্ভব, কেননা পরস্পর-নির্ভরতাই মাতৃস্বের ধর্ম, সেইদিনই রাষ্ট্রনীতিও বৃহৎভাবে মাতৃস্বের সূক্ষ্মসাধনার কেন্দ্র হবে । সেই দিনই সামাজিক মাতৃস্ব যে-সকল ধর্মনৈতিক সত্য বলে স্বীকার করে, রাষ্ট্রিক মাতৃস্বও তাকে স্বীকার করবে । অর্থাৎ, পরকে ঠকানো, পরের ধন চুরি, আত্মজাতির নিরবস্থিতি চর্চা, এগুলোকে কেবল পরমাধর্মের নয়, ঐক্যবন্ধ মাতৃস্বের স্বার্থেরও অন্তরঙ্গ বলে জানবে । League of Nations-এর প্রতিষ্ঠা হরতো রাষ্ট্রনীতিতে অইনিকামুক মত্বাধারের আদর্শ-প্রতিষ্ঠার প্রথম উদ্বেগ ।” [চরকা, কালান্তর]

আন্তর্জাতিকতার কোন্ রূপ রবীন্দ্রনাথের দৃষ্টিতে ধরা দিয়েছিল, তার সামান্য পরিচয় এখানে পাই । এই “অইনিকামুক মত্বাধারের প্রতিষ্ঠাপথে

বাধা জাতীয়তাবাদ, তাই তা বর্জনীয় বলে তিনি মনে করেন। 'ভাষান্তালিঙ্গন' বিশ্বত পাশ্চাত্য সাধনা, পশ্চিমের কাছ থেকেই আমরা ও পেরেছি তিনি মনে করেন :

“আদেশিক ঐক্যের মহাহত্য আমরা ইংরেজের কাছে শিখেছি। কেনেছি এর শক্তি, এর গৌরব। দেখেছি এই সম্পর্কে এদের প্রেম, আত্মত্যাগ, জনহিতব্রত। ইংরেজের এই দৃষ্টান্ত আমাদের দ্বন্দ্বয়ে প্রবেশ করেছে।”

('বাংলা ভাষা পরিচয়', পৃ. ৩৬)

আরো স্পষ্ট কবে বলেছেন 'Nationalism' ভাষণমালায়—

India has never had a real sense of nationalism. Even though from childhood I had been taught that idolatry of the Nation is almost better than reverence for God and humanity, I believe I have outgrown that teaching, and it is my conviction that my countrymen will truly gain their India by fighting against the education which teaches them a country is greater than the ideals of humanity.

বিষয়বস্তু জাতীয়তাবাদী-দেশপ্রেমের চেয়ে বড়, এই শিক্ষাই ভারত-বাসী গ্রহণ করুক : রবীন্দ্রনাথের এই অভিলাষে উদার আনুষ্ঠানিকতাবাদের প্রতি তাঁর অস্বাভাবিক বিরুদ্ধতা রয়েছে।

যুগের মনীষী গোটেই সেই মহৎ উদ্ভিষ্টে রবীন্দ্রনাথের আনন্দিক আস্থা ছিল বলেই মনে হয়, যেখানে গোটেই বলেছেন,

“মানুষ ও নাগরিক রূপে কবি তাঁর নিজের দেশকে ভালবাসতেন, কিন্তু তাঁর চিন্তা ও প্রতিভার স্বদেশ রয়েছে সত্যতা, মহৎ ও সৌন্দর্যের ভগ্নক্ষেত্র—এই দেশের কোনো সীমান্ত নেই” (the poet as a man and citizen will love his native land; but the native land of his genius lies in the world of goodness, greatness and beauty, a country without frontiers or boundaries)।

জাতীয়তাবাদের ক্ষুদ্রতা, স্বকোপিতা ও অহংকার বিরুদ্ধে রবীন্দ্রনাথ ব্যতিক্রমে প্রতিবার জ্ঞাপন করেছেন। 'Nationalism' গ্রন্থে পশ্চিমী ও জাপানী জাতীয়তাবাদী দেশপ্রেমের তীব্র নিন্দা তিনি করেছেন, কারণ “তাঁরা ‘ভ্রাতৃত্বের ভ্রাতৃ-সমাজ’ (brotherhood of hooligans), কারণ

এর দ্বারা মানুষকে নৈশব থেকে ঘৃণা ও সর্বপ্রকার প্রলোভনে দীক্ষিত করা হয়—অর্থসত্য ও অসত্য ইতিহাস সৃষ্টি করে প্রতিবেশীর বিরুদ্ধে উত্তেজিত করা হয়, এতে স্বার্থপরতার প্রতিষ্ঠা করা হয় ও সকল যত্নে আত্মপূর্ণের বিসর্জন দেওয়া হয়. ('Where the spirit of Western Nationalism prevails, the whole people is being taught from boyhood to foster hatreds and ambitions by all kinds of means—by the manufacture of half-truths and untruths in history, by persistent misrepresentation of other races and the culture of unfavourable sentiments towards them, by setting up memorials of events, very often false, which for the sake of humanity should be speedily forgotten, thus continually brewing evil menace towards neighbours and nations other than their own. This is poisoning the very fountainhead of humanity. It is discrediting the ideals, which were born of the lives of men who were our greatest and best. It is holding up gigantic selfishness as the universal religion for all nations of the world')

পশ্চিমী জাতীয়তাবাদের কুফল দেখিয়েই রবীন্দ্রনাথ কান্ড হন নি, জাপান যখন একে গ্রহণ করেছে, তার নিম্না করেছেন। জাপানী কবি ইয়েনো নোগুচির পত্রের উত্তরে লেখা রবীন্দ্রনাথের পত্র (১৯০৮) তার পরিচয়স্থল। রবীন্দ্রনাথ স্পষ্ট ভাষায় ঘোষণা করেছেন, 'জাতীয়তার চেয়ে অনেক বড়ো মানবতা' ('humanity is greater than nationality')।

'রবীন্দ্রনাথ 'Nationalism' গ্রহে যে মূল্যবান রাষ্ট্রচিন্তার কল লিপিবদ্ধ করেছেন, তা থেকে আজও আমরা উপকৃত হতে পারি। উগ্র জাতীয়তাবাদ থেকে সাম্রাজ্যবাদ ও হুঙ্কার সৃষ্টি। জাতি-ধারণা মানুষকে মুক্ত ও মুনাকালুঠের যন্ত্রে পরিণত করেছে বলে রবীন্দ্রনাথ মনে করেন।

("The Nation has thriven long upon mutilated humanity. Men, the fairest creations of God, came out of the National manufactory in huge numbers as war-making and money-

making puppets, ludicrously vain of their pitiful perfection of mechanism.”)

‘রোলাঁ রলী ও হ্যারল্ড ল্যাক্সি অতুল্য উক্তিই তাঁদের লেখার করেছেন (‘Rolland and Tagore’ এবং Laski’s ‘Nationalism and the future of civilisation’ দ্রষ্টব্য) ।

পশ্চিমের দৃষ্টির সভ্যতা যুদ্ধের কালো ছায়া ফেলছে পৃথিবীর উপর— দ্বিতীয় বিশ্বযুদ্ধের সূচনায় রবীন্দ্রনাথ তা বারবার ঘোষণা করেছেন। ‘প্রান্তিক’, ‘শেষ সপ্তক’, ‘সৈজু’ত’ কাব্যগ্রন্থে তাঁর সতর্কবাণী উচ্চারিত হয়েছে। এবং এই সর্বনাশা আশ্রয়ভাষী মূঢ় অপব্যয়ের হাত থেকে রক্ষা পাবার জন্য পৃথিবীর কাছে আবেদন জানিয়েছেন। স্বার্থপর হিংস্র জাতীয়তাবাদ বা নিম্প্রাণ ধোঁয়াটে আন্তর্জাতিকতা—কোনোটার দ্বারাই মানবজাতির কল্যাণ হবে না বলেই তিনি মনে করেন (“Neither the colourless vagueness of cosmopolitanism, nor the fierce self-idolatry of national worship is the goal of human history.”) । তবে কোথায় মানুষের মুক্তি? কি তাঁর আদর্শ? লক্ষ্য তাঁর কোথায়?

রবীন্দ্রনাথ এই প্রশ্নের উত্তর দিয়েছেন—শক্তির মধ্যে মহামানবের প্রাণ-শক্তির, বিশ্বমানবতার অস্তিত্বের পূর্ণ বিকাশ প্রয়োজন (‘My religion is in the reconciliation of the Super-Personal Man, the universal human spirit, in my own individual being.’ : আইনস্টাইনের সঙ্গে কথোপকথন, জুলাই ১৯৬০) । ব্যক্তি, জাতি ও মানবতার পূর্ণ সমন্বয়ে রবীন্দ্রনাথ সমস্তার সমাধান খুঁজে পেয়েছেন। ‘মানুষের ধর্ম’ ও ‘The Religion of Man’-গ্রন্থে মানবধর্মের সেই প্রেম পথের নির্দেশ রয়েছে।

রবীন্দ্রনাথ সাম্রাজ্যবাদ, যুদ্ধ ও হিংস্র বর্বরতার এবং কুস্বপ্নের সর্বনাশী সঙ্করমোহ ও মানুষকে মূনাফার যন্ত্ররূপে ব্যবহারের তীব্র প্রতিবাদ করেছেন। ছুটি কবিতা এখানে স্মর্তব্য : ‘প্রম’ ও ‘আফ্রিকা’ ।

যুদ্ধবাদী মারণাস্ত্রব্যবহারকারীদের তীব্র নিন্দা করে ঈশ্বর-সমীপে রবীন্দ্রনাথ এই ‘প্রম’ উদ্‌ঘোষন করেছেন :

‘যাহারা তোমার বিবাহিছে বায়ু, নিভাইছে তব আলো,

তুমি কি তাদের ক্ষমা করিয়াছ, তুমি কি বেলেছ তালো ?’

আর ছায়াবৃত্তা উপেক্ষিতা আফ্রিকার উদ্দেশে বলেছেন, পশ্চিমের শক্তি
লোভী শক্তির প্রতিনিধি হাভক আর সৈনিকের দলই তার প্রতিনিধিত্ব
কারণ—

‘এল ওরা লোভার হাতকড়ি নিয়ে

নব যাবের তীক্ষ্ণ তোমার নেকড়ের চেয়ে

এল মাতৃষ দরাব দল

গর্বে যারা অন্ধ তোমার সূর্য্যহারা অরণ্যের ভিতরে ।

সভ্যের বর্বর লোভ

এর করল আপন নিঃসঙ্গ সমাধিস্থতা ।’

রক্তে অশ্রুতে মিশে আফ্রিকার ধূলি হল পদতল, অরণ্যলত হল তখনে
বাশ্পাকুল আর—

‘সম্রা-পায়ের কাটা-মার’ ছুতোর তলায়

বীভৎস কামাব পিণ্ড

চিব’চহ নিয়ে খেল তোমার অপমানিত ঈতিহাসে ।’

অপমানিতা আফ্রিকার প্রতি মানবপ্রেমী রবীন্দ্রনাথের সীমাহীন দরদ এখানে
প্রকাশিত হয়েছে। সেই উপেক্ষিতা আফ্রিকার আদ্র নবজাগরণ ঘটিছে,
অপমানিত মানবতা আজ মাথা তুলে দাঁড়িয়েছে। সেই অসহ্য অত্যাচার,
উপেক্ষা আর অপমানের পরিবর্তে দত্তর হিংস্র সম্রাজতাবাদী পশ্চিমের কাছে
কোন উপহার অপমানিতা এশিয়া-আফ্রিকা নিয়ে যাবে ?

এই প্রশ্নের উত্তরে কবি ‘আফ্রিকা’ কবিতার (১৯৪০ বঙ্গাব্দ) শেষে
বলেছেন :

‘এসো যুগান্তের কবি,

আসন্ন সভ্যতার শেষ রক্ষিপাতে

গাড়াগ ওই মানহারা মানবীর ঘারে ,

বলো ‘কমা করো’—

হিংস্র প্রলাপের মধ্যে

সেই হোক তোমার সভ্যতার শেষ পূণ্যমাণী ।’

‘সভ্যতার সংকট’ (১ বৈশাখ ১৯৪৮) রবীন্দ্রনাথের অন্তিম ভবিষ্যৎ
এখানে তিনি এককোটির মধ্যে আধুনিক সভ্যতার বিচার করেছেন।
করেছেন—‘মানবশীড়নের মহামারী পাশ্চাত্য সভ্যতার দরকার

কাজ হইতে আর মানবাত্মার অপমান হইতে থেকে বিগত পর্বত বাতাল
কলুষিত করে দিচ্ছে'। নিচুর ইংরেজ সাম্রাজ্য-শক্তি যে ভারতবর্ষকে
বিবহ নিষ্কলতার বিস্তীর্ণ পক্ষপাত করে খেলে যাবে, তার বিরুদ্ধে তীব্র
কোভ ও তৎসনা উদ্ভারণ করেই তিনি ক্ষান্ত হন নি। তাঁর মর্মেবদনা কেবল
বাংলা বা ভারতবর্ষের জন্য নয়, প্রাচীর তত্ত্ব নয়, সমগ্র পৃথিবীর তত্ত্ব—
মানবতার তত্ত্ব।

এই অস্তুম ভাষণের শেষাংশে মানবতার প্রতি রবীন্দ্রনাথের গভীর আস্থা
প্রকাশিত হয়েছে। তিনি বলেছেন,

"জীবনের প্রথম আরম্ভে সমস্ত মন থেকে বিশ্বাস করোঁচলুম যুরোপের
অন্তরের সম্পদ এই সভ্যতার দানকে। আর আশ আমার বিচারের দিনে
সে বিশ্বাস একেবারে দেউলিয়া হয়ে গেল।.....কিন্তু, মাতৃবেদ প্রাণে বিশ্বাস
হারানো পাপ, সে বিশ্বাস শেষ পর্যন্ত বক্ষা কবব। আশা করব, মহাপ্রলয়ের
পরে বৈরাগ্যের মেঘমুক্ত আকাশে হীতহাসের একটি নিমল আত্মপ্রকাশ
হয়তো আরম্ভ হবে এত পুনঃস্রবের সুসৌন্দর্যের দিগন্ত থেকে।..... মৃত্যুরের
অন্তহীন প্রতিকাভাসন পবা-বকে চরম বলে বিশ্বাস করাকে আমি অপরাধ
মনে করি।"

রাষ্ট্রচিন্তায় রবীন্দ্রনাথের এই পরাভবহীন বিশ্বাস ও আস্থা সবচেয়ে বড়ো
দান।

রাষ্ট্রচিন্তাক্ষেত্রে রবীন্দ্রনাথের নিজস্ব দান কি? এই প্রশ্নের বিচানে
আমাদের স্বীকার করতে হয়, সত্য ও প্রেমের আদর্শ বুদ্ধ ও গুণের কাছ
থেকে জগৎ পেয়েছে; বিশ্বমানবতার ভাবধারা নৈ, গোটে পূর্বেই প্রচার
করেছেন; সমস্যের ধারণাধামমোহনের কাছ থেকেই রবীন্দ্রনাথ পেয়েছেন।
রবীন্দ্রনাথ রাষ্ট্রবিরোধী। রাষ্ট্রবিরোধী নৈরাশ্যবাদ ক্রপটকিন, বাহুনি,
টলস্টয় পূর্বেই প্রচার করেছেন। রবীন্দ্রনাথ তাকেই উৎস পরিবর্তিত রূপে
গ্রহণ করেছেন, তিনি রাষ্ট্রবিরোধী সমাজে বিশ্বাসী। রবীন্দ্রনাথের নিজস্ব
দান প্রধানত তিনটি। প্রথমত, রবীন্দ্রনাথ বলেছেন, ভারতের স্বাধীনতা
অর্জনের জন্য এরোজন আত্মশক্তির উদ্বোধন। ইংরেজের বিরুদ্ধে সজাগস্বাধী
অন্যভাবে বা নেতিবাচক চরকা-আন্দোলনে আমরা যথার্থ উক্তি পার না
করছি। তিনি বলে করেন। এ-কারণে অস্বাভাবিক আন্দোলনের নেতৃত্বের ও

মহাত্মা গান্ধীর মতের বিরোধিতা করতে তিনি পক্ষাংগ হন নি। দ্বিতীয়ত, পশ্চিমী জাতীয়তাবাদের সংকীর্ণতা ও অহংকারতা দেখিয়ে রবীন্দ্রনাথ এর বিরুদ্ধে মত প্রকাশ করেছেন। এর উক্ত দেশে স্বরাজ্যনাথ বন্দ্যোপাধ্যায়ের ও বিদেশে রাষ্ট্রপতি উইলসনের বিরোধিতা করেছেন। জনপ্রিয়তা হারাবার ভয়ে তিনি কান্ড হন নি। জাপানে, আমেরিকায়, জর্মানিতে একান্ত তিনি যে বিকল্প অভ্যর্থনা লাভ করেছিলেন, তাতে দমিত হন নি। এই মত ভারতের জাতীয়তাবাদী আন্দোলনকে দুর্বল করবে, ভারতের জাতীয় কংগ্রেসের এই অভিযোগে তিনি কর্ণপাত করেন নি। তৃতীয়ত, আত্মজ্ঞাতিকতার মহান আদর্শকে রবীন্দ্রনাথ প্রতিকূল পরিবেশে সাহসের সঙ্গে ব্যক্ত করেছিলেন। সেদিন যা নিষিদ্ধ হয়েছিল, আজ তা অভ্যর্থিত হয়েছে। এর দ্বারা রবীন্দ্রনাথের রাষ্ট্রচিন্তা নিতুল বলে প্রমাণিত হয়েছে। যে 'মহামানবের' আগমনকে রবীন্দ্রনাথ অগ্রিম অভিনন্দন জানিয়ে গেছেন, সেই বিশ্বমানবতার পথেই রণক্লান্ত পৃথিবীর মুক্তি ঘটবে, আজ এ-কথা ধীরে ধীরে প্রতিষ্ঠিত হচ্ছে। এখানেই রবীন্দ্রনাথের রাষ্ট্রচিন্তা চিন্তাশীল নাটকের মনে প্রকার আসনে প্রতিষ্ঠিত হয়েছে।

‘রবীন্দ্রনাথের ধর্মচিন্তা

॥ ১ ॥

বিপুল রবীন্দ্র-সাহিত্যের মধ্যে ‘শান্তিনিকেতন’ উপদেশমালা (সতেরো খণ্ড, ১৯০২-১৯১৬) বিশিষ্ট স্থান অধিকার করে আছে। এই উপদেশমালা গতানুগতিক ধর্মব্যাখ্যান নয়, রবীন্দ্রসাহিত্যের ও রবীন্দ্রমানসের আন্তর-ভাষ্যও বটে। সেখানেই এর গুরুত্ব।

রবীন্দ্রনাথ তাঁর জীবিতকালে এশিয়ার শ্রেষ্ঠ মানুষ ছিলেন। বিশ শতকের পৃথিবীর মনীষিবৃন্দের মধ্যে প্রথম সারিতে তাঁর আসন, তিনি আধুনিক যুগের প্রফেট, হিংসার উন্মত্ত পৃথ্বীকে তিনি শান্তি ও মৈত্রীর পথে, সত্য ও জ্ঞানের পথে আহ্বান করেছেন। আড়াই হাজার বছর আগে এই ভারতবর্ষ থেকেই করুণাচর্য বুদ্ধদেব মুক্তিবাণী বিধে প্রচার করেছিলেন। বুদ্ধদেবে রবীন্দ্রনাথ ‘সর্বশ্রেষ্ঠ মানব’ বলে অভিহিত করেছেন। বুদ্ধের মুক্তিসাধনা তাঁর কাছে প্রেমসাধনা তথা মৈত্রীসাধনা বলে মনে হয়েছে। বুদ্ধদেব সম্পর্কে কবির দুটি প্রাসঙ্গিক মন্তব্য এক্ষেত্রে স্মরণযোগ্য। এক বৈশাখী পূর্ণিমার ভাষণে কবি বলেছেন, ‘তাঁরই স্মরণ নেব যিনি আপনার মধ্যে মানুষকে প্রকাশ করেছেন। যিনি সেই মুক্তির কথা বলেছেন, যে মুক্তি নষ্টধর্ম নয়, সন্দর্ভক ; যে মুক্তি কর্মত্যাগে নয়, সাধুকর্মের মধ্যে আত্মত্যাগে ; যে মুক্তি রাগদ্বেষ বর্জনে নয়, সর্বজীবের প্রতি অপরিমেয় মৈত্রীসাধনায়।’ অপর এক ভাষণে বলেছেন, “[আত্মার] সেই স্বরূপটি কী ? শূন্যতা নয়, নৈকর্য্য নয়। সে হচ্ছে মৈত্রী, করুণা, নিখিলের প্রতি প্রেম। বুদ্ধ কেবল বাসনা ত্যাগ করতে বলেন নি, তিনি প্রেমকে বিস্তার করতে বলেছেন। কারণ, এই প্রেমকে বিস্তারের দ্বারাই আত্মা আপন স্বরূপকে পায়—সুখ যেমন আলোককে বিকীর্ণ করার দ্বারাই আপনার স্বভাবকে পায়।” (শান্তিনিকেতন ১, পৃ: ২০৫)।

এই করুণা, মৈত্রী ও নিখিল মানবের প্রতি বেদনাবোধ থেকে উৎসারিত হয়েছে ‘শান্তিনিকেতন’ উপদেশমালা। এই বেদনাবোধ বুদ্ধদেবের ধর্ম ও বাস্তবিক কাব্যধারার উৎস। মহাকবির বেদনাবোধ এবং দার্শনিক-ধর্ম প্রবক্তার বেদনাবোধ অবশ্য এক জাতীয় নয়। তথাপি রবীন্দ্রনাথের ক্ষেত্রে

কাব্যসাধনা ও ধর্মসাধনাকে ভিন্ন করে দেখা যায় না, এ দুই একই অলৌকিক বেদনা-জাত। রবীন্দ্র-সাহিত্যের আলোচনার তাই কবির ধর্মজিজ্ঞাসার প্রসঙ্গ অনিবার্হরূপে মনে পড়ে। রবীন্দ্রনাথের গভীর অধ্যাত্মবাকুলতা ও ঈশ্বরপ্রেম তাঁর সাহিত্যে বিকীর্ণ হয়ে আছে। আশ্বাসের কথা এই যে, কোথাও তা শুধু তথ্যালোচনার পথবসিড হয়নি। ‘শান্তিনিকেতন’ উপদেশ-মালা এর স্রেষ্ঠ পরিচয়।

রবীন্দ্রনাথ যে আনন্দের অধিকারী, তা অলৌকিক আনন্দ। সেট আনন্দ-বাণীটিকে রক্ষা করার জন্য তাঁকে সমস্ত জীবন ধরে মানসক্ষেত্রে ও সংসারক্ষেত্রে যে বেদনা বহন করতে হয়েছে, মৃত্যুশোক ও দুঃখের দ্বারা পীড়িত হতে হয়েছে, তার আঁকর রয়েছে ‘শান্তিনিকেতন’ উপদেশমালায়।

এই উপদেশমালার রচনাকাল ১৯০২ থেকে ১৯১৬ খ্রীষ্টাব্দ। ঠিক তার আগে ১৯০২ থেকে ১৯০৭—এই ছয় বৎসর কবি-জীবনে বিশেষ গুরুত্বপূর্ণ। এই সময়ে “রবীন্দ্রনাথের জীবন কঠোর বিচিত্র উত্তেজনা এবং সাহিত্যের বিচিত্র রসমস্তির মধ্যে কাটিলেও নিদারুণ শোকাঘাতে বারেবারেই তাহা থ’শত ও নিশ্চেষ্ট হইয়াছে। ক’বপ্রিয়া ও মধ্যম কস্তার [রেণুকা] মৃত্যুর জন্য কবি বহুকাল চেষ্টাতে অন্তরকে প্রস্তুত করিয়াছিলেন, কারণ উভয়েই দীর্ঘকাল রোগভোগাগ্নে বেহমুক্ত হন। কিন্তু কাননপুত্র শমীন্দ্রনাথের অকাল মৃত্যু (১৯১৪, অগ্রহায়ণ ৭) কবির মনকে সত্যই রূঢ়ভাবে আঘাত করিয়া-ছিল। শমীন্দ্রের মৃত্যুর পূর্ব মাঘোৎসবে ‘হৃৎ’ নামে যে ভাষণটি দেন, তাহার মধ্যে বাবে বারে কবির অববেদনা প্রকাশ পাইয়াছে।

শমীন্দ্রনাথের মৃত্যুর এক বৎসরের মধ্যে জামাতা সত্যেন্দ্রনাথ ও বন্ধু শ্রীশঙ্করের অকালমৃত্যু ঘটে। ১৯১৫ সালের পূজাবর্ণানের পর কবি আশ্রমে কিরিরছিলেন। গত বৎসর অগ্রহায়ণ মাসে শমীন্দ্রের মৃত্যু হইয়াছে, তারও করেক বৎসর পূর্বে ঐ একই দিনে শমীন্দ্র-জননী স্বর্গত হন। তাই এই সময়ে কবির মনে শোকাঘাতজনিত নানা অধ্যাত্ম সমস্তা জাগিতেছে। মনের এই অবস্থায় শান্তিনিকেতনের মন্দির ভোরণে প্রভাবাককারে কবি ধ্যানে বসিতেন।” [রবীন্দ্র-জীবনী : দ্বিতীয় খণ্ড পৃ: ১৮৬-৮৭, প্রভাতকুমার মুখোপাধ্যায়]

‘শান্তিনিকেতন’ উপদেশমালার পূর্বভাগে ব্রহ্মচর্যপ্রব স্থাপনা, ‘নৈবেদ্য’ কাব্য ও ‘ধর্ম’ ও ‘ব্রাহ্মধর্ম’ রচনা, উত্তরভাগে ‘ঈশ্বরজি,’ ‘ঈশ্বরমালা’ ও

‘গীতালি’র মানের ধারা। নৈর্বাচক জ্ঞানমাসী কঠিন সাধনা থেকে ব্যক্তি-স্বাধীন রসসাধনার উত্তরণ হয়েছে ‘নৈবেদ্য’ ও ‘গীতাঞ্জলি’, ‘গীতিমালা’, ‘গীতালি’তে। এ দুয়ের মাঝে রয়েছে ‘শান্তিনিকেতন’ উপদেশমালা; কবির অক্ষরে যে ধ্যানের প্রতিষ্ঠা, তা যে একান্ত সত্য ও বাস্তব, তার প্রমাণ এখানে পাই। কবির যে ধর্মজিজ্ঞাসা অধ্যাত্মব্যাকুলতা এট পর্বে রচিত ‘শারদোৎসব’, ‘অচলায়তন’, ‘রাজা’, ‘ডাকঘর’ নাটকচতুষ্টয়ে প্রকাশিত হয়েছে, তারই ভিত্তিভূমি ‘শান্তিনিকেতন’ উপদেশমালা। ‘শেখা’ কাব্যে যে ঈশ্বর রহস্য-কুহেলি-আবৃত্তি, তিনি ঈশ্বরাবাস্য হস্তির আলোকে প্রকাশিত, তাঁর আসন পাতা হয়েছে ‘শান্তিনিকেতন’ উপদেশমালায়।

রবীন্দ্রনাথের সাহিত্যজিজ্ঞাসাকে তাঁর ধর্মজিজ্ঞাসা থেকে বিচ্ছিন্ন করে দেখা যায় না, তাই প্রমাণ পাই ‘শান্তিনিকেতন’-এ। রবীন্দ্রনাথের আত্মকতাকে বাদ দিলে রবীন্দ্র পণ্ডিত-জাতের সঙ্গে প্রায়সই যে ব্যর্থ হয়ে যেতে বাধ্য, একথা এখানে নিঃসংশয়ে ইঙ্গিত করতে পারি।

নৈর্বাচক শোকে আঘাতে মৃত্যুর অশ্রুতে আরামের ন্যায়াহল-উখিত, কঠিনের ‘বচন’ে প্রকৃত মানসমুখ অশ্রুত মাহাত্ম্যজ্ঞান ‘শান্তিনিকেতন’-এর প্রতিটি চহ্রে সঞ্চারিত হয়েছে। দুঃখ, দুঃখ, বেদনা যেমন আছে, তেমনিই আছে স্নেহ, আনন্দ, হর্ষ, শুণুতা, হৃদয়, দুঃখ ও বেদনা যাঁকে বলেই স্নেহ ও আনন্দ আমাদের কাছে এই মূর্খের এবং সর্বোপরি বিশ্বনিয়ম আছেন—তিনিই উৎসবরাজ। তাঁরই উৎসবে অমর অংশীদারমাত্র, এই পৃথিবী আত্মবিবাহে ‘শান্তিনিকেতন’ প্রোক্ষল।

‘শান্তিনিকেতন’ উপদেশমালা কোনো বিচ্ছিন্ন মতবাদ নহে, তা রবীন্দ্রনাথের জীবনব্যাপী সাধনারই অঙ্গ। রবীন্দ্রনাথের এই সাধনার ভিত্তি হল উপনিষদ ও তাঁর ঈশ্বর উপনিষদের ব্রহ্ম। রবীন্দ্রনাথকে ও রবীন্দ্র-সাহিত্যকে জানতে হলে তাই আমাদের যেতে হয় উপনিষদের কাছে, ঋষিকণ্ঠ-উচ্চারিত মন্ত্রের উপনিষদিক ব্রহ্মের সমীপে।

রবীন্দ্রনাথের জীবনব্যাপী সাধনার ধর্মজিজ্ঞাসা ব্যাবহারই দেখা দিয়েছে। তার পরিচয় পাই—(১) রামমোহন রায়, ১৮০৫, (২) ব্রহ্মোপনিষৎ ১২০০, (৩) ব্রহ্মসূত্র, ১২০১, (৪) উপনিষদ ব্রহ্ম, ১২০১, (৫) ভারতবর্ষ, ১২০৩, (৬) ধর্ম, ১২০৩, (৭-২০) শান্তিনিকেতন, ১৭ বঙ্গ, ১৩০২-১৬, (২১) ধর্মের অধিকার, ১২১২, (২২) মাহাত্ম্যের ধর্ম, ১২০৩, (২৩) ভারতপথিক রামমোহন

১৯০০, (২৭) আশ্রমের রূপ ও বিকাশ, ১৯০১, প্রকৃতি গল্পগ্রন্থ এবং
 ব্রহ্মসংগীত, নৈবেদ্য, ১৯০১, গীতারঙ্গিণী, ১৯১০, গীতিমালা, ১৯১৪, গীতালি,
 ১৯১৪ ও ধর্মসংগীত, ১৯১৪, প্রকৃতি কাব্য ও গীতিসংকলনে। [ব্রীজজনীকান্ত
 দাস-কৃত তালিকা, শনিবারের চিঠি, বৈশাখ ১৩৬৬]।

রবীন্দ্রনাথের উপনিষদভিত্তিক সাধনার শ্রেষ্ঠ পরিচয় বিধৃত হয়েছে
 ‘শান্তিনিকেতন’ উপদেশমালায়। রবীন্দ্রনাথ যে কেবল শিল্পী ও সাহিত্যিক
 নন, তিনি যে প্রাচীন ভারতের মহান আদর্শে উৎকৃষ্ট উপনিষদের ঋষি-কবিদের
 যোগ্য উত্তরসূরী, তার প্রমাণ এখানে পাই। শুধু তাই নয়, তাঁর ধর্মজিজ্ঞাসা
 যে তাঁর সাহিত্যজিজ্ঞাসার মূলেও বর্তমান, তার প্রমাণ এখানেই রয়েছে।
 ধর্মজিজ্ঞাসা-বিচ্যুত রবীন্দ্র-৫৫। বার্ষ, একথা আমাদের স্বীকার করতেই হয়।
 উপরোক্ত গল্পগ্রন্থ, কাব্য, গীতি-সংকলন ও নাটকের দ্বারা এটাই প্রমাণিত হয়
 যে, রবীন্দ্রনাথ ভারত-সাধনারই ফল, নিবিশেষ ধর্ম-জিজ্ঞাসারহিত সংস্কৃতি-
 সাধনায় তাঁর আগ্রহ ছিল না। পুনশ্চ, ‘শান্তিনিকেতন’ উপদেশমালায় এমন
 সব ভাষণ সংকলিত হয়েছে যার দ্বারা রবীন্দ্র-সাহিত্যের ব্যাখ্যা সুগম ও
 সহজবোধ্য বলে প্রমাণিত হয়। রবীন্দ্রসাহিত্য-প্রবেশক ও রবীন্দ্রনাথের
 ধর্মজিজ্ঞাসা তথা জীবনসাধনার শ্রেষ্ঠ পরিচয়স্থল বলে ‘শান্তিনিকেতন’
 উপদেশমালার গুরুত্ব অবঙ্গস্বীকার্য। বর্তমান প্রবন্ধ এই গুরুত্বের স্বীকৃতি
 ও আলোচনা।

॥ ২ ॥

আশি বৎসর পুঁতি উপলক্ষে রবীন্দ্রনাথ যে মহতী ভাষণ দিয়েছিলেন,
 তাতে উপনিষদিক শিক্ষার প্রভাব স্বীকার করে বলেছিলেন, “আজ আমার
 আশি বছরের আয়ুক্ষেত্রে দাঁড়িয়ে নিজের জীবনের সত্যকে সমগ্রভাবে
 পরিচিত করে যেতে ইচ্ছা করেছি।... আমি বারবার তপোবনের কথা
 বলেছি। সে তপোবন..... পেয়েছি কবির কাব্য থেকেই। তাই স্বভাবতই
 সে আদর্শকে আমি কাব্যরূপেই প্রতিষ্ঠিত করতে চেয়েছি। বলতে চেয়েছি,
 পশু দেবস্ত্র কাব্য, মানবরূপে দেবতার কাব্যকে দেখো। আবাল্যকাল
 উপনিষদ আকর্ষণ করতে করতে আমার মন বিশ্বব্যাপী পরিপূর্ণতাকে
 অস্বপ্নদৃষ্টিতে মানতে অভ্যাস করেছে। সেই পূর্ণতা বস্তুর নয়, সে আত্মার,
 তাই তাকে স্পষ্ট জানতে গেলে বস্তুগত আরোহণকে লঘু করতে হয়।”

আটচল্লিশ থেকে পঞ্চাশ বৎসর বয়সে জীবনের মধ্যবিন্দু অতিক্রম করে এসে, রবীন্দ্রনাথ ‘শান্তিনিকেতন’ উপদেশমালায় যে কথা বলেছেন, শেষ অল্পদিনে উপরোক্ত কথায় তারই প্রতিধ্বনি শুনি।

রবীন্দ্রনাথের ঈশ্বর ব্রাহ্মসমাজের নন, কোন বিশেষ ধর্মগোষ্ঠীর নন, তিনি উপনিষদের উদার আকাশে স্বমহিমায় প্রকাশমান। ১৩১৫ বঙ্গাব্দের মাঘোৎসবে তিনি ঐ উৎসবকে ব্রাহ্মোৎসব বলতে চান নি, ‘ব্রাহ্মোৎসব’ আখ্যা দিয়েছিলেন। ধর্মজিজ্ঞাসায় এই সম্প্রদায়গণ্ডিমুক্ত ভাবনাটি রবীন্দ্রনাথের ধর্মজিজ্ঞাসার প্রথম বৈশিষ্ট্য। কবি বলেছেন, “মুখের কথায় ঈশ্বরকে স্বীকার করার মতো নিজেকে ফাঁকি দেবার আর কি কিছু আছে! আমি এই সম্প্রদায়ভুক্ত, আমাদের এই মত, আমি এই বলি—ঈশ্বরকে এইটুকুমাত্র ফাঁকির জায়গা ছেড়ে দিয়ে তারপরে বাকি সমস্ত জায়গাটা অসংকোচে নিজে জুড়ে বসবার যে স্পর্ধা, সেই স্পর্ধা আপনাকে আপনি জানে না বলেই এত ভয়ানক। এই স্পর্ধা সংশয়ের সমস্ত বেদনাকে নিঃসাড় করে রাখে। আমরা যে জানি নে এটাও জানতে দেয় না।” (শান্তিনিকেতন ১, ‘সংশয়’, পৃঃ ৪)।

আমাদের ঈশ্বর সাধনা বা উপাসনার মধ্যে যে কত ফাঁকি আছে, তার ইয়ত্তা নেই! রবীন্দ্রনাথ এই প্রত্যারণার ভীত নিম্মা করেছেন। “মনে আছে আমার পিতার কোনো ভৃত্যের কাছে ছেলেবেলায় আমরা গল্প শুনেছি যে, সে যখন পুরীতীর্থে গিয়েছিল তার মহা ভাবনা পড়েছিল জগন্নাথকে কী দেবে। তাঁকে যা দেবে সে তা কখনো আর ভোগ করতে পারবে না। সেইজন্তে সে যে জিনিসের কথাই মনে করে কোনোটাই তার দিতে মন সরে না—ঘাতে তার অঙ্গমাত্রও লোভ আছে সেটাও চিরদিনের মতো দেবার কথায় মন আকুল করে তুলতে লাগল। শেষকালে বিস্তর ভেবে সে জগন্নাথকে বিলিতি বেগুন দিয়ে এল। এই ফলটিতেই সে লোকের সবচেয়ে কম লোভ ছিল।

আমরা ঈশ্বরের জন্তে কেবলমাত্র সেইটুকুই হয়তো ছাড়তে চাই যেটুকুতে আমাদের সবচেয়ে কম লোভ—যেটুকু আমাদের নিত্যান্ত উদ্বৃত্তের উদ্বৃত্ত। ঈশ্বরের নাম-গাথা দুটো একটা মাত্র পাঠ করা গেল, দুটি একটি সংগীত শোনা গেল, ধারা বেশ ভাল বক্তৃতা করতে পারেন তাঁদের কাছ থেকে নিঃসৃত বক্তৃতা শোনা গেল। বললুম, বেশ হল, বেশ লাগল, মনটা এখন বেশ পবিত্র ঠেকছে—আমি ঈশ্বরের উপাসনা করলুম।” (ভদেব, ‘মরণ’, পৃঃ ২৬১)।

রবীন্দ্রনাথের ধর্মভিজ্ঞান। যে নিতান্তই বাস্তব, পরিচিত সংসারের মাঝেই যে কবি ঈশ্বরকে সন্ধান করেছেন, তার প্রমাণ এখানে পাই। কঠিন বাস্তবের ভিত্তিতে রবীন্দ্রনাথের ধর্মবোধ প্রতিষ্ঠিত, একান্তই তা আমাদের বিশ্বাস ও প্রভা দাবি করে। যখন লক্ষ্যশোভীর্ণ কবিকে তাঁর ব্যক্তিগত সামসারিক অভিজ্ঞতার কথা বলতে শুনি, তখন আর সন্দেহ থাকে না যে এ অভিজ্ঞতা অনেক বেদনার মূল্যে ক্রীত। তাই একবার আমাদের স্মরণ দিতেই চর—“সংসারটা যে কী ‘জমিস’ তা যে জান। এ সংসারের অনেকটা পথ মাড়িয়ে আজ বার্ষিকের দ্বারে এসে উত্তীর্ণ হয়েছি। জানি দুঃখ কাকে বলে, আশ্রিত কী প্রচণ্ড, বিপদ কখন অভাবনীধ। যে সময়ে আশ্রয়ের প্রয়োজন সকলের চেয়ে বেশী সেই সময়ে আশ্রয় ‘কল্প’ তুলে। ‘ত’নি-হীন জীবন যে অত্যন্ত গৌরবহীন, চারদিকেই ‘হ’কে টানাটান করে নারে। দেখতে দেখতে তার গুণ নেবে যায়, তার কথা চিন্তা কাজ হুহু হয়ে আসে। সে জীবন যেন অনাবৃত্ত—সে এবং তার বাটবের মাঝখানে কেউ যেন তাকে ঠেকায়’র নেই। ক্ষতি একেবারেই তার গায়ে এসে লাগে, ‘নন্দা একেবারেই তার মধ্যে এসে আশ্রিত করে, হুঃখ কোনো ভাববশের মাঝখান দিয়ে সন্দেহ বা মত্ব হয়ে স্বেচ্ছা না। জ্বল একেবারে মত্ততা এবং শৈশবের কারণ একেবারে মুহূর্ত্তম হয়ে এসে তাকে বাদে। একথা যখন চিন্তা করে দেখি তখন সন্দেহ সংকোচ মন হতে দূর হয়ে যায়—তখন ভীত হয়ে বলি: না, শৈশবলা করলে চলবে না। একদিনও তুলব না প্রতিদিনই তাঁর সামনে এসে পীড়াহেই হবে, প্রতিদিন কেবল সংসারকেই প্রশ্রয় দিয়ে, তাকেই কেবল বুকের সমস্ত রক্ত থাইয়ে প্রবল করে তুলে, নিজেই এমন অসহায়ভাবে একান্তই তার হাতে আপাদমস্তক সমর্পণ করে দেব না, দিনের মধ্যে অস্বস্ত একবার এই কথাটা প্রত্যহই বলে যেতে হবে,—‘তুমি সংসারের চেয়ে বড়ো। তুমি সকলের চেয়ে বড়ো।’ (‘ভদেব, ‘অভাস’, পৃ: ২৩৪-৩৫)।

রবীন্দ্রনাথ কেবল রসের সাধনা, ভাবের সাধনা করেছেন তা নয়, তিনি জ্ঞানের সাধনা, কঠিনের সাধনাও করেছেন। ‘নৈবেদ্য’ কাব্যে তার ইঙ্গিত আছে। ঈশ্বর প্রাপ্তির পথে ভাবে গদগদ হয়ে গুণাটী ক্ষতিকারক, একথা রবীন্দ্রনাথ জোরের সঙ্গে বলেছেন ‘ভাবুকতা ও পবিত্রতা’ ভাবগুণটিতে। বলেছেন, “শিকড়ের ঢাকলা নেই। সে নিরন্তর শুষ্ক হয়ে, হুঁচ হয়ে,

গভীরতার মধ্যে নিজেকে বিকীর্ণ করে দিয়ে, নিরন্তর আপনার খাত্ত নিজের একান্ত চেষ্টিয়া গ্রহণ করছে। শিকড়ের দিক থেকেই নেওয়া হচ্ছে প্রধান ব্যাপার। এইটাই হচ্ছে চরিত্রের দিক, এটি ভাবের দিক নয়। উপাসনার মধ্যে এই চরিত্র দিয়ে যা আমরা গ্রহণ করি তাই আমাদের প্রধান খাত্ত। সেখানে ঢাকলা নেই। সেখানে বৈচিত্র্যের অধেষ্টা নেই—সেইখানেই আমরা শান্ত হই, শূন্য হই, ঈশ্বরের মধ্যে প্রতিষ্ঠিত হই। (তদেব, পৃ: ১২৬-২৭)। সেই গভীর কঠিন শাস্ত্র সংহত ধর্মার্থেই রবীন্দ্রনাথ নিজেকে চালনা করেছেন।

প্রেমের সাধনায় এই বিকাশের আশংকা সম্পর্কে আরেকটি ভাষণে কবি আলোচনা করেছেন। বলেছেন, “প্রেমের সাধনায় বিকাশের আশংকা আছে। প্রেমের একটা দিক আছে যেটা প্রধানত রসেবই দিক—সেইটের প্রলোভনে জড়িয়ে পড়লে কেবলমাত্র সেইখানেই ঠেকে যেতে হয়—তখন কেবল রসসংযোগকেই আমরা সাধনায় চরম সিন্ধি বলে জানি। তখন এই নেশায় আমাদের পেয়ে বসে। এই নেশাকেই দিনরাত্রি জাগিয়ে তুলে আমরা কর্মের কঠোরতা জ্ঞানের বিশ্বকৃত্যকে ভুলে থাকতে চাই—কর্মকে বিস্মৃত হই, জ্ঞানকে অমান্য করি। (তদেব, বিকাশংকা, পৃ: ৪৭)।

রবীন্দ্রনাথের সাধনা তাই কর্মের কঠোরতা ও জ্ঞানের বিশ্বকৃত্যকে স্বীকার করে প্রতিষ্ঠিত হয়েছে, তাকে বর্জন করে নয়। এইটি যদি আমরা স্বীকার করি তবে রবীন্দ্রনাথ সম্পর্কে অনেক ভ্রান্ত ধারণা হতে মুক্ত হবো। ঐকান্তিক জ্ঞানের সাধনা শুধু বৈরাগ্য আনে, ঐকান্তিক রসের সাধনা আনে ভাববিহীনতার বৈরাগ্য। রবীন্দ্রনাথ এ দুয়ের মধ্যে সামঞ্জস্য সাধন করতে চেয়েছেন ও বলেছেন সাধনার সার্থকতা সামঞ্জস্যে। (স্র: ‘রসের ধর্ম’ ও ‘সামঞ্জস্য’ প্রবন্ধ, শাস্তিনিকেতন ২)।

॥ ৩ ॥

জীবনে দুঃখকে কেবল স্বীকার করে নয়, তার মাহাত্ম্য কীর্তন করে রবীন্দ্রনাথ দুঃখের মধ্যে ঈশ্বরের দেখা পেয়েছেন। ‘ধর্ম’ ও ‘শাস্তিনিকেতন’ উপদেশমালার বার বার তিনি একথা স্বীকার করেছেন।

দুঃখের মধ্য দিয়েই মঙ্গলময়ের আবির্ভাব ঘটে, এটি রবীন্দ্রনাথের জীবনে অন্ততম প্রধান বিশ্বাস। তিনি বলেছেন, “দুঃখ এবং আঘাত

জ্ঞায্য হোক বা অজ্ঞায্য হোক তার সংস্পর্শ থেকে নিজেকে নিঃশেষে বাচিয়ে চলবার অতি চেষ্টায় আমাদের মস্তজ্ঞকে দুর্বল ও ব্যাধিগ্রস্ত করে তোলে। পৃথিবীর নিন্দা অবিচার দুঃখ-কষ্টকে দ্বারা অবাধে অসংকোচে গ্রহণ করতে পারে তারা কেবল বলিষ্ঠ হয় তা নয়, তারা নির্মল হয়, অনাবৃত্ত জীবনের উপর দিয়ে জগতের পূর্ণসংঘাত লেগে তাদের কলুষ কর হয়ে যেতে থাকে।" (শাস্তিনিকেতন ১, 'দুঃখ', পৃ: ১৮-১৯)

ঈশ্বরের প্রতি প্রেম আছে বলেই দুঃখ অশান্তি আছে। দুঃখ অশান্তিতেই প্রেমের পরীক্ষা হয়—তাঁই দুঃখ কবির কাছে অভিধিত। বাকুল বেদনার রবীন্দ্রনাথ প্রার্থনা করেছেন, "যতদিন সেই প্রেমের টান না ধরে ততদিন অশান্তিকে যেন অস্ত্রভব করতে পারি। ততদিন যেন বেদনাকে নিয়ে রাত্রি শুতে যাই এবং বেদনাকে নিয়ে সকালবেলায় জেগে উঠি—চোখের জলে ভাসিয়ে দাও, স্থির থাকতে দিও না।" (তদেব, 'কী চাই', পৃ: ৩২)

ঈশ্বের মধ্যেই যত দুঃখ, এবং এই দুঃখই সকল উন্নতির মূলে; রবীন্দ্রনাথের ধর্মসাধনায় এট প্রত্যয়টির বিশেষ স্থান আছে। মস্তজ্ঞের মধ্যে যে ঈশ্বর, তাঁর রবীন্দ্রনাথের কাছে প্রকৃতি ও আত্মার স্বয়ং বলে প্রতিভাত হয়েছে। "স্বার্থের দিক এবং পরমার্থের দিক, বন্ধনের দিক এবং মুক্তির দিক, সীমার দিক এবং অনন্তের দিক—এই দুইকে মিলিয়ে চলতে হবে মানুষকে।

যতদিন ভালো করে মেলাতে না পারা যায় ততদিনকার যে চেষ্টার দুঃখ, উত্থান-পতনের দুঃখ, সে বড়ো বিষম দুঃখ। যে ধর্মের মধ্যে মানুষের এই ঈশ্বের সামন্তত ঘটতে পারে সেই ধর্মের পথ মানুষের পক্ষে কত কঠিন পথ। এই সুরধারশাপিত দুর্গম পথেই মানুষের যাত্রা; একথা তার বলবার ঘোচেই যে, এই দুঃখ আমি এড়িয়ে চলব।" (শাস্তিনিকেতন ২, 'স্থিতি', পৃ: ১০২-৩)।

এই ঈশ্বের মধ্যে রবীন্দ্রনাথ মস্তজ্ঞের বিজয় প্রত্যয় করেছেন।

দুঃখ যে মানুষকে বৃহৎ করে এবং সেই বৃহৎকেই মানুষকে আনন্দের অধিকাণী করে তোলে, এই ভাবটি রবীন্দ্রনাথ অস্ত্রয় ব্যক্ত করেছেন, এখানে তারই সমর্থন পাই।

এই প্রসঙ্গে উল্লেখ্য মহর্ষি দেবেন্দ্রনাথের দীক্ষাদিবস (৭ই পৌষ) ও স্বত্বাদিবস (৬ই মাঘ) উপলক্ষে প্রদত্ত ভাষণগুলিতে রবীন্দ্রনাথের ধর্ম-

যোধের একটি স্পষ্ট চিত্র পাওয়া যায়। কবি বলেছেন, “সেই ৭ই পৌষে তিনি যে দীক্ষা গ্রহণ করেছিলেন ৬ই মাঘ মৃত্যুর দিনে সেই দীক্ষাকে সম্পূর্ণ করে তাঁর মহৎ জীবনের ব্রত উদ্‌ঘাটন করে গেছেন। শিখা থেকে শিখা জ্বালতে হয়। তাঁর সেই পরিপূর্ণ জীবন থেকে আমাদেরও অগ্নি গ্রহণ করতে হবে। এইজন্ত ৭ই পৌষে যদি তাঁর দীক্ষা হয়, ৬ই মাঘ আমাদের দীক্ষার দিন। ... একদিন কোন ৭ই পৌষে তিনি একলা অমৃত-জীবনের দীক্ষা গ্রহণ করেছিলেন, সেদিনকার সংবাদ খুব অল্প লোকেই জেনেছিল। ৬ই মাঘে মৃত্যু যখন ঘবনিকা উদ্‌ঘাটন করে দাঁড়ালো তখন কিছুই আর প্রচ্ছন্ন রইলো না।” (শাস্ত্রনিকেতন ১, ‘মৃত্যুর প্রকাশ’, পৃ: ১৭৭-১৭৯)।

রবীন্দ্রনাথ আরো বলেছেন, “আজকের এই ৭ই পৌষের মাঝখানে তাঁর সেই সত্যদীক্ষার কঙ্গদীপ্তি এবং বরাভয়রূপ দুইট রয়েছে—সেটি যদি আমরা দেখতে পাই এবং লেশমাত্রও গ্রহণ করতে পারি তবে যন্ত হব। সত্যের দীক্ষা যে কাকে বলে আজ যদি ভক্তির সঙ্গে তাই শ্রবণ করে যেতে পারি তাহলে যন্ত হব। এর মধ্যে ফাঁকি নেই, লুকোচুরি নেই, ঘিষা নেই, দুইদিক বজায় রেখে চলবার চাতুরী নেই, নিজে থেকে ভোলাবার জন্তে স্থনিপুণ মিথ্যা যুক্তি নেই, সমাজকে প্রসন্ন করবার জন্তে বুদ্ধির দুই চক্ষু অন্ধ করা নেই, মানুষের হাতে বিকিয়ে দেবার জন্তে ভগবানের ধন চুরি করা নেই। সেই সত্যকে সমস্ত দুঃখপীড়নের মধ্যে স্বীকার করে নিলে তারপরে একেবারে নির্ভয়, ধূলিঘর ভেঙে দিয়ে একেবারে পিতৃভবনের অধিকার লাভ—চিরজীবনের যে গম্যস্থান, যে অমৃত নিকেতন, সেই পথের যিনি একমাত্র বন্ধু, তাঁরই আশ্রয়প্রাপ্তি—সত্যদীক্ষার এই অর্থ।” (তদেব, ‘দীক্ষা’, পৃ: ৭২-৭৩)।

নীলাকাশতলে প্রসারিত প্রান্তরের ছায়াশিথ নিভৃত আশ্রয়ের যে দিন-রাত্রির প্রাত্যাহিক উৎসব অনুষ্ঠিত হচ্ছে, সজনে নির্জনে যে তাঁরই দীলার আসন পাতা রয়েছে, বীরভূমের কক্ষ গৈরিক প্রান্তরে যে তাঁরই ভক্ত জীবনের দীক্ষা ও পরম বাণী লাভ করেছেন, রবীন্দ্রনাথ ৭ই পৌষ ও ৬ই মাঘের উৎসব উপলক্ষ্যে, সেই উপনিষদ ব্রহ্মের তথা সমস্ত অস্তরের ব্যাকুলতা দিয়ে প্রকাশ করেছেন।

‘শাস্তিনিকেতন’ উপদেশমালার রচনাস্থল বীরভূমের উদাস সরাসী গৈরিক প্রকৃতিভূমি। তাঁর অধ্যাত্মসাধনার যোগ্য পটভূমিরূপে এই অস্বাভিত উন্মুক্ত প্রাকৃতের প্রয়োজন ছিল। রবীন্দ্রনাথ শাস্তিনিকেতনে মন্দির-হোরণে প্রত্যাহ্বকভাবে থাকেন বসতেন। দ্যানাত্মিক ভাষণগুলিতে এই প্রকৃতির উপস্থিতি প্রকট। রবীন্দ্রনাথের অধ্যাত্মসাধনাকে শাস্তিনিকেতনের প্রকৃতি সমর্থন জানিয়েছে ও সত্যায়ন করেছে, যেমন করেছে পদ্মাপ্রকৃতি, নির্জন বালুচর ও জনপদগুলি সেনারতরী-চিহ্না-গল্পগুচ্ছের নির্বিশেষ সৌন্দর্যসজ্জান ও সুবিশেষ মর্ত্যমমতার উদ্বোধনে। বীরভূমের কল্লুসাধনার ক্ষেত্রে এসে কবিতা ও গল্পের ধারা বন্ধ হয়ে গিয়েছিল, আর হলে পাই যে নাতিক, প্রবন্ধ, কবিতা ও গান—সেগুলিতে অধ্যাত্মকিজ্ঞাসার স্পর্শ রয়েছে। তাই ‘শাস্তিনিকেতন’ উপদেশমালা পড়তে পড়তে আমরা শাস্তিনিকেতনের পটভূমি সম্পর্কে সচেতন হয়ে উঠি। কণ্ঠ ও জীবনের আনন্দকে অস্বীকার করে নয়, স্বীকার করেই কবির সাধনা, পঞ্চাঙ্গের অগত্যকে অভ্যর্থনা করেই তাঁর ঈশ্বর-সন্ধান তার প্রমাণ এখানে রয়েছে।

মহাবির দীক্ষাদিবসে এক প্রাথমিক ভাষণে রবীন্দ্রনাথ মহাবির সাধনার কথা আলোচনা করতে গিয়ে প্রশ্ন করেছেন, সম্পূর্ণ গাছের তলায় বসে যে সাধক [দেবেন্দ্রনাথ] আনন্দস্থতির অমৃতময় রহস্য জীবনে উপলব্ধি করেছেন, তা কি আমরা আশ্রমবাসীরা প্রতিদিন উপলব্ধি করতে পারব না? এই প্রশ্নের উত্তর নিকেই দিয়েছেন, বলেছেন—প্রকৃতির মধ্যে সেই অমৃতময় রহস্য পদচিহ্ন রেখে গেছে, তাই প্রকৃতি-সৌন্দর্য উপভোগের অর্থ অমৃতময়ের স্পর্শলাভ। এই ভাষণে শাস্তিনিকেতনের প্রকৃতি স্পষ্টরূপে আমাদের সামনে এসে দাঁড়িয়েছে। কবি বলেছেন, “এই যে আশ্রম রহস্য, জীবনের নিগূঢ় ক্রিয়া, আনন্দের নিত্যলীলা, সে কি আমরা এখানকার লালবনের মর্মরে, এখানকার আশ্রমবনের ছায়াতলে উপলব্ধি করতে পারব না? পরতের অপরিমেয় শুভ্রতা যখন এখানে শিউলিকুলের অজস্র বিকাশের মধ্যে আপনাকে প্রভাতের পর প্রভাতে ব্যক্ত করে করে কিছুতে আর ক্লান্তি মানতে চায় না, তখন সেই অপরাধ পুষ্পরষ্টির মধ্যে আরও একটি অপরূপ শুভ্রতার অমৃতবর্ণ কি নিঃশব্দে আমাদের জীবনের মধ্যে অবতীর্ণ হতে থাকে না? এই পৌষের শীতের প্রভাতে দিকপ্রান্তের উপর থেকে একটি নুন্ন শুভ্র

কুহেলিকার আচ্ছাদন বখন উঠে যায়, আমলকীকুঞ্জের কলভারপূর্ণ কশ্মিত শাখাগুলির মধ্যে উত্তরবায়ু স্বর্ধকিরণকে পাতায় পাতায় নৃত্য করাতে থাকে এবং সমস্ত দিন শীতের রৌদ্র এখানকার অবাধপ্রসারিত মাঠের উপরকার স্বদূরতাকে একটি অনির্বচনীয় বাণীর দ্বারা ব্যাকুল করে তোলে, তখন এর ভিতর থেকে আর একটি গভীরতর আনন্দ-সাধনার স্মৃতি কি আমাদের হৃদয়ের মধ্যে ব্যস্ত হয়ে পড়ে না? একটি পবিত্র প্রেতাব, একটি অপক্লপ সৌন্দর্য, একটি পরম প্রেম কি ঋতুতে ঋতুতে ফলপুষ্পপল্লবের নব নব বিকাশে আমাদের সমস্ত অন্তঃকরণে তার অধিকার বিস্তার করছে না? নিশ্চয়ই করছে। কেননা এটখানেই যে একদিন সকলের চেয়ে বড়ো রহস্তনিকেতনের একটি দ্বার খুলে গিয়েছে। এখানে গাছের তলায় প্রেমের সঙ্গে প্রেম মিলেছে, দুই আনন্দ এক হয়েছে। সেই 'এবঃ অন্তঃ পরম আনন্দঃ', যে ইনি ইহার পরমানন্দ সেই ইনি এ কতদিন এইখানে মিলেছে—ইষ্টাং কত উষার আলোয়, কতদিনের অবসান-বেলায়, কত নিশীপরাদ্রের নিশ্চল প্রহরে—প্রেমের সঙ্গে প্রেম, আনন্দের সঙ্গে আনন্দ! সেদিন যে দ্বার খোলা হয়েছে সেই দ্বারের সম্মুখে এসে আমরা দাঁড়িয়েছি, কিছুই কি শুনেতে পাব না? কাউকে কি দেখা যাবে না? সেই মুক্ত দ্বারের সামনে আজ আমাদের উৎসবের মেলা বসেছে, ভিতর থেকে কি একটি আনন্দগান বার হয়ে এসে আমাদের এই সমস্ত দিনের কলরবকে স্থাসিক্ত করে তুলবে না? না, তা কখনোই হতে পারে না। বিমূখ চিন্তাও ফিরবে, পাষণ-হৃদয়ও গলবে, শুষ্ক শাখাতেও ফুল ফুটে উঠবে। হে শাস্তিনিকেতনের অধিদেবতা, পৃথিবীতে যেখানেই মাঠঘের চিত্ত বাধামুক্ত পরিপূর্ণ প্রেমের দ্বারা তোমাকে স্পর্শ করেছে সেখানেই অমৃত-বর্ষণে একটি আশ্চর্য শক্তি সজাত হয়েছে। সে শক্তি কিছুতেই নষ্ট হয় না, সে শক্তি চারিদিকের গাছপালাকেও জড়িয়ে ওঠে, চারিদিকের বাতাসকে পূর্ণ করে। কিন্তু তোমার এই আশ্চর্য লীলা, শক্তিকে তুমি আমাদের কাছে প্রজ্ঞাক করে রেখে দিতে চাও না।.....তোমার শক্তির উপরে তুমি এই একটি হুকুম জারি করেছ, সে লুকিয়ে লুকিয়ে আমাদের কাজ করবে এবং দেখাবে যেন সে খেলা করছে।" (শাস্তিনিকেতন ১, 'আশ্রম', পৃ: ৪০২-৬০৩)।

'শাস্তিনিকেতন' উপদেশমালার সর্বত্র এই পটভূমি কবির অধ্যাত্ম-সাধনার যোগ্য সঙ্গীরূপে বর্তমান। রবীন্দ্রনাথের ধর্মসাধনা তাই বীরভূমের প্রকৃতির

সঙ্গে অচ্ছেদ্য বন্ধনে যুক্ত। উৎসবরাজ অলক্ষ্য থেকে উৎসব পরিচালনা করছেন—উপরের এই ভাবটি ‘শারদোৎসব’ ও ‘রাজা’ নাটকে প্রচ্ছন্ন রয়েছে। সেই উৎসবরাজের একান্ত ভক্ত ঠাকুরদা আর এখানকার ভাষণদাতা রবীন্দ্র—নাথ কি একই ব্যক্তি নন ?

॥ ৫ ॥

চিরপথ যেমন সোনারতরী-চিত্রা চৈতালী-গল্পগুচ্ছের পটভূমি ও উপাদানের ভাণ্ডার, ‘শান্তিনিকেতন’ উপদেশমালাও তেমনি গীতাঞ্জলি-গীতিমালা-গীতালি-শারদোৎসব-অচলায়তন-রাজা-ডাকঘর-প্রাচীনসাহিত্যের পটভূমি ও উপাদানস্থল। রবীন্দ্র-সাহিত্য-প্রবেশক রূপেও ‘শান্তিনিকেতন’-এর বিশেষ মূল্য আছে। বস্তুতঃ তুংখ, মৃত্যু, অহং, আত্মা, প্রেম, জীবন সম্পর্কে রবীন্দ্র-সাহিত্যে পরিকীর্ণ নানা অভিমতের সার এখানেই পাই। এজন্যই এই গ্রন্থে উপবোধক বিষয়নিচয় সম্পর্কে কবির বক্তব্য অধিগত করার অর্থ রবীন্দ্র-সাহিত্যে প্রবেশাদিকার লাভ। ‘শান্তিনিকেতন’ গ্রন্থের দ্বিতীয় খণ্ডে দ্বিত ‘পূর্ণা’ ভাষণটি রবীন্দ্রনাথের ‘জীবনস্থিতি’ ও ‘আত্মপরিচয়’ গ্রন্থের পরিপূরক, আবার প্রথম খণ্ডে দ্বিত ‘তপোবন’ ও ‘বিকারশংকা’ ভাষণ দুটি ‘প্রাচীন সাহিত্য’ গ্রন্থের পরিপূরক। পুনশ্চ, দ্বিতীয় খণ্ডে দ্বিত ‘বর্ষশেষ’, ‘নববর্ষ’ ও ‘বৈশাখী ঝড়ের সঙ্ঘা’ ভাষণ তিনটি ‘কল্পনা’ কাব্যের ‘বর্ষশেষ’ কবিতার পরিপূরক।

উপনিষদের উদার আকাশতলে দাঁড়িয়ে রবীন্দ্রনাথ ‘শান্তিনিকেতন’ উপদেশমালা রচনা করেছেন, একথা পূর্বেই বলেছি। তার সঙ্গে যুক্ত করতে পারি আরেকটি ভাবনা—রবীন্দ্র-সাহিত্যের বাতাবরণ উপনিষদের মন্ত্রগুঞ্জরিত, হোমধূমে পবিত্র ও সামগানে মুগ্ধরিত। ‘প্রাচীন সাহিত্য’ সমকালে রচিত গ্রন্থ; তা কেবল প্রাচীন সংস্কৃত-পালি-প্রাকৃত কাব্যানিচয়ের সমালোচনা নয়, সেগুলিকে উপলক্ষ্য করে কবি ভারত আবিষ্কারে বেরিয়েছেন এবং শেষে সেই ঔপনিষদিক সাধনক্ষেত্রে উপনীত হয়েছেন। ‘প্রাচীন সাহিত্য’ নব সৃষ্টি; ভারতের ঐতিহ্য ও শিকার পুনরাবিষ্কার। মহাকবি কালিদাসের দুই অমর কাব্য অবলম্বনে রচিত ‘প্রাচীন সাহিত্য’-দ্বিত দুটি প্রবন্ধ ‘শকুন্তলা’ এবং ‘কুমারসম্ভব ও শকুন্তলা’ এই ভারতদর্শনের পরিচয়স্থল। ভারতের সাধনা চিরদিনই ভোগ অপেক্ষা ত্যাগকে, কাম অপেক্ষা প্রেমকে, বিলাস

অপেক্ষা তপস্তাকে বড় করে দেখেছে। এই শিক্ষাটি রবীন্দ্রনাথ তাঁর অন্তরের গভীরে গ্রহণ করেছিলেন। ‘শান্তিনিকেতন’ গ্রন্থের ‘তপোবন’ প্রবন্ধটিতে এটি কবি স্বন্দরভাবে ব্যাখ্যা করেছেন; বলেছেন, “প্রযুক্তি প্রবল হয়ে উঠলেই ত্যাগের ও ভোগের সামঞ্জস্য ভেঙে যায়। কোনো একটি সংকীর্ণ জায়গায় যখন আমরা অহংকারকে বা বাসনাকে ঘনীভূত করি তখন আমরা সমগ্রের ক্ষতি করে অংশকে বড়ো করে তুলতে চেষ্টা করি। এর থেকে ঘটে অমঙ্গল। অংশের প্রতি আসক্তি বশত সমগ্রের বিকক্ষে বিজ্রোহ, এই হচ্ছে পাপ। এই ক্ষতই ত্যাগের প্রয়োজন। এই ত্যাগ নিজেকে রিক্ত করার ক্ষমতা নয়, নিজেকে পূর্ণ করবার ক্ষমতা।.....তেন ত্যাজেন ভূতীথা:। ত্যাগের দ্বারাই ভোগ করবে, এইটি উপনিষদের অহুশাসন। এইটাই কুমারসম্ভব কাব্যের মর্মকথা, এবং এইটাই আমাদের তপোবনের সাধনা।” (শান্তিনিকেতন ১, পৃ: ৪১২-৪২০)।

পুনশ্চ, “অভিজ্ঞানশকুন্তলা নাটকে যে দুটি ‘তপোবন’ আছে সে দুটিই শকুন্তলার হৃৎ হৃৎপক্ষে একটি বিশালতার মধ্যে সম্পূর্ণ করে দিচ্ছে।..... একথা স্বীকার করতে হবে, প্রথম তপোবনটি মর্ত্যলোকে, আর দ্বিতীয়টি অমৃত-লোকের। অর্থাৎ, প্রথমটি হচ্ছে যেমন হয়ে থাকে, দ্বিতীয়টি হচ্ছে যেমন হওয়া ভালো। এই ‘যেমন-হওয়া-ভালো’র দিকে ‘যেমন-হয়ে-থাকে’ চলেছে, এরই দিকে চেয়ে সে আপনাকে শোধন করেছে, পূর্ণ করেছে। ‘যেমন-হয়ে-থাকে’ হচ্ছেন সত্যী অর্থাৎ সত্য, আর ‘যেমন-হওয়া-ভালো’ হচ্ছেন শিব অর্থাৎ মঙ্গল। কামনা ক্ষয় করে তপস্তার মধ্য দিয়ে এই সত্যী ও শিবের মিলন হয়। শকুন্তলার জীবনেও ‘যেমন-হয়ে-থাকে’ তপস্তার দ্বারা অবশেষে ‘যেমন-হওয়া-ভালো’র মধ্যে এসে আপনাকে সফল করে তুলেছে। হৃৎপক্ষের ভিতর দিয়ে মর্ত্য, শেষকালে স্বর্গের প্রান্তে এসে উপনীত হয়েছে।” (তদেব পৃ: ৪২০-২৩)।

‘প্রাচীন সাহিত্যে’র উক্ত প্রবন্ধদুটির ও রবীন্দ্রনাথের মৌলধর্মতত্ত্ব-প্রেমভবের সম্পূর্ণ সমর্থন এখানে পাই।

সাহিত্যে ও জীবনে, চিন্তায় ও বচনে, কর্মে ও ব্যবহারে প্রেমে ও বন্ধনে রবীন্দ্রনাথ যে মুক্তির সন্ধান করেছেন, তার আভাস ‘শান্তিনিকেতন’ গ্রন্থেই পাই। উপনিষদের আনন্দরূপের মাকেই কবি মুক্তির সন্ধান করেছেন। রূপের অন্তরালে যে আনন্দ আছে, তাহাই মুক্তি। উপনিষদের এই

চিন্তাটি রবীন্দ্রনাথকে বিশেষ ভাবে প্রভাবিত করেছে এবং তাই রবীন্দ্র-সাহিত্যে প্রতিকলিত হয়েছে। এটি না বুঝলে রবীন্দ্র-সাহিত্যের প্রেমতত্ত্ব ও মুক্তিতত্ত্ব আমরা আয়ত্ত করতে পারব না। এই চিন্তাটি কবি স্পষ্ট করে ব্যাখ্যা করেছেন এইভাবে—“প্রতিদিনের এই যে অভ্যস্ত পৃথিবী আমার কাছে জীর্ণ, অভ্যস্ত প্রভাব আমার কাছে রান, কবে এরাই আমার কাছে নবীন ও উজ্জ্বল হয়ে ওঠে? যেদিন প্রেমের দ্বারা আমার চেতনা নবশক্তিতে আগ্রত হয়। যাকে ভালবাসি আজ তার সঙ্গে দেখা হবে, এই কথা স্বরণ হলে ভাল যা কিছু প্রীতম ছিল আজ সেই সমস্তই স্মরণ হয়ে ওঠে। প্রেমের দ্বারা চেতনা যে পূর্ণশক্তি লাভ করে সেই পূর্ণতার দ্বারাই সে সীমার মধ্যে অসীমকে, রূপের মধ্যে অরূপকে দেখতে পায় তাকে নূতন কোপাশ যেতে হয় না। এই অভাবটুকুর দ্বারা অসীম সত্য তার কাছে সীমায় বদ্ধ হয়েছিল।

বিশ্ব তাঁর আনন্দরূপ, কিন্তু আমরা রূপকে দেখছি, আনন্দকে দেখছি, সেই ক্ষেত্রে তপ কেবল পদে পদে আমাদের আঘাত করছে। আনন্দকে যেদিন দেখব অমনি কেউ আর আমাদের কোনো বাধা দিতে পারবে না। সেই তো মুক্তি।

সেই মুক্তি বৈরাগ্যের মুক্তি নয়, সেই মুক্তি প্রেমের মুক্তি। ভ্যাগের মুক্তি নয়, যোগের মুক্তি, লব্ধের মুক্তি নয়, প্রকাশের মুক্তি।” (শাস্তিনিকেতন ১, পৃ: ৩৮৭)।

‘প্রাচীন সাহিত্য’ গ্রন্থে উমা কি একদাই বলেন নি যে, এবার বসন্তসখা মননের সহায়তায় নয়, তপঃসাধনায় মহেশ্বরকে ভয় করব? ‘রাজা’ নাটকের গানে রাণীর মনের বেদনা কি একই কথায় প্রকাশ হয় নি—‘আমি রূপে তোমায় ভোলাব না, ভালবাসায় ভোলাব’? মহা কাব্যে এই মৃত্যুঞ্জয় ক্রোমের কথাই কি ঘোষিত হয় নি?—

মৃত্যুঞ্জয় তব শিরে মৃত্যু দিলা হানি,
অমৃত সে-মৃত্যু হতে দাপ্ত তুমি আনি।

সেই দিব্য দীপ্যমান দাহ

উজ্জ্বল করুক অগ্নি-উৎসের প্রবাহ।

মিলনেরে করুক প্রথর,

বিচ্ছেদেরে করে দিক দুঃসহ স্মরণ।

‘শেখের কবিতা’ উপন্যাসে প্রাত্যহিকতার অভিশাপমুক্ত মুহূর্তের দৈনন্দন-মৃত্যুজয়ের প্রেমে কথাকি ঘোষিত হয়নি ?—

তোমারে দিইনি স্বপ্ন, মুক্তির নৈবেদ্য গেছ রাখি
রক্তনীর ত্রস্ত অবসানে ; কিছু আর নাহি থাকি ।
নাই কোি প্রার্থনা, নাই প্রতি মুহূর্তের দৈনন্দিনাশি ।
নাই অভিমান, নাই দীন কান্না, নাই গর্বহাসি ।
নাই পিছে ফিরে দেখা । শুধু সে মুক্তির ডালিখানি
ভরিয়া দিলাম আজি আমার মহৎ মৃত্যু আনি ॥

॥ ৬ ॥

বর্তমান আলোচনার সূচনায় বলেছি, রবীন্দ্রনাথের ধর্মসাধনা ও সাহিত্য-সাধনা—পরস্পরসংযুক্ত এবং এক উৎসজাত, সে উৎস উপনিষদ । উপনিষদের বৈদিক ব্রহ্ম রবীন্দ্রনাথের ঈশ্বর । উপনিষদ বাদ দিয়ে রবীন্দ্র-সাহিত্যের আলোচনা বাধ্যতায় পথবিস্তৃত হতে বাধ্য । উপনিষদ সম্পর্কে কবির মনোভাবটি সুন্দরভাবে প্রকাশিত হয়েছে এই কথায়—“উপনিষদ ভারতবর্ষের ব্রহ্মজ্ঞানের বনস্পতি । এ যে কেবল সুন্দর জামল ছায়াময় তা নয়, এ সুত্ব এবং এ কঠিন । এর মধ্যে যে কেবল সিদ্ধির প্রাচ্য পল্লবিত তা নয়, এতে তপস্তার কঠোরতা উদ্ভগামী হয়ে রয়েছে ।” (শাখিনিকেতন ১, ‘প্রার্থনা’, পৃঃ ৪০)

উপনিষদের শিক্ষাকে রবীন্দ্রনাথ তত্ত্বরূপে নয়, জীবনের গভীর সত্যরূপে অন্তরের মধ্যে গ্রহণ করেছিলেন এবং তা কবিকে নীরস ব্রহ্মজ্ঞানী করে তোলে নি, তাঁকে সরস ব্রহ্মোপাসক করে তুলেছিল । এই ‘প্রার্থনা’ দীর্ঘক ভাষণটি কাব্যমূল্যে অন্তরের সত্যমূল্যে জীবনের মহত্তম উপলব্ধির সুন্দর প্রকাশরূপে আমাদের কাছে বর্তমান । উপনিষদের সূক্টিন ধর্মজিজ্ঞাসা ও অস্ত্রভেদী স্বল্প অটলতার মধ্যে একটি বড় কোমল মধুর স্ববাস বিকীর্ণ হয়েছে । তা হল মৈত্র্যের প্রার্থনা-মন্ত্রটি । এই মন্ত্রটি ফুলের নতো কোমল ও মধুর । তার গন্ধে কবি-চিত্ত ব্যাকুল হয়েছে । ‘প্রার্থনা’ ভাষণটি কবিস্বপ্নের ব্যাকুলতার প্রকাশ । এটি পড়লে অন্তত্ব করা যায় রবীন্দ্রনাথ কত গভীরভাবে উপনিষদের শিক্ষাকে আপন অন্তরে গ্রহণ করেছিলেন । সবগ্র ভাষণটি গড়ে লেখা একটি সম্পূর্ণ কবিতা ।

কবি বলেছেন : “উপনিষদের সমস্ত পুরুষ কবিদের জ্ঞানগভীর বাণীর মধ্যে একটিমাত্র স্ত্রীকণ্ঠের এই একটিমাত্র ব্যাকুল বাক্য অন্তর্নিহিত হয়ে উঠেছে এবং সে অন্তর্নিহিত বিলীন হয়ে যায় নি। সেই অন্তর্নিহিত তাঁদের মেঘমল্ল শাস্ত্র স্বরের মাকড়সানে অপূর্ব একটি অঙ্গপূর্ণ মাদুর্য জাগ্রত করে রেখেছে। মাকড়সের মধ্যে যে পুরুষ আছে উপনিষদের নানাদিকে নানাভাবে আমরা তারই সাক্ষাৎ পেয়েছিলুম। এমন সময়ে হঠাৎ একপ্রাণে দেখা গেল মাকড়সের মধ্যে যে নারী রয়েছেন তিনিও সৌন্দর্য বিকীরণ করে দাঁড়িয়ে রয়েছেন।...”

সংসারের বিভিন্ন বিষয়ের মধ্যে এই প্রেমের আভাস দেখতে পেয়ে আমরা মৃত্যুর অতীত পরম পদার্থের পরিচয় পাই। তাঁর স্বরূপ যে প্রেমস্বরূপ তা বুঝতে পারি—এই প্রেমকেই যখন পরিপূর্ণরূপে পাবার ক্ষমতা আমাদের অন্তরাত্মার সত্য স্বাক্ষর আবিষ্কার করি, তখন আমরা সমস্ত উপকরণটি অনাদ্যসেই ঠেলে দিয়ে বলতে পারি : ঘোরাং নামৃত্য স্ত্যাম্ কিমহং তেন কুহাম্।

এই যে বলা, এটি যখন রমণীর মুখের থেকে উঠেছে তখন কী স্পষ্ট, কী সত্য, কী মনুষ্য হয়েই উঠেছে। সমস্ত চিন্তা সমস্ত মূর্ত্তি পরিহার করে কী অনাদ্যসেই এটি অন্তর্নিহিত হয়ে উঠেছে। এগো, আমি ধর-দুয়ার কিছুই চাইনে, আমি প্রেম চাই—এ কী কামা!

মৈত্রেয়ীর সেই সবল কামাটি যে প্রাথমিকরূপ ধারণ করে জাগ্রত হয়ে উঠেছিল তেমন আশ্চর্য পরিপূর্ণ প্রার্থনা কি জগতে আর কোথাও কখনও শোনা গিয়েছে? সমস্ত মানবহৃদয়ের একান্ত প্রার্থনাটি এই রমণীর ব্যাকুল কণ্ঠে চিরন্তন কালের মস্ত বাণীলাভ করেছে। এই প্রার্থনাই আমাদের প্রত্যেকের একমাত্র প্রার্থনা, এবং এই প্রার্থনাই বিশ্বমানবের বিরাট ইতিহাসে যুগে যুগান্তরে উচ্চারিত হয়ে আসছে।

ঘোরাং নামৃত্য স্ত্যাম্ কিমহং তেন কুহাম্—এই কথাটি সবেগে বলেই কি সেই ব্রহ্মবাদিনী তখনই ছোড়হাতে উঠে দাঁড়ালেন এবং তাঁর অঙ্গপ্রাণিত মুখটি আকাশের দিকে বলে উঠলো—

অসতো মা সঙ্গময়, তমসো মা ভ্যোতির্গময়,
নৃত্যোর্মাদিতং গময়, আবীরাবীর্য এধি,
কৃত্র যন্তে দক্ষিণং মুখং তেন মাং পাহি নিত্যম্।

হে তপস্বিনী মৈত্রেয়ী, এসে', সংসারের উপকরণপীড়িতের হৃদয়ের মধ্যে তোমার পবিত্র চরণ দুটি আজ স্থাপন করো। তোমার সেই অন্তরের প্রার্থনাটি তোমার মৃত্যুহীন মধুর কণ্ঠে আমার হৃদয়ে উচ্চারণ করে যাও। নিত্যকাল যে কেমন করে রক্ষা পেতে হবে আমার মনে তার যেন লেশমাত্র সন্দেহ না থাকে।" ('প্রার্থনা', শান্তিনিকেতন ১ ; পৃ: ৪৪) । এখানে কবি রবীন্দ্রনাথ ব্রহ্মবাদিনী মৈত্রেয়ীর পাশে এসে দাঁড়িয়েছেন, কবির কাব্যভাবনা ও আধ্যাত্মব্যাকুলতা এক হয়ে গেছে। রবীন্দ্রনাথ কেবল বর্তমানের কবি নন, তিনি নিত্যকালের ভারতবর্ষের বাণীবাহক, সে পরিচয় এখানেই পাই।

রবীন্দ্রনাথের মঞ্চচিন্তা

॥ ১ ॥

মহাকবি কালিদাসের অভিজ্ঞান-শকুন্তলম্ নাটকের সূচনাটি বড় সুন্দর। রসিক সুরধার ও তৎপত্নী রসিকা নটীর সরস আলাপনে ও গানে দর্শকচিহ্ন মোহিত হয়, আমরা সেইকণ্ঠেই হঠাৎ নাটকের ঘটনাপ্রবাহের মাঝে গিয়ে পড়ি। সুরধার গোড়াতেই নটীকে সতর্ক করে দিয়ে বলেছেন, ‘প্রিয়ে, আজ এই রাজসভায় কত তৎপত্নী, বিশেষজ্ঞ উপস্থিত হয়েছেন। আজ বিশেষ সাবধান হয়ে অভিনয় প্রয়োজনা করা প্রয়োজন, প্রতি অভিনেতার প্রতি দৃষ্টি রাখা প্রয়োজনা।’ নটী প্রত্যুত্তরে বলেছে—‘তুমি অভিনয়কাষে যেকোন স্বদক ও আজকের অভিনয়ের যেকোন ছোপাডফসর করেছ, তাতে কোন স্থলে কোনো ত্রুটি হবে বলে আমার মনে হয় না।’ এই প্রশংসার উত্তরে সুরধারের বিখ্যাত উক্তিটি পুনঃস্মর্তব্য—

আ পরিতোষাঙ্ঘ্রিহৃৎ ন সাধু নন্তে প্রয়োগবিজ্ঞানম্। -

বলবদপি শিক্ষিতানামাত্মন্ত প্রত্যয়ং চেতঃ ॥

‘যতক্ষণ না পণ্ডিতদের তৃপ্তি না হবে, আমাদের অভিনয় দর্শনে তাঁরা আনন্দিত না হবেন, ততক্ষণ, আমরা যত নিপুণই হই না কেন, আমার ধারণা, অভিনয় বিষয়ে আমাদের সে নৈপুণ্যের (প্রয়োগবিজ্ঞানের) কোনো মূল্য নেই। যিনি যতবড় শিক্ষিতই হোন না কেন, নিজের যোগ্যতা বিষয়ে একেবারে নিঃসন্দেহান কেহই নন, হতে পারেন না।’

তারপর নটীর সমর্থোপযোগী সুমধুর সংগীত। সে গানে সুরধার মুগ্ধ হয়ে তাঁর প্রয়োজনা-কর্তব্য বিস্মৃত হতে বসেছিলেন—তার কৈকিয়ৎ-ছলে আসন্ন দৃষ্টির উপমা দিয়ে বলেছেন—

তবাম্মি পীতরাগেণ হরিণা প্রসভ্য হৃতঃ।

এষ রাজেব দুঃস্তুঃ সারঙ্গেণাতিরংহসা ॥

‘ওই অতি যোগবান হরিণটা যেমন এই রাজা দুঃস্তুকে, তাঁর ইচ্ছার বিরুদ্ধেও যেন জোর করে কোথায় ভুলিয়ে নিয়ে যাচ্ছে, তদ্রূপ, তোমার এই

কবরপ্রাঙ্গণী গীতমাধুৰ্য্যে আমার চিত্ত এতই বিমোহিত হয়েছে যে, পূর্বের কথা আর আমার কিছুই মনে নেই, সব ভুলে গেছি।'

এই কথার পর উভয়ের প্রস্থান। এখানেই প্রস্তাবনার সমাপ্তি ও মূল নাট্যকাণ্ডের স্বচনা। তারপরই নাট্যকারের নির্দেশনামা—‘ততঃ প্রবিশতি যুগান্তকারী শরসঙ্কান্তো রাজা রথেন যতন্ত’—তারপর যুগের অতুলসরণ করতে করতে রথারোহণে ধনুর্বাণ হাতে রাজার প্রবেশ, সঙ্গে সারথি। শুরু হয়ে গেল নাটক।

তারপর রাজা ও সারথির কথোপকথানে দর্শকরা জানতে পেলেন যে, বাণকপে উজ্জত রাজা বধে ছুটিছেন। আর এটী সামনে প্রাণভয়ে ভীত যুগ উপস্থাসে ছুটিছে। যুগ এত ক্রত ছুটিছে যে আর তাকে ভালো করে দেখা যাচ্ছে না, বন্ধুর উচ্চারণ ভূমিতে সারথি ঘোড়ার রাশ টেনে ধরেছে, সমতল ভূমিতে পৌঁচেই সে বাশ আলগা করেছে। ঘোড়াগুলি প্রাণপণে ছুটিতে শুরু করল। ঘোড়াগুলি এত ক্রত ছুটিছে যে পাশে বা দূরে বলে কিছুই মনে হচ্ছে না, এক নিমেষ আগে যেটা দূরে ছিল, এখনি তাকে কাছে, এবং যা কাছে ছিল, তাকে দূরে দেখছি। অতি ক্রত দাবমান রথ দাবমান যুগের সঙ্গীতনে উপনীত হয়েছে, রাজা দুঃস্থ শরসঙ্কান্তনা করেছেন। বাণ ছাড়তে যাচ্চেন, সেই মুহূর্তে নেপথ্যে মুনিকণ্ঠে শোনা গেল—ভো ভো রাজন্! আশ্রমযুগোচ্চয় ন হৃদ্যো ন হৃদ্যব্যঃ—মেরো না, মেরো না আশ্রমযুগকে বধ কোরো না।

এই সমস্ত ব্যাপারটাই অভিনীত হল। মকে রথ, যুগ, অথ কিছুই উপস্থিত হয় নি, তার মায়া সারথি ও রাজার কথায় রচিত হয়েছে। রাজার শরসঙ্কানের নির্দেশ নাট্যকার দিয়েছেন এক কথায়—(শরসঙ্কানং নাটয়তি)—শরসঙ্কানের অভিনয় করলেন।

এখানে দৃশ্যমায়া (Illusion) বাস্তব থেকে সত্যতর বলে দর্শকচিত্তে প্রতিভাত হয়েছে।

রবীন্দ্রনাথের মঞ্চচিত্রায় এই কৌশল বিশেষ প্রভাব বিস্তার করেছে। এই প্রসঙ্গেই উপরোক্ত দৃশ্য সম্পর্কে রবীন্দ্রনাথ বলেছেন, “শকুন্তলার কবিকে যদি রজনকে দৃশ্যপটের কথা ভাবিতে হইত, তবে তিনি গোড়াতেই যুগের পশ্চাতে রথ-ছোটানো বন্ধ করিতেন। অবশ্য, তিনি বড়ো কবি, রথ বন্ধ হইলেই যে তাঁহার কলম বন্ধ হইত তাহা নহে; কিন্তু আমি

বলিতেছি, যেটা তুচ্ছ তাহার জন্ত, বাহা বড়ো তাহা কেন নিজেকে কোন অংশে খর্ব করিতে যাউবে। ভাবুকের চিত্তের মধ্যে রঙ্গমঞ্চ আছে, সে রঙ্গমঞ্চে স্থানাভাব নাই। সেখানে বাহুকরের হাতে দৃষ্টপট আপনি রচিত হইতে থাকে সেই মঞ্চ, সেই পটই নাট্যকারের লক্ষ্যস্থল; কোনো কৃত্রিম মঞ্চ ও কৃত্রিম পট কবি-কল্পনার উপযুক্ত হইতে পারে না।

“অতএব যখন দৃশ্যস্থ ও সারথি একই স্থানে স্থির দাঁড়াইয়া বর্ণনা ও অভিনয়ের দ্বারা রথবেগের আলোচনা করেন, সেখানে দর্শক এই অতি-সামান্য কথাটুকু অনায়াসেই ধরিয়া লন যে, মঞ্চ ছোটো, কিন্তু কাব্য ছোটো নয়; অতএব কাব্যের খাতিরে মঞ্চের এই অনিবার্ধ ক্রটিকে প্রসারিত্তে তাহার মার্জনা করেন এবং নিজের চিত্তক্ষেত্রে সেই ক্ষুদ্রায়তনের মধ্যে প্রসারিত করিয়া দিয়া মঞ্চকেই মহীয়ান করিয়া তোলেন। কিন্তু মঞ্চের খাতিরে কাব্যকে যদি খাটো হইতে হইত, তবে ঐ কয়েকটা হতভাগ্য কাষ্ঠখণ্ডকে কে মাপ করিতে পারিত।

“শকুন্তলা-নাটক বাহিরের চিত্রপটের কোনো অপেক্ষা রাখে নাই বলিয়া আপনার চিত্রপটগুলিকে আপনি সৃষ্টি করিয়া লইয়াছে। তাহার কথাশ্রম, তাহার স্বর্ণপথের মেঘলোক, তাহার মারীচের তপোবনের জন্ত সে আর কাহারও উপর কোনো বরাত দেয় নাই। সে নিজেকে নিজে সম্পূর্ণ করিয়া তুলিয়াছে। কী চরিত্র সৃজনে, কী স্বভাবচিত্রে, নিজের কাব্য সম্পদের উপরেই তাহার একমাত্র নির্ভর।” [‘রঙ্গমঞ্চ’, বিচিত্র প্রবন্ধ]

নাটক অভিনয়ের পরাধীন নয়, স্বাধীন, বরং অভিনয়ই নাটকের অধীন, এ কথা রবীন্দ্রনাথ বিশ্বাস করতেন। তাঁর দীর্ঘকালের নাট্যরচনা ও প্রযোজনায় ইতিহাস অনুধাবন করলে দেখা যাবে যে, তিনি অভিনয়ের প্রয়োগবিজ্ঞানের খাতিরে দৃষ্টকাব্যকে বিসর্জন দেন নি।

মঞ্চ-মাহার (Stage-illusion) প্রতি অধুনা আমাদের দেশে যে কোঁক ও একান্তনির্ভরতা বিভিন্ন পেশাদারী ও অপেশাদারী অভিনয়ে লক্ষ্য করা যাচ্ছে, রবীন্দ্রনাথ সমস্ত জীবন ধরেই তার প্রতিবাদ করেছেন। রবীন্দ্রনাথ যখন পাবলিক রঙ্গমঞ্চে নাট্যকান্ডিনয় করেছেন, তখন তিনি প্রচলিত মঞ্চ-কৌশলের উপর নির্ভর করেন নি। বাংলা নাটকে যেমন বহুকাল ধরে শেক্সপীরীয় পঞ্চাঙ্গ নাটকের অঙ্ক অনুসৃত লক্ষ্য করা যায়, তেমনি মঞ্চে বিলেতি আড়ম্বরপূর্ণ সেট-এর উপর অঙ্ক নির্ভরতা ছিল। এজন্যই ঐতিহাসিক

ও ঐক্যভিত্তিক নাটকের রচনা ও অভিনয়ে গিরিশ-যুগের নাট্যকার, পরিচালক ও অভিনেতৃত্ব উৎসাহ বোধ করতেন। প্রতীক-নাটকের অভিনয় তাঁরা স্বপ্নেও কল্পনা করেন নি। রবীন্দ্রনাথ তা রচনা করেই কান্ড হলেন না, তার প্রয়োজনাও করলেন।

উক্ত প্রসঙ্গে রবীন্দ্রনাথ স্পষ্ট ভাষায় বলেছেন, “ভরতের নাট্যশাস্ত্রে নাট্যমঞ্চের বর্ণনা আছে। তাহাতে দৃশ্যপটের কোনো উল্লেখ দেখিতে পাই না। তাহাতে যে বিশেষ ক্ষতি হইয়াছিল, এক্ষণ আমি বোধ করি না।.....অভিনয়বিজ্ঞা নিতান্ত পরাশ্রিতা। সে অনাথা নাটকের জন্ত পথ চাহিয়া বসিয়া থাকে। নাটকের গৌরব অবলম্বন করিয়াই সে আপন গৌরব দেখাইতে পারে।”

নাট্যোক্ত কথাগুলি অভিনেতার পক্ষে নিতান্ত আবশ্যক, একথা রবীন্দ্রনাথ স্বীকার করেন, কেননা এই সংলাপকে অবলম্বন করেই হাবভাবের দ্বারা অভিনেতা চরিত্রটিকে ফুটিয়ে তোলেন। কিন্তু দৃশ্যপট ?

“তাহা অভিনেতার পশ্চাতে মুলিতে থাকে, অভিনেতা তাহাকে সৃষ্টি করিয়া তোলে না; তাহা আঁকা মাত্র; আমার মতে তাহাতে অভিনেতাব অক্ষমতা কাপুরুষতা প্রকাশ পায়।.....তা ছাড়া, যে দর্শক তোমার অভিনয় দেখিতে আসিয়াছে তাহার কি নিজের সম্বল কানাকড়িও নাই। সে কি শিশু। বিশ্বাস করিয়া তাহার উপরে কি কোনো বিষয়েই নির্ভর করিবার জো নাই। যদি তাহা সত্য হয়, তবে ভল দাম দিলেও এমন-সকল লোককে টিকিট বেচিতে নাই।”

কিন্তু, হায় ! বাংলা রঙ্গমঞ্চের দর্শকের শারীরিক অর্থে বয়স হয়েছে, মনের বয়স হয় নি। অতি সম্প্রতি তারা মনের দিক দিয়ে সাবালকত্ব অর্জন করতে চলেছে, কিন্তু তাতেও খটকা লাগে।

আসলে বাঙালি দর্শক শিশু। আড়ম্বরপূর্ণ সেট-দৃশ্য সে খুব পছন্দ করে। রঙ্গমঞ্চে সপ্ততল ভেদ করে গঙ্গাবারির আকস্মিক উত্থান, গোবিন্দলালের পটাপটু শাট ছিঁড়ে কেলে বারুণী পুঙ্করিণীতে কল্মপ্রদান, অথারোহী প্রতাপ ও গোবিন্দলালের মঞ্চে আগমন তিরিশ বছর আগে ছিল, এখন মঞ্চে ট্রেনের উদ্বোধন গতি, পাতালে কয়লাখনিতে জলময় হয়ে শ্রমিকের মৃত্যুর ভয়ঙ্কর দৃশ্য, কন্সার্ম করে বুড়িধারার পতন বা দৃশ্যপটের ক্ষীণ শশাঙ্কলেখার

কমলঃ পূর্ণচন্দ্রে পরিপতি, অগ্নে পূর্বপুরুষের আবির্ভাবের চাক্ষুৰ দৃষ্ট বা দ্রাশ-ব্যাকে বিগত জীবনের নানিকার সশরীরে উপস্থিতি হামেশাই ঘটছে।

এরই বিরুদ্ধে নাট্যপ্রযোজক রবীন্দ্রনাথের প্রতিবাদ এইমন্ত রবীন্দ্রনাথ আমাদের দেশের যাত্রার অভিনয়কৌশলের প্রতি কুঁকেছিলেন। তিনি বলেছেন, “যাত্রার অভিনয়ে দর্শক ও অভিনেতার মধ্যে একটা গুরুতর ব্যবধান নাই। পরম্পরের বিশ্বাস ও আশ্রুকলার প্রতি নির্ভর করিয়া কাজটা বেশ সহজতর সহিত সম্পন্ন হইয়া উঠে। কাব্যরস, যেটা আসল জিনিস, সেটাকেই অভিনয়ের সাহায্যে কোয়ারার মতো চারিদিকে দর্শকের পুলকিত চিত্তের উপর ছড়াইয়া পড়ে। মালিনী যখন তাহার পুষ্প-বিরল বাগানে ফুল খুঁজিয়া বেলা করিয়া দিতেছে, তখন সেটাকে সমগ্রমাণ করিবার জন্য আসরের মধ্যে আশ্র আশ্র পাচ আনিয়া ফেলিবার কি দরকার আছে। একা মালিনীর মধ্যে সমস্ত বাগান আপনি জাগিয়া উঠে। তাই যদি না হইবে, তবে মালিনীরই বা কী গুণ, আর দর্শকগুলোই বা কাঠের মূর্তির মতো কি করিতে বসিয়া আছে।”

তাই যাত্রার অভিনয়ে দর্শকের মন ছাড়া পায়, তার চিত্তক্ষেত্র প্রসারিত হয়, জনাকীর্ণ আসরে বসেই দর্শক এক মুহূর্তে রাজ্যান্তঃপূর্ব, পর মুহূর্তেই বণক্ষেত্র, তারপরই শব্দানে দৃশ্য-পরিবর্তনকে মনে মনে গড়ে তোলে, তার কল্পনা সেখানে যা অল্পস্থিত তাকে উপস্থিত বলে গ্রহণ করার সবলতা ও বিশালতা স্বর্জন করেছে।

রবীন্দ্রনাথের মতে, “বিলাতের নকলে আমরা যে খিয়েটার করিয়াছি তাহা ভারাক্রান্ত একটি ফাঁত পদার্থ।……দর্শক যদি বিলাতি ছেলে-মামুষিতে দীক্ষিত না হইয়া থাকে এবং অভিনেতার যদি নিজের প্রতি ও কাব্যের প্রতি যথার্থ বিশ্বাস থাকে, তবে অভিনয়ের চারিদিক হইতে তাহার বহুমূল্য বাজে জঞ্জালগুলো কাঁট দিয়া ফেলিয়া তাহাকে মুক্তিদান ও গৌরবদান করিলেই সহস্র হিন্দুস্তানের মতো কাজ হয়।” [রঙ্গমঞ্চ, বিচিত্র প্রবন্ধ; নব পঞ্চায় বঙ্গদর্শনে ১৯০২ বঙ্গাব্দে প্রথম প্রকাশিত।]

রবীন্দ্রনাথ তাই মঞ্চের চিত্রপটের উপর নির্ভর করতে চান নি, তিনি দর্শকের চিত্রপটের প্রতি গুরুত্ব আরোপ করেছিলেন।

এই বিষয়ে শ্রীহেমেন্দ্রকুমার রায়ের মতামত প্রণিধানযোগ্য। তিনি বলেছেন, “রবীন্দ্রনাথ প্রথম যখন নাট্যজগতে প্রবেশ করেন, তখন দৃষ্টপটকে

অবহেলা করেন নি। হয়তো ও-সময়ে তাঁর নিজস্ব মতামত তখনও দৃঢ়ীভূত হয়ে ওঠে নি, কিংবা ওদিকে বিশেষ দৃষ্টি দেওয়া তিনি দরকার মনে করেন নি। তারপর অপেক্ষাকৃত পরিণত বয়সেও ‘বিসর্জন’ প্রভৃতি নাটকেও দৃশ্যপটের সামনে দাঁড়িয়েই তিনি অভিনয় করেছিলেন। ১৯০২ সালে পূর্বোক্ত মত প্রকাশের পরেও অনেককাল পর্যন্ত তিনি দৃশ্যপট বর্জন করেন নি। ১৯২২ সালে ‘কান্তনু’ নাট্যাভিনয়ে এবং তারপরে ‘ডাকঘরে’র সময়েও যে তাঁর অহুতানে দৃশ্যপট ব্যবহৃত হয়েছিল—এটা আমরা স্বচক্ষে দেখেছি—যদিও সেই সব দৃশ্য-সংস্থানের সঙ্গে থিয়েটারের তথাকথিত ‘সিন-সিনারি’র পার্থক্য ছিল আসমান-জমিন। স্বদীর্ঘকাল পরে ১৯৩৬ সালে ‘তপতী’ নাট্যাভিনয়ের সময়ে রবীন্দ্রনাথ আবার প্রকাজভাবে তাঁর পুরাতন মত প্রকাশ করেন—‘আধুনিক যুরোপীয় নাট্যমঞ্চের প্রসাধনে দৃশ্যপট একটা উপদ্রবরূপে প্রবেশ করেছে। ওটা ছেলেমানুষী। লোকের চোখ ভোলাবার চেষ্টা। সেই অভিনয়ে হুচাক মঞ্চসজ্জা ছিল, কিন্তু পট পরিবর্তন হয় নি।’ (‘সৌখীন নাট্যকলার রবীন্দ্রনাথ’, পৃ ১৪৪-৪৫)।

এখানে একথা অবশ্যস্বর্তব্য যে বিখ্যাত ‘সঙ্গীত-সমাজে’র নাট্যসম্প্রদায়ের অগ্রতম কর্ণধার হয়ে রবীন্দ্রনাথ যুক্ত ছিলেন দশ বৎসর কাল (১২২৮-১৯০৮ বঙ্গাব্দ)। এই সময়ে রবীন্দ্রনাথ-রচিত নাটকের বহিঃপ্রেরণা ‘সঙ্গীত সমাজে’র তাগাদা, তার ফল ‘গোড়ায় গলদ’ (১২২৯) [‘শেখরকা’], ‘বৈকুণ্ঠের খাতা’ (১৯০০)। আর শিশিরকুমার ভাট্টার তাগাদায় রচিত হয় ‘চিরকুমার সভা’ (১৯০৭)। ‘সঙ্গীত সমাজ’ ছিল রক্ষণশীল প্রতিষ্ঠান, দুটি বিষয়ে তা প্রমাণিত হয়। প্রৌ-চরিত্রে পুরুষের অভিনয় ও বর্ণাঢ্য দৃশ্যপটের ব্যবহার। রবীন্দ্রনাথ স্বাধীন ভাবে নাট্য প্রযোজনা করে এই দুটি বৈশিষ্ট্যকে সোজাছড়ি বর্জন করেছেন; ‘সঙ্গীত সমাজে’ সে স্বাধীনতা ছিল না। ঠাকুরবাড়ীতে ও শান্তিনিকেতনে নাট্য প্রযোজনায় রবীন্দ্রনাথ সে স্বাধীনতা পেয়েছিলেন। ‘সঙ্গীত সমাজে’ বহুমুখের উপস্থাপন ‘আনন্দমঠ’ ও ‘মৃণালিনী’র নাট্যরূপ, জ্যোতিষিরজ্ঞানাথের ‘অশ্রমতী’, ‘অলীকবাবু’, ‘পুনর্বসন্ত’ ও ‘ধ্যানভঙ্গ’ এবং রবীন্দ্রনাথের ‘বিসর্জন’, ‘গোড়ায় গলদ’ ও ‘বৈকুণ্ঠের খাতা’ অভিনীত হয়েছিল। এ-সব অভিনয়ে রবীন্দ্রনাথ অভিনয়-শিক্ষকের কাজ করেছিলেন।

নাটক রচনা, অভিনয়, পরিচালনা ও প্রযোজনায় রবীন্দ্রনাথের অনন্ত-সাধারণ কৃতিত্বের স্বার্থ মূল্য-নিরূপণ আজ পর্যন্ত বিশেষ করা হয় নি। ১৮৭৭ থেকে ১৯০০ খ্রিষ্টাব্দ—স্বর্গীয় বাবুটি বৎসর কাল ধরে রবীন্দ্রনাথ নাট্য-প্রযোজনা ও অভিনয়ের দ্বারা বাংলা রঙ্গমঞ্চকে নানাতাবে সমৃদ্ধ করেছেন। এই ইতিহাস সম্বন্ধে অল্পখবর না করলে রবীন্দ্রনাথের মঞ্চচিন্তা সম্পর্কে স্পষ্ট ধারণা গড়ে তোলা যাবে না। তাই সে প্রয়াসে নিযুক্ত হওয়া যাক।

একটা বিষয়ে আমাদের ধারণা স্পষ্ট থাকা প্রয়োজন। রবীন্দ্রনাথ পেশাদার রঙ্গমঞ্চের মুখ চেয়ে নাটক (play) লেখেন নি, তিনি play-wright ছিলেন না; সাহিত্যবোধানুপ্রাণিত হয়ে রঙ্গমঞ্চ-নির্ভর না হয়ে তিনি সাহিত্যাগুণসমৃদ্ধ নাটক (drama) রচনা করেন, তিনি ছিলেন dramatist। বাংলায় আমরা এ দুয়ের মধ্যে পার্থক্য করি না বলেই সবাইকে নাট্যকার বলি। গিরিশচন্দ্র ছিলেন মুখ্যতঃ Playwright। রামনারায়ণ তর্করত্ন, কালীপ্রসন্ন সিংহ, মধুসূদন দত্ত, মনোমোহন বসু, ক্ষীরোদ-প্রসাদ ঐক্যবিনোদ (‘আলমগীর’), অপরেশচন্দ্র মুখোপাধ্যায় (‘কর্ণাজুঁন’), যোগেশচন্দ্র চৌধুরী (‘সীতা’) এই দলের। দীনবন্ধু মিত্র, জ্যোতিরিন্দ্রনাথ ঠাকুর হলেন সাহিত্যানাটক-রচয়িতা। দ্বিজেন্দ্রলাল রায় মঞ্চনাটক ও সাহিত্য-নাটক, দুই-ই লিখেছেন। তাঁর ‘চন্দ্রগুপ্ত’ ‘সাজাহান’ মঞ্চনাটক (play), আর ‘পাষণ্ড’, ‘সীতা’ সাহিত্যানাটক (drama)।

রবীন্দ্রনাথ চিরকালের সাহিত্যানাট্যকার (dramatist)। পেশাদারী রঙ্গমঞ্চ ও মঞ্চনাটক সম্পর্কে তাঁর বিরূপতা ছিল, একথা অস্বীকার করে লাভ নেই। বাংলায় ‘রীডিং ড্রামা’ (reading-drama) খুবই কম, এ ক্ষেত্রে রবীন্দ্রনাথের নাটক আমাদের আশ্রয়স্থল।

রবীন্দ্রনাথ পূর্বদ্বিত ‘রঙ্গমঞ্চ’ প্রবন্ধে বলেছিলেন, “সাক্ষী ত্রী যেমন স্বামীকে ছাড়া আর কাহাকেও চায় না, ভালো কাব্য তেমনি ভাবুক ছাড়া আর কাহারো অপেক্ষা করে না। সাহিত্য পাঠ করিবার সময়ে আমরা সকলে মনে মনে অভিনয় করিয়া থাকি—সে অভিনয়ে যে কাব্যের সৌন্দর্য খোলে না সে কাব্য কোনো কবিকে ঘলস্বী করে নাই। জ্ঞেয় স্বামী যেমন লোকের কাছে উপহাস পায়, নাটক তেমনি যদি অভিনয়ের অপেক্ষা করিয়া আপনাকে নানা দিকে ধর করে, তবে সেও সেইরূপ উপহাসের যোগ্য হইয়া

উঠে। নাটকের ভাবধানা এইরূপ হওয়া উচিত যে—আমার যদি অভিনয় হয় ত হউক, না হয় ত অভিনয়ের পোড়া কপাল—আমার কোন কতি নাই।” [বিচিত্র প্রবন্ধ]। আর গিরিশচন্দ্র বৃত্তির খাতিরে, জীবিকার তাগিদে নাটক রচনা করেছেন, বলেছেন—“সাধারণ রঙ্গমঞ্চে—ব্যবসায়ের খাতিরে—রঙ্গালয়ের অভিনেতা-অভিনেত্রী দেখে নাটক রচনা করতে হয়। ...নাট্যকারের তথু কল্পনার বিভোর হয়ে নাটক লিখলে হবে না—রঙ্গালয়ের অভিনেতা-অভিনেত্রীদের কৃতি দেখে নাটক রচনা করতে হয়।সত্যি বলছি আমার dramatist হবার কোনও কালে ambition ছিল না।...স্টেজে আর কোনোও অভিনয়োপযোগী নাটক মিলল না, তখন বাধ্য হয়ে নাটক রচনা করতে হল।” এই অচরিতার্থতার বেদনা গিরিশচন্দ্র সারা জীবন বহন করেছেন। শেষ জীবনে মঞ্চনাটক ছেড়ে অন্তঃসংগ্রামের ভিত্তিতে সাহিত্যনাটক রচনায় হাত দিয়েছিলেন, মৃত্যুর দ্বারা তাঁর সে প্রয়াস খণ্ডিত হয়। কয়েকটি ক্ষেত্রে গিরিশচন্দ্র সাহিত্যনাটক (drama) রচনায় সাফল্য লাভ করেছেন। যেমন ‘বিলম্বঙ্গল’ ; ভারতীয় নাট্যসাহিত্যে এর স্থান হওয়া উচিত।

রবীন্দ্রনাথের এ আক্ষেপ ছিল না, পাদপ্রদীপের আলোয় নাটকের সফলতা তিনি বিচার করতে চান নি, নাট্যসুন্দরতাব প্রসাদ লাভে দগ্ধ হতে চেয়েছিলেন, নটলক্ষ্যের রূপা ভিক্ষা করেন নি।

তথাপি রবীন্দ্রনাথ নাট্য-প্রযোজক। সেই দীর্ঘ বিচিত্র কাহিনীর কাঠামোটা চোখের সামনে না থাকলে এ ক্ষেত্রে তাঁর কৃতিত্ব পরিমাপ করা সম্ভবপর হবে না।

রবীন্দ্রনাথের অভিনয়-জীবনের সঙ্গে প্রযোজক রবীন্দ্রনাথের কৃতিত্ব জড়িয়ে আছে। মঞ্চচিন্তা ক্ষেত্রে রবীন্দ্রনাথের স্বকীয় বৈশিষ্ট্য দেখা দিয়েছে বহু পরে, কিন্তু তার সূচনা হয়েছিল জোড়াসাঁকো ঠাকুরবাড়ীর অস্থায়ী রঙ্গমঞ্চে অভিনয়কালে।

রবীন্দ্রনাথের প্রথম অভিনয় ১৮৭৭ খ্রীষ্টাব্দে অগ্রজ জ্যোতির্বিজ্ঞানার্থীর প্রহসন ‘অলীকবাবু’র নাম-ভূমিকায়। তারপর ‘সদৌত সমাজে’ এটি অভিনীত হয়, সেখানেও রবীন্দ্রনাথ উক্ত ভূমিকার অভিনয় করেন। তারপর ১৮৭৮-এ বিলাত যাত্রা করেন। এ যাত্রায় বিলাতে ছিলেন দেড় বৎসর। তখন বিখ্যাত অভিনেতা-পরিচালক জ্যাক হেনরী আর্ভিং বিখ্যাত লিসিয়াম থিয়েটারের পরিচালন-দায়িত্ব গ্রহণ করেন। সেই সময় (১৮৭৮-৮০) বিলাতের

পাবলিক রঙ্গমঞ্চে এলিজাবেথীয় পঞ্চাশ নাটক ও গীতিনাট্য অভিনীত হচ্ছে সমারোহে। এই অভিনয়-দর্শন প্রযোজক ও নাট্যকার রবীন্দ্রনাথকে বিশেষ ভাবে প্রভাবিত করেছিল, তাতে কোনো সন্দেহ নেই।

১৮৮১-তে বেশে ফিরে এসেই জ্যোতিরিন্দ্রনাথের ‘মানময়ী’ গীতিনাট্যের অভিনয়ে রবীন্দ্রনাথ মদনের ভূমিকা গ্রহণ করেন। ভূমিকালিপিতে ছিলেন : শচী—নীপময়ী (হেমেন্দ্রনাথের সহধর্মিণী), ইন্দ্র—হেমেন্দ্রনাথ (রবীন্দ্রনাথের অগ্রজ)। এই গীতিনাট্যের জন্ত রবীন্দ্রনাথ লিখলেন একটি গান—“আয় তবে সহচরী, হাতে হাতে ধরি ধরি।” পাশ্চাত্ত্য গীতিনাট্যের স্বর ও অভিনয়কৌশল রবীন্দ্রনাথ একত্রে প্রয়োগ করেন।

১৮৮১-তে রবীন্দ্রনাথ-রচিত গীতিনাট্য ‘বান্দ্যকিপ্রতিভা’ অভিনীত হল। এই অভিনয়ে কেবল আত্মীয়স্বজন নয়, কলকাতার গণীজন (যেমন, বঙ্কিমচন্দ্র, হরপ্রসাদ, গুরুদাস) দর্শকরূপে উপস্থিত ছিলেন। রবীন্দ্রনাথ বান্দ্যকির ভূমিকায় অভিনয় করেন। তাঁর ভাতৃশূদ্রী প্রতিভা দেবী সরস্বতীর ভূমিকায় অভিনয় করেন। পাশ্চাত্ত্য মেলডি এতে প্রয়োগ করা হয়। এই অভিনয় খুবই জনপ্রিয় হয়েছিল। বারবার ‘বান্দ্যকি প্রতিভা’ অভিনীত হয়। এর সুন্দর বর্ণনা আছে অবনীন্দ্রনাথের ‘ধরোদা’ গ্রন্থে। ১৮৮৬ খ্রীষ্টাব্দে তাঁর থিয়েটার রঙ্গমঞ্চে এর পুনরভিনয়ে টিকিট বিক্রয় করা হয়। আদি ব্রাহ্মসমাজের জন্ত টাকা তোলার প্রয়োজন ছিল এর মূলে। পাবলিক স্কেনে নট ও নাট্যকার রূপে রবীন্দ্রনাথের এই প্রথম আবির্ভাব।

১৮৮৬ খ্রীষ্টাব্দে ঠাকুর বাড়ীতে অভিনীত হল ‘কালমৃগয়া’ গীতিনাট্য। জ্যোতিরিন্দ্রনাথ (দশরথ), রবীন্দ্রনাথ (অঙ্কমুনি) ও ঠাকুর-পরিবারের ছেলেমেয়েরাই এতে অভিনয় করলেন। দর্শকরূপে উপস্থিত ছিলেন কলকাতার সম্রাট নাগারকবৃন্দ।

এরপর ১৮৮৮-তে ‘সখী সমিতি’ বেথুন স্কুলে রবীন্দ্রনাথের ‘মায়ার খেলা’ (সংগীতপ্রধান নাটক) অভিনীত হল। পরে এম্পায়ার থিয়েটারের সরলা দেবীর উদ্যোগে এটি পুনরভিনীত হয়। রবীন্দ্রনাথ এর রচয়িতা, গীতিকার ও সুরকার ; প্রযোজনা ও পরিচালনা করেন মহিলারা।

‘বান্দ্যকিপ্রতিভা’, ‘কালমৃগয়া’, ‘মায়ার খেলা’, এই তিনটি গীতিনাট্যের রচয়িতা ও প্রযোজক, গীতিকার ও সুরকার রূপে রবীন্দ্রনাথের কৃতিত্ব বিশেষ গুরুত্ব রাখে।

প্রথম পূর্ণাঙ্গ নাটক হ'ল 'রাজা ও রাণী'। এর প্রথম অভিনয় হয় ঠাকুর বাড়ীর পারিবারিক রঙ্গমঞ্চে (১৮৮২ খ্রীষ্টাব্দে)। ভূমিকালিপি : বিক্রমদেব—রবীন্দ্রনাথ, হুমিত্রা—জ্ঞানদানন্দিনী দেবী, নারায়ণী—মৃণালিনী, কুমার সেন—প্রমথ চৌধুরী, তা ছাড়া ছিলেন গগনেন্দ্রনাথ। এই বৎসরের শেষভাগে এম্বারেল্ড থিয়েটারে পেশাদারী অভিনেতৃবর্গ 'রাজা ও রাণী' মঞ্চস্থ করেন। ভূমিকালিপি : বিক্রমদেব—মতিলাল হুদা, হুমিত্রা—'গুলকম' হরিমতী, ইলা—কুসুম কুমারী, দেবদত্ত—হরিকৃষ্ণ ভট্টাচার্য।

'রাজা ও রাণী' পাবলিক ষ্টেজে অভিনীত ও আদৃত হয়েছিল। কিন্তু নাট্যকার খুঁজি হন নি—কুমার ও ইলার প্রেমের বৃত্তান্ত অপ্রাসঙ্গিকতার দ্বারা নাটকে বাণ্য দিয়েছে এবং নাটকের শেষ অংশে কুমার যে অসঙ্গত প্রাধান্য লাভ করেছে তাতে নাট্যের বিষয়টি হয়েছে ভারগ্রস্ত ও বিধাবিভক্ত—এ'কথা তাঁর মনে হয়েছে এবং বহু বৎসর পরে এটিকে সংশোধন করে লিখেছেন 'তপতী'। অথচ কুমার সেন চরিত্রে ('তপতী'তে এটি বজ্রিত হয়) অভিনয় করে সেদিন পাবলিক ষ্টেজের অভিনেতা মহেন্দ্রলাল বসু দর্শক সমাজের কাছে 'ট্রাজেডিয়ান' আখ্যা লাভ করেন। অপ্রাসঙ্গিকতা, নাটকের উদ্বেগুচ্যুতি, অতিরিক্ত ভাবপ্রবণতা ও মেলোড্রামাটিক চমৎকার উপাদান 'তপতী'তে নেই। কিন্তু আশ্চর্য, আমাদের পেশাদারী রঙ্গমঞ্চ ক্রটিপূর্ণ 'রাজা ও রাণী'কে গ্রহণ করল, 'তপতী'কে নিল না। জনতা-দৃষ্টের তামাশা, নায়ক-নায়িকার ভাবাবেগোন্নত দীর্ঘ সংলাপ, মঞ্চে ছিন্ন মুণ্ড প্রদর্শন, গীতিবাহুল্য, অপ্রধান বিষয়ের অতিপ্রাধান্য : এই সব ক্রটিই 'রাজা ও রাণী'র জনপ্রিয়তার মূল। বোধ করি, 'সাজাহান', 'চন্দ্রগুপ্ত', 'আলমগীর', 'বজ্রবর্গী', 'সিরাজদ্দৌলা' প্রভৃতি নাটকের জনপ্রিয়তার রহস্য এখানেই নিহিত।

'রাজা ও রাণী' প্রযোজনা করেছিলেন রবীন্দ্রনাথ নিজেই। এলিজাবেথীয় মঞ্চকৌশল এখানে গৃহীত হয়েছিল।

এর পর দ্বিতীয় পূর্ণাঙ্গ নাটক 'বিসর্জন' প্রথম অভিনীত হল সত্যেন্দ্রনাথ ঠাকুরের পার্ক স্ট্রীটের প্রাসাদোপম বাড়ীতে ১৮৯০ খ্রীষ্টাব্দে, তারপর 'সদীত সমাজে' এটি অভিনীত হয়। সেখানে রঘুপতির ভূমিকায় রবীন্দ্রনাথ ও জয়সিংহের ভূমিকায় হেমচন্দ্র বহু-মল্লিক অনবস্ত অভিনয় করেছিলেন। বহু কাল পরে ১৯২৩ খ্রীষ্টাব্দে এম্বারার থিয়েটারে 'বিসর্জন' মঞ্চস্থ হয়; সেদিনের ভূমিকালিপি ছিল : জয়সিংহ—রবীন্দ্রনাথ, সোবিন্দ-

মাণিক্য—গগনেন্দ্রনাথ, রঘুপতি—দিনেন্দ্রনাথ, নন্দমাণিক্য—তপনমোহন চট্টোপাধ্যায়।

প্রযোজনা ও দৃশ্যপটের ক্ষেত্রে রবীন্দ্রনাথের স্বকীয়তা এই অভিনয়ে লক্ষ্য করা যায়। এম্বায়ার থিয়েটারে প্রবীণ রবীন্দ্রনাথের যুবক জয়সিংহের ভূমিকায় অপূর্ব অভিনয় দেখে মুগ্ধ হয়েছিলেন দর্শকবৃন্দ। এই অভিনয়ের স্মৃতিচারণায় শ্রীহেমেন্দ্রকুমার রায় লিখেছেন : “চলনে, কথনে, দেহে ও ভাব-ভাজিতে জয়সিংহ ভূমিকার অভিনেতা যে যুবক নন, এ সত্য খরা পড়ল না একবারও। নিজের পক্ষ ও দীর্ঘ দৃষ্ট পর্বন্ত রবীন্দ্রনাথ স্ত্রীকৌশলে গোপন রাখতে পেরেছিলেন। তাঁর অঙ্গবিন্যাস, স্বরবিন্যাস ও আবৃত্তিকৌশল অমর হয়ে থাকবে—তিনি ছিলেন একবারেই অনমুগরণীয়। গগনেন্দ্রনাথকে দেখে মনে হয়েছিল সেকালের একজন সত্যিকার রাজাকেই দেখলুম। রঘুপতির ভূমিকায় দিনেন্দ্রনাথের মর্মভেদী দৃষ্টি ও বিপুল দেহই কেবল মানানসই হয় নি, তাঁর অভিনয়ও বেশ উৎরে গিয়েছিল।”

(‘সৌখিন নাট্যকলায় রবীন্দ্রনাথ’, পৃ: ৭০)

‘বিসর্জনে’ শেষের দিকে এক দৃশ্যে আছে, কুরু ও কুন্ত রঘুপতি কালী-প্রতিমাকে তুলে দূরে নিক্ষেপ করছেন। এ দৃশ্য বাদ দেওয়া চলে না, অথচ ‘দর্মপ্রাণ’ বাঙালি দর্শক নাকি এ দৃশ্য দেখে কুন্ত হবে, এই আশংকার পাবলিক ঠেজে এ নাটকের অভিনয় হলই না!

রবীন্দ্রনাথ জয়সিংহ, রঘুপতি ও গোবিন্দমাণিক্যের চরিত্র অভিনয় করেছিলেন। বিভিন্ন চরিত্রের বিভিন্ন ভাবপ্রকাশে তাঁর সবাসাচিন্তের পরিচয় এখানে পাই। পেশাদারী নটের কোনো বিশেষ টাইপ চরিত্রের রূপদানে তাঁর খ্যাতি সীমাবদ্ধ ছিল না।

পূর্ণাঙ্গ পঞ্চাঙ্গ নাটক রচনায় রবীন্দ্রনাথ এইখানে ইতি করেন। অভিনয় পরিচালনা ও প্রযোজনায় রবীন্দ্রনাথের কৃতিত্ব ‘রাজা ও রাণী’ ও ‘বিসর্জনে’ দেখা গিয়েছে। স্টার ও এম্বারেলড্ থিয়েটারে সাধারণ দর্শক সমাজের সামনে এ দুটি তিনি মঞ্চস্থ করেছিলেন। তথাপি আমাদের পেশাদারী রঙ্গমঞ্চ এর থেকে কোন শিক্ষাই গ্রহণ করে নি।

‘সমীকৃত-সমাজে’র অভিনয় শিকক ছিলেন রবীন্দ্রনাথ। ‘গোড়ায় গলদ’ (পরে ‘শেব রক্ষা’), ‘বৈকুণ্ঠের খাতা’ ও ‘চিরকুমার সত্য’—তিনটি সামাজিক

গ্রহসন রচনা ও পরিচালনা করেছিলেন রবীন্দ্রনাথ। বাংলা পেশাদারী রঙ্গমঞ্চে গ্রহসন ও কৌতুক নাট্যের নামে যে অল্লীল বা নিম্নকচির পঞ্চরং তামাশা অভিনীত হ'ত, সেক্ষেত্রে রবীন্দ্রনাথের গ্রহসন-রচনা ও অভিনয় সহ ব্যতিক্রম। কিন্তু এও গৃহীত হয় নি।

কেবল শিশিরকুমার ভাঙ্ড়ী এক্ষেত্রে রবীন্দ্রনাথের যোগ্য উত্তরসাধক রূপে দেখা দিয়েছিলেন। ১৯২৮ খ্রীষ্টাব্দে শিশিরকুমারের অভিবোধে রবীন্দ্রনাথ 'গোড়ায় গলদ'কে পরিবর্তিত করে 'শেষ রক্ষা' রচনা করেন; এটির অভিনয় হয় 'নাট্য-মন্দিরে'। ভূমিকা-লিপিতে ছিলেন চন্দ্রবাবু-রূপী শিশিরকুমার, তা' ভাড়া রাধিকানন্দ মুখোপাধ্যায়, যোগেশচন্দ্র চৌধুরী, হীরালাল দত্ত, বিশ্বনাথ ভাঙ্ড়ী, শৈলেন চৌধুরী, চাকুশীলা, প্রভা, কৃষ্ণভামিনী। এই অভিনয়ে শিশিরকুমার নোতুনই দেখিয়েছিলেন—শেষ দৃষ্টে তিনি (চন্দ্রবাবুর ভূমিকায়) রঙ্গমঞ্চ থেকে প্রেক্ষাগারে নেমে এসে দর্শকদের মাঝে বসতেন। এর আগে বাংলা রঙ্গমঞ্চে তা আর কখনো হয় নি। 'গোড়ায় গলদ'র প্রথম অভিনয় হয় 'সঙ্গীত সমাজ'ের উদ্যোগে ১৮৯২ খ্রীষ্টাব্দে। রবীন্দ্রনাথ ছিলেন অভিনয়-শিক্ষাদাতা ও পরিচালক। তিনি কেবল সর্বশেষে হাসির গান গাইবার জন্ত রঙ্গমঞ্চে দেখা দিতেন।

'সঙ্গীত সমাজে'ই ১৮৯৬ খ্রীষ্টাব্দে 'বৈকুণ্ঠের বাহা' অভিনয় হয়। কেদারের ভূমিকায় ছিলেন রবীন্দ্রনাথ, আর অবিনাশ হয়েছিলেন নাটোরের রাজা জগদীন্দ্রনাথ রায়। তেইশ বৎসর পরে ফোড়ানাকোয় 'বিচিত্রা' ক্লাবে এর অভিনয় হয়। মঞ্চসজ্জায় রবীন্দ্রনাথের দক্ষতা সেখানে দেখা গিয়েছিল, রবীন্দ্রনাথের আত্মীয় ও ভক্তেরা তাতে অভিনয় করেন। অথচ পাবলিক স্টেজে এটির অভিনয় হল না, কারণ এতে নারী ভূমিকা নেই! আর 'চির-কুমার সভা' অভিনীত হল স্টার থিয়েটারে আর্ট সঙ্গ্রহালের দ্বারা। স্টারের অভিনয়ে দৃষ্টপট ও মঞ্চসজ্জার ভায় গ্রহণ করেন অবনীন্দ্রনাথ ও সংগীতের দায়িত্ব নেন দিনেন্দ্রনাথ। ভূমিকালিপি : চন্দ্রবাবু—অহীন্দ্র চৌধুরী, রসিক—অপরেণচন্দ্র, অক্ষয়—তিনকড়ি চক্রবর্তী, নীরবালা—নৌহারবালা। কিন্তু এও বেশি দিন চলল না। পরে শিশিরকুমার চন্দ্রবাবু ও রসিক—দুই ভূমিকাভিনয়ে প্রভূত দক্ষতার পরিচয় দেন। রবীন্দ্রনাথের আরেকটি কৌতুক নাট্য—'বন্ধকরণ' অভিনীত হয় ১৯২১ খ্রীষ্টাব্দে মিনার্ভা থিয়েটারে, প্রধান ভূমিকায় ছিলেন রাধিকানন্দ মুখোপাধ্যায়। কিন্তু গিরিশোত্তর পেশাদার

রঙ্গমঞ্চ কোনো দিনই রবীন্দ্রনাথের পূর্ণাঙ্গ পঞ্চাঙ্গ নাটক বা গ্রন্থসমূহ ব্যবহারিক ভিত্তিতে অভিনয়ের জন্য গ্রহণ করে নি।

প্রথম বিশ্বযুদ্ধের সময়ে রবীন্দ্রনাথ চলে গেলেন রূপক ও প্রতীক-নাটকের জগতে। তার প্রযোজনা ও অভিনয় তিনিই করেছিলেন। পেশাদারী রঙ্গমঞ্চ একেজেরে উৎসাহ বোধ করে নি।

রবীন্দ্রনাথের প্রতীক নাটক অভিনয়ের প্রসঙ্গ উল্লেখ করার আগে সামাজিক ও ঐতিহাসিক নাটক অভিনয় সম্পর্কে তাঁর অভিমত আরেকবার স্মরণ করা যাক। ‘রাজা ও রাণী’ ও ‘বিশর্জন’ এই দুই পঞ্চাঙ্গ নাটকের অভিনয় হয়েছিল জোড়াসাঁকো ও পার্ক স্ট্রীটের ঠাকুর-বাড়ীতে। পাবলিক স্টেজেও এ দুই নাটকের অভিনয় ঠাকুর-বাড়ীর লোকেরা করেছিলেন। সেই সঙ্গে গ্রন্থসমূহের (‘গোড়ায় গলদ’, ‘বৈকুণ্ঠের খাতা’ ও ‘চিরকুমার সত্য’) অভিনয় হয়েছিল ‘সঙ্গীত সমাজে’। টিকিট বেচে অভিনয় কয়েকবার হয়েছিল, কিন্তু অধিকাংশ অভিনয়ের ব্যয় বহন করেন ঠাকুর-বাড়ী। দর্শক ছিলেন কলকাতার সম্রাট নাগরিকসকল। পেশাদারী রঙ্গমঞ্চের অভিনেতৃবর্গ ছু একবার এ অভিনয় দেখেছিলেন, কিন্তু তাঁরা এর থেকে কোন প্রেরণা পান নি।

দৃশ্যগণের ছেলেমানুষি সম্পর্কে রবীন্দ্রনাথের বিরূপতা ছিল; সে বিষয়ে ‘রঙ্গমঞ্চ’ প্রবন্ধযুক্ত অভিমত বিস্তারিত উদ্ধার করেছি। অস্বাভাবিক যৌগিকাদাতিক অভিনয় সম্পর্কেও তাঁর বিরূপতা ছিল। রবীন্দ্রনাথ স্পষ্ট ভাষায় বলেছেন: “রঙ্গমঞ্চে প্রায়ই দেখা যায়, মাহুকের হৃদয়বেগকে অত্যন্ত বৃহৎ করিয়া দেখাইবার জন্য অভিনেতার কণ্ঠস্বরে ও অঙ্গভঙ্গি জবরদস্তি প্রয়োগ করিয়া থাকে। তাহার কারণ এই যে, যে-ব্যক্তি সত্যকে প্রকাশ না করিয়া সত্যকে নকল করিতে চায় সে মিথ্যা সাক্ষ্যদাতার মতো বাড়াইয়া বলে। সংঘম আশ্রয় করিতে তাহার সাহস হয় না। আমাদের দেশের রঙ্গমঞ্চে প্রত্যাহাই মিথ্যাসাক্ষীর সেই গলদঘর্ম ব্যাঘ্রম দেখা যায়। কিন্তু, এ সম্বন্ধে চূড়ান্ত দৃষ্টান্ত দেখিয়াছিলাম বিলাতে। সেখানে বিখ্যাত অভিনেতা আর্ভিঙের ‘হ্যামলেট’ ও ‘ক্লাইড অক লামার্মুর’ দেখিতে গিয়াছিলাম। আর্ভিঙের প্রচণ্ড অভিনয় দেখিয়া আমি হতবুদ্ধি লইয়া গেলাম। এরূপ অসংযত আভিযো অভিনেতব্য বিবয়ের অস্বাভাবিকতা একেবারে নষ্ট করিয়া ফেলে; তাহাতে কেবল বাহিরের দিকেই দোলা দেয়, গভীরতার মধ্যে প্রবেশ করিবার এমন বাধা তো আমি আর কখনো দেখি নাই।” (‘পথের সঙ্গ’)

অসংবত আভিনয়া, অস্বাভাবিকতা ও কৃত্রিমতা বাংলা রঙ্গমঞ্চে বহুকাল প্রভুত্ব করেছে, আজো তা সম্পূর্ণ লুপ্ত হয় নি। প্রযোজক রবীন্দ্রনাথের বিদ্রোহ এরই বিকসে। পরবর্তী প্রতীক নাটকাত্মিনয়ে এই বিদ্রোহ ও নোতুন সৃষ্টি পূর্ণতর রূপে দেখা দিল।

॥ ৩ ॥

এরপর রবীন্দ্রনাথের প্রতীক-নাটক ও নৃত্যনাট্যের যুগ।

প্রতীক-নাটক ‘রাজা’ অভিনয়ের জন্ত বাংলা দেশের জনসাধারণ একেবারেই প্রস্তুত ছিল না, একথা অনস্বীকার্য। এখনো পঞ্চদশ দর্শক রঙ্গমঞ্চে চাক্ষুষ হুল ঘটনার অভিনয় দেখতে পেলে খুসী হয়। এলিজাবেথীয় নাট্যাভিনয়ের চমৎকার উপাদান ও ভাবাবেগোন্নত দীর্ঘ সংলাপযুক্ত আবেগোচ্ছ্বসিত অভিনয়ের মোহ আজো সম্পূর্ণ অপসৃত হয় নি।

দর্শকরা যে তৈরী ছিল না তার পরিচয়স্থল ১৯২৭ খ্রীষ্টাব্দে স্টার থিয়েটারে ‘পরিভ্রাণ’-এর অভিনয়। ‘বৌ-ঠাকুরাণীর হাট’-এর অভিনয় বাঙালি দর্শক সাদরে গ্রহণ করেছিল, কিন্তু ‘প্রায়শ্চিত্ত’ বা ‘পরিভ্রাণ’কে গ্রহণ করে নি, যেমন করেনি ‘রাজা ও রাণী’র সংস্কৃতরূপ ‘তপতী’র নাট্যাভিনয়। শক্তিমান গায়ক-নট তিনকড়ি চক্রবর্তী ‘পরিভ্রাণে’র ঐ অভিনয়ে ধনঞ্জয় বৈরাগী ভূমিকায় অভিনয় করেন, কিন্তু তা সাদরে গৃহীত হয় নি।

নাট্যসাহিত্যে ও নাটকাত্মিনয়ের ক্ষেত্রে ‘রাজা’ পূর্বতুলনারহিত। এর সূক্ষ্ম মর্য্যাবেদন গৃহীত হল না। আমাদের পেশাদার রঙ্গালয়ের দৃঢ়প্রতিষ্ঠ ধ্যানধারণা ও সংস্কারের মধ্যে ‘রাজা’ বা তার সংস্কৃত রূপ ‘অরুণরতনে’র কোনো ঠাঁই ছিল না।

প্রযোজক রবীন্দ্রনাথের কৃতিত্ব নোতুনরূপে দেখা গেল ‘অরুণরতনে’র অভিনয়ে শান্তিনিকেতনে (১৯২৪ খ্রীষ্টাব্দে)। রবীন্দ্রনাথ ভাবাভিনয় প্রবর্তন করলেন—নট-নটীরা করলেন মুক ভাবাভিনয় আর তাদের মুখে ভাষা দেবার জন্ত নাটকের সংলাপ আবৃত্তি করলেন মঞ্চাসীন নাট্যকার রবীন্দ্রনাথ স্বয়ং। পরে তিনি নৃত্যাভিনয়ের সঙ্গে আবৃত্তি প্রচলন করলেন শান্তিনিকেতনে; ‘শাপমোচন’, ‘নটীর পূজা’ নৃত্যাভিনয় তার পরিচয়। ‘রাজা’ বা তার সংস্কৃত-রূপ ‘অরুণরতন’, ‘শাপমোচন’ ও ‘অচলারতন’ বা তার সংস্কৃতরূপ ‘শুক’ অভিনীত হল শান্তিনিকেতনে। মুকাভিনয়, নৃত্যাভিনয়ের সঙ্গে যুক্ত হল

আবৃত্তি ও যন্ত্রসংগীত। কলকাতার পেশাদারী রঙ্গমঞ্চের স্বর্নকরা এতে না পেল রস, না পেল এর নোতুন আশ্বাদ।

এরপর ‘ডাকঘর’, ‘ফাল্গুনী’, ‘মুক্তধারা’, ‘রক্তকরবী’। প্রত্যেক রূপলোক থেকে অপ্রত্যেক ভাবলোকে মহৎ শিল্পীর ঘাঘার অপূর্ব কাহিনী লিপিবদ্ধ হল প্রতীক নাটকগুলিতে। জোড়াসাঁকো ঠাকুর-বাড়ীতে ১৯১৫ খ্রীষ্টাব্দে অভিনীত হল ‘ফাল্গুনী’, রবীন্দ্রনাথ গ্রহণ করেছিলেন অঙ্ক বাউলের ভূমিকা। প্রথম বিশ্বযুদ্ধের কালেই রণবিধ্বস্ত ইউরোপে ‘ডাকঘর’ (Post Office) অভিনীত ও আদৃত হল। তখনও বাংলাদেশে ‘ডাকঘর’ অভিনীত হয় নি। তবে কি এদেশে তা সম্ভবপর নয়? এর উত্তর মিলল ১৯১৭ খ্রীষ্টাব্দে, জোড়াসাঁকো ‘বিচিত্রা’রূপে ‘ডাকঘর’ সাফল্যের সঙ্গে অভিনীত হল। ভূমিকালিপি ছিল: ঠাকুরদা—রবীন্দ্রনাথ, মাধব—গগনেন্দ্রনাথ, মোড়ল—অবনীন্দ্রনাথ, দইওয়ালী—অসিতকুমার চালদার, অমল—আশামুসল দাশ ও হুধা—সুরূপা (অবনীন্দ্রনাথের কনিষ্ঠা কন্যা)।

‘ফাল্গুনী’, ‘ডাকঘর’, ‘মুক্তধারা’, ‘রক্তকরবী’ এই চার নাটকের দৃশ্যপট ও মঞ্চসজ্জা আমাদের দেশে অভূতপূর্ব। কিন্তু পেশাদারী রঙ্গমঞ্চে এর কোনো প্রভাবই পড়ে নি।

প্রথম বিশ্বযুদ্ধের কিছু আগে পর্যন্ত গিরিশচন্দ্র ঘোষ, মহেন্দ্রলাল বসু, অর্ধেন্দ্রশেখর মুখার্জী, অমৃতলাল বসু, অমৃতলাল মিত্র জীবিত ছিলেন। ১৯০২ থেকে ১৯১১-র মধ্যে এঁরা লোকান্তরিত হন। কেবল রইলেন গিরিশ-পুত্র দানীয়াবু। রবীন্দ্রনাথ যখন নাটক রচনা, পরিচালনা ও প্রযোজনায় বিপ্লব ঘটান, মঞ্চসজ্জা ও দৃশ্যপটে যুগান্তর আনলেন, মঞ্চ-সংগীতে ও আবহ-সংগীতে নোতুন ধারা প্রবর্তন করলেন, তখন পেশাদার রঙ্গমঞ্চের কীতিমান নট-নাট্যকার-পরিচালকরা কিছুমাত্র প্রভাবিত হলেন না। বাংলা পেশাদার রঙ্গমঞ্চের পক্ষে এটি দুর্ভাগ্যের কথা। ফলে একদিকে যখন ‘ফাল্গুনী’ ও ‘ডাকঘর’ নোতুন যুগের সূচনা করছে, অপর দিকে ‘কণ্ঠহার’, ‘বলে বগী’, ‘মোগল পাঠান’, ‘কিররী’ ও ‘দেবলাদেবী’ সমারোহে অভিনীত হচ্ছে ও পেশাদার রঙ্গমঞ্চের মালিকরা প্রভূত অর্থ উপার্জন করছেন।

কেবল শান্তিনিকেতনে নয়, কলকাতাতেও ‘ফাল্গুনী’র অভিনয় হল। ১৯১৬ খ্রীষ্টাব্দে বাবুদার ডুডিকে অর্থ সাহায্যের জন্য কলকাতার ‘ফাল্গুনী’ অভিনীত হল। মঞ্চসজ্জা ও দৃশ্যপটে, আবহসংগীত ও আলোক-প্রক্ষেপণে অভিনব

দেখা গেল। রাজার ভূমিকার গগনেন্দ্রনাথ, ঠাকুরদার ভূমিকার অবনীন্দ্রনাথ ও সর্বোপরি অঙ্ক বাউলের ভূমিকার রবীন্দ্রনাথের অভিনয় বাংলা রঙ্গমঞ্চে এক নোতুন যুগের সূচনা করল। নাট্য-প্রযোজক রবীন্দ্রনাথের প্রয়োগনৈপুণ্যের চূড়ান্ত পরিচয় এই অভিনয়ে পাওয়া গেল। প্রেক্ষাগারের দর্শকেরা শুনলেন নোতুন বাণী—‘অতুর নাট্যে বৎসরে বৎসরে শীত বুড়োটার চন্দ্রবেশ খসিয়ে তার বসন্ত রূপ প্রকাশ করা হয়, দেখি পুরাতনটাই নতুন। ... বিশ্বের মধ্যে বসন্তের যে লীলা চলছে, আমাদের প্রাণের মধ্যে যৌবনের সেই একই লীলা! বিশ্বকবির সেই গীতিকাব্য থেকেই তো ভাব চুরি করেছি!’—এই বাণীতেই বাংলা রঙ্গমঞ্চে নোতুনের পদধ্বনি শোনা গেল।

সেদিনের ‘ফাল্গুনী’ নাট্যাভিনয়ের প্রত্যক্ষদর্শী শ্রীহেমেন্দ্রকুমার রায় এই অপূর্ব অভিনয়ের স্মৃতিরোমস্থান করতে গিয়ে বলেছেন : “তারপর রবীন্দ্রনাথের আবির্ভাব অঙ্ক বাউলের ভূমিকায়। ... প্রাচীন বাউল, দেহে যৌবনের চিহ্ন মাত্র নেই। কিন্তু বার্ষ্যক যে শ্রীমন্ত হতে পারে, তার দিকে তাকালে সেটা বুঝতে বিলম্ব হয় না। বাউল অঙ্ক বটে, কিন্তু আত্মার মহান দৃষ্টিতে তার মৌখিক ভাব দীপ্যমান। হাতে একতারা নিয়ে বাউল মনোহর নাচের ভঙ্গীতে গান ধরলে—‘ধীরে বন্ধু ধীরে’। সে কি জদয়গ্রাহী সঙ্গীত, রাগিণীর বন্ধারে তার কি গভীর ভাবের অভিব্যক্তি! যে কোনো মূর্খিত চিন্তাও তার ধ্বনির ইন্দ্রজালে মুহূর্তে সচেতন হয়ে উঠতে পারে! সেই অপূর্ব স্বর-স্বরধ্বনীর সঙ্গে বাউলের সমস্ত অন্তরাহ্মা যেন বিগলিত হয়ে প্রোতাদের প্রবণমনের উপরে করে পড়তে লাগল। কত সেরা সেরা গুণীর গান শুনেছি কিন্তু মানসচোখে আর কাকুর কণ্ঠধ্বনির মধ্যে তেমনভাবে অরূপকে রূপধারণ করতে দেখি নি। এ আমার অভিবাদ নয়, সেদিনকার প্রেক্ষাগারে যে ভাগ্যবানরা উপস্থিত ছিলেন তাঁরা সকলেই আমার কথায় সাধ দিয়ে বলবেন, সঙ্গীতের তেমন রূপধারণ ধারণাতীত। এডওয়ার্ড টমসন সেই গীতাভিনয় দেখে বলেছিলেন : “Not often can men have seen a stage part so piercing in its combination of fervid action with personal significance. It was almost as if Milton had acted his own Samson Agonistes.” (‘সৌখীন নাট্যকলায় রবীন্দ্রনাথ’, পৃ: ১২২)

সাধারণ রঙ্গমঞ্চে রবীন্দ্রনাথের শেষ অভিনয় ১৯০৪ খ্রীষ্টাব্দে ছটি নাটকে—‘শারদোৎসবে’ সন্ন্যাসীর ভূমিকায় ও ‘অকর্ণরতনে’ অদৃষ্টরাজার নেপথ্য-

ভূমিকায়। সেদিন পঁচাত্তর বৎসর বয়সে রাজার বাহুর ভূমিকায় রবীন্দ্রনাথ নিউ এম্পায়ার রঙ্গমঞ্চে স্থরেল। কণ্ঠের ইঙ্গজাল রচনা করে অদৃষ্ট রাজা-চরিত্রটিকে দর্শকের কাছে প্রত্যক্ষ করে তুলেছিলেন। সমসাময়িক পেশাদার রঙ্গমঞ্চে স্রষ্টাধীন বাচনিক অভিনয়ের সঙ্গে এই বাহুর অভিনয়ের আসমান-অমিন পার্থক্য ছিল। কৃত্রিমতা ও সংযমহীনতা পেশাদারী অভিনয়কে করেছিল বার্ষ, আর স্বাভাবিকতা ও শিল্পসংযম রবীন্দ্রনাথের অভিনয়কে করেছিল সার্থক।

পেশাদারী থিয়েটারের বাচনিক অভিনয়ে রবীন্দ্রনাথের একমাত্র উত্তর-সাধক ছিলেন প্রতিভাবান শিশিরকুমার। বাচনিক অভিনয়ে স্বাভাবিকতা, স্রষ্টাধীনতা ও শিল্পসংযম তিনি রক্ষা করেছিলেন।

আর স্বত্বনাট্যাভিনয়ের সূচনা হয় জোড়াসাঁকো ঠাকুর-বাড়ীতে ১৯২১ খ্রীষ্টাব্দে ‘বর্ধমান’ অভিনয়ে। এই গীতাভিনয় শেষ পর্যন্ত স্বত্বনাট্যে পরিণত হয়—‘বসন্তোৎসব’, ‘শেষবর্ষণ’, ‘নবীন’, ‘সুন্দর’, ‘প্রাবণগাথা’ তার পরিচয়স্বল। নৃত্যগীতে সক্রিয় অংশ গ্রহণ না করেও মঞ্চের একপ্রান্তে বসে রবীন্দ্রনাথ স্রষ্টাধারের দায়িত্ব গ্রহণ করতেন, ব্যাখ্যা ও আবৃত্তি সহযোগে নৃত্যগীতকে প্রাণময় করে তুলতেন। এই বিষয়েও প্রযোজক রবীন্দ্রনাথের কৃতিত্ব দ্বিতীয়-রহিত এবং অসামান্য। সমস্ত নৃত্যগীতাভিনয় সেই প্রতিভাধরের অসাধারণ ব্যক্তিত্বের কর্তৃত্বের ইঙ্গজালে প্রভাবিত হ’ত।

১৯২৬ খ্রীষ্টাব্দে রবীন্দ্রনাথের নির্দেশে ‘নটীর পূজা’ অভিনীত হয়। একটি মাত্র প্রধান চরিত্র নটীর ভূমিকায় নৃত্যাভিনয় করলেন শিল্পাচার্য নন্দলাল বসুর কস্তা স্রীমতী গৌরী দেবী। ‘নটীর পূজা’র যার সূচনা ‘চণ্ডালিকা’, ‘তাসের দেশ’ ও ‘জামা’ নৃত্যানাট্যে তার সকল পরিণতি। তাই নৃত্যানাট্য তথা স্বত্বনাট্যের প্রযোজক রূপেও রবীন্দ্রনাথের কৃতিত্ব বারবার স্মরণযোগ্য। একটি প্রশ্ন থেকে যায়—রবীন্দ্রনাথের নাট্যাঙ্গণ কি আমাদের রঙ্গমঞ্চে একে-বারেই গৃহীত হয় নি? হয়েছে, পেশাদারী রঙ্গমঞ্চের শোচনীয় ব্যর্থতার পাশে উজ্জল হয়ে আছে শৌখীন নাট্যসম্রদায়ের কৃতিত্ব। বহুরূপী-অভিনীত ‘রক্ত-করবী’ তার উজ্জল পরিচয়।

দৃশ্যপটের প্রকৃষ্ট থেকে, অস্বাভাবিক মেলোড্রামাটিক অভিনয়ের চুই প্রভাব থেকে এবং স্থল ঘটনা উপস্থাপনের ছেলেবাহু থেকে বাংলা রঙ্গমঞ্চে রবীন্দ্রনাথ মুক্তি দিয়েছেন। ‘রঙ্গমঞ্চ’ প্রবন্ধে যা বলেছেন, তা প্রযোজক রবীন্দ্রনাথ স্বর্গীয় অভিনয়শিল্প সাধনায় বাস্তবে রূপায়িত করেছেন।

রবীন্দ্রনাটকে সমাজচিন্তা

॥ ১ ॥

রবীন্দ্রনাথ বচনে-চিন্তনে লেখনে-মননে আচারে-ব্যবহারে সর্বদ্বীন আধুনিক ছিলেন। কোন আপত্তিবাক্য বা শাস্ত্রনির্দেশকে বিনা বিচারে মেনে নিতে প্রস্তুত ছিলেন না। সেকারণে স্বদেশী যুগ থেকে দ্বিতীয় বিশ্বযুদ্ধ পর্যন্ত দীর্ঘ চল্লিশ বছর ধরে তাঁকে অনেক বিরোধিতার সম্মুখীন হতে হয়েছে। মনের মুক্তিকে তিনি জীবনে প্রধান স্থান দিয়েছিলেন, এই মুক্তি যেখানে ব্যাহত হয়েছে সেখানেই তাঁর কণ্ঠে প্রতিবাদ ধ্বনিত হয়েছে।

কবি একথা বলেছিলেন, “যারা আমাদের জ্ঞানবার কিছুমাত্র চেষ্টা করেছেন, এতদিনে অন্তত তাঁরা একথা জেনেছেন যে, আমি জীব জগতে জন্মগ্রহণ করি নি। আমি চোখ মেলে যা দেখলুম চোখ আমার কখনো তাতে ক্লান্ত হ’ল না, বিশ্বের অন্ত পাই নি।” [‘আত্মপরিচয়’]

রবীন্দ্রনাথ নোতুন ভারতবর্ষে তথা নোতুন পৃথিবীতে জন্মগ্রহণ করেছিলেন, একথা অবশ্যস্বীকার্য। তিনি সমগ্র জীবনের সাহিত্যসাধনায় একথা বারবার উপলব্ধি করেছিলেন যে ‘পুরানো সঞ্চয় কিনে বেচাকেনা আর চলবে না।’ নোতুন যুগের স্বর্ণঘর খোলার কাজে পৃথিবীর সর্বত্র ধারা আত্মনিয়োগ করেছেন, কবি সোৎসাহে সর্বদা তাঁদের সমর্থন করেছিলেন। উনিশ শতকের মূল্যবোধগুলি ক্ষত ভেঙে পড়েছে, তার স্থানে আসছে জীবনের নোতুন মূল্যবোধ, এ তিনি চোখের সামনেই দেখেছিলেন এবং তাকে এড়িয়ে যান নি। একারণে তাঁকে ঘরে বাহিরে কম দুষ্ট পেতে হয় নি, তার বিস্তারিত পরিচয় রয়েছে ‘রবীন্দ্রনাথের রাষ্ট্রনৈতিক মত’ প্রবন্ধে [‘কালান্তর’]।

আমাদের আত্মপ্রত্যাহার ও নীচতা, পরত্নীকাতরতা ও ঈর্ষা, অবিশ্বাস ও হীন সংশয় দেখে রবীন্দ্রনাথ বেদনা অনুভব করেছেন এবং পরিপূর্ণ মহান্যস্তের শোচনীয় অভাব প্রত্যক্ষ ক’রে মনে-মনে পীড়িত হয়েছেন। সমাজচিন্তায় তিনি আত্মনিয়োগ করেছিলেন, তার পরিচয় রবীন্দ্রসাহিত্যে বিকীর্ণ হয়ে আছে। খুব স্পষ্ট ভাষায় রবীন্দ্রনাথ বলেছেন, মানবতার

অপমান বে-বেশে নিরতই ঘটছে, সে-দেশ আপন নিগড়ে আবদ্ধ, তার মুক্তি হতে পারে না। মুক্তিসাধনার পথ কোথায়? এই জিজ্ঞাসার উত্তরে রবীন্দ্রনাথের স্পষ্ট বক্তব্য :

“আমাদের নিজের দেশ যে আমাদের নিজের হয় নি তার প্রধান কারণ এ নয় যে, এ দেশ বিদেশীর শাসনাধীনে। আসল কথাটা এই যে, যে দেশে দৈবক্রমে জন্মেছি মাত্র সেই দেশকে সেবার দ্বারা, ত্যাগের দ্বারা, তপস্কা দ্বারা, জ্ঞানার দ্বারা, বোঝার দ্বারা সম্পূর্ণ আত্মীয় করে তুলি নি; একে অধিকার করতে পারি নি। নিজের বুদ্ধি দিয়ে, প্রেম দিয়ে যাকে গড়ে তুলি তাকেই আমরা অধিকার করি; তারই পূরে অস্ত্রের আমরা মরে গেলেও সঙ্ক করতে পারি নে। কেউ কেউ বলেন, আমাদের দেশ পরাধীন বলেই তার সেবা সম্বন্ধে দেশের লোক উদাসীন। এমন কথা শোনবার যোগ্য নয়। সত্যকার প্রেম অশ্রুতুল প্রতিফুল সকল অবস্থাতেই সেবার ভিত্তি দিয়ে স্বতই আত্মত্যাগ করতে উত্তম হয়। বাধা পেলে তার উত্তম বাড়ে বই কমে না। আমরা কংগ্রেস করেছি, তীব্র ভাষায় হৃদয়বেগ প্রকাশ করেছি; কিন্তু যে-সব অভাবের তাড়নায় আমাদের দেহ রোগে জীর্ণ, উপবাসে শীর্ণ, কর্ণে অপটু, আমাদের চিত্ত অঙ্কসংস্কারে ভারাক্রান্ত, আমাদের সমাজ শতধণ্ডে খণ্ডিত, তাকে নিজের বুদ্ধির দ্বারা, বিজ্ঞার দ্বারা, সংঘবদ্ধ চেষ্টা দ্বারা দূর করবার কোনো উদ্যোগ করি নি। কেবলই নিজেকে এবং অন্তকে এই বলেই ভোলাই যে, যেদিন স্বরাজ হাতে আসবে তার পরদিন থেকেই সমস্ত আপনিই ঠিক হয়ে যাবে। এমনি করে কর্তব্যকে হৃদয়ে ঠেকিয়ে রাখা। অকর্মণ্যতার শূণ্যগর্ভ কৈফিয়ত রচনা করা, নিকর্যম দুর্বল চিত্তেরই পক্ষে সম্ভব।” (তদেব)

সমাজচিন্তাপ্রধান রবীন্দ্র-নাটকের এই যোগ্য পটভূমি থেকে বর্তমান আলোচনার সূচনা।

॥ ২ ॥

হিন্দুসমাজের বিচারহীন মূঢ়তাকে রবীন্দ্রনাথ প্রথম আঘাত করেছেন ‘বিসর্জন’ নাটকে (১৮৯০)। বাংলাদেশের সমাজে ও মধ্যযুগীয় কাব্যে মেহে-মেহতাব অত্যাচারকে রবীন্দ্রনাথ তীব্র নিন্দা করে বলেছিলেন, “এক কালে পুরুষ-দেবতা যিনি ছিলেন তাঁর বিশেষ কোনো উপজীব ছিল

না। খামকা মেয়ে-দেবতা জোর করে এসে বাঘনা ধরলেন, ‘আমার পুজো চাই।’ অর্থাৎ ‘যে জায়গায় আমার দখল নেই, সে জায়গা আমি দখল করবই।’ তোমার দলিল কী? গায়ের জোরে। কী উপায়ে দখল করবে? যে উপায়েই হোক। তারপরে যে সকল উপায় দেখা গেল মাহুঘের সদ্বুদ্ধিতে তাকে সতুপায় বলে না। কিন্তু পরিণামে এই সকল উপায়েই জয় হল। ছলনা অস্ত্রায় এবং নিষ্ঠুরতা কেবল যে মন্দির দখল করল তা নয়, কবিদের দ্বিগুণ মন্দির। বাজিয়ে-চামর ছুঁয়ে আপন জয়গান গাইয়ে নিলে। লজ্জিত কবিতা কৈফিয়ত দেবার ছলে মাথা চুলকিয়ে বললেন, ‘কী করব, আমার উপর স্বপ্নে আদেশ হয়েছে।’ এই স্বপ্ন একদিন আমাদের সমস্ত দেশের উপর ভর করেছিল।” [বাতায়নিকের পত্র, ৪, ‘কালান্তর’]

আমাদের কর্তব্য নির্দেশ করে রবীন্দ্রনাথ বলেছেন, আমাদের দেশে ধর্মের নামে অস্ত্রায়কে সত্য বলে প্রতিষ্ঠিত করার চেষ্টা মাঝ হচ্ছে। “এই বড়ো দুঃসময়ে কামনা করি, শক্তির বীজসত্যকে কিছুতে আমরা ভয়ঙ্কর করব না, ভক্তিও করব না, তাকে উপেক্ষা করব, অবজ্ঞা করব।” [বাতায়নিকের পত্র, ১, তদেব]

‘বিসর্জন’ নাটকে বলিদানের বিরুদ্ধে, শক্তির বীজসত্যের বিরুদ্ধে, প্রতিমা পূজার বিরুদ্ধে নাট্যকারের কঠোর প্রতিবাদ প্রদর্শিত হয়েছে। ধর্মবিহীন নিষ্ঠুর আচার ধর্মের অঙ্গ হতে পারে না : শাক্ত রঘুপতি ও প্রেমধর্মী গোবিন্দমাণিক্যের মধ্যে সংঘর্ষে এই বক্তব্যই প্রাধান্য লাভ করেছে। জ্ঞানবজ্রিত ও প্রেমবিহীন কর্ম যে সহজেই বিকৃতি প্রাপ্ত হয় এবং অন্ধ নিষ্ঠুর আচারে পরিণত হয়, ফলে মানবজীবনে মূঢ়তারই প্রতিষ্ঠা হয়, ‘বিসর্জন’ নাটকের এটাই মূল কথা। আমাদের ধর্মজীবনে মূঢ়তার আশ্রয়ে যে জয়সিংহের মতো কত মহৎ প্রাণের শোচনীয় বিসর্জন ঘটে, তার প্রতি নাট্যকার আমাদের দৃষ্টি আকর্ষণ করেছেন। গোবিন্দমাণিক্যের জীবনে ট্রাজেডি ঘটেছে, তা হল মহৎপ্রাণ ব্যক্তির ঐকান্তিক ধর্মনিষ্ঠার আপোহীন সংগ্রাম ও অসুখশ্রী দুঃখের ট্রাজেডি। আর রঘুপতির ট্রাজেডি নির্মম আচার ও অহংকারের প্রতি আত্মগত্যের ফলরূপ দুঃখলাভের ও ধর্মের বস্ত্র হারানোর ট্রাজেডি।

‘ম্যালিনী’ নাটকেও (১৮৯৬) ধর্মবিরোধের ট্রাজেডি-আলেখ্য পাই। সনাতন ধর্মের বাহক ক্ষেমকর ও নব মানবধর্মের বাহিকা ম্যালিনীর মধ্যে

যে প্রচণ্ড সংঘর্ষ উপস্থিত হয়েছে, তার মধ্যে পড়ে হুগ্গিরের শোচনীয় মৃত্যু ঘটেছে—কলে কেমব্রিজ হারিয়েছে তার প্রিয় বন্ধুকে, আর মালিনী তার প্রেমোপসর্গকে। শাক্তধর্ম ও প্রেমধর্মের দ্বন্দ্ব এখানে নোতুন আধারে পরিবেশিত হয়েছে। প্রেমধর্ম ক্রমের ধর্ম এবং সে ধর্মই প্রকৃত ধর্ম—এই বোধের আলোকে নাটকটি আলোকিত হয়েছে। স্বর্ণ মিথ্যা, দেবতা মিথ্যা, বজ্র মিথ্যা, সত্য হল দয়া, ক্ষমা, প্রেম। তা-ই প্রকৃত ধর্ম। ‘বিসর্জন’ ও ‘মালিনী’ নাটকে নাট্যকার হিন্দুসমাজের বিচারহীন মৃত ধর্মাচারকে সাহসের সঙ্গে আঘাত করেছেন।

‘বিসর্জন’ ও ‘মালিনী’ নাটকে রবীন্দ্রনাথ তাঁর জীবনদর্শনকে প্রচার করেছেন। প্রেমচীন জ্ঞান, বিচারহীন কর্ম যে মানুষকে ছোট করে, তারই পরিচয় এ দুটি নাটকে বিধৃত হয়েছে। বোধ করি একথা বললে ভুল হবে না যে, রবীন্দ্র-নাটকের সমাজচিন্তা আসলে রবীন্দ্রসামাজিক দর্শনচিন্তার প্রতিকরণ। ইয়োরোপের বিজ্ঞানভিত্তিক দর্শনচিন্তাকে উপনিষদের কবি কত গভীরভাবে গ্রহণ করেছিলেন, তার পরিচয় হল রবীন্দ্র-নাটক। জীর্ণ সমাজধর্মের প্রতি আত্মগতো তা প্রকাশিত নয়, বিচারহীন ধর্ম-বিশ্বাসের প্রতি ভীতিমিশ্রিত প্রজ্জ্বলি অর্পণে তা ব্যক্ত নয়, সমষ্টিজীবনের অন্ধ মূঢ়তায় তা পর্দাবসিত নয়। সমাজের অচলারতনকে আধুনিক পৃথিবীর নাট্যকার রবীন্দ্রনাথ ভেঙে ফেলতে চেয়েছেন।

বিশ শতকের সূচনা থেকেই ইয়োরোপের জীবনে সংকট ঘনীভূত হতে থাকে, প্রথম বিশ্ব সমরে তার প্রচণ্ড আত্মপ্রকাশ (১৯১৪-১৮)। গণতন্ত্রের প্রসার, সাম্রাজ্যবাদের রণছকার, সাধারণ মানুষের আত্মপ্রতিষ্ঠার আন্দোলন, হুনিয়াব্যাপী বাণিজ্যিক সংকট, ঔপনিবেশিক শক্তির এশিয়া-আফ্রিকা অভিযান—এ পথের মধ্য দিয়ে ইয়োরোপ পা ফেলে এগিয়ে চলেছে। তার প্রতি পরক্ষণে কর্মের উদ্ভাবনা, পতির নেশা, জীবনের সর্বক্ষেত্রে আত্মবিস্তারের উত্তেজনা। আর আমাদের ভারতবর্ষ? তা বড়ো ক্লান্ত, বড়ো প্রান্ত! মধ্যযুগের আত্মতুষ্ট কলহমুখরিত আচারবদ্ধ সংকীর্ণ ক্ষেত্রে ভারতবর্ষ আবদ্ধ। এই দুই বিপরীত জীবনের চিত্রটি রবীন্দ্রনাথ ‘বিশেষ’ প্রবন্ধগ্রন্থে স্পষ্টভাবে তুলে ধরেছেন। আমাদের ভারতবর্ষ অচলারতন—প্রাচীন সামন্ততন্ত্র। ধর্ম সেখানে পুথিতে আবদ্ধ, ব্যক্তি সমাজ-অনুশাসনের অধীন, স্বাধীন বিচারবুদ্ধি সে রাজ্য থেকে নির্বাসিত।

‘নৈবেদ্য’র কবির উপনিষদীয় শাস্তি ভঙ্গ হয়েছে ‘বলাকা’ কাব্যে, নৌড়া হিন্দু পোয়ার মোহভঙ্গ হয়েছে ‘গোরা’ উপন্যাসে, আর ‘শারদোৎসব’ নাটকের স্বপ্ন ভঙ্গ হয়েছে ‘অচলায়তন’ নাটকে। বস্তুত প্রথম বিশ্বসমরের সূচনা-লগ্ন কেবল ইয়োরোপের জীবনে নয়, রবীন্দ্রনাথের জীবনেও মুক্তিলাভ। ‘বলাকা’ কাব্যে তারই সোচ্চার ইঙ্গিত। পুরোনো সঞ্চয় নিয়ে বেচাকেনার দিন অবসিত, অজানা সমুদ্রপথে যাত্রার লগ্ন সমাসন্ন, ছোট হৃৎ ছোট তুলি ছোট শান্তির দিন অতিক্রান্ত, আজ মহৎ দুঃখ, মহৎ অশান্তি, মহৎ বেদনার দিন।

‘অচলায়তন’ নাটকের প্রেরণার পরিচয় দিতে গিয়ে নাট্যকার স্পষ্ট ভাষায় বলেছেন, “দেশের মধ্যে এমন অনেক আবর্জনা স্তূপাকার হইয়া উঠিয়াছে যাহা আমাদের বুদ্ধিকে, শক্তিকে, ধর্মকে চারিদিকে আবদ্ধ করিয়াছে। সেই কৃত্রিম বন্ধন হইতে মুক্তি পাইবার জন্য এদেশে মানুষের আত্মা অহরহ কাদিতেছে—সেই কান্নাই ক্ষুধার কান্না, নারীর কান্না, অকালমৃত্যুর কান্না, অপমানের কান্না। সেই কান্নাই নানা নাম ধরিয়া আমাদের প্রত্যেকের মধ্যে এমন একটা ব্যাকুলতার সঞ্চার করিয়াছে, সমস্ত দেশকে নিরানন্দ করিয়া রাখিয়াছে এবং বাহিরে সকল আঘাত সত্ত্বেই তাহাকে এমন একান্তভাবে অসহায় করিয়া তুলিয়াছে। ইহার বেদনা কি প্রকাশ করিব না? কেবল মিথ্যা কথা বলিব এবং সেই বেদনার কারণকে দিনরাত্রি প্রশ্রয় দিতেই থাকিব?... আমরা কেবলই আপনাকে ভুলাইতে চেষ্টা করিয়াছি যে সমস্ত অপরাধ বাহিরের দিকেই; আপনার মধ্যে যেখানে সকলের চেয়ে বড় শত্রু আছে, যেখানে সকলের চেয়ে ভীষণ লড়াই প্রতীক্ষা করিতেছে, সেদিকে কেবলই আমরা মিথ্যার আড়াল দিয়া আপনাকে বাঁচাইবার চেষ্টা করিতেছি। কিন্তু আমি বলিতেছি আমার পক্ষে প্রতিদিন ইহা অসম্ভব হইয়া উঠিয়াছে। আমি প্রাণের ব্যাকুলতায় শিকল নাড়া দিয়াছি—সে শিকল আমার এবং সে শিকল সকলের। নাড়া দিলে হয়তো পায়ে বাজে—বাজিবে না তো কী? শিকল যে শিকলই, সেই কথাটা যেমন করিয়াই হউক জানাইতে হইবে।...ইহাতে যদি মার খাইতে হয় তো মার খাইব, তাই বলিয়া নিরস্ত হইতে পারিব না।”

‘অচলায়তন’ রচনার যে প্রেরণা এখানে নাট্যকার ব্যক্ত করেছেন, তাঁর অসম্ভব দ্বন্দ্ববেদনাজাত। সাহিত্যশ্রুতি যে নিছক খেলা নয়, অহেতুক

লীলা নয়, স্বপ্নের ধ্যান নয়, তা যে সমাজজীবনের গভীর বেদনার প্রকাশ ও আকাঙ্ক্ষার শিল্পরূপ, তা এখানে অকুণ্ঠভাবে ব্যক্ত হয়েছে। অসুস্থ স্বপ্নের মত দায়িত্ব এই নাট্যকার গ্রহণ করেছিলেন বলেই তাঁর বক্ষে বেদনা অগার। সমকালীন সমাজ-পরিবেশ থেকেই ‘অচলায়তন’ নাটকের উপাদান সংগৃহীত হয়েছে। এই নাটকের নির্মোক্ষ রূপকের, আসলে তা জীবনের সত্য প্রতিরূপ।

‘অচলায়তন’ নাটকের ফলশ্রুতি ‘গ্রন্থপরিচয়ে’ ব্যক্ত হয়েছে: “আচার্যের ধর্ম নহে, বাস্তবিকতার অস্বপ্নের ক্ষণ মেটে না এবং নিরর্থক অসুস্থান মুক্তির পথ নহে, তাই বন্ধন।” এই নাটকের প্রেরণা এসেছে সমাজস্পর্শহীন একক অধ্যাত্ম দর্শন থেকে নয়, তীক্ষ্ণ গভীর সমাজ-বীক্ষা থেকে। বদ্ধমূল জীবন-ধারণার বিপর্যয়জনিত বিস্ময়বোধ ও নোভুন চিন্তার অকুশাঘাত ‘অচলায়তন’-পাঠকে সচেতন করে তোলে। প্রচলিত সামাজিক মূল্যবোধের ভিতরে যে ক্ষয়িষ্ণুতার বীজ ধীরে ধীরে অঙ্কুরবিষ্ট হয়েছে, আমাদের সমাজনীতি জ্ঞাতসারে বা অজ্ঞাতসারে স্বার্থ-কলুষিত দুর্নীতিকে আশ্রয় দিয়েছে, সমাজের তথাকথিত উন্নত গুণাবলীর মধ্যেও যে অর্থনৈতিক শোষণের অলক্ষ্য প্রভাব ছুট ব্যাধির মতো সংক্রামিত হয়েছে, এই আবিষ্কারের পরিচয়স্বরূপ ‘অচলায়তন’। এর পূর্বে রবীন্দ্রনাথ এত তীক্ষ্ণ নির্মম লেখনীতে সমাজের স্বরূপ উদ্ঘাটন করেন নি। রূপকের নির্মোক্ষ ছিঁড়ে ফেলে এই স্পষ্ট বক্তব্য আমাদের সামনে উপস্থিত হয়েছে। সে কারণেই ‘অচলায়তন’ নাটকের নিন্দায় একদিন সমাজপতিরা মুখর হয়েছিলেন।

রবীন্দ্রনাথ যেখানেই দেখেছেন জড়তা, যান্ত্রিকতা, প্রাণের অভাব, সেখানেই তিনি আঘাত হেনেছেন। এই কথাটি স্বরণ রাখলে এইসব নাটকের বক্তব্য আমাদের কাছে স্পষ্টতর ও সত্যতর হয়ে ওঠে। প্রাণহীন মিথ্যা আচারের বিরুদ্ধে প্রতিবাদ ধ্বনিত হয়েছে ‘বিসর্জন’ নাটকে (১৮৯৯)। অজ্ঞাতের সঙ্গে অবৈধ আপোষের বিরুদ্ধে প্রতিবাদ ব্যক্ত হয়েছে ‘প্রায়শ্চিত্ত’ নাটকে (১৯০২)। এরপর ‘অচলায়তন’ (১৯১২) নাটকে ধর্মব্যবসায়ীদের বিরুদ্ধে আন্দোলনের আহ্বান শুনতে পাই। এই সময়ে লেখা ‘ডাকঘর’ (১৯১২) ও ‘ভাস্কর্য’ গল্পে [পরে নাট্যকার রূপান্তরিত] প্রাচীনের শৃঙ্খলভাঙার ডাক শুনি। ‘ডাকঘর’র ঘর প্রাচীন সমাজ—মুক্ত হাওয়ার পথ বন্ধ; কিন্তু কড়া শাসনে বেধেও অমলকে বেঁধে রাখা গেল না। আর ‘ভাস্কর্য’ বিচিত্র নিয়মের শৃঙ্খলে আবদ্ধ সমাজ। বাণিজ্যাতিলাবী বিদেশী

রাজপুত্র ইয়োরোপের মুক্ত জীবনের প্রতীক। সে এতদিনের প্রাচীন সমাজের মধ্যে বিশৃঙ্খলা আনল, জীবনকে প্রতিষ্ঠিত করে দিবে গেল। ‘অচলায়তনের’ প্রায় সমকালে রচিত ‘বলাকা’ কাব্য ও ‘কান্তনী’ নাটকে (১৯১৬) আধ-মরাদের ঘা মেঝে বাঁচিয়ে তোলার আহ্বান ফলিত হয়েছে।

॥ ৩ ॥

পরবর্তী নাটক ‘মুক্তধারা’ (১৯২২)। রবীন্দ্রনাথের সমাজচেতনা এখানে আরো প্রবল ও প্রখর হয়েছে। সমাজে মুক্তি প্রতিষ্ঠা করার উদ্দেশ্যে এই নাটকের জন্ম। ইয়োরোপের নব্য জীবনাদর্শের প্রতি নাট্যকারের অবিমিশ্র আহুগত্য এই নাটকে প্রকাশ পায় নি, এটি বিশেষভাবে লক্ষণীয়। ‘অচলায়তনে’ প্রাচীন ভারতবর্ষের সামন্ততন্ত্র ও পুণ্ড্রোচিত্ত-শাসিত সমাজকে পাই—সে সমাজে বিচারহীন আচাৰ ও উপলক্ষবিধীন মন্ত্রের যাদুতে মানুষকে মোহাক্ষয় করা হয়েছে। ‘মুক্তধারা’র প্রথম বিশ্বসমরোত্তর ইয়োরোপের সাম্রাজ্যবাদী দেশগুলির পররাজ্যালোলুপতার তীব্র নিন্দা করা হয়েছে, সেট সঙ্গে জড়বাদী বিজ্ঞানের প্রাণবিরোধী শক্তির দৃষ্টান্ত উপস্থাপনা করা হয়েছে। ‘অচলায়তনে’ পৌড়নের বাহন ছিল শাস্ত্র ও পুরোহিত, ‘মুক্তধারা’র শোষণের হাতিয়ার বিজ্ঞানবুদ্ধি ও যন্ত্র। সামাজিক মুক্তি ও আধ্যাত্মিক মুক্তি—দুয়ের আবেগই ‘মুক্তধারা’র শোষণের কঠিন পাথর ভেদ করে আপন পথ কেটে নিয়েছে। ইয়োরোপের নব্যজীবনাদর্শের প্রতি নাট্যকারের বিশ্বাস চলেছে, তিনি বাস্তবচেতন হয়েছেন, তার প্রকৃষ্ট পরিচয় পাই ‘মুক্তধারা’র।

জালিয়ানওয়ালাবাগের হত্যাকাণ্ডের প্রবল প্রতিবাদ ও নিন্দায় রবীন্দ্রনাথের একক কণ্ঠ ফলিত হল, ইংরেজের স্বত্ববুদ্ধি সম্পর্কে মোহঙ্ক হ’ল, এবং শাসক ইংরেজের বিরুদ্ধে প্রতিবাদ রূপান্তরিত হ’ল সাম্রাজ্যবাদী ধনিকতন্ত্রের বিরুদ্ধে প্রতিবাদে। নাট্যকার রবীন্দ্রনাথ কত সমাজচেতন ও রাজনীতিসচেতন হয়েছিলেন, তার প্রমাণ ‘মুক্তধারা’। বিজ্ঞানের দৃষ্ট, সাম্রাজ্যবাদী শোষণপৌড়নের চক্রান্ত ও মানুষের আধ্যাত্মিক সত্তা অধীকারকারী যন্ত্রশক্তির স্পর্ধাকে নাট্যকার তীব্র দিকার দিয়েছেন। কেবল যন্ত্রসহায় সাম্রাজ্যবাদী শক্তির পরাভব নয়, বিজ্ঞানশক্তির সঙ্গে সংগ্রামে আধ্যাত্মিক শক্তির বিজয়ও নাট্যকার ‘মুক্তধারা’র দেখিয়েছেন। তিনি উপলক্ষ

করেছেন, এ-ছাড়া মানুষের কল্যাণ নেই। যন্ত্রের প্রতিভা মুক্তধারার বাঁধ ও যন্ত্ররাজ বিকৃতি। সে যন্ত্র মুক্তধারার বাঁধ বেঁধে মানুষের তৃষ্ণার নীর, ক্ষুধার অন্ন কেড়ে নেয়। সকল শক্তি ও বিকৃতি সম্বন্ধে তা অশিব, তা বর্জনীয়। মুক্তির প্রতীক অভিজিতের মুক্ত প্রাণের বেগধারার এই বাঁধ ভেঙ্গে যাবেই যাবে। মুক্তচৈতন্ত্যের প্রতীক ধনঞ্জয় বৈরাগী শিব-তরাইয়ের অধিবাসীদের মুক্তিমন্ত্রে দীক্ষিত করতে না পারায় সব ছেড়ে চলে গিয়েছে একক অধ্যাত্মসাধনায়, আর অভিজিত তার নিঃসঙ্গ অহুগামীহীন নেতৃত্বে আত্মোৎসর্গের দ্বারা যন্ত্রভেদ করল—বাঁধ ভেঙে দিল। অভিজিত প্রাণশক্তির প্রতীক, কিন্তু সে ধর্মবিচ্যুত নয়, ধর্মনিষ্ঠর। এই ধর্মনিষ্ঠরতা রবীন্দ্রনাটকে নোতুন ভাবনাবাহী।

রবীন্দ্রনাটকে সমাজচেতনার অগ্রশক্তির ধাপগুলি সহজেই চিনে নিতে পারা যায়। অচলায়তন, মুক্তধারা, রক্তকরবী (১২২৬)—এই তিনটি নাটকে এটি স্পষ্ট হয়ে উঠেছে। অচলায়তন ও মুক্তধারার রাজতন্ত্র প্রত্যক্ষ, রক্তকরবীতে রাজা নেপথ্যবিহারী। আধুনিক কালের ধনতান্ত্রিক সমাজের সকল ক্ষমতা যে কেন্দ্রে সংহত, তা মূলধন বা ক্যাপিটালের কেন্দ্রে। রক্তকরবীর রাজা তারই প্রতীক। অন্ধকার ভূগর্ভ থেকে সোনা তোলা হচ্ছে, সর্বশক্তিমান নেপথ্যবিহারী রাজা সেই কাজে সকলকে নিযুক্ত করেছেন। মুনাফাই তাঁর কাছে মুখ্য, জীবনে আর সবই তুচ্ছ। মুনাফার কাজে সাধারণ মানুষের সার্থকতা, এছাড়া ধনতান্ত্রিক সমাজে মানুষের আর কোনো সার্থকতা নেই। এই মুনাফালোভী নিষ্ঠুর ধনতান্ত্রিক সমাজনেতৃবর্গের বিরুদ্ধে দলিত মানুষের অভিযান রক্তকরবীতে রক্ত-আখরে লেখা হয়েছে।

শোষণজীবী যন্ত্রনিষ্ঠর পুঁজিবাদী সমাজ-ব্যবস্থার বিরুদ্ধে সংগ্রামে প্রাণের বিজয় এই নাটকের মর্মকথা। ধনতান্ত্রিক শোষণ-ব্যবস্থার প্রতিনিধি রাজা, তিনি নেপথ্যবাসী; বাইরে তাঁর প্রতিনিধি সর্দার ও গৌসাই, একের হাতে চাবুক, অপরের হাতে ধর্মের আকিম। আর শোষিত সমাজের অবরুদ্ধ প্রাণ-শক্তির প্রতিনিধি নন্দিনী। ধনতান্ত্রিক পুঁজিবাদী সমাজে মানুষ উপাধানের উপাধানমাত্র, তার কোনো স্বতন্ত্র সত্তা নেই। মানবতার এই অপমান ও নিপীড়নের বিরুদ্ধে নন্দিনীর প্রতিবাদ। আলোহীন বাতাসহীন গানরিক্ত হৃৎকরা বন্ধপুরীতে নন্দিনী নিয়ে এল দ্বার প্রাণবন্তা, শোষকের অত্যাচারের দুর্গ ভেঙে প্রতিষ্ঠা করল যৌবনকে—জীবনের আনন্দকে।

রক্তকরবী যুগধর্মী হয়েও যুগান্তক্রমী। পুঁজিবাদী শোষণবাবুয়ার বিরুদ্ধে প্রতিবাদ ঘোষণা একালের ধনবাদী সমাজের সমস্ত রূপায়িত হয়েছে : আবার স্বর্ণলোভী শোষণজীবী সম্প্রদায়ের পরাজয় ও কর্বণজীবী প্রাণশক্তির বিজয়ে আগামী কালের ইশারা পাই। ‘রাজার সঙ্গে নন্দিনীর লড়াই যন্ত্র ও কৃষির মধ্যে লড়াই’, এই সংগ্রামে কৃষির তথা প্রকৃতির জয় ঘোষিত হয়েছে। ‘পৌষ তোদের ডাক দিয়েছে’—গানের সুরে সমস্ত নাটকটি ভরে আছে ; এখানেই নাটকের মর্মকথাটি প্রকাশিত।

রাজা-চরিত্র রবীন্দ্র-নাটকে ঘুরে ঘুরে এসেছে—প্রায়শ্চিত্ত, মুক্তধারা, রক্তকরবী—এই তিন নাটকেই রাজার উপস্থিতি ঘটেছে। প্রায়শ্চিত্ত-এ প্রতাপাদিত্য-চরিত্রে যে রাজাকে পাই, সে অ-মাহুষ, ভূস্বামী, কৃষককুলের শোষক। মুক্তধারায় রণজিৎ-চরিত্রে যাকে পাই, সে রাজা যন্ত্রশক্তির সহায়—সাম্রাজ্যলোভী—বিজ্ঞান-শক্তির দ্বন্ডে অধ্যাত্মশক্তি-উপেক্ষাকারী। আর রক্তকরবীতে যে রাজাকে পাই, তিনি শিল্পবিপ্লবোত্তর পুঁজিবাদী সমাজের নায়ক—শোষণ তার একমাত্র সাধনা-ধনের দ্বন্ডে সে অন্ধ—মাহুষ তার কাছে উৎপাদন-সহায়ক মাত্র। প্রায়শ্চিত্তে রাজা কৃষিকেন্দ্রিক সমাজের শোষক, মুক্তধারায় রাজা বাণিজ্যকেন্দ্রিক রাজ্যবিস্তারী সমাজের শোষক আর রক্তকরবীর রাজা শিল্পকেন্দ্রিক সমাজের শোষক। এরা সবাই নিষ্ঠুর, আকর্ষণজীবী। এরা মাহুষের আত্মপ্রকাশের পথে বাধা। সে-কারণে এই তিন নাটকে এদের বিরুদ্ধে অভিযান হয়েছে। মাহুষের মুক্তি আসে এই বাধা অপসারণের পরে, এই সমাজচেতনা এগুলিতে স্পষ্টভাবে উচ্চারিত হয়। কিন্তু নাট্যকার এখানেই ক্ষান্ত হন নি। যে মাহুষ শক্তিমত্তায় অপরকে অগ্রাহ্য ও অপমান করছে, তারও মুক্তি চাই। সে মুক্তি বিকৃতি থেকে মুক্তি, জীবনের সহজ আনন্দে উত্তরণের মুক্তি। সে-কারণে রক্তকরবীর রাজাকে শেষ পর্যন্ত বাইরে আলো-হাওয়ার জগতে আসতে হয়েছে, প্রাণশক্তি নন্দিনীর কাছে নিজ বিকৃতিজনিত দৌর্বল্যকে স্বীকার করে নিয়েই তার হাত ধরে প্রাণের আনন্দ প্রার্থনা করতে হয়েছে।

রবীন্দ্র-নাটকে সমাজচেতনা পূর্ণতা লাভ করেছে পরবর্তী ‘কালের বাজা’ নাট্যকার (১৯০২) অন্তর্গত ‘রথের রশি’ একাঙ্কিকায়। অচলায়তনে অভিযান পুরোহিততন্ত্র ও ব্রাহ্মণ্যশক্তির বিরুদ্ধে, মুক্তধারায় কায়শক্তির বিরুদ্ধে,

রক্তকরবীতে বৈজ্ঞানিকতার বিরুদ্ধে। বাকি রইল শূদ্রশক্তি। তার প্রতি নাট্যকারের কী মনোভাব ?

এই প্রশ্নের উত্তর তথা সমাজচেতনার সম্পূর্ণ ছবি পাওয়া গেল 'রথের রশি'তে। সমাজ এখানে জগন্নাথের রথ। রথের গতি আজ রুদ্ধ—অসামান্যায় অবিচারে পথ হয়েছে বন্ধুর। কোনো পূজোপচার বা যন্ত্রোচ্চারণে উল্লসিত ফল লাভ হয় না। ভ্রামণ, ক্রিয়, বৈজ্ঞানিক একে একে আপন শক্তিদ্বারা রথ চালাবার চেষ্টা করল। তবু রথ চলে না। অবশেষে ডাক পড়ল অবজ্ঞাত অবহেলিত শূদ্রের। শূদ্র এসে হাত লাগাতেই পথের বাধা অপহৃত হল, রথের বন্ধনমুক্তি ঘটল, রথ চলল অসমতলকে সমতল করে, দেবালয় শত্ৰুগণ ধনালয়কে ভেঙে দিয়ে পথ কেটে নিয়ে জগন্নাথের রথ চলল শূদ্রের পুণ্যস্পর্শে। মানবসমাজের কালের যাত্রার সাংকেতিক কাহিনী 'রথের রশি'—ভবিষ্যৎ সমাজের রূপ এখানে সমাজ সচেতন সভ্যদ্রষ্টা-নাট্যকারের লেখনীমূলে ধরা পড়েছে। এই ক্ষুদ্র একাত্তিকাকল্প নাট্যকার বিশেষ কোনো রূপ নেই, কাহিনী নেই, চরিত্র নেই, জাত নেই, দেশকালের স্পষ্ট পরিচয় নেই। পথ এর একমাত্র পটভূমি, অবহেলিত জনসাধারণ মুখ্য পাত্র, কাল এর অধিনায়ক। রথের যাত্রায় আগামী দিনের সমাজরূপ নাট্যকার প্রত্যক্ষ করেছেন। গত দু শতাব্দীর পৃথিবীর ইতিহাসের নানা ভাঙন-বিপ্লব-আন্দোলনের মধ্য দিয়ে আমরা কি এই পথেই এগোচ্ছি না ? 'রথের রশি'তে যে পথের কথা বলা হয়েছে, তা-ই কি রবীন্দ্র-সাহিত্য তথা দর্শনের মূলীভূত চিন্তার বহিঃপ্রকাশ নয় : লোকজীবনের প্রতি যে অমুরাগ এখানে ব্যক্ত হয়েছে, তা-ই কি রবীন্দ্রসাহিত্যকে অত্যা-পর্বে বিশ্বমানবতাভিমুখী করে নি ?

এইসব প্রশ্নের উত্তরে এ-কথাই বলতে হয়, রবীন্দ্র-নাটকের সমাজচেতনা মানবমুক্তির উদ্বারপথে আমাদের আহ্বান করে নিয়ে যায়, নির্বোধ প্রাণশক্তির জয় ঘোষণা করে, কালের মন্দিরায়ত্নি বাজিয়ে নিত্য পথ চলার প্রেরণা দেয়।

রবীন্দ্রনাথের ছবি

॥ ১ ॥

সত্তরে উপনীত রবীন্দ্রনাথের সামনে এক নোভুন শিল্পজগতের দ্বার উদ্ঘাটিত হলো—তিনি ছবির জগতে প্রবেশ করলেন এবং রবীন্দ্র-প্রতিভার স্বাক্ষর চিরকালের জন্য রেখে এলেন। কবির জীবনে 'রূপা শিল্পের জগতে' এটি বিরল ঘটনা বলেই গৃহীত হবে। কিন্তু অত্যাধিক রবীন্দ্র-চিত্রাবলীর যথাযোগ্য আদর হয় নি। এর কারণ আমাদের চিত্রবিমূখতা ও প্রতিভার ব্যাপকতা সম্পর্কে ভ্রান্ত ধারণা। রবীন্দ্র-সংগীত কাব্যকলা বা নৃত্যনাট্য সম্পর্কে যে আলোচনা হয়েছে, তার একাংশও রবীন্দ্রনাথের ছবি নিয়ে হয় নি। প্রথম চৌধুরী একবার বলেছিলেন, বাঙালি রূপাক্ষ, রূপ সম্পর্কে তার কোনো ধারণাই নেই। বাঙালির বং-ছুট গান-ছুট ঘোঁষন রঙের ইন্দ্রজালে ছেয়ে যাক, এই আশা 'রূপের কথা' প্রথমে প্রথম চৌধুরী প্রকাশ করেছিলেন। সে আশা সম্পূর্ণ সফল হয় নি, হোলে রবীন্দ্র-চিত্রাবলী কবির ঐকট খেয়াল বলে উপহসিত হোত না। বস্তুত এ'কথা বললে অত্যাধিক হবে না যে রবীন্দ্র-চিত্র বাদ দিয়ে রবীন্দ্র-প্রতিভার আলোচনা অসম্পূর্ণ। রবীন্দ্র-নাট্যতা, সংগীত ও নৃত্যকলার মানবমনের সকল অভিজ্ঞতা রূপলাভ করেছে—এ'কথা বলা ঠিক হবে না। এই সব ক্ষেত্রে যে রবীন্দ্রনাথকে পাই তিনি 'স্বপ্ন', 'সামঞ্জস্য', 'সামগ্রিক সংহতি' ও 'শান্তির' ভক্ত। আর রবীন্দ্র-চিত্রাবলীতে মানবমনের অপর দিকটি প্রকাশ পেয়েছে—অবচেতনের উৎস থেকে ছ'বঙলি রেখার ঝরণার মতো উৎসারিত হয়েছে—সে জগতে স্বপ্ন নেই, শান্তি নেই, সামঞ্জস্য নেই, কিন্তু শিল্পলোকের শাসন আছে। মানবমনের একটি অপরিচিত এলাকায় অন্তরমহলের রঙ্গশালায় রবীন্দ্রনাথ এখানে আমাদের প্রবেশাধিকার দিয়েছেন। বিচার্য এই, এর জন্য আমরা কতটুকু যোগ্যতা অর্জন করেছি ?

১৯০০ খ্রীষ্টাব্দে রবীন্দ্র-চিত্রাবলীর প্রথম প্রদর্শনী হয় পারীতে ও বেলিনে। তারপর বামিংহামে, হুইটর্কে। এদেশে প্রদর্শনী হয় আরো পরে—কলকাতায় (১৯০২) ও বোম্বাইয়ে (১৯০৩)।

পারী-প্রদর্শনীর পর পুত্রবধূ শ্রীযুক্তা প্রতিমা দেবীকে রবীন্দ্রনাথ এক পত্রে লিখছেন—

বসন্ত আমার লেখার স্রোত একেবারে বন্ধ। ছুটি যখন পাই ছবি আঁকি—যারা সমজদার তারা বলে, এই হাল আমলের ছবিগুলো সেরা দরের। একটু একটু করে বুঝতে পারছি, এরা কাকে বলে ভালো, কেন বলে ভালো। তুমি যে একদা বলেছিলে, আমার ছবিগুলো ভালো জাতের, সে কথাটার পরখ হয়ে গেল, এরাও তাই বলচে। শুনে আশ্চর্য ঠেকছে।

ঐ সময়ে অল্প একটি চিঠিতে প্রতিমা দেবীকে লিখছেন—

আমার বয়স সত্তর হয়ে এল। আজ ত্রিশ বছর ধরে যে দুঃসাধ্য চেষ্টা করেছি, আজ হঠাৎ মনে হচ্ছে যেন ভিৎ পাকা হবে। ছবি কোনো দিন আঁকিনি, আঁকব বলে স্বপ্নেও বিশ্বাস করি নি। হঠাৎ বছর দুই তিনের মধ্যে ছ ছ করে এঁকে ফেললুম, আর এখানকার গুস্তাদারা বাহবা দিলে।.....জীবনগ্রন্থের সব অধ্যায় যখন শেষ হয়ে গেল তখন অভূতপূর্ব উপায়ে আমার জীবনদেবতা এর পরিশিষ্ট রচনার উপকরণ জুগিয়ে দিলেন।

বেলিন-প্রদর্শনীর পর ১৯৩০-এর আগস্টে শ্রীযুক্তা নির্মলকুমারী মহলানবিশকে এক পত্রে লিখছেন—

বোধ হয় আমার মনের ভিতরে একটা বৈরাগ্য আছে, আমাদের দেশের সঙ্গে আমার চিত্র-ভারতীর সম্বন্ধ নেই বলে মনে হয়। কবিতা যখন লিপি তখন বাংলার বাণীর সঙ্গে তার ভাবের যোগ আপনি জেগে ওঠে। ছবি যখন আঁকি তখন রেখা বলো রং বলো কোনো বিশেষ প্রদেশের পরিচয় নিয়ে আসে না। অতএব এ জিনিসটা যারা পছন্দ করে তাদেরই, আমি বাঙালি বলে এটা আপন হতেই বাঙালির জিনিস নয়। এইজন্তে স্বতই এই ছবিগুলিকে আমি পশ্চিমের হাতে হান করেছি। আমার দেশের লোক বোধ হয় একটা জিনিস জানতে পেরেছে যে আমি কোনো বিশেষ জাতের মানুষ নই; এইজন্তেই ভিতরে ভিতরে তারা আমার প্রতি বিমুখ, কটুক্তি করতে তাদের একটুও বাধে না। আমি যে শতকরা একশো হারে বাঙালি নই, আমি যে সমান পরিমাণে যুরোপেরও, এই কথাটারই প্রমাণ হোক আমার ছবি দিয়ে।

[‘পথে ও পথের প্রান্তে’, ৩৯ সংখ্যা]

চিত্রশিল্পী রবীন্দ্রনাথের মৌলিকতা, অকুঠ প্রকাশ ব্যাকুলতা, চুপাহসিকতা ও সংস্কারমুক্ত মানসিকতা এই তিনটি উদ্গুভিতে প্রকাশিত হয়েছে। সৃষ্টির ক্ষেত্রে রসের শাসন ছাড়া আর সব গুণগিরিকে শিল্পী এখানে অস্বীকার করেছেন। শিল্পে জাতীয়তাবাদ বর্জনীয়, একথা রবীন্দ্রনাথ নির্ভয়ে বলেছেন। বিশ শতাব্দী ভৌগোলিক সীমানার দ্বারা মনকে আল দিয়ে বেঁধে রাখার প্রয়াস মধ্যযুগীয় সংস্কারাত্মকতার পরিচায়ক। তার বিরুদ্ধেই শিল্পী রবীন্দ্রনাথের বিদ্রোহ।

রবীন্দ্রনাথ জানেন, ছবির কোনো ভূগোল নেই, নেই কোনো পিছুটান। ‘ছবি যখন আঁকি তখন রেখা বলো রং বলো কোনো বিশেষ প্রদেশের পরিচয় নিয়ে আসে না’, ‘আমি বাঙালি বলে এটা আপন হতেই বাঙালির জিনিস নয়’, ‘আমি সমান পরিমাণে যুরোপেরও’, ‘এই ছবিগুলিকে পশ্চিমের হাতে দান করেছি’—এইসব উক্তির মধ্য দিয়ে যে বাঁধ-ভাঙা মুক্ত শিল্পীমানসের পরিচয় প্রকাশিত হয়েছে, তার যথাযোগ্য স্বীকৃতি অদ্বাবধি আমরা দিতে পারি নি।

চিত্রশিল্পী রবীন্দ্রনাথ সম্পকে তাই প্রথমেই এ’কথা স্বীকার যে তিনি কয়েকটি বাঁধা-ধরা আঙ্গিক ও রূপ-লক্ষণের শৃঙ্খলে ছবিকে বেঁধে রাখতে চান নি, রেখা ও রঙের জগতে মুক্তি দিয়েছেন। আঙ্গিকের অচল স্বাণু ধাকতে পারে না, কেননা আঙ্গিক আসবে রূপের ধারণা থেকে যার উৎস মন। রূপের অনুযায়ী আঙ্গিক বিচিত্র হবে, শিল্পী সৃষ্টির প্রয়োজনে যেমন উপাদান সংগ্রহ করবে প্রত্যক্ষ পৃথিবীর সবত্র থেকে, তেমনি সৃষ্টির প্রয়োজনে আঙ্গিকও গ্রহণ করবে বিশ্বের শিল্প-জগৎ থেকে। তাই ভারতীয় চিত্র-কলা নামক শিল্প-অচলায়তনের সংস্কারবদ্ধতাকে রবীন্দ্রনাথ আঘাত করেছেন। ‘ভারতীয় শিল্প’ এই লেবেল-মার্কা কিছু সৃষ্টি করতে তিনি শিল্পীদের নিষেধ করেছেন এবং দাগ-মারা-জঙ্ঘদের মতো একই খোঁদাড়ে বন্দী না হতে শিল্পীদের প্ররোচনা দিয়েছেন। রবীন্দ্রনাথের নিজের কথায়—“I strongly urge our artists vehemently to deny their obligation carefully to produce something that can be labelled as Indian art according to some world mannerism. Let them proudly refuse to be herded into a pen like branded beasts”.

[‘The Meaning of Art’]

শিল্পকলা সম্পর্কে রবীন্দ্রনাথের ধারণা সংক্ষেপে এই—শিল্প আমার প্রকাশ। শিল্পী-আত্মা নিজেকেই প্রকাশ করেন শিল্প-মাধ্যমে। এ তার আত্মার আনন্দ-প্রকাশ। তাই স্বভাবতই তা কোনো বিশেষ দেশ-কাল-অর্থের নিগড়ে আবদ্ধ নয়। সৌন্দর্যের কোনো সর্বকালস্বীকৃত অচল অনড় ধারণা থাকতে পারেনা। তা পরিবর্তমান, মানবমনের নিয়ন্ত্রণ পরিবর্তমান প্রকাশব্যাকুলতার মাধ্যমে। শিল্প বা আর্ট সে-কারণেই সৌন্দর্য বা বিউটির সঙ্গে কোনো বিশেষ অর্থে বিশেষ পটভূমিতে যুক্ত নয়। সৌন্দর্য সম্পর্কিত প্রাথমিক ধারণার পোষকতা করা শিল্পের ধর্ম নয়, শিল্পীর সাধনা নয়।

তাই রবীন্দ্রনাথ তাঁর চিত্র-ভারতীকে পরিপূর্ণ স্বাধীনতা দিয়েছিলেন। এখানেই তিনি 'ভারতীয়'-মাকা শিল্পশৃঙ্গির বিরোধিতা করেছেন, নিজেই কেবল বাংলাদেশের নয়, ইউরোপেরও মাছুষ বলেছেন।

ছবির উৎস সম্বন্ধে রবীন্দ্রনাথ বলেছেন, শিল্প হচ্ছে প্রত্যক্ষ অনুভূতি। অবচেতন ও প্রয়োজনান্তিরিক্ত লোকের বাসিন্দা ("Art belongs to the region of intuition, unconscious, the superfluous.")। রূপের উদ্দেশ্য কি—এই প্রশ্নে তিনি বলেছেন—রূপের চন্দ্রময়তাতেই রূপের চরম প্রকাশ ("The rhythmic significance of form which is ultimate")। রূপই রূপের উদ্দেশ্য।

আসল কথা, রবীন্দ্রনাথ ছাবর ক্ষেত্রে Objective Expressionism-এ বিশ্বাস করতেন। তিনি সে-কারণেই দেশ-কাল-কৃতির গণ্ডিতে বাধা থাকতে একবারেই চান নি।

শিল্পী রবীন্দ্রনাথের ছবিগুলি এসেছে তাঁর অন্তরের অন্তর-মহল থেকে, সে মহল অবচেতন মনের মহল। সেখানে কোনো চেতন বাছাই নেই, সচেতন মনের কৃতির শাসন নেই, সেখানে প্রত্যক্ষ অনুভূতি ও অবচেতন একমাত্র নিয়ামক। রবীন্দ্রনাথের ছবি ঘটনার প্রতিক্রিয়া নয়, কেননা ফোটোগ্রাফির নকলনবিসি করা শিল্পীর কাজ নয়। ছবির ক্ষেত্রে রবীন্দ্রনাথ পূর্ণ স্বাধীনতার (Absolute freedom) পক্ষপাতী, তাই শিল্পীর অন্তরের অন্তর-মহলে যে ছবির জন্ম হয় সে ছবি বাহির-প্রকৃতির দাস নয়। ছবি পৃথিবীর অসংখ্য রূপের প্রতিক্রিয়া নয়। নিজেই একটি রূপ। সে রূপ নিজেই প্রকাশ, তা ultimate। তার উৎস অবচেতন মনের সমুদ্র-তল। সেখানে রূপ প্রথম ও শেষ কথা, সেখানে

নেই বুদ্ধির খেলা, নেই সংস্কারের শাসন, নেই দেশকালের জুড়ি।
রবীন্দ্রনাথের ছবি, সংক্ষেপে বলি, অবচেতনের উৎস থেকে স্বপ্নায় মত্ত
উৎসারিত হয়েছে। প্রখ্যাত ভারতীয় চিত্রকলারীতির সঙ্গে এই ছবির
কোনো সম্পর্ক নেই। এটি আজ পর্যন্ত পূর্ণভাবে স্বীকৃত হয় নি বলেই
আমরা শিল্পী রবীন্দ্রনাথকে ভুল বুঝছি।

শেষ বয়সের এই অপূর্ব বিচিত্র স্রষ্টার কথা রবীন্দ্রনাথ কয়েকটি কবিতায়
বলেছেন। তিনি বলেছেন—

পড়েছি আশ্রয় রেখার মাধ্যম।

কথা মনী, ঘরের মেয়ে,

অর্থ আনে সঙ্গে করে,

মুখরার মন রাখতে চিন্তা করতে হয় বিস্তর।

বেথা অপ্রগল্ভা, অর্থহীন।

তার সঙ্গে আমার যে ব্যবহার সবই নিরর্থক।

কথা আমাকে প্রশ্রয় দেয় না, তার কঠিন শাসন;

বেথা আমার যথেষ্টাচারে হাসে,

• তর্জনী তোলে না।

[শেষ সপ্তক]

আর-একটি কবিতায় রবীন্দ্রনাথ ছবির সম্বন্ধে বলেছেন—

ঘটনার ডাক-পিণ্ডনগিরি করে না সে।

নিজেরই সংবাদ সে নিজে।

জগতে রূপের আনাগোনা চলছে

সেই সঙ্গে আমার ছবিও এক-একটি রূপ,

অজানা থেকে বেরিয়ে আসছে জানার দ্বারে।

সে প্রতিক্রিয়া নয়। [শেষ সপ্তক]

পুনরপি অপর একটি কবিতায় কবি কৌতুক করে আলোচ্যকে বলেছেন—

তোরে আমি রচিয়াছি রেখায় রেখায়

লেখনীর নটনলেখায়।

নির্বাকের গুহা হতে আনিয়াছি

নিখিলের কাছাকাছি,

যে-সংসারে হতেছে বিচার

নিন্দা প্রশংসার।

এই আশ্বর্ষ্যের তরে

আছে কি নালিশ তোর রচনিত। আমার উপরে ।

[পরিশেষ]

রবীন্দ্র-চিত্রের যে আলোচনা উপরে করেছি, এই তিনটি কবিতাংশের দ্বারা তার পোষকতা হয়। রেখার নিঃশব্দ জগতে অর্থ নেই, ধ্বনি নেই—যদিচ লেখার জগতে অর্থ ও ধ্বনির শাসন এড়ানো যায় না। রেখা স্বয়ংসম্পূর্ণ, রূপের উদ্দেশ্য রূপ, এ'চ্ছাড়া আর কোনোও অর্থ নেই। শব্দহীন রেখা অর্থকে প্রকাশ করে না, অর্থহীন রূপকে প্রকাশ করে। সেখানে সম্বল অবচেতন মনের অন্তর্ভূতি ও আনন্দ। রেখার জগৎ সম্পর্কে রবীন্দ্রনাথের এই বক্তব্যটি তাঁর চিত্রাবলীতে অপরূপ শিল্প রচনা করেছে।

আশা করি এতক্ষণে এ'কথা স্পষ্ট করে বলতে পেরেছি যে, রবীন্দ্র-চিত্রাবলীর সঙ্গে প্রখ্যাসদ্ধ ব্যাকরণসম্মত 'ভারতীয়' চিত্রকলারীতির কোনো সম্পর্কই নেই। এবং এ'র উৎস অবচেতন মনের সমুদ্রতল। কিন্তু রবীন্দ্রনাথ জগতের চিত্রকলার ইতিহাসে কোথাও কি এর সমর্থন পান নি? আমার মনে হয়, তিনি সমর্থন পেয়েছিলেন জার্মান চিত্রকলায়। আর একথাও এখানে স্মরণযোগ্য যে রবীন্দ্রনাথের ছবি সবচেয়ে বেশি সমাদৃত হয়েছিল জার্মানিতে। বসিক শিল্পবোদ্ধাদের চিন্তার ধোরাক দিতে পারে এই সমর্থনের দেশ-কাল। তাঁদের বিবেচনার ক্ষুদ্র আমার ধারণা লিপিবদ্ধ করছি।

প্রথম বিশ্বযুদ্ধের আগে-পরে জার্মানিতে চিত্রকলায় যে নব আন্দোলন উপস্থিত হয়, তার অভিধা এক্সপ্রেশনবাদী আন্দোলন (Expressionist Movement)। এই আন্দোলনের অন্তর্ভুক্ত শিল্পীরা দুটি গোষ্ঠীর সদস্য ছিলেন। এ দুটির নাম—Der Blaue Richter এবং Die Broke।

বর্তমান শতকের প্রথম পাদে জার্মান চিত্রকলাকে কেন্দ্র করে এই এক্সপ্রেশন মতবাদ ও আন্দোলনের প্রসার ঘটে ইয়োরোপের সাহিত্যে দর্শনে। বিষয়বস্তুর মৌল স্বরূপকে প্রকাশ করাই এই মতবাদের অধিষ্ট। দৃষ্টির সম্মুখে যা প্রতিভাত হয়, তার চেয়ে দৃষ্টির অন্তরালে যে মৌল রূপটি বর্তমান, তাকেই প্রকাশের সাধনা এক্সপ্রেশনবাদীদের সাধনা। এই মতবাদ কেবল চলমান চিত্রকলার বিকছে নয়, বর্তমান সভ্যতা-সংস্কৃতির বিকছেও এর প্রবল বিদ্রোহ। এই মতবাদ বিশ্বাস করে, বর্তমান সভ্যতার প্রসাধন-করা আনন্দের অন্তরালে রয়েছে জীবনের অন্তঃসারশূন্যতা। যা বাহিরে প্রকাশিত,

তা বস্তুর সত্যরূপ নয়, ছলনা মাত্র। এক্সপ্রেশনবাদ এই ছলনা ও ভণ্ডামির বিরুদ্ধে যুদ্ধ ঘোষণা করে। এবং সে-কারণেই এক্সপ্রেশনবাদী শিল্পী অকন-যোগ্য বিষয়ের মূল কাঠামোর বাহ্যরূপকে বিকৃত করে দেখান। এক্সপ্রেশনবাদী চিত্রকলা তাই গতিশীল, দুঃসাহসীরূপে স্পষ্ট, সংক্ষিপ্ত এবং সময় সময় বিভ্রান্তিকর।

রবীন্দ্রনাথের ছবিতে এই সব লক্ষণই বর্তমান। আশ্চর্য নয় যে বেলিনে রবীন্দ্রচিত্রপ্রদর্শনীতে জার্মান কলাসমালোচকরা জার্মান এক্সপ্রেশনবাদী চিত্র-কলার সন্ধান পেয়েছিলেন এবং Kandinsky, Christian Morgenstern, Nolde, Edvard Munch, Paul Klee ও Kubin-এর চিত্রশৈলীর সমর্থন লক্ষ্য করেছিলেন। প্রসঙ্গত বলি, ইয়োহানে এক্সপ্রেশনবাদী চিত্রকলায় প্রবর্তক হলেন নরোয়ের শিল্পী Edvard Munch (1863-1944); জার্মান চিত্র আন্দোলন এর কাছে সবিশেষ ঋণী।

রবীন্দ্রনাথের ছবি যে Objective Expressionism-এর পথিক, তার পরিচয়রূপ ঐযুক্তা প্রতিমা দেবীর সাক্ষ্য উদ্ধার কার। তিনি বলছেন:

তীর নানা প্রকার প্রাণীর চেহারাগুলি সবই বাস্তব জীব-জন্তুর থেকে তফাৎ। কারণ শিল্পীর চোখ এইসব জীবের দেহের চেহারাকে এড়িয়ে ভাবেব আকৃতিকেই দেখতে পেত। এমন করেই তীর বাঘের ছবিতে ফুটে উঠত হিংসার লোলুপতা। আসলে বাঘের দৈহিক ভঙ্গিকে অবলম্বন করে হিংসা ও লোভের গ্রাসকেই তিনি আঁকতেন। তাই বাস্তবিক বাঘের চেহারার সঙ্গে তার মিল না থাকলেও, ছবির রেখায় বাঘের চরিত্রের দাগ মুদ্রিত হলো। তীর আঁকা মস্ত বড়ো একটা মহিষের মতো জন্তুর আকৃতির মধ্যে প্রকৃতির একটা আদিম শক্তির চেহারা যেন বেরিয়ে আসে যাকে মাদাম ক্যনোয়াই বলেছেন, ‘ক্ষুধিত মোহগ্রস্ত অভিশপ্ত জীব।’ সেটাকে নাম দিতে গেলে হয়ত বলব, হিপোপটেমাস বা আর কিছু; কিন্তু ওটি তীর নিজের তৈরি জিনিস। প্রকৃতির গড়া জিনিস এখানে শিল্পী নকল করেন নি, তিনি করেছেন মনের মতো সৃষ্টি।”

[বিশ্বভারতী পত্রিকা, ১ম বর্ষ, ২য় সংখ্যা]

॥ ২ ॥

রবীন্দ্র-চিত্রকলাকে আজো আমরা যথাযোগ্য মর্যাদা দিই নি, এমন কি উপভাস করেছি। আর যা বুকেছি তা ভুলে ভরা। অনেক সময় মনে হয়, কিছু না-বোঝা ভুল ব্যাখ্যার চেয়ে কামাতর। রবীন্দ্র-চিত্রাবলী সম্পর্কে আমাদের দেশে যে-সব আলোচনা হয়েছে, তা মুক্ত মনের পরিচায়ক নয়। জর্জানি ও ফ্রান্সে রবীন্দ্র-চিত্রাবলীকে সে সমাদর হয়েছে, তার পিছনে ভাব-গদগদ আভিযা নেই, আছে সহমর্মিতা—যার একান্ত অভাব লক্ষ্য করি আমাদের দেশে।

বাংলা ভাষায় রবীন্দ্র-চিত্র সম্পর্কে প্রথম গ্রন্থ শ্রীমদেন্দ্রনাথ গুপ্তের ‘রবীন্দ্র-চিত্রকলা’ (প্রথম সংস্করণ : ১৯৪২ খ্রিঃ)। অজ্ঞাবোধি দ্বিতীয় গ্রন্থ প্রকাশিত হয় নি যদিচ এ বিষয়ে পত্র-পত্রিকায় ইদানীং বহু আলোচনা হয়েছে। এর দ্বারা আমাদের অনুরাগ প্রমাণিত হয়। প্রথম প্রয়াসরূপে এই গ্রন্থ অবশ্যই সাধুবাদের যোগ্য, কিন্তু এতে এমন কিছু মন্ববা করা হয়েছে যার সমর্থন করা যায় না। গ্রন্থ-সূচনায় ‘রবীন্দ্রনাথের কলাচর্চা’ নামক প্রবন্ধে ও শেষ প্রবন্ধে শ্রীশঙ্কর এক কথা বলেছেন—“Great art is an unconscious creation—উচ্চরের কলাস্থিতিকে বলা যায় অপ্রবুদ্ধ সৃষ্টি,—স্রষ্টা, তাঁর সৃষ্টির স্রেষ্টক সযত্নে সম্পূর্ণ নিলিপ্ত, অনবহিত।”

এই অভিমত সবাংশে গ্রাহ্য নয়। কি তত্ত্বের বিচারে, কি ঘটনার বিচারে এই অভিমত সমর্থন করতে পারি না। রবীন্দ্রনাথ তাঁর নবসৃষ্টি সম্পর্কে ‘নিলিপ্ত, অনবহিত’ ছিলেন, একথা যথার্থ নয়। বক্ষ্যমাণ প্রবন্ধের সূচনায় রবীন্দ্রনাথের যে পত্রাংশগুলি উদ্ধার করেছি তা থেকেই প্রমাণিত হয় যে রবীন্দ্রনাথ এ-বিষয়ে নিলিপ্ত ছিলেন না, পরন্তু বাংলা দেশে তাঁর ছবির সমাদর হয় নি, অথচ ইউরোপে আমেরিকায় হয়েছে, এ-কারণে তিনি তাঁর ছবিগুলি ‘পশ্চিমের হাতেই দান’ করেছিলেন। পারী, বেলিন, বামিংহাম, লুইস্কে তাঁর চিত্র-প্রদর্শনীর সমাদরে তিনি বিশেষ খুশি হয়েছিলেন, সেই খুশিই নানা পথে ব্যক্ত করেছেন।

তাছাড়া, তিনি কি এ-ব্যাপারে সচেতন ছিলেন না? নিশ্চয়ই ছিলেন। *The Meaning of Art* নামক ঢাকা বিশ্ববিদ্যালয়ে প্রবক্ত ভাষণে ও ‘*Chitralipi 2*’ এ্যালবামের সূচনায় যে-কথা বলেছেন, তাতে বোঝা যায় শিল্পের ক্ষেত্রে তিনি যে নোহুন পথে যাচ্ছেন, সে বিষয়ে অবহিত ছিলেন।

ব্যক্তিগত প্রবন্ধের প্রথমায়ণ 'The Meaning of Art' গ্রন্থের যে তিনটি মন্তব্য উদ্ধার করেছি তা থেকেই প্রমাণিত হয়, তিনি প্রথমেই 'ভারতীয়' চিত্রকলারীতির বিরুদ্ধে সচেতন বিদ্রোহ করেছিলেন এবং তা নিজস্ব 'অগ্রবুদ্ধ' ব্যাপার নয়।

রেখার জগৎ সম্পর্কে তাঁর যে স্পষ্ট ধারণা ছিল এবং ছবির ক্ষেত্রে পূর্ণ স্বাধীনতার উপর আস্থা ছিল, তার প্রমাণ আগের উদ্ধার করেছি। শিল্পক্ষেত্রে 'absolute freedom' আর 'unconscious creation' এক ব্যাপার নয়, তা চিত্রশিল্পী রবীন্দ্রনাথ জানতেন। অবচেতন মনের সমুদ্রতল থেকে যার উৎপত্তি, তার প্রকাশ কখনোই অবচেতন নয়। শাস্তি স্তম্ভমা সামঞ্জস্য রবীন্দ্রনাথের লিখিত সাহিত্যের মূল কথা। আর অবচেতন মনের পূর্ণ স্বাধীনতা তাঁর রেখা-জগতের প্রস্থানভূমি। লেখার জগতে শিল্পী অর্থ ও ধর্মের শাসনের অধীন, কিন্তু রেখার নিঃশব্দ জগতে অর্থ নেই, ধর্ম নেই, তা অর্থহীন রূপকে প্রকাশ করে—এ' কথা রবীন্দ্রনাথ নিজেই বলেছেন। তাই রেখার জগতের এই স্বাধীনতার প্রবক্তা রবীন্দ্রনাথ এব্যাপারে অগ্রবুদ্ধ ছিলেন, এই মত গ্রাহ্য নয়।

দ্বিতীয় যে অভিমত রবীন্দ্র-চিত্রকলা সম্পর্কে শোনা যায় তা হলো—এই সব ছবি অবদমিত মনের বাহ্যিক প্রকাশ মাত্র। এই মতের প্রবক্তা মিঃ আর্চার। পরে শ্রীযুক্ত শিবনারায়ণ রায় তাঁর 'সাহিত্যচিন্তা' গ্রন্থে এর সমর্থন করেছেন। এই অভিমতের মূল কথা হলো, রবীন্দ্রনাথের মনের মধ্যে যে-সব বাসনা দমিত হয়ে ছিল, রবীন্দ্র-সাহিত্যে যাব প্রকাশ ঘটে নি, সেগুলি চিত্রের অল্পকূল ক্ষেত্রে আত্মপ্রকাশ করেছে। গুঁটিলতা, অবদমিত টেফা ও অন্তর্গুঁট বাসনার প্রকাশস্থল রবীন্দ্রচিত্রাবলী। এই মত ভ্রান্ত কেননা এতে রবীন্দ্র-ব্যক্তিত্বের বিরুদ্ধে ব্যাখ্যা করা হয়েছে। ক্রমেই মনস্তাত্ত্বিক আপোচনাঘ মাতৃষের ঘোঁন-এষণাকে সকল কর্মের মূলধার মনে করা হয় এবং এই বাসনাকে অবদমিত রাখার সচেতন প্রয়াস মাতৃষ করে; কিন্তু এই অবদমিত বাসনা সর্বদাই প্রকাশের সুযোগ সন্ধান করে।

এই একদেশদশী মত কখনোই সামগ্রিক জীবনসত্যের পরিচায়ক হতে পারে না। যে অন্ধকার, বিশৃঙ্খলা, সামঞ্জস্যহীনতা ও বৈষম্য রবীন্দ্রচিত্রাবলীতে প্রকাশিত তা অবদমিত বাসনার বহিঃপ্রকাশ কিনা, তা ভেবে দেখা দরকার। রবীন্দ্রসাহিত্যে যে শাস্তি ও সংহতি, আলো ও স্তম্ভমার প্রকাশ, তা জীবনের সমগ্র আলেখ্য নয়, এ' কথা স্বীকার। কিন্তু তার অর্থ এই নয় যে অন্ধকার,

বৈষম্য ও বিশৃঙ্খলা অবদমিত বাগনার প্রকাশ। বরং এ'কথা বলাই সঙ্গত যে, অবচেতন মনের সমুদ্রতল থেকে উদ্ভিত যে-সব 'উমেজ' রবীন্দ্র-চিত্রাবলীতে রঙে-রেখায় ধরা পড়েছে, তা সৃষ্টির—মানবমনের ও জগতের আদিম যুগের শিল্প-রূপায়ণ। আর যে মুহূর্তে রঙেরেখার বন্ধনে এই সব ছবি ধরা পড়েছে, সেই মুহূর্তেই তা রসের শাসন, শিল্পের সংযমকে স্বীকার করে নিয়েছে। প্রাগৈতিহাসিক জঙ্ঘর ও শিশু পৃথিবীর যে অসম্পূর্ণ প্রতিক্রিয়া রবীন্দ্র-চিত্রাবলীতে দেখি, তা এই সত্যের প্রমাণস্বরূপ। তাই এ'কথাই বলা উচিত হবে যে, অসম্পূর্ণ ভাঙা-চোরা খাপছাড়া সৃষ্টিকে রবীন্দ্রনাথ সাহিত্যক্ষেত্রের মতো সম্পূর্ণ, সভ্য ও নিয়ন্ত্রিত করার চেষ্টা করেন নি। রবীন্দ্র-চিত্রাবলীতে যে জগৎকে পাই, সে জগৎ অবদমিত যৌবনবাসনার জগৎ নয়, তা জগৎসৃষ্টির প্রাথমিক রূপের অস্তি-পরিণত শিল্পরূপ। এই শিল্পরূপের ভ্রান্ত বিরক্ত ব্যাখ্যার দ্বারা আমরা মহত্তম শিল্পপ্রতিভার অবমাননা করতে পারিব না, নিজেদেরই হীনতা প্রকাশ করব। সাহিত্য ও সংগীত রবীন্দ্রনাথের বিরাট আনন্দাত্মকৃতি ও প্রকাশের ক্ষেত্র হিসাবে যথেষ্ট বলে তাঁর কাছে প্রতিভাত হয় নি বলে তিনি ছবির জগতে আত্মপ্রকাশ করেছিলেন।

আপত্তি উঠতে পারে যে রবীন্দ্র-চিত্রলোক চন্দ্রহীন, ধূল্যহীন ও খাপছাড়া। সামাজিক ও বাহ্যিক শৃঙ্খলাবোধের সংস্কারে আমরা আবদ্ধ বলেই এই আপত্তি। অন্তর্গত গভীরভাবে ভেবে দেখলে বোঝা যাবে শিল্পী রবীন্দ্রনাথ চিত্রলোকের বিদ্রোহী প্রমিথ্যুস। তিনি আলোর সন্ধানী। সে আলো কেবল নিয়মমানা সংস্কারবদ্ধ শিল্পের আনন্দ নয়, সে আলো রঙ-রেখার জগতে সৃষ্টিছাড়া পাগলের প্রলয় নৃত্য। শিবের তাণ্ডব নৃত্যেও চন্দ্র আছে, রবীন্দ্রনাথের ছবিতেও সেরূপ চন্দ্র রয়েছে। 'ভারতীয়'-মার্ক। শিল্পসৃষ্টির বিরুদ্ধে রবীন্দ্রনাথ জেহাদ ঘোষণা করেছিলেন ও দাগ-মারাজ জঙ্ঘরের মতো একই ধোঁয়াড়ে বন্ধী না হতে তরুণ শিল্পীদের প্ররোচনা দিয়েছিলেন, সে-কথা পূর্বেই বলেছি। কিন্তু তাঁর বিদ্রোহ শিল্পীধর্মের বিরুদ্ধে বিদ্রোহ নয়, শিল্পরীতির অচলায়তনের বিরুদ্ধে বিদ্রোহ। লেখনীর নটনলেখার রেখায় রেখায় আলেখ্য অঙ্কন করেছেন রবীন্দ্রনাথ। অর্ধ ও ধ্বনির শাসন থেকে মুক্ত হয়ে রেখার জগতে রবীন্দ্রপ্রতিভা জীবন-সাম্রাজ্যে এক নোতুন সৃষ্টিত্বের উল্লাসে মেতেছিলেন, রবীন্দ্রচিত্র সম্পর্কে এ'কথাই গ্রাহ্য।

শিল্পগুরু অবনীন্দ্রনাথ রবীন্দ্রচিত্রপ্রদর্শনে যে-কথা বলেছেন, তার দ্বারা আমরা এই ধারণার সমর্থন পাই। তিনি বলেন,—

রবিকার ছবিতে যা আছে তা বহু আগে থেকে হয়ে আসছে। যে সব রঙ নিয়ে উনি কারবার করেছেন নেচারে সে সব আছে। মাঠের ডিকাইন, নদীর জলের ডিকাইন,—দেখো, সব ছড়ানো আছে। রবিকার ছবিও এসব থেকেই হয়েছে। তাকে নতুন বলব কোন হিসেবে? সবই ছিল, সবটাই আছে নেচারে। রবিকার ছবিতে নতুন কিছু নেই, অথচ তারা নতুন—আমার শুধু এট আশ্চর্য ঠেকে। কেমন করে এই মানুষের হাত দিয়ে এই বয়সে এই জিনিস বের হোলো। অতীতের কতখানি সঞ্চার ছিল তাঁর ভিতরে। অতি গভীর অন্তরের উদ্‌ঘাট তাপে এই রং রূপ সমস্তই যেন প্রকৃতির খেলাঘরের লুকোনো সামগ্রী হঠাৎ আবিষ্কারের আনন্দ দিয়ে নিমিত্ত ; ফেটে বেরিয়েছে, রূপ পেয়েছে। এট যে একটা volcanic ব্যাপার—এ থেকে শিথতে পারবে না, হবে না তা। ভল্কানিক ইরাপ্পনের মতো এই একটা একটা জিনিস হয়ে গেছে। এ থেকে আটের পণ্ডিতেরা কোনো আইন বের করে যে কাজে লাগাতে পারবে আমার তা মনে হয় না। ভেবে দেখো, এত রং, এত রেখা, এত ভাব সঞ্চিত ছিল অন্তরের গুহায় যা সাহিত্যে কুলোলো না, গানে হোলো না—শেষে ছবিতেও ফুটে বের হতে হোলো—তবে ঠাণ্ডা।

[বিশ্বভারতী পত্রিকা, প্রাবণ ১৩৪২]

তৃতীয় যে অভিমত প্রচলিত আছে, তা হলো রবীন্দ্রনাথের ছবি-আঁকা সম্পর্কে কোনো ধারণা ছিল না, হঠাৎই একদা তিনি খেয়ালের বেশে এলোমেলো ছবি আঁকলেন। এই মতের নির্গলিতার্থ—ছবিতে রবীন্দ্রনাথের অশিক্ষিত-পটুই ছিল। এই বক্তৃতা মন্তব্যে রবি-প্রতিভার অপমান করা হয়, সে-বিষয়ে সন্দেহ নেই। এই অভিমতের প্রবক্তা শ্রীযুক্ত বামিনী রায় ও শ্রীযুক্ত বিষ্ণু দে। ১৯৫৮ বঙ্গাব্দের ‘সাহিত্যপত্রে’ শ্রীযুক্ত রায়ের, ও জ্যৈষ্ঠ ১৩৬৭ বঙ্গাব্দের ‘বঙ্গধারা’ পত্রিকায় শ্রীযুক্ত দে-র প্রবন্ধে এই অভিমত প্রচারিত হয়েছে। শেষোক্ত পত্রিকায় ‘শ্রীযুক্ত বামিনী রায়ের রবীন্দ্রকথা’ প্রবন্ধে শ্রীযুক্ত দে লিখেছেন, “সেই প্রবন্ধে [১৯৫৮, ‘সাহিত্যপত্রে’

প্রকাশিত] বামিনীবাবু বলেন, রবীন্দ্রনাথের ছবি সম্বন্ধে ভারি একটা অসুস্থ ব্যাপার হয়েছে। তাঁর শিল্প-ইতিহাসের মধ্যবর্তী স্তরগুলি সম্বন্ধে অভিজ্ঞতা নেই।আমার মতে গত দু'শ বছর ধরে, রাজপুত আমল থেকে আজ পর্যন্ত, আমাদের দেশের ছবিতে যে অভাব বেড়ে চলেছিল, রবীন্দ্রনাথ সেই অভাবের বিরুদ্ধেই প্রতিবাদ করতে চান : ছবির জন্ত খোজেন সতেজ শিরদাঁড়া। তাঁর প্রতিবাদ গোটা সৌখিন ভারতীয় শিল্প, প্রাচ্যশিল্পবাদ সবার বিরুদ্ধে।"

এই অভিমতে দুটি বিষয়ের অবতারণা করা হয়েছে। "সৌখিন ভারতীয় শিল্প", 'প্রাচ্যশিল্পবাদ' বলতে ঠিক কী বোঝায়, তা শ্রীযুক্ত রায় বলেন নি। এই 'লেবেলে'ই আপত্তি আছে। 'সতেজ শিরদাঁড়া' বলতে তিনি 'হৃদয় গঠনের জোর'কেই বুঝিয়েছেন। ভারতীয় শিল্পে 'হৃদয় গঠনের জোর' ছিল না—এই মত গ্রাহ্য নয়। সংস্কারাহুগত্য ও প্রথাকৃতকরণের ফলে 'ভারতীয়' শিল্পরীতি প্রেরণা-নিঃশেষিত হয়ে গে'ছিল, অবনীন্দ্রনাথের বিদ্রোহ এরই বিরুদ্ধে। রবীন্দ্রনাথ এই পথ বর্জন করেছেন, কিন্তু তিনি ছবিতে সৃষ্টির যে প্রাথমিক রূপটিকে রঙে রেখায় মুক্তি দিয়েছেন, তার উল্লেখ এই অভিমতে নেই।

তা ছাড়া, 'শিল্প-ইতিহাসের মধ্যবর্তী স্তরগুলি' সম্বন্ধে রবীন্দ্রনাথের অভিজ্ঞতা ছিল না—এই মন্তব্যটি পরীক্ষাযোগ্য।

এই অভিমতের অর্থ শিল্পক্ষেত্রে রবীন্দ্রনাথের অশিক্ষিত-পট্টা,—এই অভিযোগের স্বীকৃতি। এবং তার অর্থ রবি-প্রতিভা সম্পর্কে নীচ ধারণার পোষকতা।

চিত্রাঙ্কনের ক্ষেত্রে বহুদিনের সমস্ত শিক্ষা, আয়াস ও সাধনার প্রয়োজনীয়তা অবশ্যস্বীকার্য। রবীন্দ্রনাথের কি সে শিক্ষা ছিল না? ছিল, রঙে রেখায় রূপের চন্দ্রময়তাকে প্রকাশের জন্ত অত্যাবশ্যক প্রাথমিক সাধনা তাঁর ছিল। রবীন্দ্র-প্রতিভা কোনো ক্ষেত্রেই আকস্মিকভাবে একদিন উর্বশীর মতো 'বৃন্তহীন আপনাতে আপনি বিকশিত' হয় নি। রবি-প্রতিভার পিছনে নিরলস পরিশ্রম, ব্যর্থতা, আয়াস, আংশিক সাকল্য, পুনরপি আয়াস ও তারপরে পরিপূর্ণ সাকল্যের স্তরগুলি সকল ক্ষেত্রেই লক্ষ্য করা যায়। কি গল্পে, কি কবিতায়, কি নাটকে, কি গানে এই স্তরগুলি বর্তমান ; ছবির ক্ষেত্রে তা-ই ঘটেছে।

পঁচিশ বছর থেকে সাতষট্টি বছর বয়স পর্যন্ত রবীন্দ্রনাথ ছবি আঁকার নানা প্রয়াস করেছেন, তার প্রমাণ তাঁর পত্রাবলীতে ও পাণ্ডুলিপিতে রয়েছে। বহুদিন ধরে নিজের লেখার কাটাকুটির উপরেই কলম চালিয়ে রবীন্দ্রনাথের পক্ষে রেখাকে আয়ত্ত করা সম্ভব হয়েছিল, শেষে রঙের ব্যবহার করেছেন নানা পরীক্ষার মাধ্যমে। আর অভিনেতা, প্রযোজক ও নৃত্যনাট্য-গীতিনাট্য রচয়িতা রবীন্দ্রনাথ কি মঞ্চে ছবির প্রতিভাশ খুঁজে পান নি ?

এই বক্তব্যের সমর্থনে কয়েকটি বিবরণ এখানে উদ্ধার করছি।

(ক) “মনে পড়ে দুপুরবেলার জাজিম-বিছানো কোণের ঘরে একটা ছবি আঁকার খাতা লইয়া ছবি আঁকিতেছি। সে ঘে চিত্রকলার কঠোর সাধনা, তাহা নহে—সে কেবল ছবি আঁকার ইচ্ছাটাকে লইয়া আপন মনে খেলা করা।” [‘জীবনস্মৃতি’ ১৩১২ বঙ্গাব্দ]

(খ) “ঐ চিত্রবিদ্যা বলে একটা বিদ্যা আছে, তার প্রতিও আমি সর্বদা হত্যাশ প্রণয়ের লুক দৃষ্টিপাত করে থাকি।” [‘চিত্রপত্র’, ১৩০০ বঙ্গাব্দে ইন্দিরা দেবীকে লেখা পত্রাংশ]

(গ) “তুনে আশ্চর্য হবেন, একখানা Sketch book নিয়ে বসে বসে ছবি আঁকচি।” [আচার্য জগদীশচন্দ্র বসুকে লেখা পত্রাংশ, ১ আশ্বিন ১৩০৭]

(ঘ) “আমার এখনকার সর্বপ্রধান দৈনিক খবর হচ্ছে ছবি আঁকা। রেখার মায়াজালে আমার সমস্ত মন জড়িয়ে পড়েছে। ... আমি বে-সব ছবি আঁকার চেষ্টা করি, তাতে ... রেখার আমেজ প্রণমে দেখা দেয় কলমের মুখে, তার পরে যতই আঁকার ধারণ করে, ততই সেটা পৌছতে থাকে মাথায়। এই রূপস্বপ্নির বিস্ময়ে মন মেতে ওঠে।” [শ্রীযুক্তা নির্মল-কুমারী মহলানবিশকে লেখা পত্রাংশ, ২১ কাশিক ১৩০৫]

এই সমস্ত যন্তব্য থেকে এ’কথা স্পষ্ট:ই প্রমাণিত হয় যে রবীন্দ্রনাথ আত্মজীবন চিত্রবিদ্যার সাধনা করেছেন। ফললাভ করেছেন সত্ত্বের উপনীত হয়ে। এছাড়া ‘লেখন’ (১৩০৪।১২২৭), ‘খাপচাড়া’ (১৩০৪।১২০৭), ‘সে’ (১৩০৪।১২০৭)—এই তিনটি গ্রন্থে রঙ ও রেখার ব্যবহার কবি করেছেন। ১২২৭ থেকে ১২৩০ খ্রীষ্টাব্দের মধ্যে অঙ্কিত ছ’ হাজারের বেশি ছবির মাত্র কয়েকটি নির্বাচিত ছবি ‘চিত্রলিপি [১]’ (১২৩০) ও ‘Chitralipi —2’ (১২৪১) নামক দুটি অ্যালবামে সংগৃহীত হয়েছে। অঙ্কর-লিখন-শিল্পের (Calligraphy) খেরালী চর্চার মধ্য দিয়ে রবীন্দ্রনাথ রেখার সর্বলতা,

সুখমা, কিশোরী, কোমলতা, পরিচ্ছন্নতা, সৌকুমার্য আদৃত করেন, তারপর রঙ নিয়ে খেলতে শুরু করেন এবং তার ফলে আমরা পেলাম রবীন্দ্র-চিত্রাবলী।

॥ ৩ ॥

এইবার রবীন্দ্র-অঙ্কিত আলোক্যদর্শনে প্রবৃত্ত হওয়া যাক। সূচনাতেই রবীন্দ্রনাথের একটি বক্তব্য উদ্ধার করি—

“যখন ছবি আঁকতে শুরু করি, আমার একটা পরিবর্তন দেখলুম। দেখলুম গাছের ডালে, পাতায় নানা রকম অসুত জীব-জন্তুর মূর্তি। আগে তা দেখি নি। আগে দেখেছি, বসন্ত এল, ডালে-ডালে ফুল ফুটল—এই সব। এ একেবারে নূতন ধরনের দেখা। কিন্তু এই রিয়ালিস্টিক মূর্তি কে দেখালে? আঁট দেখালে। সে বললে, এ অস্বপ্নকেও দেখাতে। এই যে দেখার সম্পদ, এ চারি দিকে বিস্তার করে এসেছে মানুষ। কেন বলে ওঠো—‘বা’! জন্মের বলে নয়, দেখবার বলেই। এইটে হচ্ছে আমাদের আঁট। দৃষ্টির ভাঙার পূর্ণ করে দিচ্ছে। যা দেখে নি, তাকে যখন দেখে—অবাক হয়ে যায়। এই জগ্গেই তো প্রত্যক্ষ দেখার এত আনন্দ। এই যে দেখা, এ-হচ্ছে ছবির দেখা।”

রূপের উদ্দেশ্য রূপদর্শন, আর কিছুই নয়। রূপদর্শনের এই মোহাজন চোখে না লাগাতে পারলে চিত্রলোকে রূপাবিস্কারের আনন্দ আমরা পাবো না, এই সতর্কবাণী স্বরণে রেখেই রবীন্দ্র-চিত্রাবলী দেখি। অর্থ ও ধর্মের শাসন থেকে মুক্ত হয়েই এই আলোক্যদর্শন করা যায়, রঙ ও রেখার স্বতন্ত্র জগতের প্রতি সহায়ভূতিশীল হলেই একে উপভোগ করা যায়।

রবীন্দ্রনাথের ছবি আঁকার প্রকরণ সম্পর্কে প্রত্যক্ষদর্শীরা যা বলেছেন, তা থেকে এই প্রতিভার নোতুন পরিচয় পাই। ছবি আঁকার জন্য যে কোনো কাগজ হলেই তাঁর চলে যেতো। এ বিষয়ে তাঁর কোনো পক্ষপাতিত্ব ছিল না। সব রকমের রঙ ও কালি তিনি ব্যবহার করেছেন। নানা রঙের ফুলের পাপড়ি নিঙড়ে রঙ বের করে তা দিয়ে তিনি ছবি আঁকেছেন। আলমোড়া বাসকালে কুমায়ূনের দেশী রঙ নিয়েও কাজ করেছেন। ছবির ঔজ্জ্বল্য বৃদ্ধির জন্য রবীন্দ্রনাথ নারিকেলের তেল, সরিষার তেল ব্যবহার করেছেন।

একদিনে বসে অতি অল্প সময়ের মধ্যে এক একখানা ছবি তিনি একে শেষ করতেন—খুব বেশি হোলে সময় লাগত এক ঘণ্টা। তুলি বা কলমের অকম্পিত দ্বিপ্রান্তানের পর টানে অকনকর্ম এগিয়ে যেতো। বস্ত্র-বিক্রাসে শিল্পী নিভূল জ্ঞানের পরিচয় দিয়েছেন। অনেক সময় তুলির এক টানেই একটা ছবি শেষ করেছেন।

কম্পোজিশনে তাঁর অসাধারণ দক্ষতা ছিল। রেখা ও রঙ—দুয়ের ব্যবহারেই শিল্পী ছুঁসাহসিক নৈপুণ্য দেখিয়েছেন। ছবিগুলির ‘ফিগারে’ অসাধারণ দৃঢ়তা এসেছে ক্ষিপ্ত গভীর রেখার টানে। প্রধানত কলম দিয়েই তিনি রেখা একেছেন। ছবিতে রঙ দিয়ে আঁকা অংশকে কালো কালির মোটা মোটা স্পষ্ট রেখা টেনে পৃথক করে নিয়ে সেই খালি ভূমিতে রেখার পর রেখা টেনে সেটাকে তিনি ভরিয়ে তুলেছেন। সবটা মিলিয়ে আলংকারিক নকশা।

আর রঙের ব্যবহারে শিল্পীর আশ্চর্য নৈপুণ্য দেখে চিত্রসমালোচকের দল বিস্মিত হয়েছেন। বেশির ভাগ ক্ষেত্রে শিল্পী গাঢ় রঙ ব্যবহার করেছেন। রক্তাভ, পিঙ্গলাভ, পীতাভ, হরিভ্রাভ রঙের ব্যবহার করা হয়েছে কালো পট-ভূমিতে। রঙ-ব্যবহারের আশ্চর্য কৌশলে বৈপরীত্যের ‘এফেক্ট’ চমৎকার ফুটে উঠেছে। ঘনগভীর রঙের পটভূমিতে হলুদ বা পাটকিলে রঙে আলোর আভাস ফোটানো হয়েছে। কলে মুহূ আলোয় ছবির অবয়ব উদ্ভাসিত হয়ে ওঠে।

রঙের মধ্যে শিল্পী বেশির ভাগ ক্ষেত্রে ব্যবহার করেছেন জল-রঙ। খুব গাঢ় রঙের প্রলেপ ব্যবহারে তাঁর আগ্রহ ছিল। ছবি আঁকার সময় শিল্পী রবীন্দ্রনাথের মন এত দ্রুত চলতো, অধনপ্রেরণা এত তীব্র হয়ে উঠতো যে তাঁর হাতের কলম বা তুলি তাঁর মনের সঙ্গে পাক্সা দিয়ে চলতে পারতো না। কলম বা তুলির হৃচ্ছ-ব্যবহারের মধ্য থেকেই শিল্পীর অবচেতন মনের ভাণ্ডারের কোনো রূপ তাঁর চেতন মনে ভেসে উঠতো, এবং সে মুহূর্তেই তাকে রঙ-রেখায় ধরে না বেলা পর্যন্ত তিনি স্থিতি পেতেন না। শ্রীযুক্ত নন্দলাল বসু, শ্রীযুক্ত মুকুল দে, শ্রীযুক্ত প্রতিমা ঠাকুর ও শ্রীযুক্ত রাণী চন্দ্রের সাক্ষ্য থেকে জানা যায়, শিল্পী খুব দ্রুত ছবি আঁকতেন।

এখানে শিল্পী রবীন্দ্রনাথের সাক্ষ্য নেওয়া যায়। তিনি বলছেন—

“ছবিতে আমার একটা বেশ মজা আছে। আমি তো ছবিতে একই বারে রং দিই না। আগে পেনসিল দিয়ে ধরে ধরে একটা রং

তৈরি করি মানানসই করে, তারপরে তার উপরে রং চাপাই। তাতে করে হয় কি—রংটা বেশ একটু জোরালো হয়।……আমার হচ্ছে—যা ইচ্ছে তাই। কাগজ রং নিয়ে যা মনে হোল, তাই আঁকলুম, মনের সঙ্গে রং তুলি নিয়ে খেলা খেললুম।’ সেই হচ্ছে আমার ছবি।……আমার ছবি যখন বেশ সুন্দর হয়, মানে সবাই যখন বলে—‘বেশ সুন্দর হয়েছে’, তখনি আমি তা নষ্ট করে দিই। খানিকটা কালি ঢেলে দিই বা এলোমেলো আঁচড় কাটি। যখন ছবিটা নষ্ট হয়ে যায়, তখন তাকে আবার উদ্ধার করি। এমন করে তার একটা রূপ বেব হয়। আমি মানুষের জীবনটাও এমন করেই দেখি। মানুষ যখন একবার ঘা খায় বা পড়ে যায়—একটা কিছু সাংঘাতিক ঘটে, তার পরে মানুষ যখন নিজেকে ফিরে তৈরি করে, তখনই তার একটা সত্যিকার রূপ হয়।’

—[‘আলাপচারী রবীন্দ্রনাথ’—শ্রীযুক্তা রাণী চন্দ্র, দিনলিপি ১১।৭।৩২]

এ তো হলো ছবির আঙ্গিক-প্রকরণের কথা। কিন্তু রবীন্দ্র-চিত্রাবলীর বক্তব্য কি? ছবির নাম কি? ছবির উদ্দেশ্য কি?

এই প্রশ্নের জবাবে শিল্পী নিজেই বলেছেন,

“ছবিতে নাম দেওয়া একেবারেই অসম্ভব। তার কারণ বলি, আমি কোনো বিষয় ভেবে আঁকি নে—দৈবক্রমে একটা কোনো অজ্ঞাতকুলঙ্গল চেহারা চলতি কলমের মুখে খাড়া হয়ে ওঠে।……অনি, রূপের সঙ্গে নাম জুড়ে না দিলে পরিচয় সবসঙ্গে আরাম বোধ হয় না।

তাই আমার প্রস্তাব এই, যারা ছবি দেখবেন, বা নেবেন, তাঁরা অনাম্যকে নিজেরাই নাম দান করুন।……রূপবৃষ্টি পৰ্ব্বন্ত আমার কাজ, তার পরে নামবৃষ্টি অপরের।”

—[রামানন্দ চট্টোপাধ্যায়কে লিখিত পত্রাংশ, ২ পৌষ ১৩০৮]

শিল্পী রবীন্দ্রনাথ আরো বলেছেন, ছবির কাজ প্রকাশ করা, ব্যাখ্যা করা নয়।—

“People often ask me about the meaning of my pictures. I remain silent, even as my pictures are. It is for them to express and not to explain.”

অতএব রবীন্দ্র-চিত্রলোকের পরিচয় শিল্পীর কাছে দাখিল করলে আমাদের ব্যর্থ হতে হবে। পূর্বে যে সতর্কবাণী স্বরণ করেছি, তা পুনর্বার স্বরণ করে আলোচ্যদর্শন করা যাক। রূপের উদ্দেশ্য রূপ দর্শন, আর কিছুই নয়। ("The rhythmic significance of form which is ultimate"—Tagore, 'The Meaning of Art')।

বিষয়বস্তুর দিক থেকে রবীন্দ্র-চিত্রাবলীকে তিন ভাগে ভাগ করা যায়—
(১) মানুষের প্রতিকৃতি, (২) জীবজন্তুর চবি, (৩) প্রাকৃতিক দৃশ্য। মোট চবির সংখ্যা প্রায় আড়াই হাজার, এর মধ্যে দেড় হাজারের বেশি চবি মানুষের প্রতিকৃতি।

চবিগুলির বিস্তারিত আলোচনা করেছেন জ্যোত্স্না প্রতিমা দেবী, 'বিশ্বভারতী পত্রিকা'র ১ম বর্ষ, ২য় সংখ্যায় (ভাদ্র, ১৯৪২ বঙ্গাব্দ)।

রবীন্দ্র-চিত্রলোকে প্রবেশ করলে মনে হয় এ যেন স্বপ্নের জগৎ—নৈশ রহস্যাবলী দিয়ে তা বেরা। ঘন গভীর বড়, কালো পটভূমি ও ঘূর্ণ আলোর আভাসে এই চবির জগৎ আমাদের যেন স্বপ্নের আদিম মুগে পৌঁছে দেয়।

চিত্রলিপি [১]-এর ছুটি চবি দেখুন—আদিম পৃথিবীতে বিশ্বঘরোয়া দৃষ্টি নিয়ে মানুষের আবির্ভাব। পেন্সিল ও কালো জল রঙের ব্যবহারে এ ছবি দুটি অসাধারণ বলে প্রতিভাত হয়। একটিতে প্রকাণ্ড প্রচণ্ড মানুষের সূক্ষ্ম হিংস্র পশুর পিঠের উপর বাইবেল-কথিত অঙ্ককারে দাঁড়িয়ে আছে ক্ষুদ্র তরু মানুষ, অপরটিতে 'অশীম শূন্যে একা। অবাচ্চক্ষু দূর রহস্য দেখা'—স্বপ্নের উষাকালে নিঃসঙ্গ মানুষ। মনে হয় যেন কত দূরের সে জগৎ—আমাদের সভ্যতার পূর্ব থেকে কত লক্ষ বৎসর পঞ্চাষটী। আঁকারোকা জটিল রেখাঙ্কাল, অসমতল বস্তুর পঞ্চাংপট, অমানিশা ভেদ করে আলোর আবির্ভাবের ক্ষীণ প্রদীপ্তি—সবটাই মিলিয়ে প্রাগৈতিহাসিক অতীতের চবি। এ ছবিতে যে দৃষ্টি প্রকাশিত, সে শিল্পদৃষ্টি বস্তুর গভীরে বস্তুর স্বপ্নের মূলে উপনীত হয়েছে।

আলো-অঙ্ককারের বৈপরীত্যে এক রহস্যলোকের স্বপ্ন হয়েছে রবীন্দ্র-চিত্রলোকে। মনে হয় একটা অপ্ণেব শক্তিবাণী কল্পনাদৃষ্টি বেধা ও রঙের জালে আত্মপ্রকাশ করেছে এবং সকল প্রত্যক্ষের গভীরে গিয়ে পৌঁছেছে।

এটা সবচেয়ে ভালো বোকা দায় পশুপাখীর চবিগুলিতে। প্রাগৈতিহাসিক জন্তু, স্বপ্ন-দেখা ভয়ঙ্কর প্রাণী আমাদের বর্তমান থেকে অপসারিত করে

নিরে যায় অতীত কালে। আদিম সৃষ্টির আদর্শে আঁকা এই ছবিগুলিতে প্রাণীজীবনের গভীরতর দিকের গুঢ় অন্তর্ভুক্তি শিল্পী আয়ত্ত করেছেন বলে মনে হয়। এ যেন কল্পলোকের অহেতুক সৃষ্টি। বাস্তবে মিল নেই, অথচ এর মধ্যে আত্মস্বর্ণীণ সামঞ্জস্য ও ছন্দস্বমার অভাব নেই। এই জন্তর দেহের চেহারার আড়ালে যে ভাবের চেহারা আছে, শিল্পী সেই চেহারাই রেখা-বন্দী করতে চেয়েছেন। ফলে এটসব জন্তর প্রাকৃতিক অন্তর্ভুক্তি শিল্পী করেন নি, নোতুন রূপে তাদের রচনা করেছেন। ‘চিত্রলিপি [১]’-এর কয়েকটি ছবি ও ‘Chitralipi 2’-এর ৪, ১১, ১৩ সংখ্যক ছবিগুলি এর পরিচয়স্থল।

যে-সব প্রাকৃতিক দৃশ্য শিল্পী এঁকেছেন, সেগুলি ধরা পড়েছে শিল্পীর দৃষ্টির বাস্তব—বিষয়টির ললিতকলা নয়, অশ্রদ্ধার প্রকৃতিকে তিনি প্রত্যক্ষ করেছিলেন। শ্রদ্ধার ও আটকে এক বলে যেনে নিতে চিত্রশিল্পী রবীন্দ্র-নাথের আপত্তি ছিল, তাই অবচেতন মনের সমুদ্রতল থেকে উথিত অশ্রদ্ধারের মিছিলকে শিল্পী সাগ্রহে বরণ করে নিয়েছিলেন। ‘প্রান্তিক’ ও ‘রোগশব্দ্য’ কাব্যে এর সামান্যতম ইশারা পাই, এই সব ছবিতে তা স্পষ্ট-উচ্চারিত।

মায়াবের প্রতিরূপিত অন্ধনে শিল্পী রবীন্দ্রনাথ সবচেয়ে বেশি মনোযোগ দিয়েছেন। ‘চিত্রলিপি [১]’, ‘Chitralipi 2’ অ্যালবামে ও ‘সে’, ‘ধাপছাড়া’ গ্রন্থে নানা মুখ, মুখোশ ও মুখভঙ্গির দেখা পাই। মানবমনের নানা ভাব ও বিকার এই সব ছবিতে ধরা পড়েছে। কোনোটা হাসি-হাসি ভাব, কোনোটা রহস্যপূর্ণ, কোনোটায় শিশুর সারল্য, কোনোটা কুৎসিত বিকৃত মুখভঙ্গি, কোনোটাতে বজ্র-কুটিল চাহনি, কোনোটায় নিষ্ঠুর অবিশ্বাসী চাহনি। শ্রীমুক্তা প্রতিমা দেবী বধার্থই বলেছেন, “এদের দিকে তাকালে মনে হয় যেন কত জানা লোকের মুখের ছায়া দেখতে পাই, হঠাৎ যেন বহুকালের বিস্মৃত মায়াবের চেহারা ও চরিত্রগুলো মনের মধ্যে ভেসে ওঠে। এইসব মুখগুলির মধ্যে যেন তাদের সত্তার গভীর সংঘাত ফুটে বেরিয়েছে। তারা যেন মনোজগতের এক একটি নীহারিকা। যে-সব মানসিক গতি নিজের কাছেও অজানা, অথচ অবচেতন চিন্তালোকে যা কখনো ভেসে উঠছে, কখনো বা মিলিয়ে যাচ্ছে, সেইসব কল্পনাগ্রবণ মনের রহস্যপূর্ণ বিশেষত্ব ছবির মুখের রেখাতে যেন জীবন্ত রূপ নিয়েছে। তারা আলকের বাধাধরা নিদ্রা যানে নি বকেই তাদের প্রকাশভঙ্গি এত জোরালো এবং গতি এত অবাধ।”—[বিশ্বভারতী পত্রিকা, ১ম বর্ষ, ২য় সংখ্যা]

‘Chitralipi 2’-এর ৭, ৮, ৯ সংখ্যক ছবিগুলি এর উদাহরণস্বরূপ।

এই অ্যালবামের ১৪ সংখ্যক ছবিটি কবির নিজের মুখের স্টাডি। নানা দিক দিয়েই এটি বিশেষ গুরুত্বপূর্ণ। অবচেতন মনের বিশৃঙ্খল রূপের চিত্রকর যিনি তাঁর এই স্টাডিতে রঙের ব্যবহারে, চোখের দৃষ্টিতে, মুখমণ্ডলের ‘আউট-লাইনে’ এক সংক্ষিপ্ত অবরুদ্ধ রূপলোকের দেখা পাই। হলুদে, সবুজে, পাটকিলে রঙের প্রলেপে ও ভটিল রেখাজাল আকীর্ণ পটভূমিতে অবরুদ্ধ রূপলোকের নিঃশব্দ সংগ্রাম মূর্ত হয়ে উঠেছে। কবির ঈশ-দিকের পটভূমিতে পাটকিলে রঙের ব্যবহারে অন্ধকারলোকের এবং ডানদিকে হলুদ রঙের গাঢ় উজ্জল প্রলেপে আলোর আভাস পাই। আলোক ও অন্ধকারের বৈপরীত্যের মাঝে শিল্পীর স্বকৃত মুখমণ্ডলে যে প্রতিজ্ঞা, মগনে যে তীক্ষ্ণ দৃষ্টি এবং সেই সঙ্গে খানিকটা বিষাদের ভাব ফুটে উঠেছে, তা গভীরভাবে দর্শক-চক্ষে মুদ্রিত হয়ে যায়।

আর তখনই রবীন্দ্রচিত্রলোকের দর্শক উপলব্ধি করে যে, সে এক মহান প্রতিভাশালী চিত্রশিল্পীর জগতে এসেছে, সে ভালো-মন্দ মেশানো, স্বর-অস্বরের দ্বন্দ্বে নিহত উদ্বেজিত। চেতনলোকের অন্তরালে অবচেতন মনের সমুদ্রতলোখিত নানা ভাবনার রূপের মিছিল বিমূগ্ধ দর্শকের দৃষ্টিপথে দেখা দেয়। সে মিছিলের রূপকার রবীন্দ্রনাথ। তিনি অর্থহীন-ধনীহীন রেখার জগতের আবেদনে সাড়া দিয়ে বলেন,

“অব্যক্ত আছিলি যবে

বিশ্বের বিচিত্র রূপ চলেছিল নানা কলরবে

নানা চন্দ্রে লগ্নে স্বপনে প্রলয়ে,

অপেক্ষা করিয়াছিলি শূন্যে শূন্যে, কবে কোন্ গুণি

নিঃশব্দ ক্রন্দন তোর শুনি

সীমায় বাধিবে তোরে সাদায় কালোয় ঐশ্ব্যারে ঐশ্ব্যারে।

পথে আমি চলেছি। তোর আবেদন করিল ভেদন

নাশ্বিহের মহা-অস্তরাল,

পরশিল মোর ভাল চূপে চূপে অর্ধশূন্যে স্বপ্ন-মূর্তি-রূপে।

অমূর্ত সাগরতীরে রেখার আলোধ্য-লোকে আনিয়াছি তোকে।”

[পরিশেষ]

‘ছিন্নপত্রাবলী’র রবীন্দ্রনাথ

‘ছিন্নপত্র’ বাংলা সাহিত্যে নিজস্ব মূল্যে প্রতিষ্ঠিত হয়ে আছে। এই পত্রগুলি স্বাধীনবৈচিত্র্যে গভীরসৌন্দর্যে কবিমানসের অন্তরঙ্গ সত্য পরিচয়-প্রকাশে মূল্যবান।

‘ছিন্নপত্র’ের আলোচনা যখন করেছি [দ্রষ্টব্য—বর্তমান লেখকের ‘রবীন্দ্র-মনীষা’ গ্রন্থের অন্তর্ভুক্ত ‘আমিষেলের জর্নাল’ ও ‘রবীন্দ্রনাথের ছিন্নপত্র’ প্রবন্ধ], তখন অতৃপ্ত মনে একথা ভেবেছি, পত্রলেখকের নির্মম সম্পাদনা থেকে ‘ছিন্নপত্র’কে কি রক্ষা করা যেত না?

সে-আলোচনায় বলেছি, ‘ছিন্নপত্র’ের প্রধান মূল্য এইখানে যে, তা রবীন্দ্রমানসের অন্তরঙ্গ পরিচয়টিকে উদ্ঘাটিত করেছে। রবীন্দ্রনাথ ব্যক্তিগত ব্যাপারে ও শিল্পসৃষ্টি প্রসঙ্গে সহজে কিছু বলতে চাইতেন না, একথা রবীন্দ্রানুরাগীর অজানা নয়। শিল্পসৃষ্টির রঙ্গমঞ্চের অন্তরালে যে সাজঘর আছে, তার পট সরিখে কেলে উৎস বা প্রাথমিক উপাদানের পরিচয় দিতে রবীন্দ্রনাথের ছিল একান্ত অনীহা। কাব্যের মধ্যেই কবির শ্রেষ্ঠ পরিচয়; জীবনচরিতে, বাইরের ঘটনায় কবিপরিচয়সন্ধান মূঢ়তা—এই ছিল তাঁর অভিমত। কবিজীবনে যেটি সর্বাঙ্গেকা গুরুত্বপূর্ণ পর্ব—তরুণ যৌবনের কবির জীবনের পঁচিশ থেকে চল্লিশ বৎসর বয়সের পর্ব—সেটির কথা রবীন্দ্রনাথ বলতে চান নি। ‘জীবনস্মৃতি’ কবি রচনা করেছেন পকাশে উপনীত হয়ে, কিন্তু জীবনের প্রথম পঁচিশ বৎসরের কথা বলেই তিনি লেখনীর মুখ চেপে ধরেছেন, যৌবনের সিংহধারে পাঠককে পৌঁচে দিয়ে সরে গেছেন। কবির এই আকস্মিক অন্তর্দানে পাঠক বত বিস্মিত হয়, তার চেয়ে বেশি হয় তাদের আপশোষ। ‘কড়ি ও ফোমলে’র রচয়িতা যে তরুণ যুবক কবি, তাঁর ব্যক্তিগত ও অন্তরঙ্গ জীবনের কোনো কথাই রবীন্দ্রনাথ কবুল করেন নি। বায়রণ বা পোটের পত্রাবলী ও আত্মজীবনীতে যে অন্তরঙ্গ গোপন কাহিনী উদ্ঘাটিত হয়েছে, রবীন্দ্রনাথ তা কিছুই বলেন নি। ‘জীবনস্মৃতি’তে বা অন্তর্দৃষ্টিতে, ‘ছিন্নপত্র’ে তা উদ্ঘাটিত হয়েছে। পঁচিশ থেকে চৌত্রিশ বৎসর বয়সের রবীন্দ্রনাথের অন্তরঙ্গ পরিচয় এখানে ছড়িয়ে আছে। দৈনিক থেকে

‘ছিন্নপত্র’র একটি অনন্তসাধারণ গুরুত্ব আছে। কাব্যে বা অসম্পূর্ণ, আভাসে-ইঙ্গিতে ব্যক্ত, তা এখানে সম্পূর্ণরূপে ব্যক্ত হয়েছে। ‘ছিন্নপত্র’ এমন অনেক ইঙ্গিত আছে যা থেকে মধ্যযৌবনে উপনীত রবীন্দ্রনাথের মুখে অনেক কনফেশন শোনা যায়—যা আর কোথাও শোনা যায় না। অবশ্য ‘ছিন্নপত্র’ গ্রন্থাকারে প্রকাশকালে রবীন্দ্রনাথ নির্মমভাবে অনেক কাটছাঁট করেছেন। আমার আক্ষেপ সেখানেই।

এতদিনে ‘ছিন্নপত্রাবলী’ প্রকাশে সে আক্ষেপ বহুল পরিমাণে মিটেছে। ‘ছিন্নপত্র’ প্রকাশিত হয় ১৩১২ বঙ্গাব্দে (১৯১২ খ্রীষ্টাব্দে)। ১৩৬৭ বঙ্গাব্দে (১৯৬০ খ্রীষ্টাব্দে) ‘ছিন্নপত্রাবলী’ সংকলিত ও প্রকাশিত হলো। ‘ছিন্নপত্রাবলী’র ‘গ্রন্থপরিচয়ে’ সম্পাদক বলেছেন—“১৮০৭ সেপ্টেম্বর হইতে ১৮৯৫ ডিসেম্বরের মধ্যে রবীন্দ্রনাথ তাহার ‘দ্রাঘুপুৰী’ ইন্দিরাদেবীকে যে চিঠিগুলি লেখেন তাহারই কতকগুলি (সংখ্যাঃ ১৪৫টি) ১৩১২ বঙ্গাব্দে ‘ছিন্নপত্র’ গ্রন্থে অংশতঃ সংকলিত হয়। পূর্বোক্ত আট বৎসর কয় মাসের প্রায় অধিকাংশ চিঠির সারাংশ দুটি বাবানো খাতায় স্বহস্তে নকল করিয়া ইন্দিরাদেবী রবীন্দ্রনাথকে উপহার দেন; রবীন্দ্রনাথ বহু চিঠি পূৰ্বাপুরি আর বহু চিঠির বহু অংশ পুনশ্চ বর্জন করিয়া, প্রয়োজনমত ভাষা ও ভাব-গত সংস্কার করিয়া, সবসাদারণের পাঠোপযোগী করিয়া কতকটা ‘সাহিত্যিক’ আকার দেন—ইহাই ছিন্নপত্র সংকলনের সংক্ষিপ্ত ইতিহাস।ইন্দিরাদেবীর পূর্বোক্ত খাতা দুটিতে রবীন্দ্রনাথের বহুগুলি চিঠি মূলতঃ যে ভাবে পাওয়া যায় বর্তমান গ্রন্থ তাহারই সম্পূর্ণ সংকলন। এজন্য ইহাতে ছিন্নপত্রে বর্জিত বহু চিঠি আছে (সংখ্যার হিসাবে ইন্দিরাদেবীকে লেখা ১০৭টি অতিরিক্ত চিঠি আছে) আর বহু চিঠির বহু অংশ, পূর্বে যাহা বর্জিত ছিল, তাহাও সংকলন করা হইয়াছে।”

বর্তমান ‘ছিন্নপত্রাবলী’ সংকলনে পূর্বের ১৪৫টি পত্রের পূর্ণতর পাঠ ও নোতুন ১০৭টি পত্রের অসংক্ষেপিত পূর্ণ পাঠ পাওয়া যায়। স্বভাবতই আমাদের বক্তব্য এই নোতুন পত্রগুলি ও পূর্বের পত্রগুলির পূর্ণতর পাঠের আলোচনায় সীমাবদ্ধ থাকবে।

॥ ২ ॥

ছিন্নপত্রাবলীর প্রধান বৈশিষ্ট্য এর আবাধ্যমানতা। বর্জিত অংশগুলির পুনর্লোকনায় উপভোগ্যতা বেড়েছে। আর নোতুন সংযোজিত পত্রগুলিতে

যরোয়া পরিবেশে রবীন্দ্রনাথকে আরো অন্তরঙ্গরূপে পাই। এই পরিচয় ছিন্নপত্রের ছিল, ছিন্নপত্রাবলীতে তা আরো গভীর ও অন্তরঙ্গ ভাবে উদ্ঘাটিত হয়েছে। পিতা রবীন্দ্রনাথ, পরিহাসরসিক রবীন্দ্রনাথ, বন্ধন-অসহিষ্ণু রবীন্দ্রনাথ এবং ইংরেজদত্তের প্রবল প্রতিবাদী রবীন্দ্রনাথকে এখানে অন্তরঙ্গরূপে পাই।

বজ্রিত অংশগুলিতে রবীন্দ্রনাথকে আমরা এত কাছের মানুষরূপে পাই যে কেবলো বিস্মিত হই কেন তিনি এসব অংশ বাদ দিতে গেলেন। যেমন, ‘ছিন্নপত্রাবলী’র ২০৮ সংখ্যক পত্র—

পূর্বের অংশ—

ঢং ঢং শব্দে দশটা বাজল। চৈত্র মাসের দশটা নিতান্ত কম বেলানয়—রৌদ্র কাঁ কাঁ করে উঠেছে, কাকগুলো কেন যে এত ডাকাডাকি করছে জানি নে, লকেট কমলালেবু এবং কাঁচামিষ্টে আম-ওয়ালা চুবাড়ি মাথায় উচ্চস্বরে হুঁর করে আমাদের দেউড়ির কাছ দিয়ে ডেকে যাচ্ছে।

বজ্রিত অংশ—

মুখ একটু শুকিয়ে এসেছে—ইচ্ছে করে থানিকটে বরফ দিয়ে এক গ্রাস ঠাণ্ডা দইয়ের সরবৎ খাই।

এই পত্রের শেষে বজ্রিত অংশ—

ভালো ভ্রমণবৃত্তান্ত সব চেয়ে ভারহীন এবং অবকাশের সমস্ত পড়বার সব চেয়ে উপযোগী। কিন্তু কলকাতায় ওসব বই হাতে করতে ইচ্ছে করে না—কারণ, কলকাতায় সে রকম সুন্দর অবিচ্ছিন্ন অবসর নেই। ওসব বই আমি মফস্বলের জন্তে জমিয়ে রেখে দিই। সম্পূর্ণ নিরিবিলি মধ্যাহ্নে কিম্বা সন্ধ্যায় ঐ রকম মোটা বই হাতে নিয়ে বসে ভারী আরাধনের—এমন নবাবিয়ানা পৃথিবীতে অতি অল্প আছে। সত্য বলত, আমার স্বভাবের মধ্যে নবাবি আছে—তা, আছে বটে।

এই পত্রের বজ্রিত অংশ দুটির কোনোটাই ত্যাগ করতে মন চায় না। ছোটো মধ্য দিয়ে কবিত্বাভিমান ও পরিহাসরসিক মানুষের সুন্দর পরিচয় উদ্ঘাটিত হয়েছে।

এই পরিহাসরসিক মাহুষের একটি চমৎকার ছবি পাই নব-সংযোজিত ২১২ সংখ্যক পত্রে। সাহাজাদপুর থেকে লেখা ৬ জুলাই ১৮৯১ তারিখের চিঠি। পূণ্যাহ উৎসবের বর্ণনা দিয়ে কবি লিখছেন—

“.....প্রজারা দলে দলে রাজদর্শন করতে এসে—ঘর বারান্দা সমস্ত পূর্ণ হয়ে গেল। আমার একটি বুড়ো ভক্ত আছে তার নাম রূপচাঁদ স্রেধা—সে একটি ভাকাত-বিশেষ, লম্বা জোড়ান সত্যবাদী অত্যাচারী রাজভক্ত প্রজা। আমাকে যেন সে পরমাত্মীয়েব মতো ভালোবাসে—সে আমার পায়ে ধুলো নিয়ে সিঁধে হয়ে দাঁড়িয়ে বললে, ‘তোমার চাঁদমুখ দেখতে এসেছি’। চাঁদমুখ একবার বোধকরি কিকিং রক্তিমবর্ণ হবার উপক্রম করলে। রূপচাঁদ বললে, ‘কতদিন পরে দেখা—এক বৎসর তোমায় দেখি নি!’শিশুর মতো সবল এবং মনের-ভাব-প্রকাশে অকম সব দাঁড়ি-ভরালা পুরুষমাহুষ একে একে এসে আমার পায়ে ধুলো নিয়ে চুমো খেতে লাগল—কখনো কখনো এরা কেউ কেউ একেবারে পায়ে চুমো খায়। একদিন কালীগ্রামে মাঠে চৌকি নিয়ে বসে আছি, সেখানে হঠাৎ এক মেয়ে এসে আমার দুই পায়ে মাথা বেধে চুমো খেলে—বলি অবজ্ঞাক সে অল্পবয়স্ক নয়। পুরুষ প্রজারাও অনেক পদচূষন করে। আমি যদি আমার প্রজাদের একমাত্র জামদার হতুম তা হলে আমি এদের বড়ো স্থখে রাখতুম—এবং এদের ভালোবাসায় আমিও স্তখে থাকতুম।”

এই পত্রের অন্বিনীত পরিহাসরসিকতা এবং শত্রুর প্রজাবাৎসল্য ও দেশহিতৈষণা—দুট-ই সতর্ক পাঠকের দৃষ্টি এড়িয়ে যাবে না। গ্রামের চাষীদের প্রতি মমতা ও শ্রদ্ধা, বাৎসল্যভাব ও আত্মীয়বোধ “ছিন্নপত্রাবলী”তে প্রকাশিত হয়েছে। [প্র: ১১৬, ২১২ সং পত্র]।

বিশুদ্ধ কৌতুকরসের আশ্রয় ছিন্নপত্রাবলীর নবসংযোজিত পত্রগুলে পাই। ছিন্নপত্রে যা আভাসে ব্যক্ত, এখানে তা স্পষ্টরূপে ব্যক্ত। ২ সংখ্যক পত্রটি এর সুন্দর উদাহরণ। কবি বলছেন,

“কোমরটা যে কেবলমাত্র কাছা এবং কোঁচা পুঁজে রাখার জায়গা তা আর কখনো মনে করব না—মহুষের মজবুত এই কোমর আশ্রয় করে আছে।প্রতিজ্ঞা করে বলছি কোমরের কথা

আর লিখব না। ভারী তো কোমর তার আবার কথা! একে তো aesthetics-এর সমস্ত আইন অবহেলা করে তিনি হাতে বহরে ক্রমিক উন্নতি লাভ করছিলেন, তার উপরে আবার থেকে থেকে তাঁর সহস্র রকম বাহানা। এই কোমরের কথা থাকে বলি সেই হাসে, কারও করুণা আকর্ষণ করে না; কোমর ভাঙা যেন হৃদয় ভাঙা অপেক্ষা কোনো অংশে কম! কিন্তু চাই নে কাউকে বলতে—চাট নে কারও করুণা—

আমার কোমর আমারই কোমর,
বেচি নি তো তাহা কাহারও কাছে!

ভাঙাচোরা হোক, যা হোক তা হোক,
আমার কোমর আমারই আছে!

.....কিন্তু থাক, কোমরের কথা যখন বলব না প্রতিজ্ঞা করেছি তখন বলব না। কারণ, কোমর ছাড়াও মানুষের অন্তান্ত অংশ আছে, তার মন আছে, তার হৃদয় আছে, তার আত্মা আছে—কিন্তু ঘাই বলো, তার কোমরও আছে—এবং খুবই আছে—

প্রমোদে ঢালিয়া দিতু মন,
তবু কোমর কেন টন্টন্ করে রে!
চারি দিকে চলা ফেরা,

আমার কোমর কেন টন্টন্ করে রে।”

এখানে পাঠকের স্মিতহাস্ত ক্রমে উচ্চহাস্তে এবং উচ্চহাস্ত ক্রমে অট্টহাস্তে পরিণত হয়।

এখানেই শেষ নয়, আরো আছে। যেমন, নবসংযোজিত ৫ সংখ্যক পত্রে সাজাদপুর স্কুলের ছাত্রদের সুনীতিসংকারিণী সভার বিবরণী। কবি বলেছেন,—
“এখনকার স্কুলের সেকেণ্ড্‌ মাস্টার আমার হেয়ালি নাট্যের বিশেষ ভক্ত। তিনি বললেন, আমার ‘হেইলি নাট্য’ বাংলা ভাষায় সম্পূর্ণ নূতন—‘পড়া আমরা হেস্তা কুটপাট!’ পরভুদিন সুনীতিসংকারিণী সভায় যাওয়া গেল।”

এর পর ছাত্রদের ভাষণের আপাত গভীর বিবরণ ও সভাপতিরূপে কবির ভাষণের সারাংশ। ভাষণের সভাপতিকৈ ধন্যবাদ জ্ঞাপন। কবির বয়ানে এটি অপরূপ কৌতুকচিত্রে পরিণত হয়েছে।

“প্রথমে উঠলেন হেড-পণ্ডিত, তিনি বললেন তাঁর বলবার ক্ষমতা নেই, কিন্তু আমার বক্তৃতা শুনে এমনি মুগ্ধ হয়েছেন যে সামলাতে পারছেন না—কবিত্বশক্তি বক্তৃত্বশক্তি এবং তার উপরে সংগীতশক্তি আমি ছাড়া আর কোথাও পাওয়া যায় না। এই বলে থপ্ করে বসে পড়লেন। সেকেন্ড-মাস্টার উঠে বললেন—‘পণ্ডিত মহাশয় যা বললেন তাতে আমার মন তৃপ্ত হল না, যথেষ্ট বলা হয় নি। যিনি আজ আমাদের সভায় উপস্থিত আছেন তিনি বড়ো সাধারণ নন—স্বর্গীয় মহাত্মা (এইখানে প্রায় পাঁচ মিনিট-কাল তাঁর নাম মনে পড়ল না, পাশের থেকে কে বলে দিলে) ছারকানাথ ঠাকুরের নাম কে না জানে, সমস্ত পৃথিবীতে তাঁর নাম রাষ্ট্র বললে অত্যাশ্চর্য হয় না—তিনি এঁর পিতামহ—রাজর্ষি বললেও হয় মহর্ষি বললেও হয় দেবেন্দ্র ঠাকুর এঁর পিতা।’ তারপরে এল কবিত্বশক্তি এবং ‘হেইলি নাটা’। আমি শুনে অপ্রস্তুত। তারপরে বললেন বিনয় সম্বন্ধে বক্তৃতা দেবার দরকার কী—Example is better than precept—ইনিই বিনয়ের দৃষ্টান্তস্থল। ইত্যাদি, ইত্যাদি। সবাই হাততালি দিলে। তারপরে সভা ঐক হল।”

আগাগোড়া উচ্ছ্বসিত কৌতুক, আপাত গাঙ্গুলীদের নির্মোকে আবৃত, প্রতিমূর্ত্তেই তা ফেটে পড়তে চাইছে। মজলিশী রবীন্দ্রনাথের অস্বস্তি পরিচয় এখানে পাই।

কিন্তু কেবল কৌতুক নয়, কঠিন প্রতিজ্ঞা, রুদ্ধ রোষ ও আহত দেশ-ভিমানের বেদনাও ‘ছিন্নপত্রাবলী’তে উদ্ঘাটিত হয়েছে। স্বদেশপ্রেমিক আত্মশক্তির উপাসক রবীন্দ্রনাথের সভ্য পরিচয় এখানে পাই। বিশেষ উল্লেখযোগ্য একটি পত্রের সংযোজিত অংশ। কটকে এক ডিনার টেবিলে এক উৎকট ইংরেজের দম্ভ ও অপমানসূচক মন্তব্যের প্রতিক্রিয়ায় দেশপ্রেমী রবীন্দ্রনাথকে পাই। যখন এই ‘পূর্ণপরিণত জন্মরূপ’ বললে যে এদেশের moral standard low, এরা জুরীপদের অযোগ্য, তখন কবির ‘বৃকের মধ্যে রক্ত একেবারে ফুটছিল’। এই উক্তির প্রতিক্রিয়ায় পত্রলেখকের মনের যে পরিচয় পাই, তা আজো বারবার স্মরণযোগ্য। কবি লিখছেন,

উঃ, এদের কি গর্ব, কি অবজ্ঞা! আর আমাদের কি দৈন্ত, কি
 হীনতা! ...আমি একসেপশন সাজতে চাইনি—বহি আমাদের
 জাতের প্রতি তোমাদের কোন শ্রদ্ধা না থাকে, তাহলে আমি
 সন্ধ্যামি করে তোমাদের পুষ্টি হতে বেতে চাই নে। আমি আমার
 জনদের সমস্ত শ্রীতির সঙ্গে আমার সেই স্বজাতির মধ্যে থেকে
 আমার বা কর্তব্য যা করব—সে তোমাদের চোখেও পড়বে না,
 তোমাদের কানেও উঠবে না। তোমাদের উচ্চিষ্ট তোমাদের
 আদরের টুকরোর কণ্ঠে আমার তিলমাত্র প্রত্যাশা নেই, আমি
 তাতে পদাঘাত করি। মুসলমানের শূকর ঘেমন, তোমাদের
 আদর আমার পক্ষে তেমনি। তাতে আমার জাত যায়, সত্য জাত
 যায়—যাতে আত্মাবমাননা করা হয় তাতেই যথার্থ জাত যায়, নিজের
 কোলীজ্ঞ এক যুদ্ধে নষ্ট হয়ে যায়—তারপরে আর আমার কিপের
 গৌরব! যে আপনার অকরের যথার্থ সম্মান নষ্ট করে বাইরের
 জাঁকজমক কেনে তাকে যেন আমরা কিছুমাত্র সম্মান না করি।
 আমাদের ভারতবর্ষের সব চেয়ে জীর্ণতম কুটারের মলিনতম চাৰীকে
 আমি আমাদের আপনার লোক মনে করতে কুণ্ঠিত হব না,
 আব যাগা ফিট্‌ফাট কাপড় পরে dogcart হাঁকায় আর আমাদের
 নিগার বলে, তারা যতই সভা যতই উন্নত হোক, আমি বহি
 কখনো তাদের সংপ্রবের ভক্ত লালায়িত হই তবে যেন আমার
 মাথার উপরে জুতো পড়ে। কাল আমার বৃকের ভিতর মাথার
 ভিতবে এমনি কষ্ট হচ্ছিল যে কিছুতেই সমস্ত রাত ঘুমতে পারি
 নি—কেবল এপাশ ওপাশ ছট্‌ফট করেছি। যখন ড্রিংকমের এক
 কোণে বসলুম আমার চোখে সমস্ত ছায়ার মতো ঠেকছিল—আমি
 যেন আমার চোখের সামনে সমস্ত বৃহৎ ভারতবর্ষ বিস্তৃত দেখতে
 পাচ্ছিলুম,—আমাদের এই গৌরবহীন বিফল হতভাগ্য জন্মভূমির
 ঠিক শিয়ারের কাছে আমি যেন বসেছিলুম—এমন একটা বিপুল
 বিষাদ আমার সমস্ত হৃদয়কে আচ্ছন্ন করেছিল সে আর কী বলব।

[ছিন্নপত্রাবলী, সংখ্যা ৭১]

দেশপ্রেমের আগের অঙ্করে লেখা এই পত্রাংশ রবীন্দ্রনাথ বর্জন করেছিলেন,
 একথা ভেবে বিস্মিত হই। যে রবীন্দ্রনাথ দেশপ্রেমের বাণীনাথক, স্বদেশী

সংগীতের রচয়িতা, আত্মশক্তি ও মহত্ত্বের উদ্বোধক, সেই রবীন্দ্রনাথকেই আমরা নিতান্ত যথোচিত কীর্ত্তন করিতে পারি। এক মনুষ্যের কথা নয়।

কিন্তু ‘ছিন্নপত্রাবলী’র পৌরব সেই ক্ষেত্রেই যে ক্ষেত্রে ‘ছিন্নপত্র’র পৌরব প্রতিষ্ঠিত। প্রকৃতিমুগ্ধ কবিমানসের পরিচয় দুই সংকলনেই উদ্ঘাটিত হয়েছে। ‘ছিন্নপত্রাবলী’র নোটুন পরবর্ত্তে দে পরিচয় আরো মধুর, আরো গভীর, আরো অন্তরঙ্গরূপে প্রকাশিত হয়েছে।

নিম্নক পোটিবিহারী রবীন্দ্রনাথকে এই সব পররচনাকালে সঙ্গ দিচ্ছে চকলা স্তম্ভরী পদ্মা—স্বপ্নভূষণের গ্রামশ্রুতি, নির্জন বাগুচর, স্তম্ভরী আকাশ, বহুস্তরী মধ্যাহ্ন ও মোহিনী সন্ধ্যা। কবিমানসের যোগাধারী পদ্মালালিত ভূগুণ আর নিঃসীম আকাশক্ষেত্র। এই পরিচয়ই কবির সত্য পরিচয়। ‘ছিন্নপত্রাবলী’তে তা অপরূপ মাপুখে কোমলতার কারুণ্যে উদ্ঘাটিত।

এখানে যদুচ্চা কয়েকটি নোটুন চিঠির উদ্ধৃতি সংকলন করা যাক :

- (ক) “এমন স্বন্দর শরতের সকাল বেলা! চোপের উপরে যে কী শুধা বর্ষণ করছে সে আর কী বলব। তেমনি স্বন্দর বাতাস দিচ্ছে এবং পাখি ডাকছে। এটী ভবা নদীর দানে, বগের ক্ষেত্রে প্রফুল্ল নদী পৃথিবীর উপর শরতের সোনালী আলো দেবে মনে হয় যেন আমাদের এই নবমৌসুমের পরটীকাকার সঙ্গে কোন এক জ্যোতির্ময় দেবতাব ভালোবাসাবাদি চলছে—তাই এই আলো এবং এই বাতাস, এই অর্ধ-উদাস অর্ধ-শুখের ভাব, গাছের পাতা এবং ধানের ক্ষেতের মধ্যে এই অবিশ্রাম স্পন্দন—কলের মধ্যে এমন অগাধ পরিপূর্ণতা, কলের মধ্যে এমন হামধ্ব, আকাশে এমন নির্মল নীলিমা। স্বর্গে মর্ত্যে একটা বৃহৎ গভীর অসীম প্রেমাজিনয়। প্রেমের চেহারা একটা গুণ আছে তার কাছে জগতের মহা মহা ঘটনাক্রমে তুচ্ছ মনে হয়, এখনকার আকাশের মধ্যে তেমনি যে একটি তার বাগু হয়ে আছে তার কাছে কলকাতার নৌকাপান হাঙ্গামা খড়কড়ানি ভারী ছোটো এবং অন্তান্ত হৃদয় মনে হয়।”

[সাজাবপুর থেকে লেখা ; ছিন্নপত্রাবলী, সংখ্যা ৩০]

- (খ) “গোলাপ ফুলে বাগান একেবারে আচ্ছন্ন হয়ে গেছে। একটা শিরীষ ফুলের গাছ আগাগোড়া ফুলে ভরে আছে, গন্ধে কুবুঝে

করছে। শিরীষ ফুল যেমন চমৎকার দেখতে তেমনি সুন্দর গন্ধ।……টেবিলে আমার সামনে গুটিকতক ফুল জড়ো হয়ে আছে, একেবারে যেন নরম মিষ্টি আদরের মতো, চোখের সুমের মতো।……শিরীষ ফুল কালিদাসের প্রিয় ফুল ছিল। কালিদাসের বইয়ে শিরীষ ফুল গৌরুমাধবের তুলনামূলক ছিল।”

[কর্মাটার থেকে লেখা; ছিন্নপত্রাবলী, সংখ্যা ১১২]

- (গ) “স্বীকার যখন ইচ্ছামতী থেকে বেরিয়ে সন্ধ্যাবেলায় পত্রার মধ্যে এসে পড়ল তখন যে কী সুন্দর শোভা দেখেছিলুম সে আর কী বলব। কোথাও কোনো ফুল কিনারা দেখা যাচ্ছে না—টেউ নেই, সমস্ত প্রশান্ত গম্ভীর পরিপূর্ণ। ইচ্ছা করলে যে এখনই প্রলয় করে দিতে পারে সে যখন সুন্দর প্রসন্ন মুক্তি ধারণ করে, যে যখন তার প্রকাণ্ড প্রবল ক্ষমতাকে সৌম্য মাধুর্ষে প্রচ্ছন্ন করে রেখে দেয়, তখন তার সৌন্দর্য এবং মহিমা একত্র মিশে একটি চমৎকার উদার সম্পূর্ণতা ধারণ করে। ক্রমে যখন গোপলি ঘনীভূত হয়ে চন্দ্র উঠল তখন আমার মুগ্ধ হৃদয়ের মধ্যে সমস্ত তারগুলো বেজে উঠতে লাগল।”

[কলকাতা থেকে লেখা, ছিন্নপত্রাবলী, সংখ্যা ১০২]

- (ঘ) “আমি চিঠি পাই সন্ধ্যার সময়, আর আমি চিঠি লিখি দুপুর বেলায়। রোজ একই কথা লিখতে ইচ্ছা করে—এখনকার এই দুপুর বেলাকার কথা। কেননা, আমি এর মোহ থেকে কিছুতেই আপনাকে ছাড়াতে পারি নে। এই আলো, এই বাতাস, এই শুকনো আমার রোমকূপের মধ্যে প্রবেশ করে আমার রক্তের সঙ্গে মিশে গেছে—এ আমার প্রতিদিনকার নতুন নেশা, এর ব্যাকুলতা আমি নিঃশেষ করে বলে উঠতে পারি নে।”

[সাজাদপুর থেকে লেখা, ছিন্নপত্রাবলী, সংখ্যা ১৫০]

এই যথেষ্ট। প্রকৃতি প্রেমের উত্তাপে ভরা এ-ধরনের চিঠি ছিন্নপত্রাবলীতে ছড়িয়ে আছে। কবির প্রধান প্রকৃতি-প্রেমমুগ্ধ উদাস ব্যাকুল একটি হৃদয়ের আশ্চর্য প্রকাশ ঘটেছে এই পত্রগুলোতে। সকাল, দুপুর, সন্ধ্যা—তিন প্রহরেই পদ্মালালিত ভূখণ্ড ও মেঘশূভ্র নীলাকাশ কবির দৃষ্টিতে অপরূপ সৌন্দর্যের আকর বলে প্রতিভাত হয়েছে। এই সৌন্দর্যের সঙ্গে শান্তি, গভীরতা ও

গোমাতিক ব্যাকুলতার রমণীয় পরিণয় সাধিত হয়েছে। সোনার তরী-চিত্রা-চৈতালি ও গল্পগুচ্ছের মানসপটভূমি এই পদ্মালানিত নিসর্গ, একথা যেনে নিতে আমাদের বিধা হয় না।

‘ছিন্নপত্র’ের শেষ চিঠির (১৫২ সংখ্যক) আদি রূপ ‘ছিন্নপত্রাবলী’র ২৪৬ সংখ্যক পত্রে পাওয়া যায়। কেবল প্রকৃতিপ্রেমী কবিকে নয়, জ্বালাখাকারকেও আমরা এই অপকল্প পত্রে পাই। চুটি পত্রই মূল্যবান। মূল চিঠিতে তত্ত্বালনা সন্ধ্যার আগমনের বর্ণনার সঙ্গে প্রকৃতির নিত্যপরিবর্তন-শীতলা ও চলমান নবীনতার ইঙ্গিতটি রয়েছে। ছিন্নপত্রের অন্তর্গত সংকলিত পত্রে সেই ইঙ্গিত-বর্ণনাটি বজিত হয়েছে; কিন্তু সন্ধ্যার অভিসারিকা রূপটি ত্রুটিহীন নিখুঁত শিল্পকর্মে পরিণত হয়েছে। সবটা মিলিয়ে পড়লে কেবল মুগ্ধ হ’য়ে বলতে ইচ্ছা করে Here is God’s plenty, কেবল স্বীকার করতে মন চায় রবীন্দ্রনাথ নামক প্রজাপতি-ব্রজা তাঁর অর্ধমনস্ক পত্রেও আপন বিকৃতি ও মহিমাকে গোপন করতে পারেন নি।

॥ ৪ ॥

‘ছিন্নপত্রাবলী’র সাহিত্যমূল্য সম্পর্কে কি কবি সচেতন ছিলেন না—এই প্রশ্নের আলোচনা এড়িয়ে যাওয়া যায় না। পত্রসাহিত্য কবি-ব্রজার অর্ধমনস্ক সাহিত্যসৃষ্টি, একথা যেনে নিলেও এর মূল্য কবে না। ছিন্নপত্রের সংকলন-কালে সম্পাদক-রবীন্দ্রনাথ পত্রলেখক-রবীন্দ্রনাথের লেখার উপর নির্মমভাবে কলম চালিয়েছিলেন। তার ফলে যেমন অন্তরঙ্গ ধরোয়া বা’ক-রবীন্দ্রনাথের পরিচয় বেশ কিছুটা ঢাকা পড়েছে, তেমনি কবিস্বভাবের অনেক কন্কেস্তনও বাদ গেছে। সুখের বিষয় ‘ছিন্নপত্রাবলী’তে তা পুনঃসংযোজিত হয়েছে।

এই-সব পত্রে কবিমানসের যে পরিচয় ব্যক্ত হয়েছে, তা আর কোথাও পাওয়া যাবে না—এই সত্য পত্রলেখকের অবিস্মৃত ছিল না, তার প্রমাণস্বরূপ ‘ছিন্নপত্রাবলী’র ১৬০ সংখ্যক (অংশতঃ সংযোজিত) ও ২০০ সংখ্যক (নোতুন) পত্রে। পত্ররচনার কেবল লেখকের নয়, প্রাপকেরও একটি মূল্যবান কৃমিকা আছে। যেমন এই সত্য রবীন্দ্রনাথ প্রকাশ করেছেন, সেই সঙ্গে এইলব চিঠির মূল্য যে কবিমানসের সত্য পরিচয় উন্মোচন, সে-কথাও তিনি ব্যক্ত করেছেন।

প্রাসঙ্গিক উদ্ধৃতিতে এই বক্তব্যের পোষকতা হবে। ১৬০-সংখ্যক পত্রের নবসংযোজিত অংশে ইন্দিরাদেবীকে রবীন্দ্রনাথ লিখেছেন,

“আমিও জানি [বব] তোকে আমি যে সব চিঠি লিখেছি তাতে আমার মনের সমস্ত বিচিত্র ভাব যে রকম ব্যক্ত হয়েছে এমন আর কোনো লেখায় হয় নি। আমার প্রকাশিত লেখা আমি হৃদয়ের দিষ্ট, ইচ্ছা করলেও আমি তাদের এ-সমস্ত দিতে পারি নে। সে আমার ক্ষমতার মধ্যে নেই। তোকে আমি যখন লিপি তখন আমার একথা কখনো মনে উদয় হয় না যে, তুই আমার কোনো কথা বুঝবি নে, কিছা ভুল বুঝবি, কিছা বিশ্বাস করবি নে, কিছা যেগুলো আমার পক্ষে গভীরতম সত্য কথা সেগুলোকে তুই কেবল মাত্র সুরচিত কাব্যকথা বলে মনে করবি। সেটী ক্ষেত্রে আমি যেমনটি মনে ভাবি ঠিক সেই রকমটি অনায়াসে বলে যেতে পারি।”

[৭ অক্টোবর ১৮৯৪]

আর ২০০-সাপাক নবসংযোজিত পত্রে রবীন্দ্রনাথের গভীর আন্তরিক কণ্ঠস্বর বেজে উঠে—

“আমাকে একবার তোর চিঠিগুলো দিস [বব], আমি কেবল ওব পেকে আমার সৌন্দর্যসন্তোগগুলো একটা খাতায় টুকে নেব। কেননা যদি দীর্ঘকাল বাঁচি, তা হলে এক সময় নিশ্চয় বুড়ো হয়ে যাব, তখন এটী-সমস্ত দিনগুলো স্মরণের এবং সান্ধ্যের সামগ্রী হয়ে থাকবে। তখন পূর্বজীবনের সমস্ত সঞ্চিত স্মরণ দিনগুলিব মধ্যে তখনকার সন্ধ্যার আলোকে দীপ্ত দীপ্ত বেড়াতে ইচ্ছা করবে। তখন আজকের এই পদ্মার চর এবং ব্রিষ্ট শাক্ত বসন্ত জ্যোৎস্না ঠিক এমনি টাটকাভাবে ফিরে পাব। আমার গন্তে পন্তে কোথাও আমার সুখদুঃখের দিনরাত্রিগুলি একরকম করে গাঁথা নেই।” [১১ মার্চ ১৮৯৫]

পত্রলেখকের সহযাত্রী হয়ে আমরা যখন ‘ছিন্নপত্রাবলী’তে সঞ্চিত অনেক সকাল ছপূর সন্ধ্যার ভিতর দিয়ে চিঠির সর্করাপ্তা বেয়ে পদ্মালালিত নির্জন চরভূমি, স্নেহময় তন্ত্রালস জনপদ এবং নিঃসীম মীলাকাশে মানস-পরিভ্রমণ করি, তখন রবীন্দ্রমানসের এক নোতুন পরিচয় আমাদের বিম্বিত দৃষ্টিপথে উদ্ঘাটিত হয়, প্রজাবৎসল স্বাভাভাভিমানী আত্মবর্ধনালস্পন্ন পরিহাসরসিক চিন্তাশীল বিবদ প্রকৃতিপ্রেমী কবি-ব্যক্তির অপরূপ মহিমার উজ্জলিত হয়ে ওঠে।

